



BIBLIOTECA NAZ.

Vittorio Emanuele III

XLVI

A

45

NAPOLI

VI.
45.







XI.VI

a

45



I. Bodini
METHODVS
*ad Facilem
Historiarum
Cognitionem.*



Amstelædami
Sumptibus Joannis Ravestein
1650.





IO. TEXTORI

Curiae Inquisitionum

P R Æ S I D I

IOANNES BODINVS

S. P. D.



Vemadmodum flores historia-
rum legere, ac suauissimos de-
cerpere fructus oporteret, hac
methodo, Praeses integerrime,
complecti propositum erat. quod
quidem si consecuti videmur, ti-
bi acceptum ferri debet: qui me renitentem, o-
ratione gravi, admista incredibili suauitate
bonitatis, excellentisque natura tua, ad id sa-
pius impulisti. si res aliter atque vellem ceci-
dit, hoc mea culpa contractum agnosco: quam
tamen apud alios iudices leuiorem fore puta-
vi, si primum tibi, hoc est vestrae Curiae mitis-
simo iudici, meam causam probarem: ut si plus
esset abs te veritati quam amicitia tributum,
eo praesudicio confirmatus, alios exceptione rei
iudicata summo verem: aut si plus faueres a-
mori erga me tuo, iudicis persona deposita, pa-
trocinio mea iuuares: quamquam neque ex
mea voluntate, & praeter expectationem a
altiore quodam de legibus instituto sum
hoc genus scriptionis casu delapsus: id autem
breuiter explicare tibi proposui, tum ut equior
sis erga me futurus (quamquam equior esse
non potes) in hac methodo iudicanda: tum et-
iam ut eos, quibus otii satis est, ingenii vero,
scientia, iudicii, multo plus quam mihi, ad
hac

hac pulcerrima studia cohortere. Cum in forum venissem, ut scena, quod dicitur, ac populo servirem, hoc primum mihi proposui, ut tempus omne vacuum à forensibus negotiis in legitima studia conferrem, ac Reipublica, cui post Deum immortalem omnia debemus, sive scriptis, sive quocunque modo possem, gratias referrem. Sed cum animadverterem triplex omnino scribendi genus esse: unum in rebus inveniendis, & materia suppeditanda: alterum in rebus ordine tradendis, & forma perpoliendis: postremum in maculis veterum librorum eluendis: mirum mihi visum est, tam multos esse ac semper fuisse rerum inventores; qui vero res inventas arte ac ratione traderent, admodum paucos. Vt enim alias artes omittam, innumerabiles prope scriptores habemus, qui ius civile Romanorum suis commentariis tantopere auxerunt, ut nulla re magis, nullo graviore morbo, quàm sua magnitudine laborare videatur. Nam quo quisque magis in scribendo ineptus, eo maiorem librorum multitudinem effudit: qui tamen arte concluderit ea quæ dispersa dissectaque leguntur, video fuisse neminem: & eos qui speciosa librorum inscriptione artem illam se tradituros receperant, vadimonium deseruisse: quinetiam ab eo, quod proposuerant, tam longe absuisse, ut quid sit ars ipsa, ne suspicari quidem videantur. Sunt enim artes ac scientiæ, id quod tu minime ignoras, non singulorum, sed universorum. at illi juris civilis, id est singularis cujusdam civitatis artem tradere sunt conati; quam sapienter, non disputo: nihil tamen artis dignitate ac præstantia potuit alienius cogitari. Omitto quam sit absurdum, ex Romanis legibus, quæ

paulo

paulo momento mutabiles fuerunt, de universo jure statuere velle: praesertim cum edictorum ac legum infinita multitudo, post etiam Aebutia rogatione, omnes pene duodecim tabularum leges, ac subinde veteres novis renascentibus sublatae fuerint. quinetiam Iustiniani pene jus omne à consequentibus imperatoribus abrogatum videmus. omitto quam multa sunt in illis quae restant legibus, absurda: quam multa iustis populorum pene omnium decretis, usque diuturno antiquata: nullius tamen populi, praeterquam Romani, leges, & quidem ordine perverso, descripserunt. legissent Platonem, qui legum tradendarum, ac moderanda civitatis unam esse formam putavit, si omnibus omnium, aut magis illustrium Rerumpublicarum legibus in unum collectis, viri prudentes eas inter se compararent, atque optimum genus ex iis conflarent. Ad hoc igitur institutum omnia mea studia, omnes contuli cogitationes. principio Iuris universi formam sic adumbravimus in tabula, quam tibi exhibuimus spectandam, ut ab ipsis causis summa genera, generumque partitionem, ad infima deduceremus: ea tamen ratione, ut omnia membra inter se apta cohaerent. in quo verissimè à Platone dictum intellexi, Nihil difficilius ac divinius, quàm recte partiri. deinde postulata constituimus, quibus tota disciplina, veluti firmissimis fundamentis niteretur. tum definitiones subicimus: postremo praecepta, quae regulae appellantur, quae brevitate fieri potest, propositam formam, velut ad normam exigimus. ex adverso brevissimis notis Romani Iuris interpretes adjicimus, ut ex iisdem fontibus, quibus ego, haurire ad satietatem quisque possit. altera ex

ra ex parte leges populorum, qui militari urbanaque disciplina claruerunt, undique collectas annectimus: quam quidem ad rem, Iurisconsultorum simul & Historicorum ponderibus utimur, ut Persarum, Græcorum, Ægyptiorum, non minus quam Romanorum legibus tribuatur. ex Hebraorum quoque Pandectis, potissimum ex libris Sanedrim, optima quaque haurire proposuimus: in quo mihi suam operam Ioan. Quinquarboreus, ac Mercerus, Hebraica lingua regii doctores, mihi non defuturam sponponderunt. Hispanorum quidem leges & Britannorum, atque omnino clariorum Italia ac Germania civitatum iura nobis ne desint (nam obscuriores conquirere infinitum sit) effecturum me non diffido, ut cum nostris simul conjungantur. optarem illud quoque ut Turcarum iure civili perinde frueremur: aut certe ius publicum, quo florens illud ac prepotens imperium stabilitum est, quodammodo teneremus. his accedet forensis doctrina, summaque auctoritas rerum, tum in vestra, tum in imperiali Curia decretarum: quas partim nostrorum hominum, partim Guarini, & Mynsingeri opera consecuti sumus. sic enim Polycleti norma leges, & legis actiones: Lesbia vero aquitatem, & iudicis officium examinare decrevimus. Hac igitur omnia Iurisconsultorum, atque Historicorum probata & confirmata sententiis, artem illam efficiunt & clariorem, & augustiorem, quam si ab unius populi Romani arbitrio penderet: tametsi Græculorum sigmenta esse quæ habemus, magna sui parte comperiuntur. nam quindecim viri legibus constituendis à Iustiano creati, cum fœda barbarie omnia pre-

merentur, legum fontes adeo conturbaverunt, ut nihil fere à sordibus & luto purum hauriatur. ex quo secuta est immensa diffusaque legum copia, tum ut legum inter ipsas discrepantia tolleretur: tum etiam ut ab integro corpore avulsa membra, utcumque coagmentari possent. ex quo veteres interpretes magno ingenio, labore verò pene incredibili fuisse intelligi potest: tum etiam ex eorum scriptis, quae tot ac tam multa effuderunt, ut omne suum tempus in scribendo posuisse, nihil ad legendum reservasse videantur. sed cum in miserrima tempora intidissent, quibus nec bonis artibus erat nec humanitati locus: suis scriptis plerisque ab hac scientia deterruerunt. cum enim juventus à suavissimis eloquentia ac philosophia floribus & hortulis, ad illa senticeta prae-ruptaque saxa vocaretur, animum plane de-jiciebat: & quo quisque elegantius erat à natura, uberius etiam à doctrina perpolitus, eo magis refugiebat ab ejus scientia aditu, qui vepribus ac spinis interclusus tenebatur. postea verò quam perpurgari coepit, tum legibus Romanorum sua prisca dignitas restitui visa est. Ex iis ergo interpretibus, quorum delectum habemus, quibusque ad leges describendas utimur, quatuor sunt genera. unum est eorum, qui in scholis perpetua disputatione legum memoriam comprehensam habent: sed tamen sine usu & exercitatione forensi. sequuntur ii, qui diuturno rerum forensium usu paucis quibusdam praeceptis, judicandi prudentiam sibi compararunt. tertium genus est eorum, qui ab his quidem usum, ab illis praecepta didicerunt: quales inter nostros habemus Speculatorem, Fabrum, Guidonem, Chassaneum,

Boerium, Baronem, Conanum, Tiraquellum, ejusque popularem Brissonium, & collegii nostri decus Molinaum; ex quibus uberes in causis civium disceptandis ac judicandis percipimus utilitates: ex illis prope nullas. Nam qui sine forensi disciplina Iuris scientiam se adeptos arbitrantur, plane consimiles sunt iis, qui seipsum in palastra semper exercuerunt, nullas tamen acies viderunt, nullos militia labores tulerunt, itaque hostium aspectum ferre non magis possunt, quam is qui in scholis Biturigum tanta cum gloria florebat, id est Strabo inter cecos acutissime cernebat: cum in forum venisset, de levissima questione consultus obmutuit, non sine acerba Riandi reprehensione. Tales ergo Iurisconsultos Io. Ferrerius tuus collega, vir omni laude cumulatus, & qui nunc legatum apud Venetos agit, gravi testimonio de falsa illa, quam de seipsis concipiunt, juris opinione depellere solebat, cum multis audientibus ingenue fateretur, se lus ante ignorasse, quam in vestra Curia literas forenses ac senatorias usu diuturno comparasset. non aliter atque Demades orator, qui Reipublice gerenda scientiam, non in scholis & otio, sed in clarissima populi luce didicisse gloriabatur. Extremum genus est eorum, qui non modo preceptis ac usu forensi, verum etiam praeclaris artibus, & solida philosophia informati, iustitia naturam non ad hominum voluntates mutabilem, sed aeterna lege definitam amplectuntur: qui normam aequitatis perite tractant: qui juris origines ab ultimo principio deducunt: qui omnis antiquitatis cognitionem accurate tradunt: qui principis, senatus, populi, magistratuumque Romanorum impe-

imperium ac potestatem plane tenent: qui philosophorum de legibus & Republica disputationes ad Ius interpretandum afferunt: qui Græcam & Latinam linguam, quibus descripta sunt leges, minime ignorant: qui denique artem universam suis finibus circumscribunt, generibus notant, in partes distribuunt, verbis designant, exemplis illustrent. Has dotes eximias si haberent interpretes illi veteres, haud dubium est, quin ista, quam terimus, commentariorum squallens silva, lautis adolescentibus jucundior fuerit, & Reipublica utilior futura. ex ea tamen aureas definitiones ad instituti nostri rationem legimus, & magnam gratiam illis habemus, quod suorum studiorum qualescunque fructus liberaliter ad Rempublicam detulerunt. Atque utinam eorum exemplo vestri quoque Papiniani, Scævola, La-beones (neque enim aliis nominibus appellandi sunt) quos ad equitatem natura genuit, disciplina informavit, usus assuefecit, quantum valent, tantum velint. quid enim tantam sapientiam latere potest? aut qui merito majore post homines natos Iurisconsultorum nomine fruuntur? neque enim ulla pars orbis terrarum æque floret omni disciplinarum genere, ut Europa: nec ulla pars Europa legum scientia clarior fuit unquam, ut his temporibus Gallia (id quod etiamnum peregrini homines constituentur) nec theatrum Gallia ornatiùs ullum hac ipsa urbe: tum propter lumen hujus Curia, tum etiam propter urbis cum universo terrarum orbe communionem, & quasi societatem. Quæ cum ita sint, non existimo, id quod à Platone de sanandis populis & confor-mandis legibus scriptum est, à Solone & Ly-

curgo in summa legum inopia, diuturnaue
 peragratiōe susceptum: à decemviris tota
 Gracia quasitum (neque enim Adriano, vel
 Iustiniano cura fuit juris alieni) commodius,
 aut facilius quam his eruditis temporibus, &
 in hac forensi schola confici posse. neque du-
 bium est, quin Franciscus major, si diuitius
 vixisset, hoc quoque suscepturus fuerit, & ad
 exitum perducturus. non enim è Gracia Iuris-
 consultos arcessere, nec aliunde Legumlatōres
 accire oportuisset. sed tali ac tanto Rege nobis
 abrepto, miseranda conversio secuta est. cum
 enim sementem in literarum agros sparsisset, ii
 qui florentem scientiarum segetem, ac fructus
 pendentes legere debuissent, putredine corrup-
 pi maluerunt: sublatis scilicet agricolarum
 premiis, ut ignavissimis ac turpissimis homini-
 bus tribuerentur. neque enim sine acerbissimo
 sensu doloris reminisci possum, clarissima inge-
 niorum lumina, qua tota Gallia fulgebant,
 squallore & inopia extincta fuisse. Restat igitur
 ut vos, quibus nullum tempus munere pu-
 blico vacuum datur, Semelorios, Portas, Ca-
 naios, Mangones, quibus otium peperit rerum
 omnium affluentia, pro vestra, qua summa est,
 auctoritate urgeatis: ut suis quoque scriptis be-
 ne de legibus mereri studeant, vel potius gra-
 tiam referant bene de se meritis, quarum ope-
 tales ac tanti evaserunt. quod enim suis consul-
 toribus assidue cavent ne capiantur, faciunt
 quod sua virtute ac sapientia dignum est: sed
 est ejusmodi virtutis ac sapientia cavere, ut
 divina illa responsa, qua in vulgus manare
 patiuntur, quaque famam non modo sempiter-
 nam, sed etiam salutem Reipublica pariunt,
 ad posteros etiam derivari possint. quod ab iis
 sperari

sperari non debet, quos nemo de jure consulere
 velit: qui se grammaticos malunt, quam iuris-
 consultos haberi, qui falsam scientia, nullam
 aequitatis opinionem induerunt, qui syllaba-
 rum momenti Rempublicam servari, judi-
 cia constitui, lites dirimi putant. quae sane pestis
 grammaticalis, in intimos omnium discipli-
 narum aditus usque eo serpere coepit, ut pro
 philosophis, oratoribus, mathematicis, theolo-
 gis, minutos de schola grammaticos ferre cogamur.
 nam qui labes ac maculas de tabulis an-
 tiquis leniter detergere debuissent, ut pictura
 vetus agnosceretur, ferreo stylo turpes notas, &
 quidem indelebiles, tam alte in libris omnibus
 impresserunt, ut nulla pene antiquitatis appa-
 reat imago. sed iis omissis, qui sua se volunta-
 te ex albo doctorum hominum exemerunt, ad
 historiam, unde nostra fluxit oratio, relabor.
 Ex hac igitur veterum leges huc illuc di-
 spersas colligimus, ut huic quoque operi con-
 jungamus. & quidem in historia juris uni-
 versi pars optima latet: quodque ad leges opti-
 me dijudicandas magni ponderis est ac mo-
 menti, mores populorum, ac rerum omnium
 publicarum initia, incrementa, status, conver-
 siones, exitus ab ea derivantur. in quo prae-
 cipuum est hujus methodi argumentum, pro-
 pterea quod fructus historia nulli sunt uberio-
 res, quam qui de statu Rerumpublicarum de-
 cerpi consueverunt. atque eo de genere plura
 quam de reliquis partibus scripsi, quod eam
 disputationem tam necessariam ad intelligen-
 dum, pauci, & quidem frigide tractarunt. quae
 disputatio si nimis ampla cuiquam, ac diffusa
 videbitur, cogitare debebit, ea quae nullum ex-
 itum habent, cujusmodi est historia rerum hu-

manarum, non posse brevi methodo contineri. quod si Galenus de sola methodo sua artis, qua certis regionibus concluditur, libros plus quam triginta: Diomedes vero de re grammatica sex millia librorum effudit: profecto non debet id quod de universa historia scriptissimus, copiosum videri. quanquam istuc quicquid est, quod jam pridem ad te detuli, modis omnibus exiguum fore confido, præ illa fama, quam de singulari eruditione, deque virtutibus tuis concitasti. quarum virtutum laudes eximias, nec in tam obscuro loco detegere, nec apud te predicare decrevi. Bene vale.
Cal. Feb. M D LVI.

INDEX CAPITVM.

Cap.	Pag.
I. Quid historia sit & quotuplex.	8.
II. De ordine historiarum.	13.
III. De locis historiarum recte instituendis.	21.
IV. De historicorum delectu.	35.
V. De recto historiarum iudicio.	79.
VI. De statu Rerum publicarum.	154.
VII. Confutatio eorum qui quatuor monarchias, aureaque secula statuunt.	310.
VIII. De temporis universi ratione.	323.
IX. Qua ratione populorum origines haberi possint.	359.
X. De historicorum ordine & collectione.	395.

IOANNIS BODINI
METHODVS

ad facilem

HISTORIARVM
COGNITIONEM.

PROOEMIUM

*De facilitate, oblectatione & utilitate
historiarum.*



Cum historia laudatores habeat complures, qui veris eam ac propriis laudibus exornarunt, ex omnibus tamen nemo verius ac melius, quam qui vitæ magistram appellavit, nam ea vox omnes omnium virtutum ac disciplinarum utilitates amplexa, significat hominum vitam universam ad sacras historiæ leges, velut ad Polycleti normam, dirigi oportere, certe philosophia quæ ipsa vitæ dux appellatur, propositis bonorum ac malorum finibus intermorta jaceret, nisi ad rerum præteritarum historias omnia dicta, facta, consilia, revocarentur: ex quibus non solum præsentia commode explicantur: sed etiam futura colliguntur, certissimaque rerum expetendarum ac fugiendarum præcepta constantur. Itaque mirum mihi visum est in tanta scriptorum multitudine, tamque eruditis temporibus adhuc fuisse neminem, qui majorum nostrorum claras historias inter se, & cum rebus gestis antiquorum compareret. id autem fieri commode poterat, si collectis omnibus humanarum actionum generibus, ad hæc exemplorum varietas apte & suo quidque loco accommodaretur: ut ii, qui se flagitiis pe-

nitus dedissent, iustissimis maledictis pro-
 scinderentur: qui autem ulla virtute clari-
 fissent, suo merito laudarentur, hic enim historia-
 rum fructus est vel maximus, ut alii quidem
 ad virtutem inflammari, alii à vitiis deterreri
 possint, tametsi enim boni per se laudabiles
 sunt, etiam si à nemine laudentur, nihilomi-
 nus tamen præter ea, quæ virtuti præmia pro-
 ponuntur, hunc etiam laudis fructum, quem
 plerique solum ducunt, vivos ac mortuos con-
 sequi par est: ut indigne ferant scelerati bonos
 qui ab ipsis opprimuntur, in cælum usque tolli.
 se vero suorumque nomen æterna labe macula-
 ri: quod etiam si dissimulant, non tamen sine a-
 cerbissimo sensu doloris ferunt. neque enim ve-
 rum, ac ne verisimile quidem esse putò, quod
 Trogus Pompejus de Herostrato, T. Livius de
 Manlio Capitolino tradunt, magnæ quam bo-
 næ famæ fuisse cupidiores: sed alterum, opi-
 nor, vitæ desperatio mentisque furor; alterum
 maioris gloriæ spes impulit, ut suis popularibus
 imperaret, aut sane fatendum sit homines gloriæ
 cupidos æquo animo contumelias ferre, quod si-
 bi ipsi valde repugnat. nam si recludantur im-
 piorum mentes, ut est apud Platonem, æque
 verberum ictus & laniatus, atque cæso corpore
 cruentæ vibices, aut ferri candentis impressiones
 aspicere possint; & qui inter eos gloriæ cupido-
 res sunt, quamquam veræ laudis cultum nullum
 habent, sed tamen qui gloriam inanem captant,
 incredibile dictu est, quantum eos laceret & con-
 ficiat infamiæ metus. ac si qui sunt adeo stupi-
 di, ut animos una cum corporibus interire pu-
 rent, quamdiu tamen vivunt, plurimum sua in-
 teresse arbitrantur, qualem de se opinionem po-
 steritas sit habitura, sæpiusque vota faciunt, ut
 se mortuis, quamquam Nero id optabat, ut se vi-
 vo, terrarum deflagratio consequatur. argumen-
 to sit Tiberius Augustus, qui etsi multa crude-
 liter ac libidinose animi quadam impotentia
 gessit, sceleratior tamen futurus erat, nisi famæ
 curam haberet, itaque flagitiorum latebras in re-
 mota

mota quadam insula quæsit, cumque imperio se minime dignum judicaret, patris patriæ appellationem, & imperium obstinatissime (ut loquitur Tranquillus) recusavit: ne mox majore dedecore impar tantis honoribus inveniretur. extat ejus oratio habita in Senatu, qua unum ait principi comparandum, prosperam sui memoriam, alioqui famæ contemptu contemni virtutes. extant epistolæ magno cum gemitu ab eo scriptæ, quibus de anteacta vita misera conqueritur, seque posteritatis graves contumelias jam sentire, nec tamen mores mutare posse. hic autem infamiæ metus in principibus, hæc utilitas historiæ Cornelio Tacito tam magna visa est, ut vel sola homines ad ejus lectionem & scriptionem debeat inflammare. At illud quanti est, quod omnium artium, & earum maxime quæ in agendo positæ sunt, inventrix & conservatrix est historia? quæ enim sunt à majoribus usu diuturno percepta & cognita, historiæ thesauris commendarunt, tum posteri observationibus præteritis futuras annectunt, causasque rerum abditarum inter se comparant, earumque effectrices & cujusque fines quasi sub aspectum positos intuentur. Quid autem ad immortalis Dei gloriam, quid ad veram utilitatem majus esse potest, quam quod ab historia sacra, religio adversus Deum, pietas in parentes, charitas in singulos, justitia in omnes propagatur? unde vero prophetarum voces & oracula, unde animorum æternam vim ac potestatem, nisi ab historiæ sacro fonte hauserimus? Sed præter utilitatem incredibilem, quæque duæ res in omni disciplina quæri solent, facilitas & oblectatio, ambæ in historiarum cognitione ita conspirant, ut nec facilitas in ulla scientia major, nec par voluptas inesse videatur, facilitas quidem tanta est, ut sine ullius artis adjumento, ipsa per sese ab omnibus intelligatur; nam in aliis artibus, quod omnes inter se aptæ & iisdem vinculis colligatæ sunt, altera sine alterius cognitione percipi nequit,

historia vero quasi supra scientias omnes in altissimo dignitatis gradu locata, nullius eget ope, ac ne literis quidem ipsis, cum auditione sola, veluti per manus tradita, posteritati relinquatur. itaque Moses uno capite legis, Narrabis, inquit, hæc filiis tuis: cum suæ Reipub. ac librorum interitum auguraretur: cum autem intereant imperia, Respub. urbes: historia nihilominus æternum viget, ut ait ille, ac verissimè Cicerò providit prius interituram Salaminam, quam quæ ad Salaminam gesta memorantur: est enim aquarum voragine penitus exhausta: non aliter atque Ægyram, Buram, Helicen, Cretæque ipsius, quæ propter nubium frequentiam olim *ἐκτόμωσις*, nunc Tripolis dici potest, ac nostro seculo Bataviæ magnam partem aquæ absorbuerunt, at historiæ nisi humani generis interitus antecedit, interibunt nunquam: sed in animis agrestium quoque & imperitorum perpetuo hærebunt. Ad facilitatem accedit ea quæ ex rerum pulcerrimarum narratione percipitur voluptas; quæ profecto tanta est, ut qui semel historiarum illecebris captus ac delinitus fuerit, nunquam ab earum suavissimo complexu divelli se patiatur, quod si tanta sciendi cupiditate feruntur homines, ut etiamnum ex ipsis fabulis capiant voluptatem, quanto major futura est cum verissimè gesta narrantur? quid autem suavius quam in historia velut in proposita subiectaque tabula res intueri majorum? quid jucundius quam eorum opes, copias, ipsasque acies inter se concurrentes cernere? quæ certe voluptas est ejusmodi, ut omnibus interdum corporis & animi morbis sola medeatur, testes sunt, ut alios omittam, Alphonso ac Ferdinando Hispaniæ & Siciliæ reges, quorum alter à T. Livio, alter à Q. Curtio valetudinem amisissam, quam à medicis non poterant, recuperaverunt, testis est etiam Laurentius Medices (is qui literarum parens usurpatur) qui sine ullis medicamentis (quanquam historia salutare est medicamentum) à morbo convalescere dicitur,

ex ejus historiæ narratione quæ fertur de Conrado III. Imper. qui cum Guelphum Bavarix ducem obsidione diuturna fregisset, nec ullis conditionibus à proposita susceptaque urbis everfione deduceretur, ad extremum victus nobilium feminarum precibus permisit, ut inviolatæ abirent; ea lege, ut nihil ex urbe, nisi quod humeris possent, exportarent. tum illæ, confidentia majore dicam an pietate, ducem ipsum, maritos, liberos, parentes ab humeris suspensos gestare cœperunt: ex quo Imperator tantam voluptatem cepit ut effulis præ gaudio lacrymis, non modo feritatem & iracundiam ex animo penitus deposuërit, verumetiam urbi percerit, & amicitiam cum hoste omnium acerrimo contraxerit. Quis igitur dubitet, quin historia hominum quoque ferocium ac stupidorum animos suavissima compleat oblectatione? ac verecundum potius est, ne dum nimis magna voluptate capimur, utilitatem (quanquam in oblectatione quoque utilitas est) deferamus. Id autem accidit iis, qui rerum levissimarum narrationibus, quasi cellaris & condimentis, neglecto solidiore cibo pascuntur. Igitur ommissa historiæ oblectatione ad utilitatem relabor; quæ quanta sit, non solum in verissimis narrationibus, verumetiam in illis, in quibus historiæ imago & lux aliqua veritatis affulserit, non infinitis argumentis planum faciam, cum ex iisdem fontibus illa, quibus ego, haurire quisque possit, sed unius tantum Scipionis Africani exemplum proponam. Is enim cum Cyripædiam Xenophontis animo penitus haberet comprehensam, ex eaque omnes omnium virtutum ac laudum cumulos collegisset, tantus vir evasit, ut non modo bellum ingens in Hispania (sic enim Livius scribit) non alia de causa exarserit, quam ex admiratione Scipionis, aliorum imperatorum orto contemptu: verumetiam latronibus ipsis sanctus & inviolatus extiterit. cum enim piratæ ad ejus ædes rusticas adiissent, eosque ab aditu quasi Scipioni

vim illaturos servi obsessi strenue propulsarent; illi supplices à servis petierunt ut sibi divinum illum hominem contueri ac venerari liceret: quod ille re intellecta pernisiit, ut latronum barbariem (tamen si ne barbari essent jam sua virtute perfecerat) ad humanitatem revocaret. hunc igitur veræ gloriæ fructum attulit historia Cyri majoris, non tam vera, quam ad justissimi & fortissimi regis ideam expressa. Sed ne vetera conquiramus, nullum recentius exemplum aut illustrius est, quam de Selimo Turcarum principē, cujus majores cum ab historia velut à fabulis semper abhorruissent, primus ipse gesta Cæsaris in linguam vernaculam transferri curavit, ac ejus imitatione, brevi magnam Asiæ minoris & Africæ partem cum imperio majorum conjunxit. Quid autem Cæsarem ipsum ad eam virtutem impulerat, nisi æmulatio Alexandri? cujus victorias cum legeret, lacrymas uberius effudit, quod ea ætate, qua ille terrarum orbem domuerat, nihil dum gessisset. quid item Alexandro tot victoriarum causa fuit, nisi virtus Achillis ab Homero (sine quo ne somnum quidem capiebat) ad imperatoris optimi exemplar efficta? quid denique Carolum Quintum Imperatorem, ne peregrinis utamur exemplis, ad tantam gloriam extulit, nisi Ludovici XI, Regis Gallorum ab historia Cominii æmulatio? Iam verò cum historia infinitam habeat utilitatem, facilitatem maximam, majorem etiam oblectationem, nullius unquam probris est appetita: & cum cæteras artes quasi perniciosas aut inutiles plerique sint calumniati, nemo tamen est inventus, qui antiquitatis memoriam ulla infamiæ labe notarit: nisi fortasse is, qui cum omnibus virtutibus ac disciplinis bellum indixisset, historiam mendacii coarguit: sed ea reprehensio fabularum sit, non historiarum, quæ nisi veræ sint, ne historiæ quidem appellari debent, ut Platoni visum est: is enim omnem rationem ait veram esse aut falsam: hanc appellat Poësim, illam vero Historiam.

storiam. Quanquam quid argumenter, cum ex
 ipsis Homeri fabulis, quæ historiæ ac veritatis
 imaginem præ se ferunt, tanta utilitas eruatur,
 quales ab historia fructus sperare oportet?
 Quare cum ab historia penitus erudiamur, non
 solum artes ad vitam degendam necessarias,
 verumetiam quæ omnino sunt expetenda, quæ
 fugienda, quid honestum, quæ optimæ leges,
 quæ optima respublica, quæ beata vita, postre-
 mo cum sublata historia, Dei cultus, religiones,
 oracula temporum decursu tollantur: hujus ego
 scientiæ utilitate incredibili ad hanc scriptio-
 nem adductus sum, cum magnam historico-
 rum ubertatem & copiam animadverterem
 non decesse, qui tamen historiæ artem ac me-
 thodum tradidisset, fuisse neminem: ac ple-
 rosque temere & sine ordine miscere histo-
 rias, nullosque ex iis percipere fructus. An-
 tea quidem fuere nonnulli, qui de instituen-
 da historia libros scripserunt: quam sapienter
 non disputo, habent illi fortasse sui consilii
 causam probabilem: mihi tamen si iudicium
 ferre liceat, consimiliter facere videntur, ut
 medici nonnulli, qui omni genere medicamen-
 torum ægrotanti proposito, rursus de medi-
 cina facienda disputant: nec earum quæ tot
 ac tam multæ proponuntur, vim aut natu-
 ram docere, morbisque præsentibus accom-
 modare conantur: sic illi quoque de scriben-
 da historia libros instituunt, cum pleni sint
 omnes omnium antiquitatum libri, plenæ bi-
 bliothecæ historicorum, quos utilius ad intu-
 endum & ad imitandum proponere potuissent,
 quam de exordiis, narrationibus, verborum-
 que ac sententiarum luminibus oratorie dis-
 putare. Vt igitur aliquam doctrinæ viam ha-
 beat hoc quicquid est quod de historica me-
 thodo scribere aggredimur, principio histo-
 riam partiemur ac definiemus: deinde historia-
 rum ordinem trademus: ad hæc communes hu-
 manarum actionum locos, ut memoriæ con-
 suli possit, ad historias accommodabimus: post

historicorum delectum singularem habebimus : tum de recto historiarum iudicio disputabimus : consequenter de statu Rerumpublicarum dicemus ; in quo potissimum historiæ totius disciplinæ versatur : tum eos qui quatuor monarchias & aurea secula nobis invexerunt, refellemus : quibus explicatis , ut sciri possit unde historiarum origo peti, quoque referri debeat, temporum ordinem obscurum & involutum illustrare conabimur : denique errorem eorum confutabimus, qui gentium origines pro veris tradiderunt : postremo ad historicorum collectionem & ordinem labemur, ut qua quisque de rescripserit, quaque floruerit ætate, plane intelligatur.

Quid Historia sit & quod simplex.

C A P. I.

Historiæ, id est , veræ narrationis tria sunt genera : humanum , naturale. divinum, primum ad hominem pertinet, alterum ad naturam , tertium ad naturæ parentem. unum actiones hominis in societate vitam agentis explicat : alterum causas in natura positas, earumque progressus ab ultimo principio deducit : postremum præpotentis Dei animorumque immortalium in se collectam vim ac potestatem intuetur , ex quibus assensio triplex oritur , probabilis , necessaria , religiosa, totidemque virtutes , scilicet prudentia, scientia, religio; una quidem turpe ab honesto : altera verum à falso : tertia pietatem ab impietate dividit. primam ex imperio rationis & usu rerum agendarum , humanæ vitæ moderatricem vocant : alteram ex abditarum causarum inquisitione , rerum omnium inventricem : postremam ex unius Dei erga nos amore , vitiorum expultricem. ex his tribus virtutibus inter se conjunctis , constat vera sapientia , summum hominis extremumque bonum : cuius boni qui sunt in hac vita par-

participes, beati appellantur. & quoniam ejus fruendi causa in hanc lucem venimus, ingrati sumus, nisi bonum illud divinitus nobis oblatum amplectamur; miseri si ab eo deserimur: ejus autem adipiscendi magnum est ab historia triplici adjumentum; maximè verò à divina, quæ hominem per se ipsa beatè potest, sine usu rerum agendarum, sine occultarum caussarum cognitione: quæ tamen si accesserint, magnum, opinor, ad hominis felicitatem allatura sunt incrementum. Consequens erat igitur, ut ab historia rerum divinarum primordia peteremus: sed quoniam hominibus primum studium conservandi sui natura parens ingeneravit: deinde paulatim à rerum naturalium admiratione ad caussarum investigationem impulit: tum ab iis illecebris ad ipsius rerum omnium moderatoris cognitionem pertraxit: ob eam causam ab historia rerum humanarum nobis auspicandum videtur; cum primum de summo Deo comprehensiones non solum probabiles, sed etiam ad assentiendum necessariæ in puerorum animis radices egerint, ita fiet, ut à cogitatione nostri primum, deinde familiæ, tum communis societatis ad naturæ inspectionem, ac postremo ad immortalis Dei veram historiam, id est contemplationem abducantur. atque hoc postremum quam difficile sit iis, qui nondum veræ philosophiæ sacris initiati fuere, satis intelligunt, qui se in rerum magnarum meditatione aliquantum exercuerunt. Vt enim mentem paulatim supra sensus quasi supra fluctus, quibus immergitur magna pars hominum, erigant: nunquam tamen se ab iis ita liberare possunt, quin à sensibus emissæ species, tanquam nebulae, se lumini veritatis opponant; quo fit, ut qui omissa rerum humanarum ac naturalium cogitatione ab historia divina auspicantur, & pueris aut ignaris hominibus arduas rerum divinarum quæstiones explicant, non modo se fallantur, verumetiam earum magnitudine plebsque deterreant. Quod igitur iis, qui ex

atra quadam ac densa caligine in lucem veniunt, suademus ut prius solis splendorem in terra, tum in nubibus, post in luna conspiciant, ut bene confirmato visu solem ipsum aliquando contueri possint: idem quoque adversus imperitos faciendum est, ut primum Dei bonitatem ac præstantiam in rebus humanis animadvertant: deinde in perspicuis naturæ causis, tum in cœlestium corporum descriptione & ornatu: postea in mundi totius admirabili ordine, motu, magnitudine, concentu, figura: ut iis gradibus ad eam, quæ nobis est cum Deo, cognitionem ac generis stirpem aliquando redeamus, rursusque cum eo penitus jungamur: qui aliter historiam instituunt, naturæ leges æternas perrumpere mihi videntur. Et quoniam triplex illud historiarum genus viri graves & eruditi accurate scriptis mandarunt; illud tantum mihi proposui, ut in iis legendis, ac studiosè dijudicandis ordinem & modum servarem, præsertim in historia rerum humanarum. Nam cum divinæ ac naturales historiæ ab humanis primum differunt, tum hoc maxime, quod illæ non modo causis, verum etiam finibus certis sunt contentæ, naturales enim necessariam habent & stabilem causarum consecutionem, nisi divina potestate prohibeantur, vel paulo momento ab ea deferantur, & quasi fluentis materiæ principi, omniumque malorum parenti permittantur: ex altero quidem ostenta depravatæ naturæ & immania monstra: ex altero egregia Dei miracula: ex utroque religionis aut superstitionis origo ac numinis cuiusdam metus in nobis ingeneratur, ut Dei majestas illustris & clara (quanquam illustrior aut clarior esse non potest) sed ut hominum generi magis conspicua sit. At humana historia quod magna sui parte fuit ab hominum voluntate, quæ semper sui dissimilis est, nullum exitum habet: sed quotidie novæ leges, novi mores, nova instituta, novi ritus oboriuntur; atque omnino humanæ actiones novis semper erroribus

ribus implicantur, nisi à natura duce, id est à recta ratione, vel cum depravari cœperit, ab ea quæ propius abest ab ortus sui principio, divina prudentia sine consequentibus causis dirigantur: à qua si aberravimus, præcipientes in omne dedecus labemur, tametsi enim mens hominis ab æterna divinaque mente delibata, se quam longissime potest ab hac terrestri labe sejungit; quia tamen impuræ materiæ penitus est immersa, ejus contagione sic afficitur, & perturbationibus secum dissidentibus adeo distrahitur, ut sine ope divina nec seipsam erigere, nec ullam justitiæ partem adipisci, nec quicquam naturæ congruenter agere possit: ex quo efficitur, ut quamdiu sensuum impedimentis & falsa rerum imagine obruimur, nec utile ab inutili, nec verum à falso, nec turpe ab honesto discernere queamus: sed verborum abusu prudentiæ tribuimus, quo minus peccatur. quam quidem ad prudentiam comparandam cum nihil sit majus aut magis necessarium historia, propter humanos casus qui velut in orbem sui similes aliquando recurrunt: in ea præsertim elaborandum iis esse judicamus, qui non solitariam vitam agant. sed ad hominum cœtus ac societates accommodatam. Itaque è tribus historiæ generibus, divinum quidem theologis; naturale philosophis tantisper permittamus, dum in humanis actionibus earumque præceptis, diu multumque fuerimus exercitati. Est autem humana historia communis aut propria: hæc unius hominis, aut summum unius populi dicta factaque memoratu digna complectitur. Nam ut sapienter Academici rerum anilium nullas ideas posuerunt: ita futilibus actionibus historia constare non debet. communis plurium hominum vel civitatum gesta narrat; idque bisariam: aut enim plurium populorum, puta Persarum, Græcorum, Ægyptiorum: aut omnium quorum modo res gestæ proditæ sunt, vel maximè illustrium: quod

item multis modis fieri solet : cum unius temporis scilicet, diei cuiusque, vel mensis, vel anni: unde ephemerides sive diurna, & annales dictæ: aut ab ortu cuiusque civitatis, vel ab extrema memoria, vel ab orbe condito Rerumpublicarum initia, incrementa, status, conversiones, exitus memorantur: quod bifariam quoque fit, breviter aut copiosè: ex quo nomen habent chronica & chronologiæ. Alii paulo aliter, eodem tamen relabuntur. nam Verrius Flaccus historiam diffusam narrationem vocat, in qua rerum, personarum, ac locorum momenta ponderantur ab eo qui rebus interfuit. Annales verò à Cicerone dicuntur, cum sine ullis ornamentis, sine auxilia causerum disquisitione, gesta cuiusque anni narrantur. erat, inquit Cicero, Historia nihil aliud, sive annalium confectio. Diaria sive ephemerides diei cuiusque gesta, ut Asellio apud Gellium interpretatur. Fasti verò annales sunt, in quibus res quæque memorabiles, magistratus maximi, clarissimæ victoriæ, offensiones, triumphi, ludi seculares brevissimè continentur, quales sunt Verrii Flacci, Cratoris, Aufonii, Cassiodori, Cuspiniani, in universum tamen historiæ appellantur: & superior illa partitio naturali ac divinæ historiæ peræque congruit, cum vel unius religionis (quanquam plus una esse non potest quæ superstitionem inter & impietatem medium ferit) scilicet Christianæ, vel plurium, vel omnium, aut maximè illustrium origines ac progressus memorantur. Consimiliter unius rei naturalis historia colligi potest: puta unius stirpis aut animantis; vel omnium stirpium aut animantium, quales sunt historiæ Theophrasti & Aristotelis: aut etiam omnium elementorum, quæque ex his constanter corporum: vel denique totius naturæ descriptio, qualem Plinius complexus est. At si quis velit cum naturalibus disciplinis mathematicas confundere, quatuor genera constituet historiarium: humanam quidem incertam &

con-

Confusam : naturalem certam ; interdum tamen
 materiæ vel mali genii contagione incertam ac
 sui dissimilem : mathematicam , quodd à concre-
 tione materiæ libera sit, certio rem ; sic enim ve-
 teres hanc ab illa diviserunt : postremo divinam
 certissimam & sui natura planè immutabilem.
 Atque hæc de historiarum partitione.

De ordine Historiarum.

C A P. II.

QUOD in artium tradendarum ratione ac mo-
 do fieri solet, idem nobis est, opinor, in hi-
 storiarum disciplina faciendum. neque enim sa-
 tis est magnum historicorum cumulum domi
 habere , nisi cujusque usus, & quo quisque or-
 dine ac modo legi debeat intelligatur, & quem-
 admodum in epulis , tametsi magna condimen-
 torum suavitas est , nihil tamen insuavius si mi-
 sceantur : ita quoque providendum erit , ne
 historiarum ordo confundatur : id est , ne po-
 strema priore loco , vel media postremo , ad le-
 gendum proponantur , quod qui faciunt non so-
 lum res gestas capere nullo modo possunt , sed
 etiam memoriæ vim penitus labefactant. Ut igitur
 plena sit & facilis historiarum scientia , prin-
 cipio adhibeatur præstans illa docendarum ar-
 tium magistra. quæ dicitur Analysis : quæ uni-
 versum in partes secare, & partis cujusque par-
 ticulas rursus dividere ; totiusque ac partium
 cohærentiam quasi concentum inter ipsa mira
 facilitate docet. nihil enim in Synthesi nobis est
 elaborandum , cum historiarum fere omnium
 membra inter se apta sint , magnoque studio ab
 eruditis in unum veluti corpus coagmentata :
 sed imperitè à nonnullis separantur : est autem
 partium ac totius tanta cohærentia , ut si divel-
 lantur à se, ipsa nullo modo constare possint. Ita-
 que Polybius Fabium Maximum , aliosque Pu-
 nici belli scriptores ob id etiam coarguit , quod
 ejus belli partem unam vel alteram complectan-

tur : iisque similes videri scribit, qui capitis oculum vel etiam particulam ab animante avulsam ostendant, ut cuius sit pars illa non satis intelligatur. eadem reprehensione utitur Dionysius Halicarnassæus adversus Polybium, Silenum, Timæum, Antigonum, Hieronymum, qui Romanæ historiæ commentarios laceros & imperfectos reliquerant, consimili quoque oratione quis adversus Dionysium utatur: tamen si reprehensione carent, quia nec ab omnibus omnia scribi debuerunt, nec certe potuerunt, cum tantum quisque collegerit, quantum infinito labore ac diligentia decerpere potuit. nec illud opinor, ad scriptionem pertinet, sed ad lectionem historiarum, quarum partes si distrahantur, nec secum ipsæ, nec cum toto cohærebunt. quod igitur illi de Romana, idem nos de universa populorum omnium historia statuamus: universam historiam appello, quæ vel omnium, vel maximè illustrium populorum, vel quorum facta prodita sunt, ab ortus cuiusque principio, res bello domique gestas complectitur. tamen si enim multo plura sunt omissa, quam ullius scriptione comprehensa, nihilominus tot ac tam multa restant, ut iis legendis hominum vita quantumvis diuturna vix sufficere possit. Primum igitur communem velut omnium temporum tabulam, nudam illam ac simplicem nobis ad intuendum proponamus, in qua mundi origines, eluviones, Rerumque publicarum ac religionum, quæ magis clauerunt, initia duntaxat & exitus, si modo exitum habuerunt, contineantur: quæ tum Orbis & Urbis conditione, tum Olympiade, vel etiam si ratio postulat, anno Christi & Arabum Hegira (quæ in vulgatis chronicis omissa est) definiantur. ejusmodi fere sunt chronica quæ vulgò feruntur, linearum spatiis distincta; brevitas illa quidem, seu auspicantibus facilia. ac tamen si non exactam continent temporum rationem, proximè tamen ad rei veritatem accedunt. Post hanc descriptionem uberiore aliquantum & accuratiore libro utemur, qui non

tantum illustrium, sed omnium populorum initia, status, conversiones, & lapsus completatur; ea tamen breuitate, ut eodem pene intuitu qualis cuiusque Reipublicæ status fuerit, videri possit: in quo genere plures scripserunt; nemo tamen, ut mihi videtur, accuratius quam Ioannes Funccius, qui certissima ratione temporum ea collegit quæ ab Eusebio, Beda, Lucido, Sigismundo, Martino, Phrigrione tradita fuerunt: in quibus multa diligenter emendavit. sed cum in rebus singulis aliquando hæreat, ea prætermittenda sunt, & summa quæque leviter attingenda. ab eo scriptore aliquantum informati de statu rerum omnium publicarum, Carionis aut verius Melanchthonis historiam consimili diligentia percurramus. Est enim aliquando copiosior in disputationibus de religione, ut erat religioni ac pietati deditus, quæ si odiosa videntur, præteriri facile possunt: cætera quæ in unversum de Rebus publicis clarioribus dici potuerunt, breviter & accurate complexus mihi videtur. Ac si quis alius scriptor (sunt autem nonnulli) qui unversam mundi historiam Melanchthone copiosius scripsit, hunc ego legendum censeo. Deinde ab unversis paulatim ad singula delabemur, eo tamen ordine quo in tabulis Chronicorum sunt comprehensa. Et quoniam à Chaldæis, Assyriis, Phœnicibus, & Ægyptiis, Reipublicæ gubernandæ ratio disciplinæ, humanitas denique ipsa profecta est, inprimis illorum antiquitates investigabimus; non solum in scriptoribus qui proprie de illis scripserunt, ut Berosus, Metasthenes, Herodotus: sed etiam in Hebræis, quorum res gestæ cum reliquis fere communes sunt. Etenim multo plura certioraque in Iosephi antiquitatibus, & in libris adversus Appionem de finitimis illis populis quàm in ullis scriptoribus commemorantur. pòst Hebræorum historias inquiremus; sed ita, ut initio Reipublicæ instituendæ rationem potius intelligamus, quam religionem,

nem, quæ tertium historiæ genus spectat, & altiore desiderat contemplationem; deinde ad Medorum, Perlarum, Indorum & Scytharum imperia veniemus. Ab his ad Græcos, qui ab Araxe, Euphrate, & Syriæ portis ad Hellespontum usque, rursus ab Hellesponto, usque ad Danubium, Acroceraunios & Aemi montes, suum genus propagarunt; & insulas Asiæ atque Europæ adjacentes, tam Italiam ipsam coloniarum multitudine compleverunt. horum appellatio triplex est, primi quidem Iones: alteri Aeoles: postremi Dores dicti sunt. A Græcis ad Italos, qui Alpibus & utroque mari cinguntur. Et quoniam populos omnes imperii magnitudine ac rerum gestarum gloria superarunt, tantæque justitiæ opinione valuerunt, ut non modo legibus & institutis, sed etiam linguæ dignitate reliquis gentibus adhuc imperare videantur; omnis illorum antiquitas diligenter erit excutienda; cum autem maxima diuturnaue bella cum Pœnis gesserint, utriusque gentis historia ferè est ab iisdem scriptoribus comprehensa. His, opinor, proximi sunt Celtæ, atque haud scio, an Italis ipsis antiquiores; certe quidem prius militari disciplina claruerunt, quam Romani; neque in Italiam modo, sed etiam in Hispaniam, Germaniam, Græciam & Asiam colonias miserunt, ut suo loco dicemus, ac tametsi Garumna & Sequana fluminibus à Cæsare definiuntur, nihilominus imperium à Pyrenæis & Oceano ad Rhenum & Alpes protulerant. Sequuntur Germani, qui Alpibus, Rheno, Vistula, Carpatho monte & Suedico mari cinguntur, quique Germanis sunt finitimi Dani, Norvegi, Sueci, Scandi: tum populi, qui ab illis originem traxerunt, Gothi, Franci, Vandali, Hunni, Heruli, Longobardi, Burgundiones, Angli, Normani: à quibus res maximæ gestæ sunt, & imperia florentissima constituta in Gallia, Britannia, Hispania & Italia, tametsi enim Hispani ac Britanni sua vetustate nobiles sunt, non tamen rebus ita gestis claruerunt ut illi: quemadmo-

admodum Arabes, qui generis antiquitate clarissimi fuerunt, sed in otio semper antea delituerant; quousque erumpentes è desertis, Persas & Græcos de Asiæ & Africæ imperio depulerunt, magnasque victorias in Europa sunt consecuti, neque tantum arma, sed etiam religiones, mores, instituta, linguam denique suam toto terrarum orbe disseminarunt: vulgus *Sarracenos* appellavit, qui tametsi ex variis populis coaluissent, nihilominus Arabes ipsi principatum tenuerunt, ut postea planum faciemus. Ab his ad Turcas delabemur, qui ab oris Caspiis in Asiam influentes, paulatim Asiæ minoris, Græciæ totius & Ægypti regiones armis invaserunt. Neque imperia Tartarorum omittemus, qui ultra Imaum montem & mare Caspium longe lateque imperant: neque Moscovitarum, qui à Volga flumine & Tanai, usque ad Borysthenem arma protulerunt, ac nuper Livoniam imperio adjunxerunt. postremi sunt Americi, & qui oras Africæ Australes ac Indiæ tenent, quorum historias quoque intelligere utile ac jucundum erit. Quæ omnia primo quidem leviter percurrenda sunt, deinde accuratius examinanda: ut cum summa veluti capita rerum tenuerimus, ad singula paulatim veniamus. neque tantum maximas, sed etiam mediocres ac minimas quasque Respublicas inquiremus; puta Rhodiorum, Venetorum, Siculorum, Cretensium, Helvetiorum, Achæorum, Genuensium, Florentinorum, & id genus similium. Græcorum quidem singulas satis accuratè Pausanias conscripsit. Percepta historia rerum omnium publicarum; restabit ut eorum res gestas inquireamus, qui vel imperio, vel generis splendore & opibus, vel denique virtutibus ac ingenii laude floruerunt, quorum suo quisque iudicio delectum habebit, & ad suas vitæ rationes optimi cujusque dicta factave accommodabit. Post historiam rerum humanarum, si cui tantum est otii, ac naturæ pulcerrimas historias scrutari possit, multo faciliores aditus ad historiam divinam

vinam habiturus est : fin rei difficultas illum & vitæ rationes ab incepto revocabunt , ad res gerendas accedet ; aut si nullus est in hac vitæ fabula locus ei relictus , sit aliorum spectator ; & res humanas, quarum mortuam imaginem in libris viderit, oculis ipsis intueatur , aliter fieri nequit , ut suavissimos ab historia fructus percipiamus nisi prius mediocriter in rebus agendis, aut diligenter spectandis , ut monebat Pythagoras, exerceamur. Postremum erit , ut cognita rerum humanarum ac naturalium historia, quasi lotis manibus , ad divinam accedamus, ac primum cujusque religionis summa capita colligamus : tum videamus quis cujusque auctor fuerit , quæ initia, quos progressus , quem denique statum & exitum habuerit : quid in unaquaque virtuti consentaneum , quid alienum sit. ad hæc illustrium philosophorum de religionibus & summo bono sententias adjungemus , ut omnium opinionibus in medio positis , veritas magis elucescat. juvabit etiam ex illis multa decerpere, quibus , velut Hebræi de spoliis Ægyptiorum, præpotenti Deo sacra faciemus. Sed in eo genere historiarum , plus oratione frequenti & purgatæ mentis in Deum conversione, quam ullo studio proficiemus. Hæc autem quæ à nobis de ordine historiarum dicta sunt , Cosmographiæ similitudine facillimè intelliguntur. hujus enim tanta est cum historia cognatio & affinitas , ut altera alterius pars esse videatur. & verò Scytharum, Indorum, Æthiopum, Americorum historias, à geographis duntaxat hausimus, & expressimus. præter hæc historici geographicis descriptionibus utuntur , & historici terrarum regiones semper describunt, ut si ars ulla historico necessaria sit, profecto geographia summè necessaria videatur. quemadmodum igitur qui Cosmographiam intelligere volet , hunc necesse est mundi totius imaginem brevi tabula comprehensam sub aspectum collocare : deinde habitudinem cælestium corporum ad hæc elementaria videre; & uranographiam ab elementari divide-

re;

re ; ab aëre inquam , aquis ac terris : ab iisque anemographiam, hydrographiam, & geographiam deducere : illam verò in decem orbes totidemque circulos partiri : postea ventorum ordinem ac naturam tractusque maris utriusque ac terrarum descriptionem diligenter intueri : deinde orbem terræ pingui Minerva primum in quatuor aut quinque partes, in Europam scilicet, Asiam, Africam, Americam & Australem terram partiri , earumque situs inter se & cum cœli facie conferre : tum eam terræ partem quæ temperatior est , & populorum nobilitate clarior, puta Europam, in Hispaniam, Galliam, Italiam, Græciam, Germaniam, Scythiam, Scandiam, Daniam, & in insulas unicuique regioni adjacentes dividere, consimiliter Asiam in minorem & majorem : hanc in Assyriam, Persiam, Parthiam, Mediam, Hircaniam, Arianam, Gedrosianam, Indiam & Scythiam cis & ultra Imaum tribuere : minorem in Phrygiam, Lydiam, Lyciam, Ciliciam, Cariam, Pamphyliam, Syriam, Galatiam, Cappadociam, Pontum, Armeniam, eodem modo Africam in Mauritaniam, Libyam, Cyrenaicam, Ægyptum, Æthiopiam, Numidiam, Nigritarumque regiones , in qua divisione satis erit insignes fluvios , montes, maria veluti terminos figere , ac cœli meridianos & parallelos cuique regioni congruentes designare. A Geographia tandem ad Chorographiam, id est regionum descriptionem, facilis erit accessus . igitur telam subtilius retexentes , unamquamque regionem describemus , puta Hispaniam , quæ prima pars est Europæ , in Beticam, Lusitaniam Tarracensem partiemur ; hanc rursus in Galliciam, Castiliam, Navarram, Aragoniam, fluviorum limitibus positis, Ibero, Anate, Tago, Beti, Durio, & eo monte (vulgò Adriani vocant) qui citiorem ab ulteriore Hispania sejungit. tum mediâ regionis latitudinem partibus XI. longitudinem verò XV. amplitudinem in longum partibus XIV. in latum VII. definiemus. simili ratione in alijs regionibus utendum erit. Postremo à Chorogra-

rographia ad Topographiam & Geometricam,
 id est, ad singulorum locorum descriptionem &
 dimensionem dilabemur. ac primum claras ur-
 bes, portus, litora, freta, sinus, isthmos, promon-
 toria, campos, colles, clivos, rupes, vertices,
 agros, pascua, silvas, nemora, saltus, prata, virgul-
 ta, spineta, vivaria, pomaria, viridaria, salicta; om-
 niaque oppida, colonias, præfecturas, municipi-
 a, castella, basilicas, vicos, pagos, villas (si res
 ita postulabit) complectemur. Non aliter histo-
 riam universam partiemur ac definiemus. &
 quemadmodum falluntur, qui regionum tabulas
 prius intuentur, quam totius universi orbis par-
 tiumque singularum inter se & cum toto ratio-
 nem accurate didicerint; ita non minus errant,
 qui singulas historias prius intelligere se posse
 putant, quàm universæ historiæ omniumque tem-
 porum ordinem ac seriem velut in tabula propo-
 sita judicarint. eadem utemur analysi in singula-
 ri gentis cujusque historia: ut si quis Romano-
 rum historias planè intelligere ac memoriæ man-
 dare velit, prius Sextum Rufum legat, qui qua-
 tuor paginis, totam historiam complexus est,
 hinc ad Flori epitomen: deinde ad Eutropium,
 post ad Livium & Polybium accedat. consimiliter
 de historia Francorum judico, quam Io. Tillius
 brevissimè complexus est uno libello. hunc igi-
 rur prius legendum putem, quàm Paulum Aemi-
 lium: & Xiphilinum, quàm Dionem: Iustinum,
 quam Diodorum vel Trogum; cujus tamen
 scripta penitus interciderunt. neque tamen fa-
 tis universam historiam intelligere, nisi singula
 quoque intelligamus. utraque verò conjuncta,
 incredibilem, inquit Polybius, afferunt utilita-
 tem, id quod antea plerosquè fefellit, qui sum-
 ma capita Rufi vel Flori collegerunt, Livium ne-
 glexerunt: qui propterea pene totus intercidi-
 t: consimiliter Iustinus Trogo Pompejo; Xiphili-
 nus Dioni prope interitum attulisse videtur. Po-
 stremum erit, ut omnia dicta factaque memora-
 tu digna in communes quosdam memoriæ locos,
 velut in Thesaurum reponamus; & ex iis quan-
 tum-

tuncunque iudicio nostro videbitur, eruamus. id autem commodius fieri nequit, quam si humanarum actionum partitionem nobis ad instituendum proponamus.

De locis historiarum rectè instituendis.

C A P. III.

QVoniam de humana historia potissimum futura disputatio est, historiæ verbum late patens angustis hominum actionibus, & ad popularem loquendi modum, rerum ante gestarum vera narratione definiamus. humanarum autem actionum tanta varietas est & confusio, tanta historiarum ubertas & copia, ut nisi certis quibusdam generibus hominum actiones ac res humanæ distribuantur, nec planè historiæ percipi, nec perceptæ memoria diu contineri possunt. Quod igitur viri docti facere solent in aliis artibus, ut memoriæ consulant, idem quoque in historia faciendum iudico: id est ut loci communes rerum memorabilium certo quodam ordine componantur, ut ex iis, velut è thesauris, ad actiones dirigendas exemplorum varietatem proferamus, & quidem nobis hominum eruditorum studia non defuere, qui ex historiarum lectione argutas sententias, quæ apophthegmata vocant, exprefferunt. sed cum in humanis actionibus tria potissimum spectari consueverint, consilia, dicta, facta, ex quibus bene sentiendi, bene dicendi ac bene agendi virtutes inquirimus; illi verba quidem collegerunt, quæ verò in factis & consiliis posita sunt, omiserunt, nonnulli dicta, factaque illustrium virorum, sed tenuiter admodum & sine ordine scripserunt: tum etiam humana diuinis, & utrisque naturalia confuderunt; consilia verò ne attigerunt quidem, cum tamen in unius consilio sæpe salus Reipublicæ posita sit. Itaque hunc ordinem instituendum puto, ut

tribus

tribus libris locorum omnium rationem complectamur: priore quidem res humanas: altero naturales. quæ in historia sæpe occurrunt: tertio divinas. & quoniam major est in rebus humanis quàm in reliquis obscuritas & confusio, placet omissa naturali ac divina historia, rerum humanarum & actionum partitionem à capite arcescere: deinde his ordine constitutis, indicare quonam modo historiarum flores apte & suo quique loco accommodari possint. Actionem definiunt, quæ in seipsam vertitur, nec ullum opus relinquit, ut sermo: effectiorem verò quæ opus molitur, ut scriptio, sed remota verborum subtilitate, quoniam in populari ratione omnis nostra versatur oratio, latius actionis verbum definiendum nobis est. ut consilia, dicta, facta, quæ prodeunt ab hominis voluntate, complectatur: sive pura sit, & ab omni ægritudine libera, qualis est in sapiente: sive perturbationibus, puta libidine aut ira, distrahatur, ut in plerisque, qui intemperantes & insani appellantur; qui nihil scelerate sponte agunt, ut dicitur, sed animi quadam impotentia feruntur, volunt tamen sive metu mali impendentis quid agatur; ut qui jactum faciunt rerum pretiosarum, nec sponte agunt; nec ægritudine animi, sed suscepto consilio malunt opus, quàm seipsos interire, quòd si quis à mente fuerit omnino alienatus, cujusmodi sunt furiosi, ac rerum quæ geruntur ignari, eorum actiones non tam humanæ, quàm divinæ, aut naturæ depravatæ, aut dæmonis ipsos agitantis esse videntur, & quemadmodum naturales actiones attrahendi, aut expellendi, non sunt humanæ, ita ne illæ quidem. nec rursus si quis alterum præcipitem dederit ab altero impulsus, non ejus est actio, nec peccatum ullum. consimiliter quem Deus aut furor divinus ad vaticinandum afflaverit, non humana, sed divina est actio, quia non hominis voluntate regitur. actiones igitur humanæ sunt, quæ hominum consiliis, dictis, & factis præeunte voluntate oriuntur. est enim voluntas, humanarum actionum
magi-

magistra, five ad rationem, five ad vim animæ inferiorem sese converterit in rebus expetendis ac fugiendis. Et quoniam primum studium conservandi sui natura unicuique ingeneravit, primæ hominum actiones ad ea pertinent, sine quibus vivi nullo modo potest: deinde ad ea sine quibus vivi quidem, sed non satis commodè; aut commodè, sed non splendidè; aut splendidè, non tamen ad eam, quæ suavissimè sensus oblectat, voluptatem. hinc opum augendarum cupiditas. sed quia voluptatum nulla satietas, aut ea communis est beluarum æque ac hominum; quò quisque generosior est, eò longius se à beluarum societate disjungit, ac paulatim gloriæ cupiditate fertur, ut reliquis præstare possit. hinc dominandi libido, & tenuioribus vis illata: hinc dissidia, bella, servitutes, cædes. sed cum hoc vitæ genus turbulentum sit ac periculis plenum, tum verò inanis ea gloria, quæ hominem excelsi animi explere non possit; consequens est, ut homo benè à natura informatus, paulatim feratur ad virtutis actiones, quæ in vera laude & solida gloria versantur, in qua plerique finem extremum constituunt. sed quoniam natura quietis est appetens, planum est eas virtutis actiones ad quietem aliquando dirigi oportere. quo fit ut homo paulatim à curis & hominum societate distractus solitudinem quærat, ut tranquillitate naturæ consentanea fruatur. itaque res humanas despiciens earumque inconsistentiam ac temeritatem, naturæ causas certissimas intuetur, in quibus contemplandis tantam percipit voluptatem, ut talium studiorum conscientia fretus, regum opes ac fortunas negligat: quinetiam plerique cùm maxima imperia gessissent, ad hoc vitæ genus sponte relabi, quam regnare maluerunt. hinc illæ scientiæ ac virtutes, quæ quod in veri sola cognitione acquiescunt, *θεωρητικæ* vocantur. Neque verò id satis est homini bene à natura instituto, ut in iis scientiis, quarum subiecta materia sub sensum cadit, acquiescat; sed his veluti gradibus

bus ad ea fertur, quæ sola mente percipiuntur, id est, ad animorum immortalium vim ac potestatem, quousque pernicibus alis sursum abripiatur, ac suæ originis primordia repetens, cum Deo penitus jungatur: in quo finis humanarum actionum & quies extrema, summâque felicitas consistit: huc omnia consilia, dicta, facta: huc humanæ actiones, huc disciplinæ ac virtutes referuntur. Ac tametsi contemplatio minus propriè actio dicitur, sic tamen Aristoteles appellavit, ne à se ipse discrepans, aliter quam actione beatam vitam definiret. Hæc igitur ordine colligamus. Primi generis actiones ad eas artes referuntur, quæ ad tuendam hominum vitam, morbosque & offensiones depellendas pertinent: ut venatio, pecuaria, agricultura, ædificatio, gymnastica, medicina. secundum genus ad institutoriam, gubernatoriam, lanificia & fabriles artes. tertium ad cultum & victum splendidiorem, atque omnino ad quæsturias artes, quibus opes parare, & partis magnifice uti docemur: in quo superiorum artium perfectio versatur. sequuntur actiones voluptatum effectrices: quæ vel sensum, vel animum, vel utrumque molliter afficiunt ad gustum quidem Apicianæ artes: ad tactum sordida Melesiaca: ad odoratum unguentariæ: ad visum ductus linearum & colorum varietas decenter confusa, quæ pertinent ad picturam, cælaturam, topiariam, fusoriam, statuariam; tum etiam ad varias artes tingendi & acu pingendi: ad aures dicendi venustas, numeris aut figuris, aut utrisque comprehensa, aut etiam mollis ac depravatus arte nimia concentus, cum simplex & naturæ congruens graves animorum ægritudines sanare; contra verò sonorum varietate ac celeritate numerorum abreptus, mentem de sanitate deturbare soleat, quod iis accidit, qui aurium voluptati nimis inservientes Dorios modos & graves numeros aspernantur, Ionicos affectant, ut mirum videri non debeat, si multi ad insaniam perducantur. Cum autem eas vitæ utilitates ac delicias nec singuli à singulis, multo minus.

minus à seipso idem consequi posset, hinc coëundæ societatis occasio quæsitæ, cujus tamen non hic finis exitit: nam illa quoque bona cœtus animantium, quæ gregatim coëunt, consequuntur: homo verò cum sit immortalis animorum munere à Deo subornatus, eique similitudine quadam conjunctus, alienum ab ejus est præstantia cum beluis summi boni societate copulari: quod quidem fieret si in civitatibus beatè tantum, non etiam benè viveretur. non mirum igitur si in communi societate tuenda tot ac tantarum utilitatum effectrice, præcipuæ hominum actiones conspirant: sunt autem in civili, domestica, & morali disciplina positæ: una sibi ipsi imperare docet: altera familiæ: tertia Reipublicæ. prius enim apud se rationis imperium stabilire consentaneum est, in quo quidem justitiæ totius ac legum omnium summa consistit, quam uxori, liberis ac servis imperari possit: & familiæ prius imperium habere quam Reipublicæ, prima quidem hominis ad hominem: altera unius ad plures; qui charitate mariti uxorem; pietate paterna liberos; imperio herili servos moderari, tum etiam opes ad vitæ præsidia parare, & partis frugaliter uti possit. postrema longe late patet, nec solum unius familiæ, sed plurium inter se conjunctionem affinitatibus, & commerciorum usu complexa fovet ac tuetur. id autem fit civili disciplina, id est imperandi prohibendique summa ratio. Civilem disciplinam voco, non jurisprudentiam, ut plerique (est enim illius particula) sed illam artium omnium ac humanarum actionum moderatricem: cujus tria sunt capita, imperium, consilium, executio. imperium multiplex est: sunt tamen omnino quatuor partes ac totidem actionum genera, in quibus elucet imperii majestas prima in creandis magistratibus & imperio cuique tribuendo; altera in legibus jubendis aut abrogandis: tertia in bello indicendo ac finiando: postrema in præmiis ac pœnis decernendis, summaque vitæ ac necis potestate. con-

filium autem capi solet de iis, in quibus imperium versari diximus, aliud est enim legem ferre, aliud de lege ferenda consultare. hoc senatus, illud populi vel principis est, vel illorum qui Reipublicæ summam habent. consulitur quoque de vectigalibus imperandis aut minuendis, de exercitu cogendo, de legationibus admittendis, vel dimittendis, de progugnaculis & fartis tectis: postremo de aliis artibus & civium actionibus in Republica dirigendis, quæ non possunt omnia legibus comprehendere. harum autem actionum præcipuæ sunt imperandi, jus dicendi, concionandi, sacrificandi: quæ quidem superiores ad cogendum, sequentes ad suadendum spectant: sed quæ non minorem, interdum etiam maiorem vim habent. illæ quidem legibus & armis à flagitio deterrent, aliæ rationibus & religioso ritu ad honestatem & virtutem impellunt. primum enim homines agrestes ac barbaros quasi feras, militari manu à crudelitate & injuria prohiberi oportuit: deinde juris disceptatione & æquitate; postea concionibus & religionis metu. & quemadmodum arte imperatoria, jurisprudentia, oratoria, & religione, humana societas maximè continetur, si milites fortiter; judices æquabiliter, pontifices religiose, oratores prudenter se gerant: ita quoque faciliè solvitur, nisi civili arte ac imperio regantur. civili quoque disciplina regitur institutio in communium rerum erectione & invectione: agricultura, pecuaria, medicina, gubernatoria: post opificia, quibus aut necessaria, aut commoda vitæ præsidia quærentur. rem quoque literariam moderatur civilis scientia, puta divini & humani juris interpretes, & eos qui à veteribus sophistæ, postea Grammatici uno verbo sunt appellati: Rhetores, inquam, Poëtas, grammaticos, philosophos, mathematicos, ac propterea vocarunt veteres civilem hanc disciplinam Architectonicen proprie, quod omnibus omnium artium magistris leges præscribat, ut ad communem utilitatem suas actiones

nes dirigant, neve contra Reipublicæ commoda quid moliantur, præterea uniuscujusque munus civilis scientia definit. sunt autem urbana vel militaria munera. hæc rem militarem curant: illa verò domestica imperia, consilia, judicia, urbis annonam, expensas, ærarium, vias, sarta recta, juventutis educationem, religionem. omnis autem illa partitio munerum septem generibus continetur. primum genus est sine honore, sine quæstu, sine imperio, quod subire coguntur ii, qui tributa, militiam, excubias, urbis custodiam, & id genus munera sine stipendio curant: alterum genus ad eos pertinet, qui munus quidem publicum habent cum quæstu, sed parum honesto: cujusmodi sunt lictores, quique sordes urbis egerere solent. tertium genus eorum est, qui publicum munus cum quæstu non inhonesto quidem, sed sine dignitate conjunctum habent, ut publicani, scribæ, notarii, apparitores, cornicularii. quartum genus cum honore ac mercede conjunctum est, sed tamen sine imperio: ut pontifices ac legati. quintum in magno est honore sine quæstu ac imperio, quale munus est principis, Senatus, aut ducis Venetorum. sextum honorem & imperium habet sine stipendiis, quod proprium est magistratuum; quales sunt Consules, Prætores, Censores, Tribuni, Archontes, Ephori, & id genus alii. extremum est eorum, qui cum honore & imperio stipendia merentur: ut cxx. viri litibus judicandis apud Venetos, & ubique fere ii, qui jurisdictionem exercent. quæ omnia munera ejus imperio ac potestate, qui Reipubl. summam habet, diriguntur, neq; tamen existimare debemus religionem disciplinæ civilis partem esse, si pontifices & sacerdotes imperio magistratuum contineri videmus: quod eo pertinet, ut sacrificia ritusque in Republica probatos acerrime tueantur. religio verò ipsa, id est purgatæ mentis in Deum recta conversio sine civili scientia, sine cœtu, in unius hominis solitudine esse potest; ac magnorum virorum consensu beatior is putatur, quo longius est à

civili societate remotus. sed quoniam vita civilis eget actione perpetua, nec potest in contemplatione tota civitas occupari: ut neque corpus ipsum aut animæ vires omnes intelligere: non erit hominis, & totius civitatis eadem felicitas, si sola contemplatione bonum definiamus: id quod Aristotelem valde conturbavit, nec se ipsum ex ea difficultate explicare potuit. Itaque ex Varronis auctoritate, quam Marfilius Platoni quoque tribuit, bonum hominis vitam agentis, neque otio, neque negotio; sed misto genere definiendum nobis erit, si volumus idem esse unius hominis ac totius civitatis bonum. neque enim mens pura illa contemplatione prius frui potest, quam à corpore penitus avulsa fuerit. His igitur generibus actiones humanæ continentur: aut si quæ restant, ad ea referri facile possunt. Quare tribus libris ad humanas, naturales ac divinas historias accommodatis, priore libro singulares hominum actiones & casus humanos eo, quo diximus, ordine constituemus. Primus locus erit de generis obscuritate ac nobilitate: alter de vita & morte: tertius de vitæ commodis: tum de opibus & inopia: deinceps de vitæ splendore ac parsimonia: de ludis & spectaculis: de voluptate ac dolore: de gloria & infamia: de corporis fœditate ac forma: de robore ac imbecillitate: de barbarie & humanitate: de ignorantia ac scientia: de ingenii dotibus & inopia: tum de morali disciplina, atque omnino de virtutibus & vitiis, consequenter de domestica disciplina; de mutua charitate mariti & uxoris: de mutua pietate parentum & liberorum: de imperio herili & obsequio servorum: aut, si placet, de potentium ac tenuium mutuis inter se officiis: de quæstuariis artibus: de amore & odio: de societatibus & commerciis: de affinitate & cognatione, postea de civili scientia. ac primum de imperio: de regia potestate & tyrannide: de populi statu & seditiosæ plebis: de optimatum imperio & libidine paucorum: de consiliis pro Republica capiendis: de legibus rogandis aut abrogandis:

gandis : de magistratibus ac privatis : de bello & pace, atque omnino de civibus tuendis ac arcendis hostibus : de offensione ac victoria : de præmiis ac pœnis : de vectigalibus imperandis aut minuendis : de legationibus admittendis aut dimittendis : de collegiis & corporibus instituendis aut tollendis : de regendis artibus ac disciplinis : de judiciis publicis & privatis : de suppliciorum acerbitate ac lenitate : de asylis & venia : de concionibus & oratoribus. post etiam de agricultura & pecuaria ; quibus Respublicæ maxime juvantur : de mercatura & re nautica : de architectura & fabrili : de lanificiis & textoria : de medicina & pharmacopœia : de musica & gymnastica : de pictura & statuaria : de unguentaria aliisque artibus efficientibus voluptatem : de re literaria : de juris divini & humani interpretibus : de philosophis & mathematicis : de poëtis & grammaticis. Liber secundus rerum naturalium historias, quæ sæpius in legendis historicis occurrunt, partitione congrua complectetur : primum de naturæ principiis : de tempore & loco : de ortu & interitu, atque omnino de motu & mutatione : de elementis & eorum natura : de imperfectis corporibus : de metallis & lapidibus : de genere stirpium : de animantibus triplici ordine distinctis : de cælestibus corporibus : de mundi magnitudine & figura, quæ omnia subtiliori partitione explicare facile est, propter summam rerum naturalium certitudinem. Postremus liber erit de rebus divinis, ac primum de mente humana, quæ rerum naturalium culmen est : divinarum autem extrema, tum de intelligentiarum triplici ordine : postea de Deo, deque illius factis & oraculis : postremum de religione & impietate. His locis in capite cujusque libri hoc ordine, aut ut cuique commodius videbitur, constitutis, consequens erit, ut quicquid in historiarum lectione memoratu dignum occurreret, suo loco inseramus, & in margine libri rerum humanarum notas adjiciamus consiliorum, dictorum, ac factorum (sic enim res ipsæ ad actiones com-

mode referentur) idque literis maioribus. deinde videndum erit, quid in singulis honestum, turpe, aut adiaphorum sit : & eo modo notandum, C. H. id est consilium honestum, aut si quis malit repudiata Stoicorum disciplina, honestum ab utili, turpe ab inutili disjungere, non repugnabo. constituet igitur quatuor genera, turpe, honestum, utile, inutile. itaque consilium Themistoclis de navibus exurendis, quod pro Republica iubente populo Aristidi communicarat, quia utile visum est Aristidi, non tamen honestum: locum hunc ad caput de consiliis pro Republica capiendis referemus, adjectis in margine notis C. T. V. id est consilium turpe utile. Consilium autem dictorum & factorum veluti fundamentum quoddam est, quod sine his consistit: illa verò sine consilio non item, nisi quid temere dicatur aut fiat: & consilia rerum magnarum fere secreta sunt, nec sine scelere produntur, nec item nisi re gesta plane intelliguntur, ut Cincinnati utile consilium sæpe rempublicam Romanorum in maximis fluctibus de procellis servavit. cum enim plebs elata Tribunorum numerum duplicari vellet, eique Appius consul acerrime resisteret: tum Cincinnatus consilio cum paucis communicato, Annue, inquit: nam quo plures erunt Tribuni, eo debilior futura est uniuscujusque potestas, cum unius intercessio potentiam omnium frangeret ac retardaret: plebs autem non intellexit se deceptam, sed veluti pro maximo beneficio Senatui gratias egit: ejusmodi consilia: de Republica, utilia honesta vocentur. factum verò Q. Mucii cum domum emeret, ac plus venditori daret, quam peteretur, religione adductus, honestum inutile dicatur: sic consilium Themistoclis quum regem Persarum clam admonuit, pontem illum quo Asiam Europæ conjunxerat, Græcos exscindere velle, non solum honestum, sed etiam utilissimum fuit tum ipsi Themistocli, ad gratiam principis, si Græcos domuisset, retinendam tum universæ Græciæ: quia de fuga statim Xerxes cogitavit. sed
fere

fere utilia cum honestis congruunt. Interdum in eadem historia, consilia, dicta, facta, sui similia sunt. ut Sexti Tarquinii consilium adversus Lucretiam turpe est, dictu etiam turpius, factu verò turpissimum. interdum repugnant dicta consiliis aut factis. ut cum Augustus perpetuum imperium stabilire vellet, victo ad Actium M. Antonio, mirabiles artes excogitavit, orationi quam habuit in Senatu, plane contrarias. verbo quidem imperium pertinaciter recusabat, vacationem à Republica petebat, ad extremum victus eorum precibus, quos subornarat, Deos obtestatus est, se post decennium pacatis rebus imperio cessurum. hinc vota illa decennialia, quibus imperium in annos quadraginta quinque sibi prorogavit. hinc Cicero servitutis impatiens diceret, honestam orationem turpi consilio minime respondere. Et quoniam plerunque eadem historię pars in diversis capitibus censerī potest, causam præcipuam intueri oportet: ut ea quam de Antiocho refert Plutarchus in vita Demetrii, & Appianus in Syrio. cum enim Antiochus Stratonices incredibili amore flagraret, tabe conficiebatur, ac jam moriturus videbatur, nisi Erasistratus Aristotelis ex filia nepos, amoris vim ex ipso pulsu judicasset. patri Seleuco refert actum esse de vita filii: tum Seleucus, quid ita? Memam, inquit Erasistratus, uxorem deperit. an ego, inquit Seleucus, tam male de te meritis sum, ut adolescentis amorī non indulgeas? tum ille, tunc quidem amorī alterius inservires. Vtinam, inquit Seleucus, dii suum amorem in carissimam Stratonicen converterent; hinc Erasistratus: ergo pater idem & medicus esse potes. itaque Seleucus Antiocho novercam despondit. Erasistratus verò donatus est sexaginta millibus aureorum. hæc historia pertinet ad amorem, ad curationem morbi gravissimi, ad paternam pietatem, ad filii verecundiam, ad prodigalitatem, denique ad argutam & urbanam Erasistrati orationem. sed quia his omnibus causam præbuit summa vis amoris, hanc historiam jucundam ac

memorabilem non ad capita virtutum, aut prodigalitatis, aut medicinæ, sed ad caput amoris referemus, ne sit infinitum rem eandem toties usurpare. Sunt etiam in dictis pleraque amara, putida, scurrilia, quæ turpia quoque censentur: quædam verò urbana & faceta, quæ honesta, sed quæ arguta sunt aut falsa, si neque turpium neque honestorum appellatione veniant, inter adiaphora collocare soleo. ut illud Demosthenis ad Phocionem: Perdet te populus, si quando furere cœperit. quin te potius, si resipuerit. & illud stulte quærenti quis civium optimus? tui maxime dissimilis. hæc atque similia pertinent ad dicendi lepores. Casus autem fortuitos (quanquam nihil fortuitum esse potest, sed populari oratione utimur) qui ad homines pertinent, & partim à rebus divinis, partim etiam à natura duci videntur, ad humanos casus referri commodius est: ut illud, quod scribit Tacitus, apud Fidenates unius theatri casu quinquaginta hominum milia occidisse; ad locum quem de morte inscripsimus, spectat. idem judicandum erit de jactura, naufragiis & fortuitis offensionibus. Contraria verò iisdem locis conjunximus, quod ea ferè in historia conjunguntur. scilicet virtutes ac vitia: turpia & honesta, ut eorum facta divisione, simul ac semel de contrariis dici possit, puta de stultitia, prudentia, & malitia: de ignavia, fortitudine, temeritate: de confidentia, spe, desperatione: de levitate, constantia, pertinacia: de stupore, temperantia, intemperantia: de arrogantia, modestia, dejectione: de crudelitate, clementia, misericordia, quam prudenter Seneca vitium animi vocat: de avaritia, liberalitate, prodigalitate: de scurrilitate, urbanitate, rusticitate: de adulatione, affabilitate, contentione. ac tametsi pleraque nomine carent, mediocrium tamen appellatione statim extrema percipiuntur. ut in animi excelsi magnitudine, in amicitia, in virtute, in mansuetudine, in fide: quæ aut nullum, aut unum duntaxat extremum habent nomine comprehensum. in quibusdam extrema sine mediorum appella-

pellatione usurpantur ut inuidiæ, malevolentia, garrulitatis, taciturnitatis, impudentia, pudoris; quem à virtutibus excludunt, propterea quod non quamvis decet ætatem, id quod in virtutis definitione necesse est. Quod si quem minus delectat ea vitiorum ac virtutum partitio, quatuor generibus complectatur, scilicet prudentia, temperantia, fortitudine & integritate. Sic enim Philo maluit verborum ambiguitate sublata iustitiam illam, quæ aliud nihil est quam in omnibus consiliis, dictis, & factis, rectitudo quædam & integritas, *ἀνυστήτης* vocare. cum enim Plato iustitiam in se quenque prius stabilire doceret (sic enim Hebræi charitatis à se quenque initium ducere volunt) prudentiam in anima superiore, veluti normam expetendorum ac fugiendorum collocavit; fortitudinem in corde; temperantiam in hepate: iustitiam verò quæ rationi quidem imperium, aliis obsequium, id est suum cuique tribuere, omnium communem fecit. sed ea aut nulla est, aut omnino cum prudentia confusa. sic enim virtutem illam, quæ judicare potest, quid quenque cuique præstare oporteat, jurisconsulti non virtutem moralem, sed prudentiam vocarunt. neque verò bonus est, qui aliis suum restituit, aut restitui jubet, cum sceleratus sit qui aliter faciat: nisi dicamus virtutem esse latronum qui jactant se iis vitam dedisse quibus non ademerunt. Illud etiam incommodum sequetur, si quis illam iustitiam inferiori animæ tribuat, quod animantia bruta, quæ vim illam inferiorem habent, juris ac iustitiæ societate cum hominibus jungemus. quod si quæ virtus est utriusque animæ communis, profecto prudentia est; utriusque animæ, tum etiam virtutum ac scientiarum commune vinculum: quod quidem si demus, obscuram illam disputationem, utrum prudentia virtus nec ne, de philosophia sustulerimus. ejusque opinionis auctorem habebimus Platonem ipsum, qui extremo libro De legibus omnes omnium actiones sola virtute, virtutes omnes sola prudentia metitur. virtutes autem ipsius

intellectus proprias, quæ disciplinæ vocantur, in theoreticas, practicas, & operum effectrices eo quo dixi modo partiemur, repudiata Stoicorum opinione. Ita fiet ut nihil in historiarum lectione occurrat, seu laude, seu vituperatione dignum, quod non apte, & suo loco accommodari possit. Quod si turpia cum honestis, utilia cum inutilibus in historia conjungi videantur, sublata disputatione ad popularem loquendi modum accommodare oportebit. ut consilium Romani Senatus, qui Gallo Proconsuli mandarant, ut Achæos à communi societate divelleret, quos tametsi naturæ bonitatem sequeretur; in eadem amicitia tueri ac discrepantes conciliare debuisset: Romanis utile fuisse dicemus, cum eodem consilio Lacedæmonii, Veneti, ac fere populi omnes utantur: idque Atheniensibus utile fuisse docet Demosthenes adversus Aristocratem, & in oratione De libertate Rhodiorum, si tamen jura gentium violarentur, inutile ac turpe judicandum esset. ut Carolo V. Imperatori utile fuit imperitorum judicio Rinconem & Fregosium legatos occidere, aut à suis cæsos dissimulare, quod Turcarum opes & copias evocare dicerentur: facinus tamen illud non modo turpe, sed etiam sibi ac reipublicæ perniciosum erat, & belli maximi, quo Respublica Christiana conflagravit, occasionem afferebat. non alia de causa Corinthi excidium, ac Tarentinorum clades contigerunt, quàm ob illatas legatis offensiones. At si quis est qui non populi, sed sapientum judicia sequi maluit (quanquam quid turpe aut honestum, ne sapientibus quidem inter ipsos convenit) sæpiissime in gerenda Republica labetur. Extremum illud est, ut in legendis historicis ne sæpius à lectione ad scriptionem avocemur, notas communium locorum in margine adjiciamus: deinde otiose singula in locos referamus, nam hunc quoque fructum consequemur, ut optima quæque altius memoria repetita defigamus.

De Historicorum delectu.

CAP. IV.

VNA res est quæ maximè Scythas impulit, ut literas omnes ac monumenta veterum à stirpe convellere conarentur, quod acerbè ferrent Græcorum ac Latinorum bibliothecas, & parietes rerum à se gestarum magnitudine repleri: reliquos omnes, tametsi res quoque magnas ac memorabiles gessissent, turpiter omisso, vel etiam atroci verborum contumelia notatos. fuerunt enim Græci ac Latini suarum laudum præcones: cæteri, præter Hebræos, nihil ferè de se ipsis antea prodiderunt. Ac fit nescio quomodo, ut qui bellis & rebus gerendis occupantur, à scriptione refugiant: & qui plus aliquanto se literis dediderunt, earum illecebris ac dulcedine capti, vix unquam ab iis divellantur. & quidem sepiissime contigit, ut quæ nationes arma diutissime coluerant, postea quam literas amplecti cœperunt, animi vim ac robur amiserint: vel quod otio & inertia languerent; vel quod ii qui in rerum divinarum & naturalium contemplatione versantur, non modo à cæde & sanguine abhorreant, sed etiam barbariem ac feritatem omnino deponant: quod quidem Græcis primum, deinde Latinis, post etiam aliis usu venisse constat. Itaque Phocio imperator, Athenienses belli magis cupidos quàm peritos, hortabatur, ut verborum copia qua præstabant, cum hostibus certarent, non armis quibus inferiores erant. Demades verò tibiærum similes esse dicebat, quibus exempta lingua nihil inesset rationis. molliores etiam Asiatici, à quibus fluxit orationis ubertas. at Lacedæmonii disciplinarum ac literarum omnino imperiti, res præclaras domi forisque gesserunt, non ab ipsis, sed ab hostibus, decantatas. Celtarum autem & Germanorum, tum etiam Arabum ac Turcarum illustria facta, bella, victorias oblivione sepultas, aut una pagina

comprehenſas; idque ab eorum hoſtibus factum videmus; contra quam Græcis accidit, qui Salaminiam aut Merathoniam pugnam tanta copia verborum amplificaverunt, ut nihil unquam memorabilius geſtum eſſe videatur. ſed quemadmodum Alexander Magnus cum victor in ſolio regis Perſarum ſederet, urbanè reſpondit Græcorum legatis, qui maximo bello Græciam ardere nuntiabant, ſibi murium ac ranarum bella videri: ſimiliter Alexandri bella contra molles Aſiaticos & Perſas (quos Cato mulierculas appellare; Cæſar contemnere ſolebat) exigua ſint, præ iis quæ à Celtis, Germanis, Turcis ac Tartariſtis geſta ſunt. id quod facile intelligi poſteſt ab iis qui eorum victorias ab hoſtibus leviffime ſcriptas meminervnt. Vt igitur ab hiſtoriis rerum veritas habeatur, ſingulari non modo ſcriptorum delectu, ſed etiam in iis legendis illud meminiffe debemus, quod ab Ariſtotele ſapienter dictum eſt, in hiſtoria legenda, neque nimis credulum, neque plane incredulum eſſe oportere, nam ſi omnia omnibus aſſentiamur, sæpe vera pro falſis habebimus, ac turpiter in Rep. gerenda labemur: ſi fidem omnem hiſtoriæ detrahemus, nullos ab ea fructus conſequemur: in altero quidem peccarunt ſi qui fabulis omnia vetuſtatis monumenta compleverunt: in altero Turcæ qui nec ullam antiquitatis memoriam habere, & curam penitus abjeciſſe ſeruntur: quod putant hiſtorias ab iis ſcribi non poſſe, qui alienam fidem ſequuntur: multo minus ab illis qui rebus adfuervnt aut præfuervnt, cum de ſe ipſi multa mentiantur; aut principum metu, vel præmiis vel odio diſtracti à vero deſſectant: nam quæ Plutarchus ipſe ſibi objecit, & quaſi foveam tranſiliit. ſed quid vetat poſteritati, non ſuis æqualibus ſcribere? illud autem ne veriſimile quidem eſt, in tanta ſcriptorum multitudine reperiri neminem, qui nec prece, nec pretio, nec invidia, nec perturbatione adducatur ad ſcribendum. Prudens igitur hiſtoriarum lector, inter

ter hæc vitia , quorum alterum vanitatis est, alterum stuporis , medium feriet , & optimi cuiusque scriptoris delectum singularem habebit : nec prius de historia sententiam feret, quam historici mores ac ingenium plane intellexerit : interest Reipublicæ judicia de scriptoribus qui in publicum exeunt , incorrupta minimeque depravata videri : nec cum alienæ industriæ modum ponere volumus , optimos quosque à scriptione deterreamus. Neque vero in scriptorum delectu, quem adhibere quemque oportet, ipse iudicium ferre velim (est illud majoris cuiusdam artis ac ingenii) sed conjectura quadam & argumentis ad assentiendum probabilius uti ; quæ si nonnullis minus probabuntur, sententiam mutare non gravabor. quemadmodum enim pictas tabulas earumque ductus, lineamenta , colores studiosè intuentem, picturæ minime ignarum esse oportet, ut iudicium ferat ; cum acutissimi cuiusque sensus & oculos multa fugiant : ita quoque necesse est non modo in omni genere historiarum , sed etiam in rebus agendis diu versatum esse , qui virtutes historicorum ac vitia notare velit. Sunt autem historicorum , ut opinor, tria genera : unum eorum qui optimè à natura , uberius etiam à doctrina informati , ad res gerendas accesserunt : alterum eorum quibus literæ quidem, sed nec usus defuit, nec natura: postremum est eorum qui aliquantum adjuti à natura , rerum gerendarum usu caruerunt, incredibili tamen studio ac labore se prope in historia colligenda iis æquarunt , qui totum vitæ suæ tempus in Repub. gerenda consumserunt. est autem uniuscuiusque generis infinita varietas , eoque major quo quisque plus habet aut minus intègritatis , eruditionis , experientiæ . optimum genus est eorum qui omnibus abundant : si modo in historia scribenda seipsos ab omni perturbatione liberare possint . difficile est enim de sceleratis virum bonum scribentem abstinere maledicto : vel

bonos amore & gratia non complecti . atque hæc amplificandæ historiæ initia fuerunt, cum honesto mendacio ad laudem bonorum & malorum contumeliam uti pulcrum putaretur. quod si in eo genere boni labuntur, quid de improbis iudicandum erit? non parum igitur interest utrum historicus de se ipso, an de aliis, de civibus an de peregrinis: de hostibus an amicis: de re militari an urbana: denique utrum suæ ætatis an superioris: æqualibus an posteris historias scripserit. Rerum autem gerendarum peritum voco, qui consilii publici, aut imperii, aut iudiciorum particeps est vel conscius. nam in his tribus vertitur summa Rerumpublicarum: peritior tamen futurus est, si per se Rempublicam gesserit: peritissimus, si plurimam literarum ac publici juris cognitionem cum usu conjunxerit. vix est enim ut sine literis difficillimam Reipublicæ gubernandæ scientiam adipiscamur, cum brevius sit vitæ humanæ spatium, quàm diuturna regionum peragratione, & varia cognitione populorum id assequamur, quod sine libris Lycurgo, Soloni & Vlyssi contigit. hic enim prudens ab Homero appellatur, quod mores hominum multorum vidit & urbes. plerique regionum varietatem, aut animantium ac stirpium naturas, vel ædificiorum & Pyramidum substructiones, aut erosa veterum numismata mirantur; leges ac jura populorum, Rerumque publicarum status & conversiones pro nihilo ducunt. at ex his solida prudentia moderandæ civitatis comparatur. Neque verò imperii duntaxat aut consilii publici, sed etiam iudiciorum communione maxime omnium mores ac Reipublicæ status intelligitur. etenim qui in litibus versantur, ut loquitur Arcadius, omnia mala norunt, nec mala duntaxat, sed etiam bona, sine quibus illa consistere aut percipi nullo modo possunt. bonorum autem & malorum finibus omnis humana prudentia continetur, ex quo

intelligitur deterrimum esse genus illud historicorum, qui sine usu rerum, sine bonarum literarum scientia manibus illotis ad scribendam historiam accedunt. atque hoc precipuum est in historicorum delectu argumentum. sed quoniam difficile est admodum omni perturbatione carere (quod in eo historico quem quærimus necesse duco) cavendum imprimis erit, ne scriptori de se suisque civibus & amicis quæ laudabilia sunt, aut de hostibus turpia scribenti facile assentiamur. contra vero minime dubia fides est eorum, quæ de hostibus laudabiliter & gloriose gesta confitemur; in reliquis domestica vel hostium iudicia nolo: sed ut in arbitris tertium aliquem, qui ab omni perturbatione liber sit. Itaque Dionysium Halicarnasseum (qui nullos in Republica magistratus adeptus est) de Romanis multo verius ac melius scripsisse constat, quam Fabium, Sallustium aut Catonem, qui in sua Republica opibus & honoribus floruerunt. nam Polybius homo Græcus sæpe mendacii coarguit Fabium & Philinum: quod alter Romanus, alter Carthaginensis de bello Punico ita scripserunt, ut hic præclara omnia de Romanis; de Pœnis contra: Philinus Pœnos omnia laudabiliter ac fortiter (sic enim Polybius) Romanos autem turpiter & ignaviter gessisse scribat. at Fabius, iudicio Polybii, magnæ vir integritatis ac prudentiæ fuit, quemque nulla Reipublicæ, nulla hostium consilia latuerunt. uterque tamen ad scribendum ita se comparavit ut oratores, qui hoc imprimis cavent, ne quid contra seipsos dicant aut sentiant. sed fieri nullo modo potest, ut idem boni oratoris ac historici officio fungatur. Neque eas historias probare possum quæ perpetuas laudes ac virtutes ejusdem, nulla vitia commemorant: cum nullus sit tanta integritate ac prudentia, ut non sæpissime offendat. nam Eguinardus & Acciæolus Carolum Magnum, Eusebius Constantinum, Nebrissensis Ferdinandum, Iovius Cosmum Medicem, Philostratus

Apollonium, Procopius Bellisarium, Staphylus & Leva Carolum Quintum Imperatorem tantis laudibus cumularunt, ut oratores non historicos agere videantur. ergo prudens existimator laudes cujusque non domesticorum aut amicorum dumtaxat, verumetiam hostium ponderibus examinabit. neque omnia Philippo Cominio de Ludovici XI laudibus scribenti assentietur: sed etiam Mejerum Belgicarum rerum scriptorem adhibebit; neque hunc tantum, verumetiam Paulum Æmilium, propterea quod unus quidem plenus est Ludovici laudibus: alter eas omnino rejicit: tertius medium ferit. Mejerus perfidum hominem ac fratris interfectorem vocat, & cui nihil prius esset quam violato jure divino & humano, scelere tyrannidem occupare: quinetiam Cominium ipsum patriæ proditorem ac transfugam appellat. neque huic, neque illi in eo genere credendum puto; quod alter opibus & honoribus maximis à rege cumulatus est: alter hostis, & odio majore quam decuit historicum, ad sceleris atrocitatem verborum contumelias adduxit. Æmilius nec hostis nec amicus (fuit enim Veronensis) prudenter ac moderate hunc in modum: Dux, inquit, invidiam regi constabat, parricidii infimulans, fratris filios corrupisse; per eos illum veneno necasse. nihil temere affirmat: rumores ubique pervulgatos non omisit. illi florente Ludovico scripserunt, hic centesimo post anno, ut nulla vel gratia, vel metu, vel odio commoveri posset. itaque Cornelius Tacitus profitetur res Tiberii, Claudii, Caji, Neronis, gliscente adulatione ac florentibus ipsis ob metum, & postquam occiderant recentibus odiis compositas, falsas fuisse: atque inde sibi consilium sine ira vel studio ea tradere, quorum causas procul haberet. scripsit enim centesimo post anno quam illi floruerunt. ac fortasse illud voluit Aristoteles cum diceret, Historias non minus vetustate nimia, quam novitate fabulosas & injucundas esse. sane vix est ut qui præsentium rerum historias in vulgus

manare patiuntur, vera scribant, ne cuiusquam nomen historia læsura, aut famam violatura sit; ac propterea Cicero neminem eorum qui viverent inter claros oratores enumeravit; ne, qui ab eo præteriti essent, ut ipse ait, succenserent. quis autem ab historicis in ea Republica veritatem exquirat, in qua dicere quod nolis, turpe; quod velis, miserum ac periculosum sit? præstat igitur omni metu sublato rerum præsentium scripta posteris mandare: aut si quis est qui suorum laborum gloria se vivo frui malit, superioris ætatis res gestas collectis omnibus omnium commentariis publicis ac privatis, diuturnaue fama seniorum, historiam componat; id quod fecerunt clarissimi scriptores Livius, Tranquillus, Tacitus, Arrianus, Dionysius Halicarnasseus, atque hujus etiam major fides est quam illorum; quod de aliena non de sua Republica scripsit, & omnium commentarios, ac civitatis arcana ex actis publicis collegit: in quo genere est etiam Polybius, Plutarchus, Metasthenes, Ammianus, Polydorus, Ctesias, Æmilius, Alvaresius, Ludovicus Romanus. eorum vero minus probandæ sunt narrationes, qui nihil aliud habent, quam quod ab aliis audierunt, *ἐκ τῶν ἄλλων ἀκούσαντων*, ut loquitur Polybius; nec publica monumenta viderunt. itaque optimi scriptores quo major fides scriptis haberetur, è publicis monumentis ea se collegisse ajunt. sic Ammianus se Gallorum antiquitates è publicis illorum monumentis in lucem eruisse profiteretur: similiter Arrianus statim initio scribit se Regis Ptolemæi, qui Alexandri Magni rebus ubique interfuit, commentarios non prius evulgatos legisse. itidem Appianus Augusti scripta: Metasthenes & Ctesias publica Persarum monumenta: Diodorus Ægyptiorum de quibus scripsit, arcana se vidisse testatur. Onesicratus & Aristobulus Alexandri Magni legatus, quæ ipsi in Ægypto & India viderunt. Itaque Palæphatus, sæpe καὶ ἡμῶς, inquit, ἰδεσθαι. non quod historiæ veritas ex regum commentariis exquiri debeat: cum

cum de se ipsi multa jactent : sed ea quæ nihil aliud aut parum admodum ad eorum gloriam aut vituperationem pertinent : ut ratio temporum, provinciæ, imperia, regum ætates, series, atque omnino publicæ rationes, in quibus imperii arcana latent. huc verba Metasthenis referenda sunt : Neque tamen, inquit, omnes probandi sunt, qui de regibus scribunt, sed solum sacerdotes penes quos publica fides est annalium suorum, ut Berosus, qui omne tempus Assyriorum ex antiquorum annalibus digessit. hæc ille. Quod si qua historia tot ac tam multos testes habet, ut refelli minime possit, tamen si videtur incredibilis, magnum præ se fert veritatis argumentum, præsertim si in reliquis alios alii refutant, quis crederet Senatum Romanorum rustici cujusdam somnio commotum, qui se ab Iove monitum diceret, ut ludi instaurarentur, quod in prioribus præsultor indocte saltaret? ad ejus somnium decrevit Senatus instaurari ludos. uni fortassis non crederetur : sed in eo conveniunt Plutarchus, Livius, Dionysius, Valerius, Plinius; qui in tanta S. P. Q. R. confessione errare minime potuerunt. quod si dicat aliquis, alter alterius errore ducatur? id sane fieri potest non modo in humana, sed etiam in naturali narratione. fama vetus est, Olores morituros suaviter næniam canere, id quod omnes non modo poetæ ac pictores inde usque ab Æschylo, sed etiam principes ipsi philosophorum, Plato, Aristoteles, Chrysippus, Philostratus, Cicero, Seneca testantur : illud tamen Plinius primum, deinde Athenæus fabulosum esse experientia diuturna tradiderunt, idque compertum habemus. sed historiæ naturales veræ sint nec ne, facillime intelliguntur. humanæ vero, quæ semper sui dissimiles sunt, non item. multi Carolum ducem Aureliorum ob læsæ majestatis crimen supplicio affectum, idque Lutetiæ, scripserunt : neque unus tantum aut alter, sed xx prope historici : quem tamen anno post trigésimo quam ab Anglis captus fuisset, in Galliam rediisse, ac

feliciter obisse constat: atque in eo G. Bel-
 latus meuscivis, magnam historicorum negli-
 gentiam coarguit: quod quæ fama recens e-
 vulgarat, pro comperto scripserunt. ejusdem er-
 roris Possidonius, Eratosthenes, ac Metrodorus
 à Strabone arguuntur, quod levissimorum ho-
 minum mendacia pro vera historia tradide-
 runt. At Possidonius Cn. Pompeji auctoritate
 usus est, ne quid temere scriberet. in qua re
 igitur scriptores à se ipsis dissentiunt, po-
 sterioribus credendum putem, si argumentis
 aut necessariis, aut certe ad assentiendum pro-
 babilibus utantur. est enim veritatis ea vis &
 natura, ut non nisi longo ac diuturno tempore
 in lucem eruatur: cum scilicet vulgi errores,
 adulationes & odia plane conquierunt. & quo-
 niam capitales sunt hominum inter se de reli-
 gione discrepantium inimiciæ, non placet Eth-
 nicorum de Iudæis, aut Iudæorum de Christia-
 nis, vel etiam nostrorum de Mauris ac Mahu-
 meticis exquirere opiniones: sed collatis inter
 se probatissimis quibusque scriptoribus, qui
 qualesque sint, & utrum res ipsi compertas
 habeant, videre. quanquam plerique in eo ge-
 nere magis errore labuntur, & antiquitatis ig-
 noratione, quam quod mentiri velint. ut quæ
 Græci veteres de Romanis & Celtis, aut Ro-
 mani de Chaldæis & Hebræis tradiderunt,
 magna ex parte refelluntur; cum alii aliorum
 antiquitatis ignari essent. quum vero de hosti-
 bus vituperatione digna leguntur, cohibenda
 est assensio, nisi valde perspecta fides est aucto-
 ris. sed ut hostium scripta non omnino proban-
 da: ita nec penitus improbanda sunt. ac pru-
 denter Caligula, qui Cassii & Labieni de Cæ-
 sare historias Senatusconsulto damnatas evul-
 gari jussit, cum diceret, Interesse Reipubl.
 uniuscujusque res ab omnibus intelligi. neque
 tamen hujus aut illius de Cæsare testimonia si
 extarent omnino mihi probarentur: nec Cæsa-
 ris, qui Pompejanos divina & humana mi-
 scuisse, pecunias fanis abstulisse scribit, cum ipse
 nul-

nullo religionis ac Deorum metu omnia templa
 Gallorum spoliasset, ac ærarium sanctius, quod
 Pompejus aperire noluerat, diripuisset. hæc e-
 nim Cæsar atque his similia jactabat, ut justam
 belli suscipiendi causam (tamen nulla justa
 causa cuiquam esse potest adversus patriam ar-
 ma capiendi) habere videretur, quæ vero de
 bellis à se gestis conscripsit, ex magna parte
 vera judicantur, præsertim cum Imperator lege
 Porcia prohiberetur falsum cæsorum numerum
 ad ærarii tribunos deferre, alioqui triumpho &
 imperio (cujus causa Cæsar sceleratum esse ju-
 stum putabat) caruisset. quæ lex ut impune vio-
 lata sit, attamen infamiae metus hominem glo-
 riæ cupidissimum retinebat, præsertim cum se
 vivo sua scripta in vulgus manare pateretur, &
 innumerabiles hostes haberet, qui se mendacii
 coarguere potuissent. argumento est, quod Ci-
 ceronis Catoni Anticationem reposuit, sed ita
 scripsit quasi reus apud judices, ut ait Tacitus,
 causam agere videretur. Quæ igitur de hostium
 scriptis diximus, locum habent, nisi qui trans-
 fuga subornatus & pecunia corruptus sit, ut de
 Frossardo nonnulli putant, cui dubium est utrum
 plus Angli, an ipse plus Anglis debeat: cum a-
 perte fateatur se ab illis maxima præmia conse-
 cutum, non aliter atque Aretinus, qui quem
 laudabat (id quod faciebat invitus), ab eo quo-
 que se muneribus affectum gloriabatur. sic ta-
 men existimo verissime omnia scribere potuisse,
 cum vel in rebus gerendis, & militia magnam
 partem ætatis consumpsisset. patriæ vero lau-
 des penitus oblivisci, aut æquo animo præter-
 ire posse puto neminem. etenim Polybius, qui
 inter optimos scriptores verissimus habetur,
 cum de suis civibus ageret, sibi temperare non
 potuit, quin adversus Philarchum acerbissime
 inveheretur, quod Megalopolitanorum virtu-
 tem & fortitudinem in bello contra Aristoma-
 chum dissimulasset. Eadem causa, ni fallor,
 Plutarchum impulit, ut adversus Herodotum
 πρὸς κερκυραίους scriberet. in quo nihil æque repre-
 hen-

hendit atque scripta de Bœotis & Cherronæis. Quis autem risum tenere possit, qui Sabellici scripta legat, ubi Venetorum bella cum Romanorum gestis comparat? ac ne Donatus quidem Gianotus civis Venetus istam comparationem ferre potuit. eodem morbo (si morbus est suorum popularium dignitatem honesto mendacio tueri) omnes fere historici laborant. itaque libenter Cæsari de Gallorum moribus scribentis aut Tacito de Germanis: aut Polybio de Romanis: aut Anmiano de Francis assentior, cum peregrini essent, & eorum de quibus scripserunt, antiquitates plane cognitae haberent. Sed magna dubitatio me tangit, utrum historici laudare, vituperare, ac de re proposita sententiam ferre; an vero legentibus iudicium integrum relinquere debeant. quod cum præcipue ad historicorum delectum pertineat, rationes utrinque probabiles afferam, & cuique iudicium relinquam. Nam cum historia nihil aliud esse debeat, quam veritatis imago, & rerum gestarum veluti tabula, quæ in clarissima populi luce omnibus ad iudicandum proponitur: profecto præiudicium historicorum plurimum de rebus gestis detrahit: propterea quod imperitorum animos variis opinionibus præoccupare velle videntur: prudentibus vero, qui falli nolunt, ob id ipsum, quia non rogati sententiam ferunt, valde suspecti sunt. illud etiam non parum obest, quod plerique historici cum rhetores aut philosophos agunt, filum abrumpunt propositæ narrationis, & legentium cogitationes ac memoriam alio distrahunt: ut jure Timæus utroque vitio notatus sit: & cum ab historia sæpius ad reprehensiones digrederetur, *ἱστῶν ἀντιπαρὸν* & obtrusator est appellatus. cum autem nihil difficilius sit, quam recte iudicare: quis non graviter ferat historicum, qui nullam publici muneris aut consilii partem attrigerit, de summis Rerumpublicarum moderatoribus sententiam ferre? quid autem ineptius, quam eos qui nunquam acies viderunt: imperatorum offensiones inter ipsos.

& victorias disceptare? nam is qui Henrici bella cum Carolo V Imperatore gesta complexus est (ejus nomen prætereo) judicem utriusque se ferens, tot ac tantis laudibus Regem cumulat, vel potius obruit, ut eas laudes ne ipse quidem Henricus sine fastidio ferre posset: Carolum vero quasi sceleratum & ignavum hominem contumeliis omnibus lacerat, nec intelligit vir bonus, ejusmodi convitia in suum principem redundare, cui turpe sit cum tali hoste bellum gerere; turpius ab eo vinci; affinitatem vero contrahere turpissimum: quare nec bonus historicus, & iniquus judex omnium suffragiis existimatur. non minus audacter Iovius, qui Selimi & Ismaelis Sophi; tum etiam Caroli Quinti & Pauli Pontificis maximi, atque aliorum principum odiosas comparationes suo judicio metitur: his ego Xenophontem, Thucydidem, Tranquillum, Cæsarem, Guicciardinum, Sleidanum oppono, qui raro admodum, nec nisi oblique ac prudenter judicium ferunt. Cæsar quidem bellicis laudibus abundans, & optimus artis imperatoriae magister, suo quodammodo jure de re militari sententiam ferre potuit: nec vereri debuit reprehensiones imperitorum: illud tamen valde prudenter ac moderate facit; cum enim P. Sylla victoriam adipisci potuisse diceretur, si Pompejanos insecutus esset, heic Cæsar: Ejus Consilium reprehendendum non videtur; aliæ enim sunt legati partes atque imperatoris: alter omnia agere ad præscriptum; alter libere ad summam rerum consulere debet. cum item Pompejus in acie Pharsalica militem consistere, non progredi, hostem excipere, non laceßere jussisset, Quod nobis, inquit Cæsar, nulla ratione factum videtur, propterea quod est quædam animi incitatio atque alacritas naturaliter omnibus innata: quæ studio pugnae incenditur, hanc non reprimere, sed augere imperatores debent. heic non solum armis, sed etiam arte belli gerendi cum Pompejo contendit, non desunt exempla. quæ Cæ-

saris.

faris testimonium confirmare possint, atque in-
 primis Epammundæ victoria contra Lacedæ-
 monios: sed ut sint innumerabilia, quid tam
 ineptum, quàm si Phormio aliquis, qui castra
 nunquam viderit, de talibus viris quasi arbiter
 datus sententiam ferat? vel homo de schola
 Lycurgi ac Solonis sapientissimorum Reipu-
 blicæ moderatorum leges emendare velit? quod
 quidem cum fecisset Aristoteles, in multorum
 offensionem incurrit: & à Polybio tacite,
 à Plutarcho aperte reprehensus est. quam sa-
 pienter, nescio: illud tantum de rebus parum
 sibi compertis opinari, lubricum; judicare, pe-
 riculosum videri. atque in eo ipso Vives Caroli
 Quinti præceptor Cominium reprehendit, quod
 sæpius ab historia proposita digrediat, deque
 principum moribus ac virtutibus, atque omnino
 de beata vita, philosophorum in modum dispu-
 tet. is tamen aliter atque Vives omne tem-
 pus in Republica gerenda, aut in bellis, aut
 in maximis legationibus obeundis consumserat,
 ut recte, si quis alius, iudicium ferre potuerit.
 quod si iusta reprehensio est, præstabilius sit
 historico narratione proposita timide judicare,
 vel assensionem omnino cohibere. At in contra-
 riam sententiam me Polybii auctoritas abdu-
 cit. is enim propterea Phylarchum reprehendit,
 quod debitas cuique laudes omisisset, ac
 præcipuam annalium utilitatem esse putat, ut
 boni laudibus sui similium ad virtutem inflam-
 mari; scelerati vituperatione, & infamia terre-
 ri possint. quam rationem Tacitus & Proco-
 pius amplectuntur; & gravissimi quique scri-
 ptores de re proposita sententiam ferant: quin-
 etiam Agathias (quod miror) nudam historiam,
 vetulam nugis similem sibi videri scribit. sed is
 auctor non tanti est apud me, ut ejus oratione
 persuaderi possim: præsertim cum Ciceronis
 gravissimo testimonio Cæsar omnes historicos
 superasse videatur: ob id ipsam, quod ejus hi-
 storia nuda, simplex, recta & quasi omnibus de-
 tractis ornamentis unicuique judicanda pro-
 ponatur.

ponatur. confimilis est historia Xenophontis, quam Thucididi connectit, in qua nullum suum iudicium interponit, nusquam digreditur, nulla orationis adhibet ornamenta, & quoniam plerique bonorum laudes, ac vituperationes malorum ad historiæ fructum pertinere putant, verius ac melius à philosophis, quorum illud præcipue munus est, quam ab historicis fieri poterit, quanquam plus satis vituperat Neronem, qui iustissimos quosque viros, præceptorem, duas uxores, fratrem Britannicum, matrem denique interfecisse narrat. quæ omnia Tranquillus pure, simpliciter ac sine ulla verborum amplificatione scribit. Appianus vero cum Mithridatem scripsit matrem, fratrem, tres filios impuberes, totidemque filias interfecisse, subjicit, Sanguinolentus & crudelis in omnes fuit. superioribus fidem non minus detraxit, quam Iovius, qui oratione longa Selimi Turcarum principis crudelitates omnes cum summa contumelia verborum amplificavit: mihi satis ad æternam sui nominis labem, & quidem credibilius videretur simpliciter narrare tres ab eo Bassas summa fide & affinitate sibi conjunctos, duos fratres, quinque fratrum filios ac parentem senio fractum ab eo necatos, quam oratoris in modum, quod minime historicum decet, historiam amplificare, quæ legentibus falsa, vel suspecta videatur. Atque hæc cum bona eorum venia dicta sint, quia nuda historia nihil magis insipidum esse putant. neque enim magnorum virorum de rebus gestis iudicia reprehendo, si modo tales sunt, qui recte iudicium ferre possint. in urbana disciplina laudatur Dionysius Halicarnassæus, Plutarchus, Livius, Zonaras, Dio, Appianus: in militari, Cæsar, Paterculus, Ammianus, Frossardus, Hircius, Bellaius: in utraque Xenophon, Polybius, Thucydides, Tacitus, Cominius, Guicciardinus. in principum arcanis & aulica vita, Tranquillus, Lampridius, Spartianus, Sleidanus, Machiavellus: in moribus populorum & regionum varietate, Diodorus, Mela,

Mela, Strabo, Leo Afer, Boemus, Alvaresius in religione, Philo, Iosippus, Eusebius, Theodorus, Socrates, Sozomenus, Nicephorus, Calistus, Orosius, Sidonius, Gregorius Turonensis, Abbas Urspergensis, Gulielmus Episcopus Tyri, Antonius Florentinus, tum etiam historiae Magdeburgicae scriptores. Sed ut optime ab antiquis, Ne sutor ultra crepidam; ita nec Polybii de religionibus, nec Eusebii de re militari iudicia probare possum. Hæc in universum de historicis. Nunc optimi cujusque delectum adhibeamus. meliores quidem iis quos habemus sperare amentia: optare, sceleris esse videatur; nec eorum studia valde utilia duco, qui sibi fingunt ideam historici consummati, qualis nemo fuerit unquam, nec vero esse possit: eos autem quos in manibus terimus, omittunt. quis enim dubitat, quin historicus vir gravis, integer, severus, intelligens, disertus, & quasi vitæ communis ac privatae, omniumque rerum magnarum scientia instructus esse debeat? ineptius tamen qui nihil in historia præter eloquentiam, aut fictas conciones, aut egressiones jucundas admirantur. sic enim statuo fieri nullo modo posse, ut qui ad voluptatem, idem quoque ad rei veritatem scribat, quod in Herodoto reprehendunt Thucydides, Plutarchus ac Diodorus: miror tamen hunc unum historiae parentem à Cicerone appellari, quem omnis antiquitas mendacii coarguit. nullum est enim mendacis historici majus argumentum, quam ab omnibus scriptoribus aperte confutari; neque tamen omnino rejiciendum puto. est enim in eo præter eloquentiam & suavitatis Ionicae lepores plurima vetustatis imago: multa quoque in posterioribus libris verissime ab eo scripta memorantur. Optimi vero scriptoris indicium est ab omnibus probari; eo præsertim tempore, quo vigent ii, qui rebus gestis interfuerunt. in quo genere sunt, opinor, Thucydides, Sallustius, Xenophon, Cominitis, Guicciardinus, Cæsar, Sleidanus, nam quod Athenien-

ses querebantur Thucydidem multa in gratiam Lacedæmoniorum scripsisse ; magnum veri scriptoris testimonium tulerunt . cum enim Atheniensis fuerit non Lacedæmonius, & legationes in bello Peloponnesiaco ac Præturas obierit , magnisque opibus & regia stirpe clarus extiterit : tum etiam res ipsas velut e specula viderit & magnis sumptibus ingeniosos exploratores ad inquirendam rei veritatem aluerit : postremo spirantibus iis, qui rebus interfuerant , sua scripta in libera civitate iudicanda proposuerit, quis ejus historiæ fidem elevaret ? neque vero Lacedæmoniis ita favit , ut suorum civium penitus oblivisceretur : à quibus tamen erat in exilium relegatus cum historiam scriberet, sui tamen exilii auctorem atque adversarium omnium maximum Periclem , non modo à calumniis vindicavit, sed etiam tantis laudibus mortuum cumulavit , ut ejus interitum Rempublicam interituram verissime auguraretur . Concionum tamen apparatus tacite reprehendit Diodorus . eadem reprehensione utitur Trogius Pompejus (ut est apud Iustinum) adversus Livium & Sallustium, quod directas & obliquas conciones operi suo inserendo , historiæ modum excefferint . Nihil est enim, ut ait Cicero , in historia pura & illustri brevitate dulcius . sin conciones de Livio detraxeris, exigua fragmenta restabunt , quæ causa Caligulam impulit , ut scripta Livii & imagines de bibliothecis omnibus prope amoveret . idque magis mirum debet videri , cum libro uno & quadragesimo testatum reliquerit, se nihil præter historias Romanorum scribere decrevisse . De Sallustio , quod ejus omnia scripta fere interciderunt , non ita facile judicari potest . ex iis tamen quæ habemus , integerrimum scriptorem, & rerum magnarum usu præditum fuisse constat . ut enim Jugurthinum bellum verius scriberes, in Africam usque navigavit . liberè tamen de rebus judicat . quid enim liberius est, quam in uno Cæsare & Catone Romanorum omnium illius ætatis collocare virtutem ?

tem? At Thucydides Periclem; Sleidanus Franciscum regem, ducem Saxonum, Bellaium, Alafconem verissimis ac propriis laudibus extulerunt, comparationes tamen odiosas rejecerunt. ac si quid est, quod cuiquam infamiam afferat, necessariis confirmant argumentis, aut oblique rumoribus acceptum ferunt. hoc vero commune illis est cum Guicciardino, Plutarcho, Machiavello, Tacito, ut multa multorum consilia fraudesque quantumvis occultas in clarissimam lucem proferant. fuit enim Sleidanus Francisci regis interpres, & pro sua Republica legationem sæpissime suscepit. cum autem præcipue de religionibus (ut erat pius ac religiosus) scribere proposuisset, non modo conciones directas & obliquas, sed etiam libros utrinque de religione scriptos, qua brevitatem potuit, complexus est: id quod multis fastidium parit. sed homini antiquitatis ac rerum magnarum avido nihil debet molestum videri, est enim in nostris scriptoribus, Annonio inquam, Monstreleto, Frossardo, Carterio magna farrago rerum levissimarum, in quibus tamen latet antiquitatis ac vetustatis imago non penitus contemnenda; quam non reperiās apud Aemylum, qui profitetur se multa prætermisisse, quæ alii prodiderunt. ejusmodi est etiam historia Leonis Afri, Alvaresii, M. Gazi, qui maxima, mediocria, minima complectuntur, infinitaque rerum varietate aures hominum curiosorum replere possunt. sed hæc rarius in Græcis aut Latinis, qui dumtaxat urbanam aut militarem disciplinam tractant, & quæ memorabili casu quodam contigerunt. ut apud Livium Capitolii desagratio in bello sociali. apud Tacitum incendium illud, quod duodecim urbis regiones absumsit. interdum tamen prodigia plane incredibilia narrant, non modo infimi, verumetiam clarissimi quique scriptores: ut Cæsar ipse, qui bello civili Tralibus statuas sudasse scribit; vir alioqui Deorum & hominum contemptor. sed in eo genere Livius nimis religiosè dicam, an

superstitiosè omnes superavit. nihil enim frequentius, quam boves loquutos, scipiones arfisse, statuas sudasse, quod pluvio cœlo frequenter accidit: Deum Annibali apparuisse, infantem semestrem triumphum clamasse; ut non immerito Polybius ejusmodi scriptores Tragædos appellarit; qui cum Annibalem è salebris expedire non possent, Deos è machina quadam accirent: quanquam Polybius de religionibus nefarie scripsit. illi venia digniores, quod superstitione præstat, quam impietate obligari, & falsam quam nullam habere religionem. Est etiam Livius aliquanto copiosior in laudibus alienis. cum enim P. Sempronium civibus omnibus antetulisset (in quò reliquis injuria fieri videtur) omnibus humanis à natura fortunaque bonis congestis instructum fuisse tradit. nec eo contentus singula copiosè amplificat à generis splendore, opibus, eloquentia, forma, ætate, animi magnitudine, disciplina militari. Furium vero Camillum, in cælum usque; Africanum supra cælum tollit: ut mirum videri non debeat, si Augustus Pompejanum appellavit: quod in Pompejo laudando satietatem explere non potuisset. at in reprehensionibus parcus est & gravis. ut cum M. Livius & C. Claudius ante censuram se mutuis accusationibus impeterent, hîc ille: Ibi scædum certamen inquinandi famam alterius cum suæ famæ dispendio factum est. idem alibi de antiqua plebis in patricios reverentia: Hanc modestiam, inquit, animique altitudinem ubi nunc in uno inveneris, quæ tum universi populi fuit? & de Calvino Campano, Improbum non, sed ad extremum perditum, qui mallet incolumi, quam eversa patria dominari. est autem quod in Livio miremur dicendi varietatem; interdum valde copiosus est, interdum vero concisus. nam prioribus decem libris c d l x. annos ab V. C. comprehendit. altera decade lxxiv. tertia xvi i i i quasi serio ad historiam aggredieretur. reliquis decem & centum libris c x c i i annos complectitur. neque enim

enim nullo tempore populus Romanus à bellis conquevit: quinetiam multo plura gesta sunt ab exactis urbe regibus usque ad Appium Cæcum, quam inde ad Cæsarem. sed id factum opinor, quod veterum commentarios, qui nascente imperio pauci, florente innumerabiles extiterunt, in unum quasi corpus coaptavit. cum autem in eos incideret, qui melius scripserant, iis se totum addixit: ut videre est in Punico Bello; quod quidem ad verbum de Polybio transtulisse videtur. At Polybius non modo æqualis ubique ac sui similis; sed etiam intelligens, gravis, in laudibus parvus, in reprehensionibus acerbus, ac veluti prudens legislator, & bonus imperator: multa de militari urbanaque disciplina; multa de historici officio disputat. scripsit autem historias omnium fere populorum, qui suis temporibus floruerunt, & paulo ante ab Olympia de cxxiv. sive ab Orbe condito ter millesimo sexcentesimo octogesimo, usque ad annum ter millesimum septingentesimum sexagesimum sextum. sed ex libris xli, quos scripsit, cxxiv interciderunt. videtur autem non minus philosophi quam historici personam induisse: nam in fœdere Carthaginensium principes ac Rerumpublicarum moderatores admonet, ut diligenter provideant utrum ii, quibuscum fœdera jungunt, necessitate coacti, an spe amicitiae ducantur: plenus est ejusmodi præceptis liber sextus, in quo de militari & urbana Romanorum disciplina copiosè differit; locorum vero ac regionum descriptiones nemo veterum diligentius explicavit; tum etiam superiorum temporum & historicorum ignorantiam sæpe coarguit, qui fabulosè multa de Romanis scripserant. ex eodem T. Livii & Appiani pudendum errorem deprehendimus, qui Gallorum legiones à Brenno deletas prodiderunt, nec tantæ cladi nuncium quidem superfuisse, qui urbem à se captam gloriaretur. consimili errore lapsus est Justinus, Callimachus & ejus scholiastes, qui Brenni copias

pias Italiâ vastata in Græciam influentes, spoliato Delphorum templo, fulgore percussas omnino interiisse fabulantur. nam Polybius clarissimis argumentis iisque necessariis docet, easdem copias incensa urbe ad Hellespontum usque progressas, & locorum opportunitate pellectas circa Byzantium constitisse, Thracibusque devictis regnum usque ad Clyari tempora tenuisse. quod mirum videri non debet: cum Balduino duce non ita pridem Byzantium ceperint, & imperio Cræcorum diutissime præfuerint. Polybium sequutus est ætate nostra Paulus Iovius, quod attinet ad universam sui temporis historiam, sed hoc inter utrumque interest, quod ille vel rebus gestis interfuit vel præfuit, vel publica ubique monumenta vidit; hic audita & inaudita plerumque scripsit: ille in militari ac domestica disciplina diu se exercuit; hic neutram attigit: ille in sua Republica princeps, hic privatus: ille imperator, hic medicus: ille magnam Europæ partem, oram Africæ, & Asiam minorem, ut populorum mores intelligeret, peragravit; hic annos septem & triginta, ut ipse gloriatur, in Vaticano consedit: ille Scipionis Africani moderator ac bellorum ubique socius; hic Pontificum perpetuus comes: cum autem rogaretur, cur simularet falsa, vera dissimularet: amicorum gratia id à se factum respondit. ac tametsi superstites intelligeret suis scriptis fidem derogaturos, attamen intelligebat infinitæ posteritati credibilia fore, quæ sibi ipsi suisque popularibus laudem essent allatura. illud certe ad sempiternam memoriam testatum reliquit Gorræus Parisiensis, qui quia finxit Amadisi fabulas, non minus veras ac probabiles, quam Iovii scripta fore confidit. ferendum quidem esset, si pro salute Reipublicæ mentiretur; id quod magistratibus Xenophon & Plato permiserunt: sed assentationis causa mentiri, cum omnibus turpe, tum vero historicis turpissimum. nam Bessarion Cardinalis cum inter Divos inepta quadam ἀποδείξις Romæ quam plurimos referri

videret, quorum vitam improbat, se valde dubitare dixit, utrum vera essent, quæ ab antiquis prodita fuerunt : ita mendaces historici faciunt, quo minus fidei reliquis habeatur. si Polybium imitaretur, meminisse debuerat quod ille historiarum initio profitetur, eum qui de historia veritatem detraxerit, pulcherrimi animantis oculos detraxisse. quam vere scripserit, non ex eo qui fabularum auctorem appellat, aut ex Sleidano vel Bruto Veneto, qui hominem mendacii sæpe coarguunt : quod alter religione, alter odio tyrannidis permoveatur : sed ex ipso historiæ parente Guicciardino, qui omnium iudicio verissime scripsisse putatur, convinci potest : cujus scripta si cum Iovio conferantur, non magis congruent, quam rotunda quadratis : præsertim in concionibus, epistolis, fœderibus, decretis, quæ Iovius suo arbitratu fingit ; in quo tamen decorum ita confudit, ut imperiti milites ipsius Alciati sui laudatoris iudicio, declamatores scholastici esse videantur. omitto ineptam Caroli Imperatoris ad Iovium cohortationem ; Expedire te, inquit, Iovi, calamos oportet, &c. tum ejus querelas & colloquia cum Iovio, quæ tam vera mihi videntur, quam ducentos amplius leones à Muleasie interfectos : aut ex agro Brixiano sexcenta milia minoris pecoris, majoris vero ducenta milia à Gallis abducta, ut ipse affirmat, nec aliis acceptum refert multa de Persarum, Abissinorum ac Turcarum imperio : quæ utrum vera sint, ne ipse quidem scire potuit, cum rumoribus fidem habuerit : nec consilia principum, nec conciones, nec epistolas, nec res gestas, nec ulla publica monumenta viderit : sic tamen scribit quasi rebus interfuisset, nec ullum dubitationi locum relinquit. quæ igitur verissime scribere potuit, noluit : puta res in Italia gestas, quæ voluit, non potuit : scilicet externa. nihilominus tamen graviter se laturum scribit, si cum sui temporis scriptoribus conferatur : quod Arriani exemplo scriptum opinor. is enim tanto

se reliquis historicis, qui vitam Alexandri Magni scripserant, superiorem putat, quanto reliquis imperatoribus Alexander. fuit certe Arrianus summo vir ingenio, summaque doctrina præditus, ut planum sit ex ejus commentariis in Epictetum. præterea usum cum eruditione conjunxit: ac propter summam prudentiam ab Adriano Augusto per omnes honorum gradus ad consulatum, florente Republica, provectus est. mitto flores Attici sermonis & eloquentiam, quæ in eo tanta fuit, ut alter Xenophon appellaretur. neque tamen si Iovius ulla re cum Arriano comparandus esset, moleste ferre debuit se cum aliis conferri; quod ei per me licebit: non quod multa non sint vere & eleganter ab eo scripta; sed hunc mendacii fructum tulit, ut etiam cum vera scribit, suspectus habeatur. hoc tamen acerbius est ac indignius, quod cum historiam venalem prostituisset, ubiores tulit mendacii fructus, quam quis alius vera scribendo. Sed ad veteres redeo, quos cum nostris, & inter se, ut casus feret, comparabo. Ac primum quidem occurrit Dionysius Halicarnasseus, qui præter moderatum dicendi genus & Atticam puritatem, antiquitates Romanorum ab ipsius Urbis origine tanta diligentia conscripsit, ut Græcos omnes ac Latinos superasse videatur. nam quæ Latini quasi pervulgata neglexerunt, putâ sacrificia, ludos, triumphos, magistratuum insignia, tum universam Romanorum in gubernanda Republica disciplinam, censum, auspicia, comitia, totiusque populi difficilem in classes ac tribus partitionem: postremo Senatus auctoritatem, jussa plebis, magistratuum imperia, populi potestatem unus omnium accuratissime tradidisse videtur; quæ ut planius intelligerentur, Græcorum leges ac ritus cum Romanis institutis comparat. ut cum jura clientelarum, quæ Romulus instituit (quamquam ea quoque Gallorum communia fuisse tradit Cæsar) ab Atheniensibus & Thessalis altius repetit: ac Romanorum Dictatorem

torem parem potestatem habuisse atque Har-
mosten Lacedæmoniorum, Archum Thessalo-
rum, Aofymneten Mitylenæorum. leges autem
Romuli, Numæ, Servii, una cum antiqua Roma-
norum origine sine hoc auctore penitus interiis-
sent: quæ Latini quasi pervulgata negligenter
omiserunt. atque id fere omnibus historicis
contigisse videmus, ut quæ vulgo cognita sunt
Reipublicæ instituta prætermittant: quasi ex-
teris æque ac civibus nota, vel etiam immutabi-
lia fore judicarent. recte Sleidanus, qui quod
Argentinæ Missa xx annos intermissa fuisset,
deinde prementibus armis rursus admissa, plebe
magno concursu velut ad nova spectacula con-
fluente, occasione accepta profitetur se posteri-
rati Missæ arcana relicturum, ne si rursus di-
missa, vel omissa, vel plane amissa fuerit, quæ
qualisque sit postea ignoretur: quanquam ple-
raque sunt ab eo negligenter prætermissa: sed
venia dignus est, si ejus sacrificii oblitus sit, cui
non nisi puer interfuerat. ita Dionysius, Plutar-
chus, Polybius, Dio, Græci homines Romano-
rum disciplinam universam, quam Latini negle-
xerant, diligenter pertractarunt. idem quoque
in nostris & Italorum scriptis sæpe desideravi,
ut Dionysium sibi proponerent ad imitandum,
qui singulas historiæ utilitates ubique colligens,
omnia dicta, facta, consilia ab bene institutæ
civitatis formam revocavit: maxime vero ad
religionem & numinis metum. quid enim di-
vinus & ad religionem magis accommodare
dici potuit, cum de justitia Romanorum ageret,
quam æterna quadam lege naturæ nunquam
interitura decretum fuisse, ut imperia Re-
rumpublicarum ab injustis possessoribus adju-
stos referantur? illud quidem est Syraciæ sa-
pientiæ magistri vetus oraculum: ex quo Dei
bonitatem, & eam, qua in rebus humanis uti-
tur, procurationem admirari debemus, cum o-
mnibus ætatibus ac seculis, dominatum opti-
mo cuique, cum summa utilitate infimorum tri-
butum videamus, sic enim Deus angelis im-
perat,

perat, hi hominibus, homines belluis, & in universum anima corpori, ratio libidini, mens rationi. atque hæc de historia Dionysii: quæ si integra extaret, nihil esset cur Varronis thesauros interiisse quereremur. fuit enim Dionysius non solum Pompejo Magno ac Tuberoni, sed etiam magistro Varroni tanta benevolentia conjunctus, ut ab ejus spaciis & colloquiis præclara omnia hausisse videatur. Parem fere diligentiam, in Romanorum antiquitate adhibuit Plutarchus, de eo quid judicandum sit, satis unicuique perspectum opinor, cum enim Trajani optimi principis moderator extiterit, & in aula principum diutissime versatus, ad extremum etiam Istriae præfectus, dubium non est quin ad summum sapientiæ studium, rerum quoque gerendarum usum adjunxerit. populorum vero maxime illustrium historiam complectitur: tametsi non perpetuam, sed abruptam, & ad principum similitudines accommodatam. est autem quod in eo miremur liberum de re quaque judicium, ut non tam historicus quam principum censor esse videatur. sic tamen existimo, si quis idoneus est earum rerum arbiter, aut Plutarchum esse aut neminem. quid enim tantam sapientiam latere potuit? patet hoc quidem omnibus qui modo gravissimas illius de Republica, deque intima philosophia disputationes legerint: bellorum vero causas, initia, progressus, offensiones, victorias non aliter ac bonus Imperator diligenter explicat; interdum etiam ad minima quæque rei familiaris momenta delabitur: cujusmodi est illud de Catone Censorio, qui dedita opera dissidia inter servos secebat, ne quid deterius in eadem voluptate conspirantes molirentur. ac de Pericle qui fructus annuos, quos ex prædiis percipiebat, suo commodo vendere, ac victui necessaria, emere consuevisset, sæpe incredibilia & plane fabulosa narrat, sed utitur verbo *παροι*, ne quis temere assentiat, ut in Lycurgo scribit puerum Lacedæmonium crudelissimam lacerationem & illo-

rum distractionem ad necem usque pertulisse, ne vulpis furtum detegeretur. & Agesilaum ab Ephoris mulctatum, quod suorum civium animos & voluntates unus sibi conciliarat. illud tamen animadversione dignum est, quod Græcos principes cum Græcis, & Romanos inter se bona fide comparavit. Græcos vero cum Romanis non item, idque facile intelligi potest in comparatione Demosthenis ac Ciceronis: Catonis & Aristidis: Syllæ ac Lysandri: Marcelli ac Pelopidæ. quid autem aliud est Agesilaum Pompejo, quam muscam Elephanto conferre? interdum etiam in Romanorum antiquitate labitur: quod in homine Græco, qui se linguam Latinam non satis intellexisse in vita Demosthenis confitetur, mirum videri non debet. scribit Gracchum equites cum senatoribus rogatione Sempronia de judiciis conjunxisse, qua tamen ademta sunt judicia senatoribus, & ad equites omnino translata: ut Vellejus, Appianus, Asconius, Tacitus & Florus confirmant. itaque legem Liviam pro Sempronia: & Gracchum pro Druso usurpavit. simile est illud quod Romanorum Denario drachmam; libræ minam æquavit, in vita Fabii & Antonii, id quod Budeo magnam præbuit errandi occasionem: nam his fundamentis male jactis, infiniti errores consequuntur: quod item in Catone Uticensi mutuam dare uxorem apud Romanos licuisse tradit: idque fecisse Catonem erga Hortensium, ut, ex Martia Catonis nobili ac fœcunda matrona liberos susciperet, vix adduci possum ut credam, præsertim cum Romuli lege de adulteriis ac more veterum, quem Tiberius revocavit, agnati adulteras uxores pro suo arbitratu coercerent, & quidem satis audacter Cujacius, qui P. Manutium fabrilis tractare jubet, quod lege Romilia de adulteriis capitalem pœnam uxori à marito & propinquis infligi licuisse putet; ea tamen lex à Gellio his verbis concepta est: In adulterio uxorem tuam si deprehendisses,

impune sine iudicio necares : illa te, si adulterares, digito non auderet contingere, neq; jus est; & in oratione Catonis De vetere mulierum vitæ & moribus : In adulterio uxores deprehensas jus fuisse maritis necare : neque enim *ζημιῶν* multare significat, ut voluit Cujacius, sed quoquo modo punire: hoc vero planius intelligitur ex ipso Halycarnasseo, qui maritum *τὸν κατὰ τὴν τιμωρίαν κύριον* fuisse scribit adulterii & ebrietatis causa; quibus verbis jus vitæ ac necis tribuitur. quanquam mitius agi, & à propinquis ultra ducentimum lapidem relegari adulteras consuevisse scribit. Tacitus libro secundo, item Plutarchus & Strabo Parthos æque ac Lacedæmonios mutuas uxores amicis dare consuevisse ajunt : sed eum morem non tulit, opinor, severitas Romanorum; neque Appiano idem quoque de Romanis scribenti assentior, cum in eorum antiquitate sæpissime offendat. nam libro secundo bellorum civilium scribit, Cæsarem cum Marcello in senatu dissentientem gladii capulo manum admovisse, ac minitantem senatui dixisse, Nisi dederitis, hic dabit : quæ verba sunt Antonii, cum eo tempore Cæsar esset in Gallia. idem P. Clodium cum Calphurnia Cæsaris stupri commercium habuisse, & in sacris bonæ Deæ deprehensum tradit. quæ ad Pompejum pertinent, fuit autem Ægyptius, postea Romæ Aurelio principe forensium causarum actor, ut ipse in Libyco profitetur. unus est tamen ex omnibus historicis qui Romanorum provincias, opes, exercitus, totiusque imperii descriptionem ad intuendum velut in subjecta tabula proponit. Strabo quidem, Plinius ac Rufus provincias attigerunt, opes omiserunt. sic enim in Libyco Appianus : Habent, inquit, Romani equitum quadraginta, peditum ducenta millia, armorum vim duplo majorem; minorum navium duo millia, triremes mille, quinqueremes quingentas : armamenta navalia multo plura, præter octoginta naves aurea puppe ac prora insignes: ad hæc trecentos elephan-

phantes, & curruum armatorum duo millia, talentorum verò in thesauris Ægypti quatuor & septuaginta millia : sed magnam ejus historiæ partem amisimus . nam Siculus , Macedonicus, Hiberius, & Carthagenensis desiderantur. Atque hæc Dionis Cassii opera sarciri poterant, nisi major esset hujus, quàm illius jactura : tametsi Xiphilinus in epitomen quæ potuit conjecit. cum enim Dio totum vitæ suæ tempus in Republica gerenda consumserit, ac per omnes honorum gradus bis ad Consulatum evectus, deinde Proconsul factus, provincias summa cum laude gubernarit, magnam denique bonarum artium scientiam cum usu conjunxerit, quis dubitet eum inter optimos scriptores censere? profectò comitiorum ac magistratuum Romanorum, totiusque publici juris disciplinam accuratè collegit: principum vero consecrationes & ἀποδείξεις unus tradidit; & ea, quæ Tacitus imperii arcana vocat, penè solus evulgavit. fuit enim publici consilii diligens indagator. videtur tamen ubique partes Cæsaris adversus Pompejum; & Antonii adversus Ciceronem data opera tueri voluisse. illa vero portenta quæ in acie Marcomanorum contigerunt, Arnulpho Ægyptio, non Christianis tribuit, contra quam Tertullianus, Eusebius, Orosius, Iustinus, Paulus Diaconus, ac Marcus ipse Aurelius in suis ad senatum literis testantur. Sunt qui Diodorum superioribus conferendum, plerique anteferendum putant: non video tamen quid in eo tantopere admirentur: siquæ dicendi genus, quo nihil magis vulgare dici potest, siue rationem historiarum spectent. rectè quidem & ordine proponit ea quæ initio cujusque libri dicturus est, seque ipsum breviter colligit; ut videre est initio primi libri, ubi totum opus in libros XL partitur. sex prioribus tempus omne complectitur ante bellum Trojanum, undecim sequentibus à bello Trojano ad Alexandri mortem, reliqui XXIV ab Alexandro usque ad bellum Gallicum. quod quidem tempus annos centum ac triginta supra mille comprehendit;

hendit; præterea quæ fabulosa veteres appellant ante bellum Trojanum ex quo ad Heraclidarum reditum annos supputat xc. secutus Apollodorum. hinc usque ad primam Olympiadem cccxxviii. à prima Olympiade ad bellum Gallicum dccxxx. hæc diligenter illustrium quoque philosophorum, historicorum ac poetarum ætates solus è veteribus ad historiam adjunxit. ut libro decimoquarto scribit Ctesiam à Nino historiarum initia duxisse, Archonte Lyfiade; hujus etiam libros sex Assyriarum, totidem Persicarum rerum, in quibus ab Herodoto ubique fere dissenferat, in unum collegit. Nam Plutarchus, Pausanias, Athenæus, & Græci fere omnes auctoritate Ctesiae utuntur, quanquam ejus epitomen habemus. Thucydidem verò initium historiarum fecisse tradit Archonte Charite, Q. Furio, & M. Papyrio Coss. Ephorum ab Heraclidarum reditu ad Perinthis expugnationem: Theopompum ab anno primo Philippi Macedoniæ regis, Archonte Calimede, Olympiade quinta & centesima, Cn. Genutio & L. Æmilio Coss. sed quod Diodorus in Theopompo reprehendit, idem in Diodoro coargui potest. ait enim ex libris octo & quinquaginta, quinque esse, quorum dubia sit fides: ita ex libris xl. Diodori quorum vix duodecim integros habemus, quinque priores pene ex fabulis conflati videntur, ut Vives, nihil eo scriptore nugacius esse putet. tamen primus est inter Græcos qui Plinii judicio nugari desiit. cum verò universitatis historiam scribere proposuisset, totus est tamen in historia Græcorum: quinetiam prolixior est in unius Philippi Lacedæmonii concione (Laconicæ brevitatis, & suæ in Thucydidem reprehensionis oblitus) quam in historia bellorum, quæ per Italiam gesta sunt annis fere trecentis: cum tamen longa digressionem de peste Atheniensium & ejus causis disputet. omitto quam absurda sit ejus Interpretatio de anno Lunari, cum homines annos mille ducentos aliquando vixisse crederentur: quasi non his quo-

que temporibus hanc ætatem multi superarent. sed cum annos xxx. in historia scribenda & regionibus obeundis se consumsisse fateatur, miror quur Italiæ finitimæ historias adeo negligenter tractarit: præsertim cum florentē Romanorum imperio, id est, Cæsare Dictatore, claruerit: nam si quis Livium ac Dionysium cum Diodoro compareret, ubique fere in Romanorum antiquitate discrepantes judicabit: maximè in ratione Fastorum & Olympiadum, in quibus sæpissimè labitur. idque fortassis imperitia linguæ Latinæ contigisse puto, quo minus scripta Romanorum diligentius inquireret. argumento est quod ubique *ἐπεὶ* pro Furio scribit, quasi Græca vox esset: item Ancum Horatium pro Marco: Sp. Manium, pro Melio: Lactucam, pro Lucretio: Trigemini pro Tricosto. quod ut librariorum vitio tribueretur (sic enim opinor) non tamen potest in Consulibus, Decemviris, ac Tribunis militum consulari potestate eadem excusatio habere locum; in quibus enumerandis modo tres, modo quatuor omittit, totamque Fastorum Consularium rationem confundit. sed hæc Caroli Sigonii & Onuphrii panuinii studiis ac labore facile possunt emendari, uterque profecto in Romanorum antiquitatibus explicandis summam ingenii laudem est adeptus. In quo genere magnum etiam Cornelius Tacitus nobis attulit adjumentum. cum enim à Tiberio usque ad Nervam unius seculi res gestas conscripserit, omnia maxima, mediocria, minima studiosè persecutus est. libro quarto profitetur se nec bella nec urbium expugnationes, nec fusos exercitus, nec certamina plebis & optima-tum narrare, suumque laborem inglorium fore, non tamen inutilem. & paulo post: Nos sæva jussa, continuas accusationes, fallaces amicitias, perniciem innocentium, & easdem exitu causas jungimus, quanquam omnia bella, quæ illis temporibus contigerunt, & quibus fere interfuit aut præfuit, studiosè describit. nec post Actiacam victoriam ullus est historicus qui

qui militarem aut forensem rationem copiosius tractarit. floruit enim diutissimè in militari urbanaque disciplina, & proconsul Germaniam inferiorem obtinuit, quo tempore Germanorum mores, instituta, ritus tanta diligentia perscripsit, ut uni Tacito suam antiquitatem Germani acceptam ferant. est etiam gloria majore dignus, quod Tacitus Augustus, qui ob summam sapientiam magna consensione Senatus ac legionum Imperator creatus est, ad hunc suæ stirpis originem detulit, ejusque libris bibliothecas omnes complevit: tametsi efficere non potuit ut integrum haberemus. est autem oratio Taciti mirum in modum arguta & prudentiæ plena. argumento sit illud, Proclivius est injuriæ quàm beneficio vicem exolvere: quia gratia oneri; vitium in quæstu habetur. quid autem de Sejano brevius & acerbius dici potuit, quàm ejus voluntatem non nisi scelere quæri potuisse? aut de Poppæa, maritos & adulteros non distinxisse, sed unde utilitas ostenderetur, illuc libidinem transulisse? Vitellii stuporem, libidinem, temulentiam, crudelitatem acerbè insectatur: sed nihil acerbè dici potest in eum qui præter naturæ vitia, quæ in eo maxima fuerunt, legem incestus ac nuptias avunculi cum sororis filia Senatui persuasit. idem cum inter cadavera cæsorum civium iter haberet, nec quisquam præter eum tetterimum odorem ferre posset, palam dixit: Bene olere interfectum hostem, melius civem. Si de legibus & Republica sententiam Taciti exquirimus, quid gravius dici potest, quàm omne magnum exemplum habere aliquid ex iniquo, quod contra singulos utilitate publica rependitur? Plato paulò aliter: Hydræ caput eos amputare, qui de legibus omnia incommoda detrahi posse opinantur. si forenses ac senatorias artes, si antiquitatem non Romanorum modo, sed aliorum quoque populorum quærimus, nusquam uberius seges. ut cùm de fœderibus apud Armenios sancendis agit: Mos est, inquit, regibus implicare dextas, pollicesque inter se vincire,

cire, nodoque perstringere ; mox ubi sanguis in artus extremo se effuderit , levi ictu cruorem eliciunt, atque invicem lambunt. id fœdus arcanum habetur, quasi mutuo cruore sacratum. quid multa ? nullus profecto historicus magistratui ac judici utilior videtur. sed me lacerat & conficit quorundam reprehensio, quæ refutatione minus egeret, nisi auctoritate plurimum valerent: nam ausus est Alciatus historiam illam planè divinam senticeta vocare, in ea epistola quam ad Iovium scripsit; & quidem propter asperum dicendi genus ab iis repudiari solet, qui leviores Grammaticorum nugas malunt, quàm gravissimas eorum narrationes, qui totum vitæ suæ tempus in Republica gerenda consumserunt. quanquàm non video cur Alciatus tantum virum contemnere, ipse de eloquentia triumphare debeat : nisi quod Decius illum ex albo Iurisconsultorum eximens Ciceronianum vocavit : non aliter ac Hieronymus qui se ante Christi tribunal verberibus cæsum scripsit, quod Ciceronianus esset, non Christianus : sed hic verberibus, ille contumelia nullo suo merito affectus est extra jocum. Budæus acerbe Tacitum scriptorem omnium sceleratissimum appellavit : quod nonnihil adversus Christianos scripsit. quæ ratio fecit, opinor, ut eum Tertullianus mendacissimum, Orosius adulatorem appellaret. sed quemadmodum Marcellus I. C. meretricem turpiter facere respondit, quod sit meretrix ; non tamen turpiter accipere cum sit meretrix : ita quoque impie fecit Tacitus, quod non fuerit Christianus : sed non impie adversus nos scripsit, cum gentili superstitione obligaretur. ego verò impium judicarem nisi quancunque religionem veram judicaret, non eam quoque tueri & contrarias evertere conaretur. cum enim Christiapi & Hebræi quasi venefici, & omnibus sceleribus ac stupris infames ad supplicia quotidie raperentur, quis historicus à verborum contumeliis abstineret ? quod si excusationem meretur ignorantia, profecto excusandus est Tacitus, qui Iudæos ab Ida, monte

monte Cretenſium quaſi Idæos deducit : ut Ni-
 colaus Damascenus , qui Hieroſolyma quaſi
ἱερὸς ὡς ἡ πόλις, παρὰ τοῦ *ἱερέως* dici putat. Hoc igitur ſi
 ſcelus eſt , multo majori ſcelere obligaretur Vl-
 pianus , qui ſeptem libros de Torquendis Chri-
 ſtianis, non ad hiftoriæ cognitionem , ſed ad ſup-
 pliciorum acerbitatem ſcripſit. Sceleratus quo-
 que Tranquillus ubi agit de Chriſtianis : cujus
 tamen hiftoriæ tantopere laudatur , ut æqui re-
 rum æſtimatores nihil unquam accuratius ab
 ullo hiftorico ſcriptum fateantur. Non placet
 quibuſdam quod leviffima quæque perſequi-
 tur : ſed in principum dictis & factis , nihil le-
 ve, nihil parvum videri debet ; propterea quod
 in vulgus manant , & principis exemplo mores
 populi ſemper reguntur. hoc fortassis improbari
 poteſt , quod ſœdiſſimas quaſque principum li-
 bidines nimis ſtudioſè conſectatur , quas Cor-
 nelius Tacitus omiſit. ſed in eo genere longe à
 Lampridio ſuperatur. is enim tot portenta no-
 varum voluptatum ab Heliogabalo inveſta de-
 ſcribit, ut non magis ea narrare, quàm unicuique
 ad imitandum proponere videatur , uterque ta-
 men in intima principum aula educatus eſt; præ-
 fertim verò Tranquillus , qui Adriano fuit ab
 epiftolis , ex eoque ſtatu depulſus , quod cum
 Imperatoris uxore familiaris egiffè ferebatur,
 quam decus aulicæ conſuetudinis poſtularet.
 nam qui conſequentium Imperatorum vitas or-
 dine ſcripſerunt, ſcilicet Dio, Spartianus, Capito-
 linus, Herodianus, Trebellius, Vopifcuſ, Eutro-
 pius, Lampridius, Volcatius, Ammianus Pompo-
 nius, Lætus, Oroſius, Sext. Aurelius; non eo fue-
 runt gradu quo Tranquillus: idque ingenuè Vo-
 piſcuſ confitetur , cùm Tranquillum emendatiſ-
 ſimum ſcriptorem appellat. ac merito. ſic enim
 ſcribit ut ne odignitate cujuſquam, nec vitiis, nec
 ulla omnino perturbatione commoveri videat-
 ur. Caligulæ virtutes animi & corporis tantas
 initio contigiffè ſcribit, ut nemini majores: ejus-
 dem tot ac tanta vitia, quæ poſtea conſecuta ſunt,
 commemorat , ut nullum in natura monſtrum
 ſœdius

fœdus fuisse videatur. idem Neronis laudabile
 quinquennium prædicavit. Claudium adeo stu-
 pidum fuisse scribit, ut illum pro tribunali se-
 dentem leues caufidici stultum appellarent. ejus-
 dem nobile judicium illud commemorat, quo
 feminam filium non agnoscentem, dubia utrin-
 que argumentorum fide, indicto matrimonio fi-
 lii, ad confessionem impulit. quid ab ipso sa-
 pientiæ magistro Salomone potuit sapientius ju-
 dicari? Non idem fuit in Herodiano studium ve-
 ritatis inquirendæ: nec fere potest ejusdem prin-
 cipis virtutes ac vitia recensere, ac sæpius erro-
 ris coarguitur à Spartiano, à Capitolino. Est et-
 iam in Tranquillo plurima Romanæ vetustatis
 & antiqui juris imago, multæ leges, edicta, sena-
 tusconsulta, quæ nusquam alibi reperiuntur: quæ
 vero qualisque fuerit principum cognitio ac ju-
 risdictio, solus pene Tranquillus cum Tacito
 scribit: ex quo plurimum lucis accedit ad scri-
 pta Iurisperitorum. His, opinor, commodè Vel-
 lejum Paterculum conjungemus, qui præter li-
 beralem eruditionem, magistratus & honores
 maximos domi ac militiæ gessit. ut enim dicendi
 genus, quo nihil purius ac suavius fluere potest,
 omittam; antiquitates Romanorum ab ultimo
 principio tanta brevitæ ac perspicuitate (si qui-
 dem integer extaret) comprehendit, ut nemini
 secundus esse videatur. laudes etiam illustrium
 virorum egregia quadam oratione & magno
 viro digna commendare solet, ut videre est in
 laudibus Pompeji, Cæsaris, Ciceronis; quæ ta-
 men ab eo scripta sunt, non historiæ, sed propo-
 sitionis locum habent, ad universæ historiæ com-
 prehensionem. Atque hujus exemplo G. Bel-
 laius Prorex Insulæ brevi libello Gallorum
 antiquitates complexus est ad historiæ formam,
 vel potius *ἱστορικὴν*, qua historiarum scripto-
 ribus singulare quoddam exemplar dedit ad
 intuendum & imitandum. scripsit etiam Lati-
 no ac vulgari sermone Caroli Quinti Impera-
 toris expeditionem in Provinciam, mira qua-
 dam ingenii ubertate ac prudentia. neque verò
 alius

alius esse potuit, cum ingenii vim acerrimam, summam eruditionem, & incredibilem rerum gerendarum usum haberet. totum enim vitæ suæ tempus in consilio principis, aut in obeundis legationibus, aut in munere imperatorio, aut in optimarum artium studiis consumpsit. denique perfecisse dicitur, ut Gallica nobilitas non minus literarum quam armorum gloria floureret, primusque apud nos arma literatis, & literas dedit armatis. sed ne quis meum civem (fuit enim natione Andegavus) à me plus æquo laudari putet, multo plura Sleidanus; qui cum hominem omni genere laudum cumulavisset, tùm verò Gallicæ nobilitatis decus appellavit. hunc igitur Polybio, Thucydidi, Xenophonti, Cæsari, Tacito jungemus, in eo maxime quod rerum causas, initia, progressus, inclinationes, atque omnia omnium consilia, dicta, facta, justissimis ponderibus examinavit. nec refert ad historici delectum, quod hic noster pauca scripsit, cum ex ungue leonem. Copiosè Guicciardinus, quem ad illius imitationem scripsisse putarem, nisi iisdem quibus ille temporibus floruisset. ac tametsi finibus Italiæ semper sese continuit, nec bellicis laudibus cum Bellajo comparari potest, attamen in scribenda historia iudicio gravissimorum virorum suos æquales (atque haud scio an veteres quoque historicos) superavit. nam ubi quid in deliberationem cadit quod inexplicabile videatur, illic admirabilem in differendo subtilitatem ostentat; & graves ubique sententias veluti sal accommodatè perspergit. Et ut pauca de multis colligam; cum militaris & urbanæ disciplinæ peritissimus esset, nostros homines imprudentiæ tacite coarguit, quod armis imperia facile propagarent, ea tamen retinere non possent: nec viderent partum imperium iis, qui domestica disciplina uti nescirent, non modo inutile, sed etiam grave ac perniciosum semper fuisse. Egregia sane & magno viro digna sententia, quæ utinam prim-

principibus bene cognita esset. alio loco Venetorum arguit imprudentiam his verbis : Veneti perturbatis Italiae rebus bellorum exitum otiose spectabant , ut ipsi quoque prædam abigerent , rati fore neminem qui se laceessere auderet. at potentiores esse, aut cum potentioribus in eadem amicitia conspirare oportet. quæ reprehensiones nihil habent contumeliæ vel acerbatis. nullius verò nisi mortui nomen laude prosequitur aut vituperatione , idque facit sine ulla perturbati animi significatione : ut videre est in Leone pontifice , à quo magnas opes , majores etiam honores ac magistratus adeptus erat (ab eo enim legionibus sacris & provinciis ecclesiasticis cum summo imperio præfectus est) nihilominus principem fuisse scribit , in quo multa laudare , multa vituperare possis : quinetiam ejus perfidiam adversus Franciscum regem in fœdere percutiendo solus detexit. neque tamen Carolo V minus infidum fuisse tradit , quod ejus ope Gallos Italia expulisset , ut postea Hispanos facilius ejiceret. quid autem de Ferdinando verius dici potuit , quàm omnes suas cupiditates religionis ac publicæ utilitatis specie texisse ? aliud argumentum est ejus integritatis & animi ægritudine vacui , quod cum Gallis vehementer infensus esse debuisset (ab iis enim diutissimè obsessus est cum Parmam strenue tueretur , ac de vita , deque fortunis omnibus periclitaretur) nihilominus tamen Pauli Iovii de morbo quem Gallicum vocat , orationem refellit. Par est , inquit , Gallorum nomen ab hac infamiæ labe vindicare , cùm Hispani ab Hesperiiis insulis in Italiam hoc morbi genus invexerint. est autem mirum in eo studium veritatis inquirendæ. nihil enim temerè , sed omnia necessariis argumentis confirmat. fertur enim epistolas , decreta , fœdera , conciones ex ipsis fontibus hausisse & expressisse. itaque frequenter occurrit illud , **LOCUTVS EST HÆC VERBA** : aut si ipsa verba defuerint , **LOCUTVS** est in hanc fere-

sententiam. quo fit ut Iovio planè dissimilis sit, qui ut magnam historiæ partem; ita conciones vel potius declamationes scholasticorum in modum finxit; argumento est concio Balionis ei planè contraria quam Guicciardinus ab exemplari descripsit. fuit enim & rerum & locorum & personarum, atque adeo consiliorum & factorum tam diligens investigator, ut omnes Italiæ urbes, municipia, castra, fluvios, quodque maximum duco, publica monimenta penitus inspexisse videatur. quæ verò fama dissiparat in vulgus, nusquam prætermisit, ut in acie Mauritana, qua Galli Helvetiorum exercitum fregerunt, cæsorum numerum scire non potuit: propterea quod, inquit, magna pars invidia, vel studio, vel errore ducebatur. plerique XIV. Helvetiorum millia: nonnulli decem: alii octo: fuere qui tria duntaxat millia referrent. cùm autem scripserit res in Italia gestas annis fere XL. externa modicè, aut etiam intra modum attigit. Turcarum quoque ac Persarum bella, quæ multo melius illi quàm Iovio nota fuerunt, prudens omisit, ne de rebus parum sibi compertis temerè affirmaret. sed ne penitus ignorarentur, ita levissimè commemorat; Ferebatur Selymus Syriam & Ægyptum invasisse. videtur tamen nonnullis aliquanto proluxior. sed iis qui statum Rerumpublicarum atque omnino casus humanos intueri volunt, brevissimus: propterea quòd nulla pars orbis terrarum plures casus, aut majores Rerumpublicarum conversiones illis temporibus per tulit quàm Italia. at illud quanti est ab eo tantarum rerum veritatem intelligere, qui totius Italiæ consensu summa prudentia, eruditione, integritate, rerumque gerendarum usu floruisse fertur? nam cùm alius aliter & fere suo quisque arbitratu fingeret historias, unus inventus est qui tam altè ædificavit, ut non modo levissimorum hominum, sed etiam Iovii ac Bembi luminibus obstruxisse videatur. Vt enim Bembus vir clarus, & in luce totius Italiæ diu multumque versatus sit (omitto singularem ejus eloquen-

eloquentiam) nihilominus aut multa in gratiam suorum civium aliter atque gesta sunt scripſisse, aut certe Guicciardinus sæpe mentitus esse convincitur. cujus rei unum aut alterum argumentum sit ; quodd cum Galli ad Forum Novii auxiliares Venetorum copias fudissent, ferroque, ut dicitur, viam sibi ipsis aperuissent ; Bembus nec victos, nec victores fuisse scribit, & eorum in Galliam reditum fugam appellat. Guicciardinus argutè hunc in modum ; Si vincere est ea re potiri, cujus causa bellum suscipitur, Galli vicerunt, cum ob eam duntaxat causam prælium suscepissent, ut in Galliam Rege incolumi redirent. cum igitur hostes in fugam converterint, partim prostraverint, partim in Tarum flumen adegerint, seque in patriam tuto receperint, quis de victoria quærendum putet ? rei quoque veritatem diffimulavit Bembus in prælio Ravennati, cujus victoriam tam claram & illustrem nemo Gallis unquam præripuit. Militum, inquit Bembus, & equitum millia supra decem & octo interfecta sunt pari fere utrorumque numero, fortuna dispari. quod igitur Venetos, nunc Italiæ columen, nunc publicum orbis terrarum ornamentum vocat, ac eorum modo æquitatem, fidem, modo magnificentiam & opes, uniusque navis Venetæ incredibilem adversus Turcarum opes, fortitudinem, omnium denique civium pietatem, modestiam, religionem, prudentiam ubique extollit; rem facit non tam bono historico, quam bono cive dignam. quod verò Gallos ubique verborum contumelia insectatur ; quod nihil sanctum ab illis aut tutum fuisse : quod fidem Venetis & Alfonso Avalo datam fregisse tradit ; scriptoris est, non seipsum laudantis, sed vituperantis. ac siquidem militari jure infamis est, qui nationem verborum contumelia violavit, quanto magis hoc historico fugiendum ? præsertim si in eo ipso quod aliis objicit, falsa pro veris tradere convincitur ? nam Guicciardinus, violati fœderis crimen in Venetos regerit : non tantum propter perfidiæ nimiam adversus Gallos suspicio-

nem, sed etiam quod Alvianum acerrimum Gallorum hostem, non modo triumphantem de Gallis in urbem admiserant, sed fœderis quoque legibus complecti rege Gallorum invito conarentur. quæ igitur de perfidia Gallorum oratoriè scribit, tam vera sunt quàm in Apulia bello Veneto corvos ac vultures tanta ex aëre vi, tantisque agminibus inter se conflixisse, ut carri duodecim eorum cadaveribus explerentur. qua de re non ambigit Bembus, sed planè affirmat. & verò cum invitus, ut ipse testatur, annosque natus sexaginta ad scribendum se contulisset, eum laborem, quem in historia scribenda quærimus, ægrè ferebat: Tædet me, inquit libro quarto, ejus belli leviora consèctari. quis inim legat sine fastidio singula? hæc planè sunt oratoria: cujusmodi est etiam Lauredani concio adversus Minium, qua nihil fieri potest ornatius. puritatem enim dictionis ita consèctatur, ut verbis quidem parum Latinis, sed tamen ad significandum necessariis uti nolit. Turcarum Imperatorem regem Thraciæ, quæ vix centesima pars est ejus imperii; & Mediolani Ducem, regem quoque vocat. id quidem Latine, sed non satis, opinor, ad id quod decuit accommodatè. At Bembi omnino dissimilis est Procopius, qui ornamenta historiarum, & Græci sermonis puritatem aut nescisse, aut neglexisse videtur: sed quæ ad historiam pertinent singula commemorat, ac res quoque levissimas magno studio consèctatur. & quoniam in rebus gerendis perpetuus Belisarii comes, ac totius publici consilii particeps fuit, sæpius etiam pro Republica legationes obiit; denique mediocriter est à doctrina informatus, ut non dubitem illum inter selectos recensere. cum verò singulas epistolas, decreta, fœdera, conciones vario dicendi genere ac stylo describit, magnum verissimi scriptoris præbet argumentum: nisi quodd suum Belisarium sæpius quàm decuit, & ineptis plerumque laudibus oneravit: ineptius quoque cædem Constantiani, qui apud Iustinianum stabuli magistrum egit, Belisarii jussu.

jussu perpetrata ita excusavit, ut in fatis esse diceret, Constantianum sic mori debuisse. ridiculas quoque xxx porcorum & statuæ Theodoricæ conjecturas eximo; quodque Thulen decies Britannia majorem facit, quæ tamen altero tanto minor est. sed illud fidem omnium superat; cineres Vesuvii montis, qui citra Neapolim situs est, Byzantium usque vento delatos, ac populum ita exterritum, ut annuis supplicationibus Deum placaret; quæ prodigia sapiunt Græcam vanitatem, & historicis non modo prophanis, verum etiam ecclesiasticis fidem sæpe derogarunt. Plenus est ejusmodi fabulis Nicephorus Callistus, quibus etiam Zonaras, alioqui probatus historicus, & Nicephorus Gregoras sæpe delectantur; ac interdum Eusebius Cæsariensis: cuiusmodi est illud quod se vidisse omni asseveratione confirmat; Plantam in basi qua nitebatur ænea Christi statua (quam ante annos ccc. fœmina sanguinis profluvio curata SERVATORI dicar) sponte natam; quæ cum primum extremam statuæ vestem attigisset, omnia morborum genera curabat. Talibus nugis referti sunt Antonini, Adonis, Saxonis Grammatici, Sigeberti, Phriculphi, Naucleri, Mariani, Merlini, Vrspergensis, Annonii, Turpini, Guagnini, ac veterum annalium libri; quibus omnino carere non possumus. in eo genere tamen alii aliis longè præstant. Nam Gregorius Turonensium, Antonius Florentinorum, Gulielmus Tyri Pontifex, Abbas Vrspergensis, historias tametsi portentis ac miraculis refertas; utiles tamen ac fructuosas scripserunt, præsertim illis temporibus quibus barbaries omnia cumularat. fuerunt etiam in Republica gerenda & publicis consiliis diu multumque versati. aliorum reliquias veluti gemmas, è stercore colligere debemus, si desunt meliores. qui enim Tartarorum gesta scripserit, præter Paulum Venetum & Haytonum habemus serè neminem: ea tamen exigua sunt, & fabulis confusa. verior Haytonus, detrahimus igitur de Paulo Veneto quiddam

mare Caspium piscibus semper vacuum est. præterquam jejuniis temporibus : quod urbis Quin-
 sæ ambitus superat miliaria septuaginta : quod
 eadem duodecim millia pontium habet tantæ
 altitudinis , ut naves onerarias explicatis velis
 facile admittant : quod Zipangrini adversus ho-
 stium exercitus annulis utuntur, quorum ea vis
 est , ut inviolabiles sint , his detractis Tartaro-
 rum gesta, mores, leges, ac religionis descriptio-
 nem utcunque intelligamus. At Fr. Alvaresius
 multò majori fide ac diligentia res Æthiopum
 primus scripsit, quæ nunc à peregrinis & optimis
 quibusque scriptoribus probantur , nec sine ma-
 gna voluptate leguntur. Consimiliter Zeiglerus,
 Crömerus , Cranzius , Olaus ; Gothorum , Sa-
 xonum , Nerviorum , Sarmatarum seu Polono-
 rum ac Danorum historias antea incognitas evul-
 garunt. cæteri quidem valde probabilia ; Olaus
 sæpe incredibilia narrat. sunt tamen nonnulla
 quæ scriptorum ac testium multitudine & con-
 sensu quodammodo persuaderi possunt. nam
 quæ de Nerviorum (hi nunc Livones appellan-
 tur) in lupos configuratione , & *μεταμψυχία*
 ab Herodoto , Pomponio Mela & aliis histori-
 cis olim pervulgata sunt , ea juniores compro-
 barunt. hoc enim Caspar Peucerus vir magnæ
 eruditionis & minimè vanus , tum etiam Lan-
 guetus non minus doctrina , quàm diuturna to-
 tius Europæ peragratione clarus , se ab incolis
 accepisse mihi confirmavit. quod utrum fiat oc-
 culta quadam vi naturæ potentis , ut de Parrha-
 sio traditur : vel ultione divina , ut de Nabu-
 chodonosore ; nondum mihi compertum est. Al-
 varesium proximè secutus est Leo Afer. hos igi-
 tur cum Pomponio , Strabone & Pausania pro-
 pter scribendi rationem Geographisticos appel-
 lare soleo ; propterea quod historiam una cum
 geographia complectuntur. Strabo quidem res
 publicas & imperia orbis terrarum leviter at-
 tingit ; Pausanias universæ Græciæ provincias,
 Rerumque publicarum status & conversiones,
 populos , urbes , castra , fluvios, montes, verti-
 ges,

ces, fontes, fana, statuas, tam curiosè describit, ut in eo genere omnium superarit opinionem, ita quoque Leo Afer genere Maurus, natione Hispanus, religione Muhameticus, deinde Christianus; posteaquam totam penè Africam & Asiam minorem, bonam quoque Europæ partem diuturnis itineribus obiisset, captus est à piratis, & Leoni Pontifici Max dono datus: apud quem ea, quæ incredibili studio ac diligentia de Africa, deque Africæ populorum moribus, legibus, institutis, totiusque regionis situ ac descriptione Arabica lingua composuerat, in Italiam transtulit. militarem disciplinam leviter tractat: sed offensiones & victorias imperatorum inter ipsos, sine ullis concionibus & ornatu, non ut historicus, sed quasi geographus breviter commemorat: ac perpetua rerum novarum voluptate invitum detinet lectorem: nihil admodum incredibile narrat præter asini Ægyptii, vel potius aurei, stupendam docilitatem. quod enim se vidisse affirmat ovium Ægyptiarum caudas, quæ pondere libras quinquaginta, interdum vero centum viginti æquarent, cum Bellonio & Hieronymo Cardano, consentanea scribit. profecto unus est ex omnibus, qui Africam post Annos mille infelici barbarie ac nostrorum hominum ignorantia sephitam aperuit, & omnium oculis patefecit. His conjungo F. Leandrum & Munsterum, quorum alter universam Italiam; alter Germaniam in tabula veluti sub aspectum collocarunt, & populorum historiam cum geographia conjunxerunt. sed cum Munsterus suam Germanographiam inscripserit Cosmographiam: totus est tamen in Germanorum & Helvetiorum regionibus, oppidis, situ & populorum origine ac descriptione, quibus detractis nihil ferè orbi terrarum universo reliquum sit. Sed animadversione dignum est, quod omnes non modò historici, sed etiam geographi quos mihi legere contigit (excipio Polybium & Ptolemæum) insularum ac regionum magnitudinem ex ambitu colligunt: & quarum circuitus æqualis est

aut major, æquales esse putant aut maiores: quo nihil absurdius dici potest. id tamen necessarium plerisque, ac mihi sæpe visum est, quousque geometrica demonstratione animadverti, sæpissimè fieri, ut unius insulæ circuitus triplo major sit alterius circuitu, cuius tamen decuplo minor sit magnitudo. Ut autem Geographistorici regiones cum historia, sic Philosophistorici rerum gestarum narrationem cum sapientiæ præceptis cumularunt. in quo genere Xenophontis magna laus, eoque major, quo neminem habuit, quem imitaretur, ut Vellejus scribit de Homero; nec postea fuit qui illum imitari posset. Hunc secutus est Plutarchus, deinde Laërtius, postea Philo Iudæus, quem inter & Platonem, opinor, veteres non modo præjudicium, sed planè iudicium tulerunt. Hujus æqualis Iosephus, laude quidem philosophiæ secretioris inferior, antiquitatis tamen cognitione longè superior videtur. & quidem miratur Hieronymus, tantum Græcæ antiquitatis in homine Iudæo fuisse. id autem ex libris ejus contra Appionem Grammaticum intelligi potest; in quibus scripta Moïsi (tametsi ad fidem faciendam se ipsa contenta sunt) Græcorum, Persarum, Ægyptiorum, & Chaldæorum testimoniis ita confirmavit, ut nihil ad origines intelligendas utilius scriptum esse videatur: quæ verò de hominum ætatibus à Mose prodita sunt, ne cuiquam incredibilia viderentur, duodecim historicorum auctoritate confirmavit: populum verò Hebræorum antiquitate, fide, religione, doctrina, integritate populis omnibus superiorem facit, non tantum ut gloriam suorum civium intermortuam, sed etiam ut rei veritatem ab oblivione vindicaret. nam ex ejus scriptis Herodoti, Diodori ac Iustini fabulæ refutari facile possunt. Post ea tempora, Hegefippus Iudæus bellum Iudaicum libris quinque complexus est, quos Ambrosius latinos fecisse fertur. verius tamen ac melius Iosephus, qui non modo affuit, sed etiam præfuit, & captivus à Vespasiano ac Tito ius civitatis & nomen Fla-

viæ gentis ac statuam adeptus est. in eo certè
 fuerunt historici virtutes illæ, quas antea dixi-
 mus: summa eruditio, eximia integritas, &
 maximus rerum agendarum usus. quanta verò
 integritate ac fide scripserit, ex eo planum est:
 quod qui religione Iudæus esset, de Christo gra-
 ve imprimis ac laudabile testimonium tulit. at
 ecclesiastici fere scriptores cum de adversariis
 nostræ religionis scriberent, tantis odiis exar-
 serunt, ut non modo laudes eorum obruere,
 verumetiam omnibus contumeliis lacerare co-
 narentur. Argumento sit Iulianus Augustus, is
 qui Transfuga usurpatur, qui tametsi capitali
 odio ac suppliciis omnibus dignus esset; quæ
 tamen ab eo præclare gesta sunt, historias scri-
 bentem non decuit præterire, quod nostri fece-
 runt. In quo certe Ammiani Marcellini candor-
 em ac studium inquirendæ veritatis imitari de-
 buissent: is enim principum virtutes ac vitia, ut
 optimus quisque scriptor summa fide notavit.
 Iulianum accusat, quòd religionem Christia-
 nam absolutam ac simplicem (sic enim loqui-
 tur) anili superstitione confudisset: quòd Chri-
 stianis literas crudeliter ademisset: quòd Pala-
 tinos Constantii comites occidi iussisset: ejus-
 dem tamen virtutes egregias oratione singulari
 commendavit; summam temperantiam, forti-
 tudinem, continentiam, sapientiæ studium ac ju-
 stitiam opinione majorem; quæ gravissimis ex-
 emplis ac testimoniis confirmat: cujusmodi est
 illud, cùm Delphidius Gallus orator acerrimus,
 Numerium Narbonensis Galliæ Præsidem apud
 Iulianum, qui tum Luteriæ agebat, vehe-
 menter accusaret, ac testium inopia premeretur,
 tum Delphidius: Ecquis, florentissime Cæsar,
 nocens erit usquam si negare sufficiet? cui Iulia-
 nus: Ecquis innocens erit si accusasse sufficiet?
 fuit autem Ammianus natione Græcus, & ut ipse
 confitetur, miles; Vrsicini magistri equitum co-
 mes perpetuus: quippe omnibus fere bellis, quæ
 à Romanis in Europa & Asia suis temporibus ge-
 sta sunt, interfuit, & ea quidem integra exstant

libris XVIII. comprehensa, id est, ab anno tri-
 gesimo imperii Constantii usque ad exitum Va-
 lentis. nam superiores tredecim ex aliorum scri-
 ptis facile sarciantur. coeperat autem à Nerva in
 quo desierat Tacitus; quem unum ex omnibus
 ad intuendum & imitandum sibi proposuisse vi-
 detur: hoc tamen ab eo differt, quod Tacitus
 Romani sermonis dignitatem, ut tempora fere-
 bant, assecutus est; Ammianus verò Latinis ver-
 bis; ac sæpius ne Latinis quidem Græcè scri-
 psit; & à re proposita longius ac sæpius digre-
 ditur. quo tamen vitio summi quoque viri labo-
 rarunt: idque in ipso Cicerone Possidonius gra-
 viter notavit, sed huic reprehensioni Ammianus
 si non Latinè, satis tamen ad id quod voluit ac-
 commodate hunc in modum occurrit; Quod au-
 tem est, inquit, paulò prolixior textus, ad scien-
 tiam proficiet plenam, quisquis enim affectat ni-
 miam brevitate ubi narrantur incognita, non
 quid signatius explicet, sed quid debeat præte-
 riri scrutatur. Ex hac igitur historicorum tanta
 varietate, singularum delectum adhibere pro suo
 quenque iudicio necesse est, ne in tam brevi
 hujus vitæ curriculo scriptorum multitudine
 obruamur. nam si perspectum habebimus Poly-
 dorum de rebus Anglicis (tamen si Scotis &
 Francis valde suspectus est) Rhenanum de Ger-
 manis, Æmilius de Gallicis verissimè scripsisse,
 non magnopere laborandum erit de Beda, Gua-
 guino, Gazo, Saxone, & ejusmodi scriptoribus,
 qui res easdem incodite scripserunt. at nescio
 quo naturæ ingenio contigit, ut cum iisdem tem-
 poribus maxima historicorum ubertas efflueret;
 sic evanesceret eodem penè momento. scribit
 enim Plutarchus, trecentos historicos Maratho-
 niam pugnam scripsisse: ita res Italicas superio-
 ris ætatis xxx. fere scriptores literis prodide-
 runt. unum tamen Guicciardinum, cujus omni-
 um opinione perspecta fides est, omnibus antefe-
 rendum putem. & nunc tota pene Europa histo-
 ricorum multitudine abundat, qui res quasque
 levissimas scribunt: cum multis antè seculis ha-
 buisset

buiſſet fere neminem. ſed ne infinitum ſit omnes omnium commentarios evolvere, optimum quemque iis, quas diximus, vel etiam melioribus conjecturis aſſequemur. illud etiam admonendi ſunt, qui ad hiftoriarum ſcriptores accedunt, ple-roſque eandem hiftoriam continua ſerie complexos fuiſſe. cujuſmodi ſunt libri Iudicum, & libri Regum. idque ſæpius factum unius ſcriptoris appellatione, ut liber Samuelis: nam capita xv poſteriora mortuo Samuele ſcripta fuiſſe planum eſt: ut etiam poſtrema Deuteronomii periodus. ac liber Iofuæ propter eam cauſam alterius ſcriptoris eſſe putatur, quia liber Recti citatur de Solis ſtatu: quem tamen librum quingentefimo poſt anno ſcriptum fuiſſe apparet ex primo capite libri primi Regum; niſi dicamus librum Recti plurium fuiſſe ſcriptorum & ante Iofuam inceptum. Eadem ratione Hæmo, qui corruptè à noſtris Amonius appellatur; ex pluribus ſcriptoribus conſtatus eſt, cùm trecentorum annorum res à ſe viſas commemorat: idem iudicium eſt de Reginone & Carione. Atque hæc de hiftoricorum delectu: quæ ſic à me ſcripta velim, ut integrum cuique iudicium relinquatur.

De recto Hiftoriarum iudicio.

C A P. V.

Locus hic poſtulare videtur, ut de recto hiftoriarum iudicio dicamus. ſi enim ea fuiſſet in quibus eſſe debuerat, opinio veritatis ac fides; nihil erat cur de hiftoria dubitare, aut aſſenſionem cohiberi oporteret: ſed quoniam tanta eſt hiftoriarum inter ipſos diſcrepantia, ut non modo alii ab aliis, verumetiam à ſe ipſi plerunque vel ſtudio, vel animi ægritudine, errore diſſideant: ſtatuendum nobis eſt in univerſum, quæ qualiſque ſit omnium aut maximè illuſtrium populorum natura, ut hiftoriarum veritatem juſtis ponderibus examinare, ac de rebus ſingulis rectius iudicare poſſimus. Atque

id paulò aliter faciendum nobis est, quam Diodorus, Volaterranus, Cælius, Sabellicus, Boemus; qui de populorum variis legibus, religionibus, sacrificiis, epulis, institutis levissime scripserunt; de quibus tamen, quod infinita sunt varietate, ac paulo momento per sese, vel principum arbitrio mutabilia, nihil certum statui potest. quæramus igitur illa quæ non ab hominum institutis, sed à natura ducuntur, quæque stabilia sunt, nec unquam nisi magna vi, aut diuturna disciplina mutantur; & mutata nihilominus ad pristinam redeunt naturam. quo de genere nihil à veteribus scribi potuit, cum regionum ac locorum, quæ non ita pridem patuerunt, penitus essent ignari: sed tantum quisque affecutus est, quantum probabili conjectura potuit. Primum igitur explicabimus naturam populorum, qui ad Septentriones & Austrum positi sunt: deinde eorum, qui ad ortum & occasum: post etiam propria loca, montana scilicet, palustria, ventosa, quieta: tum quanta vis inest in disciplina ad immutandum hominum naturam: postremo Ptolemæi ac veterum errores confutabimus, qui mores populorum ad Zodiaci partes, quas cuique regioni tribuunt, referri putant oportere. quibus intellectis ac perceptis, magnam partem historiarum intellectam perceptamque fore confido: atque haud scio an ulla disputatio magis ad universam historiarum cognitionem & incorruptum earum iudicium necessaria videatur. Sed inprimis illud statuo, nullam esse locorum aut cælestium siderum tantam vim, quæ necessitatem sit allatura (quod ne cogitare quidem fas est) ab iis tamen homines sic affici, ut naturæ legem, nisi ope divina, aut diuturna disciplina, superare non possint. falsum est enim quod Galenus & Polybius affirmant, aëris temperiem necessariò nos immutare. magnam quidem vim ad immutandos animos habere, necessitatem tamen non adferre, argumento fuit Anacharsis Scythæ. atque ad hanc locorum varietatem referre debemus ea, quæ Plato lib. quinto de legibus

bus scribit, alios aliis meliores ac deteriores effici ex ipsa locorum varietate, quos propterea legibus sæpe contrariis ac repugnantibus moderari necesse est: eam quoque dissimilitudinem ab aquis & aëre, tum etiam à ciborum varietate manare. Tradunt igitur veteres uno fere consensu, homines ad Aquilonem positos corpore quidem majores ac robustiores; ad Méridiem verò imbecilliores, aliis tamen ingenio præstare. id autem usu diuturno compertum, propterea quodd facilis est ejus rei animadversio: sed quousque vis illa Septentrionum & Austri pertineat: quid ortum & occasum finiat, quidve de moribus ac insita cuique natura sentiendum sit, difficile dictu est; eoque difficilius, quodd nullus est, qui in tantis tenebris facem prætulit. Nam Hippocrates, cuius summa semper fuit auctoritas, homines ad Septentrionem exiles, & fuscos esse tradit. Aristoteles in Quæstionibus, æque barbaros esse qui æstu, atque ii qui frigore nimio rigent: quæ superioribus vehementer repugnare videntur. nam quomodo ingeniosi sint Australes & barbari? vere tamen uterque. sed ut planius intelligi possint, constituamus quatuor hujus hemisphærii fines; Austrum in Æquatoris circulo, Septentriones in vertice Poli; ortum in insulis Molucarum, occasum in insulis Hesperidum: Strabo aliter: Indos in ortu, Celtas in occasu, Scythas in Septentrione, Æthiopes in Austro collocavit. Ptolemæus ab illa partitione non longius discessit. sed non ita pridem compertum est, antiquos vehementer in eo lapsos esse. Inegant etiam Mathematici, ortus & occasus ullum esse discrimen: quàm verè, suo loco dicemus. nunc satis est, à nobis ortus & occasus medium in America collocari, quodd ea regio ab India & Africa infinitis spatiis divellatur: Septentrionis verò & Austri medium esse Æquatorem, quod ad universitatem attinet: hujus autem hemisphærii quod citra Æquatorem est, quintum & quadragesimum latitudinis gradum: ut quicquid infra supraque, Polum versus interjacet, Sep-

rentrionibus : cætera Austro tribuantur. & quoniam antiqui, præter Possidonium & Avicenam, hominum sedes tropicis & popularibus circulis definiunt, rati ulterius nullum salutis esse aut habitandi locum : eripiendus est hic error. compertum est enim crebris navigationibus, Æquatoris saluberrimam esse regionem : sub Tropicis verò regiones incredibili æstu flagrare : & quidem ratio est in promptu. nam sol evehitur altius in Æquatore, ac multo celerius fertur propter circuli magnitudinem, quàm in Tropicis, quin etiam Alvaresius scribit aquas illic Iunio mense concreescere gelu, modo flaverit Auster accedit imbrium magna vis, montium incredibilis altitudo ac silvarum copia ; postremo color & vultus hominum minimè ater, sed velut olearum. contra vero sub Tropicis vehementes æstus. nulli imbres, nullæ silvæ, rara flumina, perpetua planicies arenarum, præterquam in Arabia felice & quibusdam Indiæ locis, propter orientis & montanæ regionis naturam. denique incolarum atra cutis, non modo Æthiopum, sed etiam Indorum, ut Ctesias jam pridem ac nostri experti sunt. vix enim persuaderi possum, quod quidem vir doctus tradit, ab execratione Chusis homines atros fieri. ac jam pridem irrita est Herodoti sententia, qui Æthiopum semen nigrum esse putavit ; oportere enim Æthiopes in Scythia nigros, & Scythas in Æthiopia candidos nasci : cum omnes populi coloniarum multitudine ac frequentia confusi jam pridem fuerint. at videmus homines æque ac stirpes. mutato solo paulatim degenerare : & eandem esse rationem, cur ignis & sol, id quod Aristoteles tradit, homines inficiant atro colore. quin etiam Plinius scribit, Leones in Æthiopia nigros esse, qualem se vidisse testatur Oppianus poëta in libro de Venatione: quos ego libros cum Latino versu & commentariis illustrassem, quidam grammaticus eosdem libros oratione soluta, quantum libuit de meo labore detrahens, iterum pervulgavit. Ut igitur veterum errorem fugiamus, triplicem regio-

regionem ab *Æquatore* ad *Polum*, quæ nonaginta partibus constat, æquali ratione complectemur, sic tamen ut xxx. partes calori, totidem frigori tribuamus: restabunt triginta emperatissimæ regionis; in qua commodè beateque vivi possit, præterquam in iis locis, quæ vel præruptis montibus aspera, vel paludibus immersa, vel ariditate deserta, vel aquarum aut soli vitio perniciosa & infrugifera sunt. est enim tanta soli ubertas in quibusdam *Tropici* regionibus, ut incolæ cæli graves injurias minus sentiant. rursus triginta partes caloris ac frigoris regionisque temperatæ bifariam dividemus: ut quindecim circa *Æquatorem* temperatiores sint: quindecim circa *Tropicum* ardentiores: & in regione temperata, quindecim priores lenitate cæli moderatiores; consequentes à quadragesimo quinto gradu ad sexagesimum, aliquanto frigidiores. rursus è triginta partibus frigidissimæ regionis, quindecim coluntur, ulterius nullæ urbes, nulla oppida, nullus denique hominum tuendæ salutis locus: hanc partitionem ut inirem ipsa natura ususque docuit. nam trigessimus ab *Æquatore* gradus, quasi limes secat *Atlantem*, qui ab extremis *Africæ* oris in *Ægyptum* usque procurrit, seque *Solis* ardoribus opponens, oram *Africæ* citeriorem innumeris fluminibus rigat. idem limes *Arabiz* jugâ, totiusque litoris *Perfici* ac *Indici* extrema dividit. pars verò ab *Æquatore* sexagesima, *Gothorum* fines, *Livoniam*, *Moschoviam*, *Orcades* insulas, & montis *Imai* extrema lambit. hinc usque ad septuagesimum quintum gradum ægrè, ultra nullo modo habitari potest, si geographis & historicis fidem habemus. ob id etiam triginta quasque partes bifariam divido, quod *Tropici* & *Polares* circuli quindecim gradus hinc inde septem partitè secant; si quis eam quam dixi partitionem admittat. Et quoniam sub *Tropicis* & utroque *Polo*, summa est intemperies frigoris & caloris, sub *Æquatore* temperies eadem erit atque eorum qui sub trigesimo gradu positi sunt. nam

heic & illic Leucoæthiopes esse feruntur : sub
 Tropicis supra modum atrī : sub Arcto rationē
 contraria fusco sunt colore : pōst ad gradum us-
 que sexagesimum rubicundi evadunt : inde ad
 quadragesimum quintum ; candidi : pōst ad tri-
 gesimum flavescent : & cum flavabilis atræ
 confusa est, subvirides fiunt , quousque fusci ac
 penitus atrī evaserint sub Tropicis. Itaque quod
 ait Hippocrates, ad Septentrionem homines pal-
 lore ac macie deformes esse, absurdum erit, nisi
 ad extrema loca Septentrionis referamus. quod
 item veteres robustos & proceros esse ajunt, ad
 citeriora. Atque hoc mihi dubitanti confirmavit
 Caspar Holster Suecus metropoli urbe Stocol-
 mię, in intima Gothia oriundus, qui liberalis do-
 ctrinæ gloriam , linguarumque varietatem cum
 armorum laude conjunxit : est enim toto vultu
 ac pilo ruber, & plane φαεινός, fine vitio cu-
 tis, mediocri statura, latis humeris, oculis admo-
 dum glaucis, hebeti visu : laborat enim perpetuo
 glaucomate. id ipsum quoque Languetus Gal-
 lus, literis æque ac totius Europæ peragratione
 nobilis, mihi sæpe narravit, ultra Gothiam ho-
 mines fuscōs esse ac macie tabescere : in ipsa
 verò Gothia & Suecia rubescere, neque tamen
 Germanis magnitudine comparandos. atque il-
 lud etiam Galenum valde exercuit, quod Hippo-
 crates & Aristoteles scripserunt, πάντες πρὸς ἄρκτον
 πυρότεροι, καὶ λεπτότεροι, quasi omnes flavi essent :
 cū plerique ab extremo Septentrione φοινικέ-
 τεροι viderentur. nam quibus pili rubescunt in
 Britannia & Germania, hos ajunt incolæ, ut ab
 illis accepi, à Danis & Norvegis, qui finitimas
 regiones occuparunt, originem traxisse, ab iisque
 diligentius sibi cavent. multi quoque tales sunt
 in Gallia, præsertim Westria sive Normannia;
 quæ Danis celsit. Germani verò ac Britanni fere
 omnes pilo flavescent : de quibus Lucani di-
 ctum illud intelligi potest :

Fudit ab extremo flavos Aquilone Suevos.

nam Suevia vetus & mare Suevicum ad quin-
 quagesimum quintum gradum pertinet : ultra
 quæna

quem nihil terrarum esse arbitrabantur. hæc autem corporis forma, tum ad mores populorum, tum ad historiarum cognitionem ac iudicium, magnum nobis adiumentum est allatura. cætera videamus. Hoc etiam differunt Scythæ ab Australibus, quod hi nigros; illi glaucos & cæruleos oculos habent: qui vero in medio positi sunt, caprinos. Amiotus, vir summæ eruditionis, in Mario Plutarchi, ἑμμάτων χαροπότης castaneos & rufi coloris oculos vertit. ego truculentiam oculorum dicerem. sic enim Tacitus de Germanis: Truces & cærulei oculi, rutilæ comæ, magna corpora. & Iuvenalis:

Carula quis stupuit Germani lumina flavam

Casariem, & madido torquentem cornua cyrrho?
at cæruleus color nihil habet cum rufo commune: sed vox ambigua χαροπότης, oculorum crudelitatem & colorem significat, ut scribit Eustachius in illud Homeri;

Ἄρτοι τ' ὑγρότεροι τε σῆς χαροποί τε λέοντες.
quod ita latine redderem:

Sylvestresque sues, ut saque, trucesque leones.

Catullus *casios* vertit, utroque modo recte. nam ut Oppianus ἄλα χαροπὸν; ita Seneca mare cæruleum dixit. habet Amiotus Gazam auctorem, qui χαροπὸν modo rufum, modo fulvum reddit. Scaliger *ravum*, Hesychius χαροπὸν cæsiū & flavum significare scribit: ut Aristoteles uno loco caprarum ὁμοιωτὶ χαροπὰ dixit, quæ flava sunt. sed huiusce confusionis & erroris initium est ab Homero perperam intellecto: qui quod leones χαροπὸς appellat, ad oculos referens, ut illud γλαυκῶπις Ἀθήνη, putarunt plerique de cute intellexisse, quam Aristoteles omnibus leonibus πνέειν esse tradit. hinc à Latinis fulvi leones appellati. Leonis autem oculi non tantum Homeri, sed etiam Oppiani testimonio γλαυκίῳσι. itaque Simon Portius simili errore lapsus est, qui χαροπὸν ravum interpretatur, & cineritium colorem esse putat, ex eo quod Horatius lupam ravam appellavit. sed ad oculos pertinet, quos Varro in gallo rustico rivos (id est

flavos, ut apud Festum rava frumenta) esse voluit. sunt autem subfulvi, quales fere habent accipitres & aquilæ, quæ in Solem intuentur. Ravi colores, inquit Festus, appellantur, qui sunt inter flavos & cæsius, quos Plautus appellat Ravistellos. nuper quidam in postremis Adversariis frumenta rava apud Festum interpretatus est arida: tum rationem subiecit, quod rauca, id est rava vox ab arido gutture fiat: in quo nec bonus Grammaticus & malus Physicus videri possit. est enim flava ceres, & rauca vox ab humido gutture? igitur ut Aristoteles oculos Æthiopibus atros, Scythis glaucos: ita mediæ regioni caprinos, id est flaventes seu rivos tribuit, quos Plinius Rufos appellat: tametsi media regio infinitam habet varietatem ab extremis conflata; extrema nullam. est autem in Scytharum vultu maximum argumentum, quo ab aliis differant, scilicet oculorum glaucus color, id est ut Plato voluit, cæruleus albicans; quales sunt oculi noctuarum, quæ propterea γλαυκῆς appellantur, atque ii hebescent ad lucem. tales etiam habent Cimbri, teste Plutarcho. atque id in plerisque Danis animadverti, Germani vero ac Britanni non ita glaucos & albicantes, sed conspicua quadam obscuritate cæruleos habent: qui color etiam aquilus ab aqua dicitur; est autem color glaucus in oculis magnum caloris indicium, ut scribit Aristoteles in Quæstionibus; niger vero qualis est in Australibus, caloris significat inopiam. qui sunt in media regione, caprinos habent sive rivos, atque hi omnium acutissime cernunt: & quidem tradit Plinius capras lippire nunquam, præterea mores optimos Aristotelis iudicio significant. glauci vero crudeles, cuiusmodi Syllæ, Catonis & Augusti oculos fuisse Plinius & Plutarchus tradunt. itaque Plutarchus ancipiti verbo χαιροπότητος & colorem & crudelitatem inhumanitatemque Cimbrorum significavit; cum haberet γοργότητα καὶ γλαυκότητα. sunt igitur tres præcipui colores oculorum in tribus populis: a-

ter.

ter, glaucus, rarus, ex quibus infinita varietas miscetur. Vitruvius hæc partim confirmat: Sub Septentrionibus, inquit, nutriuntur gentes immanibus corporibus, candidis coloribus, directo capillo & rufo, cæcis oculis, sanguine multo: qui autem sunt ad axem meridianum, brevioribus corporibus, colore fusco, crispo capillo, nigris oculis, cruribus invalidis, sanguine exiguo, solis impetu perficiuntur. hæc ille. Sanguis quoque Scytharum fibris plenus est, ut in apris ac tauris: unde robur & audaciam ingenerari tradunt. Australes tenui sunt sanguine, ut lepores, cervi; quo fit ut timidiore sint ac imbecilliores. Hoc igitur teneamus, eos omnes, qui à quadragesimoquinto gradu, ad quintum & septuagesimum versus Septentriones positi sunt, intus magis ac magis calefcere: Australes vero quo plus habent caloris à sole, eo minus à se ipsis habere. nam hyeme calor intus cogitur, æstate diffluit, quo fit ut hyeme vegetiores ac robustiores; æstate languidiores simus. eadem ratio facit ut hyeme plus appetere & coquere, quam æstate solcamus: præsertim stante Aquilone. Auster contrarium efficit, ut scilicet minus appetant animantia, ut Aristoteles scribit. atque hinc fit, cum Germani in Italiam, aut Galli in Hispaniam proficiscuntur, frugalius vesci, aut suffocari videamus: quod Philippo Duci Austriæ contigit, cum in Hispania suo more epularetur. Hispani vero, qui frugalissime in patria vivunt, in Gallia voraciores sunt Gallis. argumento sit etiam illud, quod pastores vulgo ferunt, armenta gregesque macie tabescere, cum ad Austrum proficiscuntur, ad Aquilonem vegetari. nec mirum si Leo Afer scribit, nulla fere boum aut equorum armenta, raros etiam greges ovium in Africa videri; aut parum admodum lactis habere. contra vero laudantur ab omnibus forè scriptoribus Germanorum & Scytharum armenta: non quod habeant pascua meliora quam Australes, ut Plinius putat, sed cœlo tribuendum illud est. Facit igitur vis interni

terni caloris, ut qui ad Septentrionem vergunt,
 vegetiores ac robustiores sint Australibus. quod
 etiam in adversa parte ultra Capricorni circu-
 lum æque contingit, ut homines, quo ab Æqua-
 tore longius discedunt, majores fiant, ut in ter-
 ra Patagonum, qui Gigantes appellantur, ea-
 dem latitudine qua Germani. Hæc igitur causa
 est cur Scythæ graves semper incursiones fece-
 runt meridiem versus; quodque incredibile vi-
 deatur, verum tamen sit: imperia maxima ver-
 sus Austrum propagata semper fuerunt: vix ab
 Austro versus Septentriones. Nam Assyrii Chal-
 dæos, Medi Assyrios, Græci Persas, Parthi
 Græcos, Romani Pœnos, Gothi Romanos, Tur-
 cæ Arabas, Tartari Turcas fregerunt. At Roma-
 ni ultra Danubium progredi noluerunt. Traja-
 nus quidem ponte lapideo miræ magnitudinis
 supra Danubium extructo (nam xx pilas, qua-
 rum fragmenta etiamnum restant, habuisse di-
 citur) Dacos fortiter domuit; sed cum Adria-
 nus intelligeret gentes illas nec facile vinci,
 nec victas acquiescere, pontem dirui man-
 davit. Sed domesticis utamur exemplis. Gal-
 li sæpe ab Anglis maximas in ipsa Gallia clades
 acceperunt, ac pene imperium amiserunt; nun-
 quam in Angliam, nisi ab incolis acciti, pene-
 trare potuerunt. Angli verò sæpe à Scotis victi
 sunt; & cum annos amplius mille ducentos de
 imperio acerrime inter se dimicarint, eos ta-
 men de insulæ particula depellere non po-
 tuerunt: tametsi opibus ac legionibus tanto
 superiores sunt, quanto Gallis inferiores. ne-
 que est quod Angli se à Gallis impeditos que-
 rantur, cum excusso Romanorum imperio,
 Britanni Australes, ne in Scotorum servitutem
 venirent, sint coacti Anglo-saxones ad præsi-
 dium evocare, qui Scotorum impetus cohibue-
 runt, domi laceßere noluerunt. Omitto gra-
 vissimas Scytharum, Parthorum, Turcarum,
 Tartarorum, Moschovitarum, Gothorum, Hun-
 norum, Sueffiorum in Europam & Asiam
 incursiones, in quibus enumerandis infinitus
 sim.

sim. Atque illud est, ni fallor, quod Ezechiel, Hieremias, Iesaias, ac reliqui Prophetæ toties comminantur; ab Aquilone bella, legiones, equitatus, & Rerumpublicarum venturas eversiones. Quæ omnia verius pertinent ad eam quam dixi regionem, quæ à quinto & quadragesimo, ad quintum usque & septuagesimum gradum porrigitur, ubi sita est Biarmia; nam qui ulteriora incolunt, qui tamen aut nulli, aut admodum rari sunt, frigore æque aduruntur, ut scribit Hippocrates, atque ii qui ad Tropicum accedunt: non, ut putavit Aristoteles libro quarto Meteororum, propter vim caloris interni, *ἐκ τῆς ἀντιπερίσσειας* (id enim plantis æque accidit, ut frigoribus perinde atque ignibus urantur) sed frigore ad intima penetrante, & humorem perurente; unde Pompejo pruina dicitur. quæ tamen Hippocrates pertinere putavit ad eos, qui sub Vrsa versantur: propter ignotas illis temporibus regiones. Cæsar verò non ignoravit regionem, sed falsam causam attulit, cum scriberet, Germanos staturam ac robur augere, quod animi libertate fruerentur, nec honestis disciplinis à puero imbuerentur: cum tamen id calori & humori tribuendum sit. idem calor efficit, ut ad eum restinguendum potu sæpius urantur. sitim appellant humidi & frigidi appetitum, neque enim illa perpotandi forma, qua Germani præsertim Saxonæ, & accolæ Baltici maris utuntur, ullis unquam temporibus aut legibus potuit emendari. Diem, inquit Tacitus, continuare potando nulli probrum: crebræ ut inter vinolentos, rixæ. Athenæus verò, *ἀκρατοποσίτων* ex vetere proverbio Scythis objiciens, ait, Lacones *ὅταν βύλονται ἀκρατέστερον πίνειν ἀρισχυδίτων λέγασσι*. & Heracleotes in libro de Ebrietate, *καλῶς μὲν εἶναι, ὅταν σκυδίσι πίνειν*. nam pro *ῥιγυτον*, id est, infunde aquam, Lacones dicebantur, *ῥισκυδίτων*, hoc est, plurimum vini fundito. humore quoque abundant. unde fames, quæ
in

in appetitu calidi & sicci versatur; minus tamen cibo quam potu delectantur; quia plus habent caloris. quæ ratio est cur Hippocrates fieri non posse putet, ut idem cibo ac potu copiosè utatur. quod in Germanis cum animadvertisset Tacitus, causam non intellexit. Inedia & frigus, inquit, cæli & soli consuetudine ferunt, quia cælum frigidum ac solum sterile. imo vero calor internus ambienti frigori validus resistit; humor vegetans famem propellit. humore abundare argumento est incrementum, quo belluæ marinæ, propter humiditatis copiam, reliquis animalibus præstant: tum etiam rauca vox & gravis, quæ in Hispanis, Pœnis, & Æthiopibus supra modum tenuis est & clara: quod in his frigiditatem & siccitatem arguit: in illis humorem & calorem. nam humor nimius in plumbo & ligno virenti sonum gravem efficit, calor etiam interiores meatus aperit, frigus cogit. hinc sceminæ natura frigidiores, clarius quam viri loquuntur: media temperie vox suavis efficitur & canora, qualis est in Asiaticis, Italibus, & Gallis. humor quoque multus facit, ut Septentrionales, cum ad Austrum iter faciunt, aut in regionibus calidis bella gerunt, sudore diffuant. habent, inquit Tacitus, miram Germani naturæ diversitatem, cum ament inertiam, & oderint quietem. aut enim bella gerunt, aut cum à bellis abstinent, dediti sunt somno ciboque, nam calor intimus ad agendum impellit, ut videre est in pueris, quos non finit quiescere calor, humor vero mollitiem affert, & in sudorem abit. atque hæc Plutarchus in Mario confirmavit, ubi fluxa corpora Cimbrorum caloribus & sudoribus solvi consuevisse scribit. Quamobrem Hispani & Itali, si Gallorum & Germanorum primos impetus sustineant, eos facile frangunt: ut Polybius primum animadvertit: deinde Marius & Cæsar clarissimis victoriis comprobarunt. atque his de Gallis; Initio pugnæ plusquam viri, postea sceminis molliores. idem Tacitus de Germanis, Magna, inquit,

quit, Germanorum corpora, & tantum ad impetum valida: laboris atque operum non eadem patientia; minimeque sitim & æstum tolerant, frigus tamen facile ferunt. & ut Pomponius Mela scribit, ad pubertatem usque nudi vagantur. Galenus vero miratur in frigidam à parentibus mergi simul ac nati sunt. Sed hoc explicat Iulian. August. in epistola ad Antiochum misopogona, spurios scilicet Germanorum Rheno impositos mergi, legitimos natum scribit. sed illud ὑπερβολικῶς & solus scribit. Afri sicco, frigido ac præduro corpore. laborem & æstum patienter ferunt: ut Aphrodisæus, in quæstionibus scribit: frigus tamen ferre non possunt, cum nihil habeant caloris interni, contra quam Scythæ, qui calorem externum ægrè patiuntur. Quemadmodum equi suapte natura calidi & humidi, ægrè in Æthiopia; optime in Scythia vivunt: asini vero frigidi ac sicci, alacres sunt in Africa, languidi in Europa, nulli in Scythia: Qui mediam regionem tenent, impatientes sunt frigoris ac caloris; quia medium cum utroque pugnat extremo: utrumque tamen æque ferunt. mediam appello regionem, non quæ inter Polum & Æquatorem, sed quæ Tropicum inter & Polum medium tenet: quia calor vehemens sub Æquatore non est, ut planum fecimus, sed sub Tropico. non erit igitur regio temperatissima, quæ à trigesimo gradu ad quadragesimum, sed quæ à quadragesimo ad quinquagesimum fertur: eoque temperatior, quo magis ad ortum spectat. In eo tractu sita est Hispania ulterior, Gallia, Italia, Germania superior usque ad Mœnum, utraque Pannonia, Illyricum, Mysia utraque, Dacia, Moldavia, Macedonia, Thracia, Asiæque minoris bona pars, Armenia, Parthia, Sogdiana, & magna pars Asiæ majoris. sed quo propius ad ortum spectant regiones, eo sunt temperatiores, tametsi ad Austrum magis inclinare videntur, ut Lydia, Cilicia, Asia, Media: sed de ortu suo loco. erunt igitur Australes citeriores Hispani, Siculi, Peloponnesii,

nesii, Cretenses, Syri, Arabes, Persæ, Sufiani, Gedrosii, Indi, Ægyptii, Cyrenæi, Poeni, Numidæ, Libyci, Mauri, & qui Floridam incolunt Americi, sed ita, ut qui in eadem latitudine, ad occasum pertinent, temperie sint frigidior. Septentrionales vero, qui à quinquagesimo gradu ad sexagesimum positi sunt: temperatiores tamen quam qui deinceps ad septuagesimum sedes habent. nam in priore tractu sita Britannia, Hibernia, Dania, Gothiæ pars, Germania inferior à Mœno & Hypani fluminibus, usque in extremam Scythiam & Tartariam, quæ Europæ & Asiæ majoris bonam partem occupat. Restant ii, qui sub quindecim Tropici partibus hinc inde sedes habent: sed quoniam ardentissimo calore utuntur, separatim de iis agendum erit. reliqui sub triginta partibus cis & ultra Æquatorem, parem fere temperiem sortiuntur, atque ii, qui sub trigesimo gradu positi sunt, ut ex ipsa ratione caloris, & historicarum cognitione planum faciemus. Sed de iis populis, qui à trigesimo gradu ad sexagesimum continentur, præcipua disputatio est, quod eorum historias, de quibus iudicandum nobis est, habemus, nullas ferè aliorum: de omnibus tamen quid sentiendum sit, hac veluti demonstratione consequemur. Sunt igitur Australes, quod ad formam corporis attinet, frigidi, sicci, duri, glabri, debiles, colore fusco, parvo corpore, crispo capillo, nigris oculis, voce clara. Septentrionales calidi, humidi, pilosi, robusti, colore candido, magno corpore, carne molli, fluxo capillo, cæsis oculis, voce gravi; qui inter utrosque versantur, omnia moderatè consecuti sunt. Sed illud dubitationem habet, quod Australes omnium consensione debiles, duri sunt tamen: Septentrionales robusti quidem, sed molles. at Hippocrates & reliqui fere scriptores, Scythas & montanos homines qui ad Scytharum naturam accedunt, duros, agrestes, & ad laborem perferendum natos esse scribunt. in his igitur historicorum & philosophorum à se diffi-

diffidentium opinionibus, recte de historia judi-
 cabimus, tum etiam Livium, Tacitum, Poly-
 bium, Plutarchum, Cæsarem, qui Gallos &
 Germanos laboris impatientes esse tradunt, cum
 Hippocrate & Alexandro conciliabimus hunc in
 modum; si demus Septentrionales in regione
 frigida, laborem patienter ferre: in calida vero
 sudore diffuere ac languere. cui congruit illud
 Agathiae de Germanis, & Crazii de Scandis,
 quod libenter hyeme, raro æstate bella gerunt.
 Australes verò calorem facile perferunt suæ na-
 turæ congruentem, tametsi vegetiores evadunt
 in regione frigida, languidi in calida: itaque
 Hispaniæ feminæ Germanos, ut audio, sua lin-
 gua pisces molles appellare consueverunt. quin-
 etiam Celtæ ac Belgæ, cum in Italiam aut Pro-
 vinciam veniunt, mirum in modum à culicibus
 & cimicibus cruciantur, propter cutis molli-
 tiem; indigenæ propter duritiem minus appe-
 tuntur. Atque hæc de forma corporis; ex qua
 mores animi, & recta historiarum judicia col-
 liguntur. Cum enim corpus & intellectus con-
 trario modo afficiantur, quo major vis est hu-
 jus, eo minor est illius: & quo quisque plus
 intellectu, eò minus corpore viget, si modo
 sensus integri fuerint. igitur planum est Australes
 intellectu, Scythas corpore præstare. id enim
 Aristoteles libro septimo de Republica innuit;
 homines robustos & animosos, minus ingenio
 valere, nec Rempublicam recte moderari. Afri
 verò plus satis habent consilii, virium non ite-
 tem: quæ tamen necessariæ sunt, tum ad ho-
 stes repellendos, tum etiam ad cives tuendos.
 Tertium genus est hominum, qui pulcerrimas
 parendi & imperandi artes habent, qui viribus
 Australium calliditatem frangere, & consilio
 Scytharum impetus coercere possunt. ex eo ge-
 nere Vitruvius militem legendum putat, qui
 non minus prudentia quam viribus præstat.
 quam recte, aliorum esto iudicium. hic ta-
 men in historia judicandum relinquitur, cur Go-
 thi, Hunni, Heruli, Vandali Europam, Asiam,
 &

& Africam armis invaserunt : sed inopes à consilio retinere non potuerunt. qui vero prudentium consilia sibi asciverunt, gentes ad civilem societatem idoneas nacti, florentissima imperia diutissimè tenuerunt, neque enim frustra Palladem armatam, aut Achillem ab ea comprehensum Poëtæ fingunt. Et quoniam Scythæ fere semper à literis : Australes ab armis abhorruerunt, nullum magnum imperium stabilire potuerunt. utrumque Romani summa quadam felicitate sunt consecuti, & gymnasticen cum musica, ut Plato voluit, prudenter conjunxerunt. à Græcis quidem leges ac literas, id est, urbanam disciplinam, veluti palladium acceperunt : à Pœnis & Siculis navalem scientiam : militarem verò perpetuis bellis sibi compararunt. & cum antea cæsim duntaxat Scytharum more ferirent, post etiam punctim ab Hispanis, ut est apud Polybium, ferire didicerunt. itaque mirum videri non debet, si populos omnes rerum à se gestarum gloria superarint, cum pulcerrimas naturæ dotes ad disciplinam adjunxissent. Sed illud divina quadam bonitate dicam, an prudentia factum est, ut Afri plus ingenio, Scythæ corporibus valerent : ne si barbaris hominibus quasi tauris vulpinam calliditatem ; aut Pœnis, quasi vulpibus magnam vim ac robur dedisset : ejus donis ad perniciem utrique abuterentur. nihil est enim crudelius, inquit Aristoteles, iniustitia armata. quibus autem vires moderatas dedit, humanitate voluit ac justitia. reliquis præstare. id quod regioni temperatæ tribuit Aristoteles in Quæstionibus ; Quamobrem, inquit, barbari sunt, qui nimio frigore vel æstu laborant ? an quia temperies optima mores optimos facit ? Quid igitur historici omnes innocentiam ac justitiâ Scytharum tantopere laudant, Australium mores execrantur ? hic iudicium in historiâ requiro, ne philosophos & historicos discrepantes habeamus ; neque res dubitatione caret : sunt enim homines obesi minime mali, ut recte Cæsar de Antonio ac Dolabella iudicabat.

Brutum verò & Cassium macilentos homines metuendos esse. at Septentrionales obesi sunt, Australes macilenti: verum est igitur quod ait Tacitus de Germanis: Gens, inquit, non astuta, nec callida: aperit enim secreta pectoris licentia joci, & nuda omnium mens postera die retractatur, salva utriusque temporis ratione. quin etiam hæc una ratio est, cur reges ac tyranni olim hisque temporibus ad præsidium corporis Thraces, Scythas, Germanos, Circassios, Helvetios, magna mercede semper quæsierunt: non quod viribus suorum, ut inepte plerique arbitrantur, diffidant: sed quod intelligunt, in illa vastitate corporum, minimum calliditatis ac malitiæ latere: eosque potius militis, quam imperatoris munere delectari. quo igitur modo crudeles ac barbari appellantur? ratio est in promptu: nam quo quisque plus abest ab humanitate, id est, ab hominum natura, eo propius ad ferarum similitudinem accedit: quæ cum ratione careant, iracundiam & appetitus cōhibere nequeunt. ita fit ut Septentrionales ad crudelitatem impetu ferantur. hinc Thucydides Thraca, ubi nihil extimescant, *φονικέτατον γένος* appellat. Tacitus vero de Germanis; Occidere solent, inquit, non disciplina & severitate, sed impetu ac ira ut inimicum. Nam Hungari cæso Gritto penulas militares & hastas in ejus cruore gentili more tinxerunt. Britannii ex regibus XL. civili conspiratione duodecim interfecerunt: principes vero innumerabiles, centum quidem annis xxx, posteaquam ab externis bellis paululum conquievisserunt. Transilvani (si vera sunt Polonorum & Iovii Chronica) ut Georgium seditiosorum ducem acerbius tractarent (is enim nobilissimos quosq; Hungaros palis transfixerat) triduo maceratos inedia milites eo crudelitatis adegerunt, ut dentibus spirantis ducis artus dilacerarent atque deglutirent: deinde exenteratum in frustra secantes verubus coctum captivis apposuerunt. omitto Draculæ Transilvaniæ principis sævitiam omnium opinione majorem.

jorem. Omitto Gothorum & Hunnorum crudelitates antea inauditas, non modo in homines, sed etiam in belluas, urbes, arces, lapides, & sepulcra Romanorum, quæ funditus everterunt: Neque magis iracundiam quam alios appetitus coercere possunt. Tacitus de Germanis; Aleam, inquit, sobrii inter seria exercent, tanta lucrandi perdendive temeritate, ut cum omnia defecerunt, extremo jactu de libertate contendant. hinc etiam illa quæ in Germanos & Francos jactatur à Procopio cupiditas habendi, quæ tanta est, ut vitam auro, bellum pecunia commutent. Australes non tam avari, quam parci ac tenaces; Scythæ prodigi ac rapaces, & quoniam ab ingenio se deferi sentiunt, supra modum suspiciosi evadunt. atque id nostri homines antea satis intellexerunt. Holster hoc amplius mihi retulit, in hospitiiis publicis speculatores & ~~in~~ in Gothia latere, oritur enim suspicio ab inopia consilii. atque non nisi jejuni cum Australibus contrahunt: cumque se deceptos sentiunt, calculum reducunt, aut plerunque decipiendo præoccupant, aut denique vim afferunt. quo fit ut atque perfidi atque Australes omnium opinione habeantur. id quod veteres historici, quod nulla cum Scythis haberent commercia, penitus ignorarunt. postea vero relictis sedibus seipsos patefecerunt. sic igitur Procopius de Francis, cum è Germania in Galliam venissent (hos enim Germani, à se ipsis originem traxisse glorianteur) Ea gens, inquit, ad fidem prodendam omnium aptissima. & Vopiscus; Francis, inquit, familiare est fidem ridendo frangere: hinc Aleiatus caudam scorpionis in Germanos jactari scribit. atque hoc proverbium in Gallia vulgatum retinemus. quod cum bona illorum venia dictum sit, ne cuiusquam gentis nomen oratio nostra læsura videatur. neque enim de re ipsa, sed de inlita cuique natura scribo. quanquam in eo genere Germani à Danis & Norvegis, quibus maximè dissident, longe superantur. Nusquam profectò

perfidia aut crudelitas populi erga principes, aut principum inter se major exarsit, quam inter Christiernum & Gostavum, Danos & Suecos. ab iis etiam Normanni, quos vulgus fidem minus colere suspicatur, originem traxerunt. Quod si ab inopia rationis & consilii Septentrionales appetitum cohibere nequeunt, ac propterea intemperantes, suscipiosi, perfidi, crudeles habentur: quænam ratio est cur Australes multo crudeliores sint, magis etiam perfidi quam illi? hic rursus iudicium in historia requiro. constat enim Australes maximas habere à natura dotes ingenii; sic enim Columella libro primo capite tertio, Constat, inquit, Pœnos gentem acutissimam dixisse, imbecilliolem agrum quam agricolam esse debere. Et Hircius de Ægyptiis contra Cæsarem dimicantibus; Ipsi homines, inquit, ingeniosissimi, quæ à nobis fieri viderant, ea solertia efficiebant, ut nostri illorum opera imitari viderentur. idem pauld post; Aptissimum est genus Ægyptiorum ad proditionem. quis autem nescit, quibus artibus, & quamdiu Romanorum potentiam eluserunt Pœni? nihilominus crudelitatem in hostes incredibilem semper exercuerunt; ut videre est tum in bello Punico, tum etiam in eo quod Spendii & Carthaginenses utrique Pœni, mutuo gesserunt; omnium, ut ait Polybius, quæ nos audivimus crudelitate, ac omni scelerum genere maximum. sed ludicra videri possint quæ à Polybio de crudelitate Pœnorum narrantur, si quis cum historia Leonis Afri comparavit: vel etiam cum Muleassis & filiorum inaudita crudelitate, quam non ita pridem tum in cives, tum in seipsos exercuerunt. Nam Muleasses de regno, unde patrem dejecerat, expulsus, ab immani fratris injuria exustorum oculorum orbitate miserabilis, supplex ad Carolum Imperatorem venit. A Pœnis igitur profectæ sunt exoculationes, membrorum avulsiones, excoriationes, sectiones, leutz ustiones, & palorum trajectiones, totius

vero corporis in rota confractio à Germanis, ut videre est apud Munsterum in Coloniz descriptione : à quibus suppliciiis Itali, Galli, Hispani, Græci, Asiatici semper abhorrerunt, aut ab aliis inviti acceperunt. Nam Romani fontes ante legem Porciam (quæ etiamnum verbera civium corpore amovit) ad summum securi, vel gulæ confractioe, post etiam inedia necabant, tandem est exilium permissum. apud Græcos cicuta usus, quam etiam aqua temperabant Chii, ut ait Theophrastus, quo mortem sine dolore accirent : quia in ipsa morte plus satis acerbitalis inesse judicarent : nisi quis novo quodam & immani scelere obligaretur. ac ne quis à prava disciplina tantam crudelitatem manare credat, ut Polybius; Americorum Australium naturam spectet, qui in cæsorum hostium sanguine pueros mergunt, deinde sanguinem sugunt, & membris concisis epulantur. Est igitur Australium & Scytharum crudelitas longe dissimilis, quod hi solo impetu ad iram, & generosa quadam animi audacia feruntur ad vindictam ; tum etiam irritati facillime placantur : illi nec facile irritantur, & irati difficillime leniuntur : tum hostes invadunt vulpina calliditate, non vi aperta : victosque immani suppliciorum acerbitate cruciant : quæ immanitas partim ab ea tyrannide profiscitur, quam prava educatio & immoderati appetitus in homine stabiliunt : sed multo magis ab inæquali humorum confusione : hæc autem ab elementis inæqualiter affectis : elementa vi cælestium corporum agitantur. in elementis vero corpus humanum continetur, sanguis in corpore, spiritus in sanguine, anima in spiritu, mens in anima : quæ tamen est ab omni concretione libera, contagione tamen ex illa cohærentia plurimum afficitur. ita fit qui sunt in extremis regionibus, ad vitia procliviores sint. & quemadmodum atra bilis non aliter à sanguine, quam fex à vino divellitur : ita perturbationes animi, quæ ab atra bile profiscuntur, tenacissime hærent. Australes verò atra bile abundant, quæ

exhaustis ardore cœli humoribus, quasi fex in imo subfidet, & perturbationibus magis ac magis augetur, ut qui sunt hunc in modum à mente constituti, plane implacabiles sint. talem fuisse Ajacem ferunt, & Martium Coriolanum: quorum alter non prius leniri potuit, quam patriæ fines ac socias civitates ferro flammæque delevisset: alter cum hostes ulcisci non posset, in furorem conversus greges & armenta cædebat. Hinc igitur facile est de historia judicare percepta causa furoris. constat autem Australes furore facilius capi quam Septentrionales: ut facilius homines insaniunt quam belluæ. scribit enim Leo Afer infinitam esse in Africa furiosorum hominum multitudinem, & ubique publicas ædes furiosis constitui; quibus etiam abundat Hispaniæ pars illa, quæ Australior est. In inferiori Germania, nulli fere ab atrabile furiosi, sed à sanguine, quod genus furoris vulgus morbum sancti Viti appellat: qui ad lasciviam & inconditam saltationem impellit, quam musica lyra imitantur: deinde numeris ac modis gravioribus utuntur, idque sensim faciant, quousque modi ac numeri gravitate plane conquiescant. qui vero medias habent regiones, à bile flava, cum aduri cœperit, aguntur in phrenesin, quæ ad cædes & vulnera prorumpit. qui sub Vrsâ vivunt, cum abundant pituita, necesse est furore senum, id est lethargia laborare, quod genus dementiæ stuporem ac oblivionem affert. insania vero ubique grassatur. insaniam appello, cum ratio appetitum vincere non potest, quod maxime Septentrionalibus contingit: nam furor in sapientem cadere potest, ut ait Cicero, insania non potest. quod nostri admodum ineptè interpretantur, eum imperitos ac simplices homines incurabiles esse ajunt. Quæ omnia in universum dicta sint. ubique enim furiosi, melancholici, phrenetici, lethargici, ubique sapientes, fortes ac temperantes homines; sed alibi longè plures, alibi pauciores. quæ igitur à medicis de abra-

dente melancholia, & ab Aristotele de melācholicis dicta sunt, Australibus fere conveniunt. ad eaque iudicium historiarum debet accommodari. quæ à nobis prætermittuntur: ea tantum quæ sunt omissa, vel non satis intellecta planius explicemus: cuiusmodi est illud; Australes omnibus voluptatibus ac veneri maximè deditos: Scythas vero negat Hippocrates ad venerem aptos esse, ob nimiam, ut ipse scribit, ventris frigiditatem ac humiditatem: tum etiam ob equitationem, ac propterea infæcundos esse. & cum frustra venerem tentaverint, odio veneris seipfos castrare. castrationem vocat alibi venæ cephalicæ, quæ sub auribus later, sectionem, qua his quoque temporibus uti quosdam accepimus. Hæc tamen omnibus fere historicis repugnant. adhibeamus igitur rectum illud, quod quærimus, iudicium historiarum; & philosophorum ac historicorum discrepantiam tollamus. nam Gothorum, Scytharum & Germanorum tanta fœcunditas est, ut non modo Septentrionis vastas solitudines ac silvas maximis urbibus decorarint; sed etiam in universam Europam colonias miserint: non tantum Germani ultra Danubium, verumetiam Scandi in extremis Scythiæ finibus positi. illinc Methodius & Paulus Diaconus, exercitus quasi apum examina erumpere consuevisse tradunt. Iornandes vero & Olaus appellant hominum officinam: quod inde Gothi, Gepidæ, Hunni, Cimbri, Longobardi, Alani, Burgundi, Normanni, Picti, Heruli, Suevi, Sclavi, Suiceri, Rugi originem traxerunt. cum autem Scythæ calidi sint & humidi, unde fœcunditas ingeneratur: dubium non est quin omnium populorum fœcundissimi sint. ac nescio quonam modo Hippocrates Scythas ventre frigidos esse putat. id enim falsum esse natura ipsa demonstrat. nam quæ ratio est ut hyeme major sit in visceribus, quàm æstate calor (id enim fervens ore fumanti halitus significat) eadem est iis qui Septentriones incolunt, ac propterea sunt hyeme viri ad gignendum aptiores, non

salaciores, ut putavit Aristoteles. nam salaciores sunt æstate viri (propter acrimoniam flavæ bilis, quæ æstate copiosior est) minus tamen idonei: ita quoque Australes salaciores, Septentrionales verò magis idonei. quod summa Dei prudentia factum est, quod iis qui satis habent ad gignendum facultatis, voluptas non magnopere esset necessaria: iis vero qui minus habent humoris & caloris, majores stimulos voluptatis optima parens natura dedit: alioqui nec suum genus propagare, nec societatem colere vellent. eadem natura fecit, ut hyeme viri; æstate feminae ad venerem procliviores sint, ut ajunt medici, non ad voluptatem propter se expetendam, quo nihil foedius est: neque solum ad procreationem, quod reliquis animantibus commune esse videmus: sed etiam ut esset fruendæ societatis, ad quam nati sumus, perpetuum desiderium. poterat enim voluptas societatem ad breve tempus conciliare, ut cæteras animantes, non tamen diutius retinere, aut mutuum amorem tueri. Sed Hippocratis rationem, cur Scythæ ad venerem minus idonei sint, quia braccis & equitatione perpetua utuntur, probare non possum: cum Aristotelis testimonio, & quidem certissima ratione, quam affert in quæstionibus, salaciores sint, qui equitare consueverunt. Ex his intelligitur quid de Cæsare, Volaterrano, ac Tacito judicandum sit, qui Germanorum continentiam rantopere laudant. Tacitus; Sera juvenum venus, inquit, eoque inexhausta pubertas, nec virgines festinantur. quod tamen continentia tribui nullo modo potest; cum antea docuerimus, Septentrionales suaapte natura intemperatissimos esse in potu, cibo, ira, alea, rapinis. nam qui temperans, idem quoque continens est, non contra. nullus est autem continentia locus, ubi nullæ sunt quæ appetantur libidines ac voluptates: ut nemo fortis dici possit, nullo proposito periculo vel labore. At Australes, qui plus habent rationis & consilii, à ratione impetrarunt, ut liberius

peccare suavitatis causa liceret. cum enim difficillimè se continere possint, tum verò in libidinem projecti execrandis voluptatibus abutuntur. ab illis enim promiscuè belluarum & hominum concubitus, unde tot monstra nobis pariunt Africæ regiones. hinc Australium, hinc Pœnorum apud Leonem incredibilis zelotypia, à qua Germani longissimè absunt. de quibus sic Cæsar; Ante xxv annum feminæ notitiam habuisse, in turpissimis habent rebus, cuius rei nulla est occultatio. Altamerus quoque, Poggius & Munsterus in descriptione Badensi tradunt, Germanos promiscuè, & peregrinos quoque cum uxoribus sine suspitione perluere. nomen zelotypia, inquit, Munsterus, apud istos locum non habet. addit Irenicus, homo Germanus: Illa consuetudo, inquit, nostro tempore in balneis ubique observatur. Cæsar quoque scribit Britannos duodenas uxores habere communes, & fratres cum sororibus, parentes cum liberis. Itali hunc morem ferre nunquam potuerunt, multo minus Hispani: qui amore ac zelotypia sæpe insaniunt. Pœni verò & Americi mortem præstabiliorem ducunt. quare nihil mirum si Persarum, Pœnorum & Hebræorum reges semper infinitam habuerint multitudinem uxoribus; ut Diodorus libro secundo, Herodotus libro tertio, Iolippus libro quarto cap. decimo septimo. Scythæ vero vel communes vel singulares: quibuscum tamen ita vivunt, ut etiamnum in ipsis regibus, ex quibus populi mores intelligimus, incredibilia continentiarum exempla ferantur. scribit enim Tacitus, Germanos ex omnibus barbaris pene solos singulas uxores habere. & Volaterranus, Casimirum Poloniae; Wenceslaum Bohemiae reges, cœlibes castos semper vixisse. Henricum vero II. Imperatorem non modo ab alienis uxoribus, sed à sua quoque perpetuo abstinuisse. est igitur causa generationis à calore & humore: libidinis, ab utraque bile. à flava quidem propter acrimoniam; ab atra vero propter spumam & flatum, qui plurimus

rimus est in eo genere bilis : atque id voluit, opinor, Aristoteles, in ea quaestione qua disputat, Cur melancholici salaciores sint. Argumento est, quod qui acris & flatulentis cibis utuntur, salaciores evadunt ; eoque magis si bilis ex adustione acris & salsa evaserit. hinc fortassis Poëtæ Venerem fingunt maris spuma natam : atque ob eam causam factum opinor, ut ex omni genere bestiarum, nullum præter leporem mascula venere utatur. quinetiam, teste Varrone ac Æliano, concipit ac parit; femina verò sola ex omnibus animantibus superfoetat. constat autem nullum atra bile magis abundare. quare non mirum si Australes qui ea bile pleni sunt, ad venerem proclivius feruntur ; quam propterea Ptolemæus potissimum in Africa coli, & Scorpionis sidus, quod ad pudenda pertinet, Africæ præesse tradit. Habent etiam Australes ex atra bile quod lepra laborant, qui propterea morbus Punicus à veteribus appellatur : non propter ruborem, cum Australis lepra iudicio Mosis & Plinii nihil habeat ruboris, sed quoniam illinc originem habet, illinc etiam morbus Arabum, qui λεύκη à quibusdam, ab aliis λευκή & vitiligo appellatur. nam ante Pompejum Magnum nullos Italia, teste Plinio, viderat leprosos, quem morbum Ægypti peculiarem esse tradit. argumento sit, quod Moses omnium antiquissimus scriptor, leges de leprosis infinitas, Græci ac Romani nullas tulerunt. & quidem in eo consentiunt Leo Afer & Alvaresius : nam alter ædes infinitas in utraque Mauritania leprosis constituit ; alter leprosos Abyssinorum cum populo versari scribit, ut vulgaris morbus esse videatur. Americam vero nostri homines testatum reliquerunt leprosis, aut ut ipsi ajunt, Neapolitano morbo laborantibus abundare: quem morbum Scaliger, Indicum. Indi Pua vocant : quod ab illis insulis invehctus est in universam Europam & Africam : ac paulatim in Syriam & Scythiam usque pervasit. quod autem ab atra bile ingeneratur, ex eo planum est, quod

qui plus habent melancholici humoris, eò difficilius curantur. facit etiam atra bilis ut Australes tristes sint, ac demissio vultu, incessu tardi & cogitabundi: Septentrionales læti & alacres, propter sanguinis copiam. Ex his perspicuum fit, cur omnes omnium historiarum scriptores tradunt, Australes ad maxima corporis & animi vitia proclives esse: ratio est in promptu, scilicet cum male fuerint ab atra bile constituti: sin bene temperata fuerit ea melancholia quæ dicitur abradens (sunt autem multa genera) egregias corporis & animi vires adipiscuntur. primum liberi sunt ab infinitis morborum generibus, quæ à repletione, fluxione, & sanguine putri derivantur. sunt in Africa rarissimæ ac levissimæ febres, propter humoris interni & caloris inopiam; quartana verò, quæ melancholiæ propria est, semel curata, ut ait Hippocrates, nunquam recurrit. In Septentrionibus putres à sanguine febres, tumores, & œdemata, morbi comitiales, convulsiones, cæcitates, quo longius à medio receditur, quorum una ratio est, crassi humoris & excrementorum copia. quæ exigua sunt in Australibus. In media regione grassantur pestes, propter aëris frequentes mutationes, cum in extremis perpetua sit hyems aut æstas, in medio, veris etiam & autumnii magnæ mutationes. hinc etiam morbi articulares, tertianæ, herpes, & gangræna, quam ineptè dicam an impiè, nostri acceptam ferunt D. Antonio, qui à plerisque in Italia & Gallia Narbonensi ardentiori voto, certe majore metu colitur, quam Deus immortalis. Ac falluntur qui putant mediæ regionis homines, quod ab extremis longius absunt, salutem aut vitam habere diuturniorem. Australium natura congruit cum calore: Scytharum cum frigore: qui in medio sunt, tametsi cæteris temperatiores videntur, nihilominus à calore & frigore oppugnantur; & frequentes habent aeris mutationes, quæ morbos pariunt & senectam præmaturam. hinc historicorum dis-

cre-

crepantes opiniones de vitæ breuitate. putavit Aristoteles diutius ad Austrum vivi: Plinius ad Septentrionem: Galenus in media regione, quam ipse in Asia minore collocavit, ubi homines optimo esse temperamento putat. Gallos verò, Scythas, Ægyptios, Arabes, ne per somnium quidem ejusmodi temperamentum attigisse: idem tradit Hippocrates, omnia pulciora, majora ac meliora in Asia nasci, quæ partim vera, partim etiam falsa mihi videntur. nam majores sunt qui ad Septentrionem, ut antea docuimus, & quidem præstantiore forma: idque Iosippus, Cæsar & Tacitus, de Germanorum mira magnitudine testantur; & veteres formam Gallorum (quos à colore candido lacteos seu Galactas ipsi Asiatici vocarunt) & Gallicos vultus quasi proverbio Tertullianus usurpavit, in eo tamen genere Britannis inferiores videntur. sed Galeno ignota fuit Gallia, quam ut videret à M. Aurelio rogatus adduci non potuit. Cùm autem vita diuturna calido & humido sustineatur, par esset ad Septentrionem diutius vivi: atque hinc fortasse Plinius Hyperboreos annosævo vitam protrahere putavit. & quidem notum est in Britannia ultra centesimum annum vivi: nec dubito quin Scytharum vita longe diuturnior esset futura, nisi potu ac cibo seipsos obruerent. Australium quoque vitam longissimam esse veterum ac juniorum scripta testantur. tamen enim calore & humore copioso minimè abundant, excrementa quoque multa desunt, quæ senectam & interitum afferre omnium consensu putantur. nam quò minus plantæ habent incrementi, eò diutius vigent, ut est apud Theophrastum. Alii temperatiore cælo vitam protrahi longiorem arbitrantur. nam Italia multos alit qui centesimam annum his quoque temporibus superarunt. Plinius ex censu Romanorum annos centum & quadraginta quosdam vixisse tradit. qui tamen juniores historicos cum veteribus, & veteres inter se contulerit, tum etiam physicas rationes adjunxerit, certissimum.

de historia iudicium feret: scilicet Australes longiore vita frui, maxime tamen Numidas. id quod credibile est, cum annosæ cornices, quæ nihil fere caloris, minus etiam humoris habent, quatuor hominum ætates implere dicantur. præterea Elephantes qui Aristotelis, ac Iubæ testimonio vitam omnium animantium superant, non alibi quam ad Austrum reperiuntur. itidem palma, quæ interdum annos mille vigere dicitur, non nisi ad Australem plagam ali potest. quin etiam aurum & adamas, quæ à seipsis nunquam interitum sentiunt, ad Austrum optima; nulla fere ad Septentrionem. neque enim verum est ab optimo temperamento, ut putat Galenus, vitam effici longiorem; alioqui lapides plantis, plantæ animantibus, elephas & cervus homine temperatiores essent, quod absurdum sit: cum ingenii præstantiam ab optima temperie judicari putet. Iam vero cum animus corpore præstet, majorque vis ingeniorum sit ad Austrum, quam ad Septentrionem, dubium non est, quin potior mundi pars ad Austrum posita sit: & majores sunt in Australibus, quam in Scythiis virtutes, vitia quoque majora in quamcunque partem inclinarint. Atque hinc facile iudicium de historia Livii colligemus, qui cum Annibalis virtutes commemorasset, Has, inquit, tantas viri virtutes ingentia vitia æquabant: inhumana crudelitas, perfidia plusquam Punica, nihil veri, sancti, nullus Deum metus, nullum jusjurandum, nulla religio. falsum est enim quod Machiavellus scribit, homines ad summum sceleratissimos esse non posse, exemplo Pauli Balionis Perusiæ tyranni, qui cum Iulium Pontificem una cum suo comitatu occidere facile potuisset, dominatum amittere, quam tantum scelus perpetrare maluit. Hoc Annibal non fecisset. idem Machiavellus Italos, Hispanos, & Gallos sceleratissimos omnium gentium appellat: Germanorum justitiam & prudentiam mirum in modum extollit uno loco; alibi perfidiam eorum, avaritiam, superbiam insectatur. quæ ab ignorantia morum &

naturæ cujusque populi profecta sunt. Neque enim stupidi homines & rustici valde flagitiosi esse possunt, sed in magnis ingeniis, ut est apud Platonem magnæ virtutes aut vitia inesse consueverunt. & quemadmodum fecunda tellus nisi excolitur, magnam nocentium herbarum vim profert: & modicè culta valde frugifera fit; sterilis vero neque salutare, neque noxias herbas, nec quicquam omnino nisi maximo labore parit; ita quoque de Australium ac Scytharum ingeniis judico. Quare non mirum si omnes prope historici ac poetæ, jam inde ab Æschylo, magnam Scytharum innocentiam laudant: malitiam Australium insectantur. Plus valent, inquit Tacitus, apud Germanos boni mores, quam alibi bonæ leges. at illis temporibus omni disciplina caruere Germani, ut parum à bestiis discreparent, quod ipsi consentunt. Cum igitur in summa ignoratione versarentur, non video cur tantopere laudabilis sit eorum innocentia, qui nec valde mali, nec boni esse potuissent: sed is summa laude dignus est, qui virtutes, quarum vim animo comprehensam habet, sponte colit, cum injustus esse possit; vel quod virtutis aditus unus est, veluti recta linea, circa quam hinc inde obliquæ sunt innumerales: vel quod homines propositis bonorum & malorum finibus, multo magis ad scelera feruntur, à quibus non solum crudelissimis suppliciis, æternaque morte proposita deterreri non possunt; sed ne præmiis quidem immortalibus ad justitiam impelli, ut plerique putent, homines in summa innocentia victuros, ac multo beatiore futuros, si malorum fructus (sine quibus tamen natura bonorum percipi non potest) nunquam degustassent: sed ut ceteræ animantes, naturæ suæ congruenter vixissent; quam quidem ad naturam Scythas & montanos homines nulla disciplina informatos propius accedere videmus. Ex quo relinquitur quid judicandum sit de historicis, qui Græcorum, Ægyptiorum, Arabum & Chaldæo-

rum superstitionem, impietatem, magiam, flagitiosas libidines & crudelitates infectantur, quæ laudabilia sunt, omittunt. ab iisdem enim literæ, bonæ artes, virtutes, disciplina, philosophia, religio, humanitas denique ipsa, in orbem terrarum velut à fonte profluxit. neque tamen Scythis sua industria defuit, neque item iis, qui mediam regionem tenent, sed egregias à Deo immortalis dotes sunt consecuti, quæ melius intelligi non possunt, nec certius historiæ judicari, quam si humani corporis, aut Reipublicæ bene constitutæ, aut mundi, syderumque cælestium imaginem proponamus. Fingamus igitur tribus his populis, eo, quo diximus, ordine constitutis, præesse quosdam Planetas, idque tantum doctrinæ gratia: deinde Australibus Saturnum, sequentibus Iovem, Septentrionalibus Martem tribuamus: tum in orbem redeundo rursus Australibus Venerem (nam Sol veluti fons luminis omnium communis erit) sequentibus Mercurium, Septentrionalibus Lunam. ex hac veluti distributione trium populorum, vim quandam universæ naturæ planius intelligemus. ajunt enim Chaldæi Saturni vim in comprehensione positam, Iovis in actione, Martis in effectione. id autem ex Hebræis naturæ optimis interpretibus intelligitur. illi enim Saturnum שבתאי vocant, id est, quietum, quo nihil ad contemplationem majus esse potest. Iovem צדק id est justum appellant: quod Græci cum ab Hebræis, ut optima quæque accepissent; justitiam Iovi assidere finxerunt. Martem vero מאדים, id est, fortem & robustum, quem propterea Chaldæi & Græci bellis præesse putarunt. Saturnus quidem frigidus, Mars calidus, Iupiter utroque dicitur esse temperatior: primus ad scientias, & ea quæ in sola contemplatione veri acquiescunt; alter ad prudentiam, quæ in agendo posita est, quæque virtutes omnes complectitur: tertius ad artes & opificia, quæ in manu ac robore posita sunt, pertinet: primus ad mentem, alter ad rationem, postremus ad *φύσιν*. Nam Australes

populi diuturno contemplandi studio, quod atræ
 bili congruit, pulcherrimarum scientiarum auto-
 res ac principes fuerunt: naturæ arcana detexe-
 runt: mathematicas disciplinas invenerunt: deniq;
 religionis cœlestiumque siderum vim, & natu-
 ram primi perspexerunt. Scythæ quod essent ad
 contemplationem minus idonei, propter sangui-
 nis & humoris copiam (quibus ita mens obrui-
 tur, ut vix unquam emergat) ad ea quæ sub sen-
 sum cadunt, id est ad artes & opificia tractanda,
 sponte ferri cœperunt. hinc à Septentrionibus ea
 quæ mechanica dicuntur, belli tormenta, furio-
 sæ artes, typographia, quæque pertinent ad
 metallicam disciplinam: quam ita tractavit Ge-
 orgius Agricola, homo Germanus, ut Aristote-
 les ac Plinius in eo genere nihil intellexisse vi-
 deantur. nec mirum videri debet, si Germanos
 & Britannos accire solent Itali & Hispani, quod
 cœlesti quodam munere occultas terræ venas
 invenire, & inventas aperire norunt. iidem quo-
 que alumni Martis militarem disciplinam antea
 semper, & nunc quoque incredibili studio co-
 lunt, arma tractant, montes æquant, aquas deri-
 vant, seque totos venationibus, agriculturæ, pe-
 cuariæ, aut iis artibus, quæ opera moliuntur, da-
 re consueverunt, ut illorum ingenium in manu
 positum esse videatur: quod satis indicat omne
 genus supellectilis & instrumentorum, quæ ab
 illis tam artificiosè, tam affabre fiunt, ut ea cæ-
 teri populi mirentur; imitari non possint. atque
 id fortasse voluit Plato, cum diceret Martem &
 Vulcanum artes reperisse. quod si Astrologis ha-
 benda fides est, qui Martem nativitatis princi-
 pem habent, aut milites sunt, aut opifices futu-
 ri. At mediæ regionis homines, neque ad oc-
 cultas scientias ita nati, ut Australes; neque o-
 pificiis ita dediti sunt, ut Septentrionales, sed ad
 res agendas omnium aptissimi. nam si quis o-
 mnia historicorum scripta collegerit, judicabit
 ab ejusmodi hominibus primum profecta esse
 instituta, leges, mores, atque optimam Reipu-
 blicæ moderandæ rationem: tum etiam merca-
 turam,

turam, gubernatoriam, oratoriam, dialecticam, imperatoriam denique disciplinam. harum autem disciplinarum magistri esse feruntur Iupiter ac Mercurius: & qui Iovem aut Mercurium, aut utrumque originis dominum habet, ad hæc suapte natura ferri dicitur. & quidem constat ex historiartum lectione, in Asia, Græcia, Assyria, Italia, Gallia, Germania superiore, quæ Polum inter & Æquatorem, à quadragesimo ad quinquagesimum gradum interjacent, maxima imperia semper floruisse; & ab illis regionibus summos imperatores, optimos legumlatores, æquissimos iudices, prudentes Iurisconsultos, disertos oratores, sagaces mercatores, clarissimos denique histriones & fabularum actores ortum habuisse. nulli ab Africa, multo minus à Scythia Iurisconsulti, nulli oratores, rari poetæ, pauciores historici, paucissimi qui copiosam & uberem exerceant mercaturam; qualem Itali, Græci, Hispani, Asiatici. hæc igitur cum historia conferamus, ut rectius de re tota judicari possit. queritur Galenus nullos unquam à Scythia philosophos præter Anacharsim, innumera- biles à Græcia fluxisse. scribit quoque Iulianus Augustus ubi de Gallis agit, quorum naturam usu diuturno cognitam & planè compertam habebat; Celtas nec Philosophiæ, nec disciplinis mathematicis operam dare: sed in Dialecticis fere ac Rhetoricis acquiescere: hinc Iu- venalis:

Gallia causidicòs docuit facunda Britanno.
 quin illa ipsa religio qua utebantur planum fa-
 cit. Deum Mercurium, inquit Cæsar, Galli ma-
 ximè colunt. hujus plurima sunt simulacra:
 hunc inventorem artium ferunt: hunc ad quæ-
 stus pecuniæ, mercaturasque habere vim ma-
 ximam arbitrantur. has igitur historias expe-
 rientia diuturna comprobavit. neque enim us-
 quam terrarum plures causidici, nusquam civi-
 lis scientia majore studio colitur: occultæ vero
 scientiæ ac mathematicæ disciplinæ valde fri-
 gent, Contra verò Australes, quod assidue con-

templantur propter insitum atræ bilis humo-
 rem , seipso à rebus agendis sponte subdu-
 cunt , ac desertissimas solitudines quærunt. con-
 templationis autem ac meditationis (quæ Pre-
 tiosa mors ab Hebræis & Academicis appella-
 tur) ea vis est , ut ingenium acuat, & hominem
 ab homine sejungat : quod cum adeptus est, non
 modo rerum naturalium arcana videt , sed et-
 jam pernicipibus aliis in cœlum purgata mente
 fertur , rerumque divinarum scientia repletur ;
 post à Deo immortalis subornatus , res arduas
 & admirabiles ignaris hominibus revelat. qua-
 re mirum videri non debet ex historiarum le-
 ctione, ab illis regionibus summos philosophos,
 mathematicos , prophetas , omnes denique reli-
 giones in orbem terrarum , velut ab uberrimo
 fonte fluxisse. non quod alibi quoque divina
 mens hominem cœlesti spiritu afflare nolit: quod
 dictu nefas est ; cùm vigeat ubique Deus , non
 aliter ac Solis splendor : sed quemadmodum
 idem splendor in aqua limpidissima sese magis
 ostentat, quàm in turbida : ita quoque divini-
 tas in purgata mente clarius elucet , quam in ea
 quæ deorsum vergens contagione corporis af-
 ficitur , ac perturbationibus secum dissidentibus
 implicatur. quibus enim sanguinis & humoris
 copia major , illi sese difficilior ab hac terrestri
 labe sejungunt , ut non immeritò siccas animas
 sapientes appellarit Heraclitus. ridiculum est
 enim ac minimè philosopho dignum , quod
 H. Cardanus hominem sapientissimum esse ait,
 quòd sit humidissimus & calidissimus : cùm be-
 stias ipsas quo sunt frigidiores , ut Aristoteles
 scribit libro secundo De partibus animantium,
 eo prudentiores esse videamus; argumento sit
 prudentissimus elephas , cujus sanguinem om-
 nium frigidissimum esse Plinius auctor est. Quæ
 cùm ita sint , facile est ad judicandum , an vera
 sint , quæ de religione Australium historici tra-
 dunt, atque in primis Leo Afer, ubi agit de tem-
 plorum substructionibus; Sunt, inquit , in urbe
 Fessa templa septingenta , quorum maximum
 mili-

miliarii unius ambitum, unamque & triginta portas habet: lampades verò nongentas diu noctuque ardentes. Credibile quoque est id quod Alvaresius in Abyssinorum historia tradit, de inaudita magnitudine templorum: de multitudine infinita monachorum, qui non modo in locis desertis, sed etiam in pagis, in circulis, in foro, in castris versantur: ex quibus etiam exercitus sæpe conscribuntur: cum principes ipsi hoc vitæ genus sequantur. Rex autem qui Negus & Iochan Besul, id est gemma pretiosissima vocatur, quasi pontificem ageret, non aliter quàm ornatu & vestitu pontificio præcuntibus pontificibus, & religionis insignia præ se ferentibus iter facit. jejunia verò totius populi plane incredibilia narrat, si quis ea cum nostris compararit: si tamen iudicium ad historiam adhibeas, valde credibilia iudicabis. multi enim vitam lente cruda, vel oleribus aqua pura coctis, & planè insipidis sine pane sustentant. alii circulos ferreos quasi cingulum nuda cate gestant. plerique jejuniorum tempore, id est, anni tertia parte, noctes insomnes ducunt. quidam collo tenus in aqua dormiunt: non desunt qui istantes, horas x x i v cælum constanter intuentur. omnes statis diebus verberum ac flagellorum crebris ictibus se lacerant: qui verò in religionem vel minimum peccant, aut qui ligneam crucem osculari dedignantur (uti sunt nonnulli) flammis ultricibus comburuntur. postremo, quod ad Rempublicam tuendam & beatam vitam plurimum prodest, res adversas æquè ac prosperas ab unius præpotentis Dei voluntate fluere arbitrantur. At in rebus agendis, & Republica gubernanda quàm inepti sint, ex eo planum fit, quod apud eos, qui deliquerunt, non prius verberari desinunt, quàm multam verberantis arbitrio solvant. Princeps autem iudicum, qui veluti Cancellarius maxima quæque moderatur, sæpe iussu regis verberibus ceditur. homicida propinquis interfecti cruciandus traditur, omnia verò iudicia sine ullis actis,

Etis, aut scriptura conficiuntur. debitores, nisi
 solvendo fuerint, creditoribus in servitutem ad-
 dicuntur. nulla stipendia militibus dantur, nulli
 commeatus, sed hordeum quisque, aut quid si-
 mile ferre tenetur. nullæ sunt urbes, nulla ca-
 stra, nulla propugnacula: populus in pagis, prin-
 ceptis in tentoriis huc illuc vagatur: tametsi pre-
 tiosissimam suppellectilem, & thesauros habet
 infinitos. nullus papyri usus, sed rationes publi-
 cæ pellibus consignantur: quæ arguunt ejus-
 modi homines rebus agendis, parum idoneos
 esse. Minus etiam Scythæ, qui omnia vi & ar-
 mis servilem in modum, ac belluarum more
 exequuntur; ut de veteribus Germanis Tacitus
 scribit: nihil magistratus publicè aut privatim
 gerit sine armis; cui Boemus Germanus, &
 Munsterus his quoque temporibus his verbis
 subscribunt; Injurias illatas raro jure, sed ferro
 & rapinis ulciscuntur, nec prædari erubescunt.
 quid est autem iniquius aut magis barbarum,
 quam quod Clageni fieri solet; si quis furti su-
 spectus sit, necatur, deinde quæstio habetur?
 hunc morem Hunnis & Gothis acceptum ferunt.
 Ab illis etiam duelli leges profectæ. neque enim
 de omnibus injustitiæ generibus ullum turpius
 aut majus esse potest, quam ut imbecillus ac te-
 nuis accepta injuria lit infamia dignus, nisi cum
 adversario, quantumcunque viribus præster, ar-
 mis decertarit, ac vitam periculis objecerit.
 nam ista ratione Scythæ, si cum belluis, quæ ro-
 bore præstant, conferantur, jure infames sint. Sed
 natura sic comparatum est, ut Scythæ, qui mini-
 mum rationis, plurimum roboris habent, sum-
 mam omnium virtutum in bellica laude consti-
 tuant: Australes in pietate ac religione: medii ve-
 ro in prudentia. ac tametsi omnes modis omni-
 bus Rempublicam tuentur, nihilominus tamen
 alii viribus, alii metu divino; reliqui legi-
 bus ac judiciis magis utuntur. Itaque mirum
 videri non debet, si Calipharum, seu Pontifi-
 cum Ismaeliticæ religionis tanta fuit majestas.
 ut non modo legum ac religionum, verum et-
 iam

iam imperii & armorum, omniumque possessionum, libertatis denique & servitutis; postremo vitæ ac necis jus in omnes haberent. sed ab eorum imperio Turcæ, Scytharum progenies, ac Mameluchi genere Circassii, primi desciverunt, eosque de veteri possessione deturbarunt. ac fortasse illud est, quod à Poëtis jactatur; Saturnum ab Iove de imperio deturbatum, id est religiosos ac sapientes homines primis temporibus iustitiæ fruendæ causa reges esse creatos: sed cum sola pietate homines in officio continere se posse arbitrarentur, neque tamen id præstare possent, cum scilicet plerique nec metu divino, nec ulla religione ducerentur, prudentiores accepta potestate Rempublicam regere: religiosi vero ac philosophi, sacrificiis & contemplationi operam dare, plebs militiam, agriculturam & opificia tractare cœpit: ex quo factum est, ut sapientes precibus & monitis; prudentes imperio ac jussu; robusti viribus & executione Rempublicam tuerentur. nam his tribus partibus, decretis inquam, edictis & executione Respublica continetur. monent Pontifices ac sapientes: jubent magistratus: exequuntur ministri. sic Anaxagoras Periclem, Plato Dionem, Socrates Nicoclem, Plutarchus Trajanum, Polybius Scipionem, atque omnino Magi Persas, Brachmanæ Indos, Mantes Græcos, Pontifices Romanos salutaribus sapientiæ præceptis, aut quacunque religione informabant: qui tamen ad res agendas inepti erant. quod Plato sapientissimus accepta civitate, quæ se illi commiserat, planum fecit. Itidem Aristoteles Anaxagoram sapientissimum virum prudentia caruisse scribit: etenim se ipsum fame ac inopia, præ negligentia rei familiaris interire passus est, id quod Theodoro Gazæ in extrema senectute contigit. Itaque Philo Mosem magnis laudibus commendat, quod unus omnium mortalium fortissimus imperator, prudentissimus legislator, ac divinissimus propheta extiterit. Quod igitur de una civitate, idem quoque de mundana Republica iudicandum

dum relinquitur , ut distributis populorum muneribus , Australium sapientia , Scytharum robur , mediorum prudentia quodammodo propria sit. id quod etiam in animæ partibus videre est. etenim mens ipsa monet, ratio jubet : sensus autem veluti satellites ad exequendum adhibentur : & in triplici animæ facultate , animalī, vitali & naturali ; una quidem à cerebro motum & sensum : altera spiritum à corde vitalem : tertia ab hepate vegetationem. neque enim melius, opinor, insita populo cuique natura intelligi potest , nec de historia quaque iudicium certius ac verius fieri , quàm si microcosmus hic cum magno homine , id est, cum mundo conferatur. quod igitur Plato in sua , idem nos in mundana Republica faciemus , sed paulò aliter quàm ille. voluit enim penes custodes imperium esse , quos in cerebro quasi Palladem in arce collocavit : in quo videtur Saturnia regna restituere voluisse : hinc ejus illa vox ad omnibus laudata, sed à paucis intellecta; Aut reges philosophari , aut philosophos regnare. at philosophia , id est , rerum pulcerrimarum perpetua contemplatio, ut omnes Academici volunt , nihil habet cum negotiis militaribus aut civilibus commune. militibus autem arma tribuens , in corde stationem dedit , quod illic irascendi vis posita sit. postremo agricolas & opifices in hepate , ut res necessarias & alimenta Reipublicæ suppeditent. sed sine magna perturbatione fieri non possunt , ut suo loco dicemus. nunc illud tantùm quod ad mundanam Rempublicam , & populorum naturam spectat , videamus : ac si fieri potest, hunc mundum velut hominem congruenti situ constituamus. Nam in eo quoque scriptores à seipsis plurimum discrepant. Homerus, Aristoteles, Plato, Galenus, Pythagoras, Averroes , mundi hujus, quem Animal vocant , dextrum latus in ortu posuere ; sinistrum in occasu ; Plinius & Varro contra statuunt ; in ortu læva , in occasu dextra , ex veterum Latini more. Sinistra , inquit Varro , in tem-
plis

plis ab oriente, dextra ab occasu. templa vocat
 cæli regiones ab auguribus lituo divisas. sic Mu-
 hametici precantur. Augures tamen ad ortum se
 convertebant, ut Livius libro primo scribit. Au-
 gur dextras ad Meridiem partes, lævas ad Se-
 ptentrionem. cui sane congruere videtur Davidis
 Psal. LXXXIX. vers. XIII. צפון וימין אתה בראתם id est,
 Aquilonem & dextrum tu creasti eos. ubi omnes interpretes plagam intelligunt Au-
 stralem pro dextro. sic enim Chaldæus inter-
 pres. huc accedit, quod Orientem פנים id est,
 faciem appellant. ex quo sequitur Austrum la-
 teri dextro tribui facie ad Orientem conversa,
 quo more utimur in votis concipiendis. sed cum
 nullam sui dicti rationem afferant, Philonem se-
 quemur, cui etiam consentiunt Empedocles, Lu-
 canus, Cleomedes, Solinus. nam Moses sacrarii
 finistrum ad Meridiem, dextrum ad Septentrio-
 nem convertit: idque optima ratione, quia mo-
 tus rapidus est ab ortu versus occasum; hominis
 vero gressus, non in terga fit, aut latera, sed ad
 anteriora. hinc Lucanus:

Vmbra mirati non amplius ire sinistras.

Græcis quidem dextra sinistris meliora: sed apud
 Latinos sinistra in auguriis valde prospera
 existimantur, ut Plutarchus & Plinius tradunt:
 non quia sol oritur sinistra, ut Plinius voluit, sed
 quia pars sinistra vergit ad Austrum, quæ mundi
 plaga reliquis præstat, sive stirpium, sive me-
 tallorum, sive gemmarum, sive hominum, si-
 ve animorum, sive cælestium corporum digni-
 tate: ac propterea versus Austrum Abrahamæ pro-
 fectiones dirigi putant Hebræi: ab Aquilone
 vero, inquit Ezechiel, venit omne malum. quin
 etiam Arabes & Mauri, ut est apud Picum Mi-
 randulam, malos dæmones ad Austrum, aut nul-
 los, aut raros esse ajunt; sive propter lucis co-
 piam, qua fugari putantur; sive propter aeris
 tenuitatem, quo sustineri nequeunt: ad Septen-
 trionem vero nusquam copia major dæmonum
 & maleficarum, si Saxoni Grammatico & Olao
 fidem habemus. Præterea posuimus Septentrio-
 nales

nales robustiores, Australes debiliores . at sinistra quoque pars hominis debilior est, dextra validior, ut Macrobius lib. VII. cap. 4. Saturnal. scribit : & in utero dextro mares , in sinistro feminas moveri Plinius cum Varrone , Aristotele & Hippocrate scribit. Et Artemidorus dextrum oculum filium: sinistram feminam significare scribit in somniorum interpretatione, & dentes dextros amicos, sinistros amicas interpretatur. & in universum libro vigesimo septimo dexteram partes viris, aut junioribus : sinistras feminis aut senioribus tribuendas esse. & Aristoteles libro quarto cap. 3. & 9. & lib. IV, c. 1. & lib. I. cap. 15. de Historia animalium ait, dextram partem esse masculam, sinistram feminam; pes quoque dexter, & brachium dextrum majus est (id quod sutores etiamnum intelligunt, & vegetius sinistro deinde planum fecimus Scythas rubicundos esse, ac multo sanguine abundare: Australes verò exsanguis, & atra bile plenos: at in dextro latere situm est hepar: in sinistro lien : hic atræ bilis; illud sanguinis conceptaculum. demonstravimus quoque Scythas intemperantes & iracundos esse, & imperu ad vindictam ferri; Australes consilio suscepto. id quoque dextro; illud sinistro lateri congruit: nam atra bilis quietos, sed iracundos, jecur intemperantes efficit. consequens est igitur, ut in hac Republica mundana Scythas, quasi milites & opifices in dextro latere, Australes in sinistro: tum mediæ regionis homines in corde, veluti magistratus in media civitate, constituamus. est enim cor medium inter cerebrum & jecur, atque inter jecur & lienem. fecit autem natura, inquit Aristoteles, quosdam servos & eorum robusta corpora ad necessarios usus; alios debiles, sed valde utiles ad vitæ societatem. nec me movet quod Hebræi perinde, ut reliqui populi dextra sinistris præstare putant: ut videre est Psalm. 109. Matth. 22. Marc. 12. Matth. 25. 26. & Actor. 7. ad Coloss. 3. ad Hebræos 1. & 10. ad Ephes. 1. Hostien. Ioan. Andr. Panorm. in c. solitæ

de majoritate & obedient. Aristoteles lib. xxxi. c. 11, 13, 19, 25. & lib. xxxii. cap. 7. & Iacobus dextram capiti Ephraim superposuit benedicendi causa. in eadem sententia fuit Bald. ad l. discernimus. de sacrosanct. eccles. c. & Curtius senior consil. lxxiv. honoratiorem locum esse à dextris. Plaut. in Pseud. Omnes ordines sub signis ducam. legiones meas avi sinistra, auspicio liquido atque ex sententia. Cicero de Legib. iii. is ave sinistra dictus populi magister est, rationem reddit Cicero. Quanquam haud ignoro, quæ bona sint, sinistra nos dicere, etiamsi dextra sint: sed certe nostri sinistrum nominaverunt, externi dextrum. clarius etiam M. Varro libro v. epist. quæst. A deorum sede cum in meridiem spectes, ad sinistram sunt partes mundi exorientes, ad dextram occidentes, factum arbitror, inquit, ut sinistra auspicia meliora, quam dextra existimentur. Nihilominus tamen ex Latinis plerique sinistra mali ominis esse opinantur. Maro:

Arboribusque satisque Notus pecorique sinister.

& Cicero. Nemo me sinistris sermonibus carpit, neminem ipse reprehendo nisi unum me.

Sape sinistra cava pradixit ab ilice cornix.

Sed ea ratio est, quod dextra sinistraque variè acceperunt. Nam ubique Hebræi omnium populorum morem secuti dextra in Meridie, sinistra in Aquilone posuerunt: quia populi omnes Solem adorabant facie ad orientem conversa: quod vetuit Moses. sed utcunque sit, Meridiem hoc vel illo modo Aquiloni præstare constat, & hominis dextram Aquilonis esse. hoc igitur à Platone dissentio, quod ille milites in corde, magistratus in cerebro, plebem in jecore: ego pontifices ac sapientes in cerebro malim, magistratus in corde, opifices ac milites, qui ex plebe leguntur, in jecore. neque enim vis animosa cordis robur efficit, quod sanguinis ac jecoris proprium est, sed ad actionem impellit. certe Machiavellus optimum imperatorem ab Italia, non militem deligi voluit, quod

quod maiore prudentia, quàm robore valent: corporis autem munus, inquit Ammianus, à milite: ab imperatore animi poscitur. nec verò imperatoris est, ut ait Plutarchus in Pelopida: cominus cum hoste pugnare: nec magistratus lictorem agere, sed imperare ac iubere. cum autem Plato Philosophis ac sapientibus imperium tribueret, quos ad contemplationem idoneos, ad actiones ineptos esse ex historia docuimus; consequens erat in corde milites collocare, qui tamen optimi ex agricolis, ut Plinius scribit de veteri Romanorum disciplina, vel ex opificibus ut nostra ætate, leguntur: quod ad labores obduruerunt: nam Aristoteles operarios & opifices inter plebejos recenset. Et quidem videmus Scythas, aut Germanos milites antea semper atque his temporibus magna mercede quæri. ut planum sit, milites optimos ex agricolis & plebejis, quorum vis in manu posita est, semper legi consuevisse. Atque hæc si ad cœlestia referantur, æquè sibi congruent. nam si demus Ieni Saturnum, cordi Iovem, Cystifelli Martem, Lunæ jecur: recurrent illa quæ ab Astrologis cuique parti corporis tribuuntur. est enim Mars cum Luna, quasi folliculus fellis cum jecore: quòd universum corpus alit ac vegetat; ut Luna mundum elementarem: quæ lumine aucta stirpes, aquas, animantia vehementer auget. qui verò Lunam habent in ortu, robore & optima valetudine præstare dicuntur, quæ omnia Scythis optimè conveniunt. accedit illud quod scribit Cæsar de Germanis: Vita omnis, inquit, in venationibus atque in studiis rei militaris consistit. quid autem Dianæ ac Marti magis proprium esse potest? illud etiam animadversione dignum, quod Plinius scribit: fulgura tonitruaque in media regione fieri, nulla in Æthiopia & Scythia. Idque ab incolis compertum habemus. Iovis autem propria sunt fulmina & tonitrua, non modò poëtarum, sed etiam physicorum opinione. Quod si quis Solem, quem omnium commu-

nem posuimus, cordi tribuat: tum quod in medio planetarum, vel ut Copernicus, in centro mundi positus sit: tum quod vitam omnium maximè diuturnam significet, & calorem temperatam habeat, non ut Mars urentem, nihil repugno: ac fieri potest, ut sit omnium communis & partis cuiusdam proprius: quæ tamen omnia non extremis, sed temperatæ regionis hominibus congruunt. Hæc rursus populorum ratio triplex ad mundum triplicem referri potest, scilicet intellectualem, ubi mentes: cælestem, ubi sidera: elementarem, ubi rerum ortus ac interitus. huc etiam pertinet triplex animorum ordo (præter eum qui est extra ordinem, qui nulla mundi contagione violatur) primus quidem puras hominum mentes in Deum convertere: alter Respublicas moderari: postremus circa materiam & formam occupari videtur. Quæ cum ita sint, triplex hoc hominum genus, Scythæ, inquam, Australes & mediæ regionis homines, ad triplicem animæ vim, scientiæ, prudentiæ & artis, quæ in contemplatione, actione & effectione posita sunt: ad νοητικόν, θυμητικόν & ποιητικόν ex ipsius cerebri, cordis & jecoris, cælestiumque siderum vi commodè, ut opinor, & ad historiarum omnium certissima judicia referri possunt. Et quemadmodum sex annorum millibus mundi elementaris conversionem ex Heliæ cuiusdam Rabbi conjectura fore ajunt: ita quoque duobus annorum millibus homines religione ac sapientia præstiterunt: siderumque cælestium motus, ac naturæ vim universam magno studio conquiesierunt. duobus item annorum millibus in constituendis civitatibus, in legibus sancendis, in coloniis deducendis occupati fuerunt: quibus temporibus à Saturno ad Iovem; ab Australibus ad mediæ regionis homines imperia sunt delata. consequentibus annorum millibus, id est à Christi morte, variæ artes antea incognitæ, & opificia in lucem venerunt: tum etiam bellorum motus ingentes, idque toto terrarum orbe, cum scilicet superstitio Iovis atque

imperia, ut ita dicam, abrogata & ad Scythas Martis alumnos translata fuerunt; atque hinc repente legiones Gothorum, Burgundionum, Herulorum, Francorum, Longobardorum, Anglorum, Britannorum, Hunnorum, Vandalorum, Gepidarum, Normannorum, Turcarum, Tartarorum, Moscovitarum, Europam & Asiam impleverunt. Sive igitur ulla vis est celestium corporum in hæc inferiora, ut etiamnum theologi contententur, sive nulla, ut plerique putant: nihilominus id, quod est, ut ajunt, & *8r i si*, sensu percipimus, tamen causæ sunt obscuriores. Ex quo multa non modo historicorum, sed etiam philosophorum & astrologorum scripta intelliguntur: historiæ verò falsæ sint nec ne, facillimè judicantur: ut illud Ptolemæi; Asiani Australes, animis consiliisque excelsi, fortes, bellicosi: Septentrionales sapientes, magi, rerum divinarum periti & justii. hæc planè falsa aut penitus sunt inversa. falsum quoque id quod Plinius scribit, corporum proceritatem æque in Austro ac Septentrione; quod heic humoris alimentum, illic ignium vis major est: non modo in historia, sed etiam in ipsa ratione peccat. infinita sunt ejusmodi apud Aristotelem, Hippocratem, Galenum, Diodorum, Herodotum, Volaterranum, Sabellicum, quæ singula si persequar, infinitus sim. satis est digitum ad fontes intendisse, ut quid de universa populorum omnium historia judicandum sit, verius ac melius intelligatur. Sed cum alii ab aliis, & secum ipsi sæpe dissentiant, in eo tamen omnes præter D. Hieronymum conveniunt, Gallos esse leves. idque à Cæsare scriptum, à Tacito & Trebellio confirmatum, ab Italis & Germanis sæpe repetitum, maximè tamen à Sleidano in concione Caroli Imp. alii tamen alias quoque gentes leves appellant. Syri, inquit Livius, Asiatici, Græci, levissima omnium genera. de Scythis, quibus cum nihil habuere commercii, nihil prodiderunt. Si igitur levitatem appellant animi quandam alacritatem ac celeritatem, quæ mediæ

regionis homines omnium aptissimos ad agendum reddit, sanè Galli, Itali, Pannonii, Asiatici, Chaldæi, Parthi, qui à scriptoribus hoc vitio notantur, leves sunt. & quidem Iulius Scaliger Veronensis de Gallis in hunc modum scribit; Gallos videmus ad omnia momenta eventuum, disciplinarum promptos & versatiles; qui animorum vigor igneus maturaque celeritas, nulli alii nationi data est. quocunque incubuere felicissimè se dant, ocysimè proficiunt, gnaviter exercent mercatyræ, literas, arma, eruditionem, candorem, eloquentiam, omnium tamen gentium ac nationum fide sunt maxima, integra & constanti. hæc ille. At Scytæ crassis humoribus quasi pondere obruuntur, ne animi vis emergat. Australes ab atra bile in pulcerissima rerum magnarum contemplatione retinentur: quo fit ut celeres motus animorum quiescant. idque videmus non modo in Mauris & Pœnis, sed etiam in Hispanis, quo propius ad Austrum accedunt. tanta est in illorum oratione, gestu, incessu, & ab omnibus actionibus tarditas, ut inertia languere videantur. Galli vero tam celeriter omnia, ut prius rem gesserint, quàm Hispani consilium inire possint. gressu vero tam celeri feruntur, ut eos currere, non incedere putent Hispani. nec minor in discendo facilitas ac celeritas, quàm in aliis actionibus, quæque Australes cogitatione diuturna invenerunt, celerrimè conficiunt & imitantur; ut non immerito Cæsar eorum docilitatem admiretur, quæ magna sunt flavæ bilis argumenta. nam Galenus cum humorum virtutes à corpore ad animum transfert, flavæ bili prudentiam tribuit, atræ constantiam, sanguini lætitiæ, pituitæ mansuetudinem. ex quibus inter se confusis, infinita varietas conflat. iidem humores si abundare, aut aduri, aut labefactari cœperint, in contraria vitia inclinant. quò fit ut flava bilis abundans in temeritatem prorumpat, adusta in phrenesin. præceps igitur, & nimia celeritas in agendo consiliis inimica, fecit ut Galli leves appellarentur.

rentur. Sed cum levitas nihil aliud sit, quàm in dictis & factis inconstantia quædam, profecto temeritas debuit, non levitas appellari. aut si leves quoque judicamur, Scythæ nos in eo genere facile superabunt. est autem contrariorum contraria disciplina. igitur si Australis ater est, Septentrionalis candidus: si magnus hic, ille parvus: hic robustus, ille debilis: hic calidus humidus, ille frigidus siccus: hic pilosus, ille glaber: huic rauca vox, illi clara: hic calorem meruit, ille frigus: hic lætus, ille tristis: hic sociabilis, ille solitarius hic audax, ille timidus: hic vinosus, ille sobrius: hic sui & alieni negligens, ille circumspectus & ceremoniis deditus: hic rusticè arrogans, ille animo elatus: hic prodigus, ille parcus: hic minimè salax, ille salacissimus: hic sordidus, ille nitidus: hic simplex, ille versutus: hic miles, ille sacerdos: hic opifex, ille philosophus: hic manibus utitur, ille mente: hic terræ venas, ille cælestes inquit. si igitur Pœni pertinaces, ut Plutarchus scribit, quid Scythæ? docuimus utrosque crudeles ac perfidos esse cùm in vitia labuntur, sed contrarias attulimus causas. quòd si vitia sunt extremorum, consequens est, ut si pertinax Australis, Scythæ levis sit. intermedius constans. certe barbari, & qui minus habent rationis, ad belluarum similitudinem propius accedunt; quæ ut facile irritantur, ita facile placantur, & paulo momento huc illuc sine ratione feruntur. Consimiliter pueri ac feminae amicitias contrahunt ac deponunt, homines consilii participes non item: & in hominum genere, quò quisque plus ingenio valet, eo minus ad amicitias, vel odia, vel opinionum novitatem trahi solet; eo tamen pertractus ægre divellitur. ac mihi propius intuenti, Australes intermedii, & Scythæ, senum, virorum & adolescentium mores & humores habere quodammodo videntur. quod versu antiquo percommode significatur:

Ἔργα νέων, βουλὰὶ δὲ μέσων, θυγαῖ δὲ γερόντων.

Vota senum, juvenum facta, & consulta virorum.

Senes appello, qui nondum decrepiti sunt. Scythæ quidem humidi, calidi, adolescentium in modum: Australes frigidi, sicci, quod senibus congruit: qui mediam ætatem attigerunt, temperiem optimam consequuntur. jam vero si Aristoteli credimus ad Theodecten scribenti, adolescentēs cupiditatibus & ἐπιθυμίᾳ intemperanter laborant, quod hepatis & vulgi proprium esse docuimus. subjicit Aristoteles: ἡμετέροισι δ', καὶ ὑψίστοις πρὸς τὰς ἐπιθυμίας, καὶ σφόδρα μὲν ἐπιθυμοῦσι, ὥστε δὲ πάντων, id est, cum sint leves ac mutabiles, eos repente fastidium ac desiderium capit novarum cupiditatum. & paulo post: Repentinæ voluntates, nec tamen diuturnæ: ambitiosi, audaces, iracundi, faceti, prodigi, non improbi, sed ὑψηλοῦς, ac simplices, διὰ τὸ μὴ τελευτῶναι πολλὰς πανηγύεις, id quod ignorantiae tribuit, non virtuti; sed etiam, inquit, Valde creduli, & inani spe pascuntur. senes contra. qui verò mediam ætatem tenent, omnia sunt mediocriter consecuti. sed hæc fusius apud Aristotelem. atque hæc tribus populorum generibus non moderatione congruunt, verumetiam exemplis. nam Germani inferiores qui aut Scythæ sunt, aut Scytharum proximi, ejus levitatis quam in Gallis accusant, maxima semper indicia præbuerunt. de veteribus sic Tacitus: Gens, inquit, non astuta, nec callida, aperit enim secreta pectoris licentia joci. ergo detecta omnium mens postera die retractatur, & salva utriusque temporis ratio est. deliberant dum fingere nesciunt, constituunt dum errare non possunt. hæc ille. sed cum Scythicæ levitatis infinita exempla, nullum tamen majus est, aut in quo magis elucere constantia debeat, quàm in religione semel probata. Ostrogothi, & Wisigothi sedibus ab Attila pulsī petierunt à Valente ut agros permitteret, seque leges imperii ac religionem Christianam suscepturos. quod cum impetrassent, Valentem perfidia incredibili oppresserunt, & vivum cremarunt. Gothi cum in Italiam venissent, repente Christianam religionem, mox Ar-

rianam susceperunt. Gronlandii, qui proximè ad polum accedunt, ingenio mobiles, inquit Munsterus, facilè Christianam religionem probarunt, postea ad idololatriam relapsi fuerunt. Turcæ Scytharum genus, cùm primum Asiam invaserunt, Arabicam religionem statim probarunt. Tartari nullo cogente, Christianam, mox Arabicam acceperunt. Normanni etiamnum rudes ac barri, tametsi magnam Galliæ partem subegissent, nihilominus statim repudiata gentili religione, Christianam probarunt. Islandii verò mox idololatræ, mox etiam Christiani fiunt arbitrio peregrinorum, ut Zieglerus ac Munsterus tradunt. Bohemi & Saxones Romanos ritus primi deseruerunt. quàm sapienter non disputo, neque est hujus loci. tametsi enim viros graves inprimis & eruditos habuerunt, qui capitales Pontificum fraudes detexerunt: si tamen proposito consilio, ac re diu multumque deliberata, rem omnium difficillimam susceperunt. sed de plebeis loquor & agricolis, qui repente in eorum sententiam re non intellecta convolarunt. nam statim Saxonia tota, Balticæ urbes, Dania, Norvegia, Suecia Gothorum, & qui à Suecis Gothis originem traxerunt, Helvetii, mox etiam Britannia & Scotia defecerunt. diu restitit Germania superior, quæ minus Septentrionalis est, nec dum planè ritus veteres improbavit, Gallia multò difficilior. & quidem Sleidanus, qui ex aliorum ratione Gallicam accusat levitatem, confitetur se novem annos, quibus in Gallia vixit, crudelissimas Gallorum uestiones spectasse, quas annos quadraginta miserrimè intulimus ac pertulimus: alteri quidem, quod religione ducti, seu obsequium Deo præstare arbitrarentur: alteri quod unius Dei cultum omnibus deliciis, opibus, honoribus, vitæ denique anteferrent. nullæ uestiones in Germania factæ memorantur, præterquam Cæsaris Leonis natione Bavari. Italia verò à veteri opinione ægrè divelli potest. ac si Germani in suscepta religione constanter acquievisent,

multo facilius reliquos in suam sententiam pertraxissent : sed paulo momento huc illuc distracti , infinitam opinionum varietatem susceperunt. neque enim Hussi tantum, vel Martini; sed mox etiam Anabaptistarum , Leidani , Zuinglii, Carlostadii, Osiandri, Westphali, Davidis, Stancari, Adamitarum, Waldensium , Interimistarum, & aliorum pene innumerabilium sectas subinde combiberunt. At Australes , Asiatici & Afri, non nisi miraculis , & quidem cælestibus, aut armorum vi , à religione suscepta defecerunt. Atque hæc admirabilis constantia , non in viris modo, sed etiam in feminis ac pueris regem Antiochum propè ad insaniam perduxit, cum pueros septem Hebræos omni suppliciorum genere crudelissimè torqueret , nec tamen efficere posset ut suillam carnem gustarent. quin etiam mater ipsa, filios ad mortem pulcerrimam ultra invitabat. & certe gens illa nullis unquam præmiis aut pœnis à sua secta potuit avocari , & sola toto terrarum orbe diffusa , suam regionem ante annos ter mille susceptam , acerrimè tuetur. Ipse verò Muhamedes , cum suam disciplinam nec miraculis potuisset , nec oratione persuadere , ad arma conversus , & libertate servis proposita, summa vi perfecit , quod nulla ratione potuisset. Quemadmodum igitur Angli de sua fortuna queruntur , quoddam cum viribus , ut est apud Cominium , superiores sint Gallis , consilio tamen longè inferiores : Itali verò Gallos ac Germanos veluti barbaros, ut Cardanus scribit , facillimè in fraudem impellunt : rursus Itali Græcorum, Græci Cretensum , hi Ægyptiorum ac Pœnorum calliditatem insectantur : ita quoque Hebræi & Ægyptii Græcos , Itali Gallos, Galli Germanos leves esse queruntur. Ego verò sic existimo , esse in hominum dictis & factis , ut in rebus omnibus, auream quandam mediocritatem, quæ constantia dicitur, quæque inter levitatem & pertinaciam medium tuetur : nec sapientibus unquam laudata est in una sententia perpetua permanensio; sed ut in navigando tempe-

stati

ſtati obſequi artis eſt, etiamſi portum tenere ne-
 queas, tũm verò gubernaculum ad omnem cæli
 faciem torquere, ac ſæpius velificationem mu-
 tare, ſummæ prudentiæ judicatur: ſic in rebus
 humanis (divinas excipio) quæ variæ ſunt ac
 ſui diſſimiles, ſententiam mutare honeſtum pu-
 tat ſapientiæ magiſter; Tantum inquit, in Repu-
 blica contende, quantum probare tuis civibus
 poſſis. qui verò ſuas opiniones adeo pertinaciter
 defendunt, ut revelli turpe, vinci nefas eſſe pu-
 tent: aut qui de vita, quàm de propoſita ſuſce-
 ptaque opinione decedere malunt, ii neque ſibi
 ſunt, neque ſuis civibus utiles, & perniciem Rei-
 publicæ afferre ſolent. itaq; viri omnium opinio-
 ne ſapientiſſimi, Plato, Xenophon, magiſtratibus
 Reipublicæ cauſa mentiri permittunt. Cum igitur
 hæc vitia ſint à natura cuique genti quodam-
 modo inſita; prius eſt hiſtoria moribus & natu-
 ra cujuſque populi judicanda, quàm maledictis
 utendum. neque enim laudabilis eſt Auſtraliũ
 ſobrietas; nec ebrietas Scytharum quàm illi tan-
 topere accuſant; admodum vituperanda, cum
 Auſtrales propter caloriſ inopiam, cibo ac potu
 ſtatim obruantur: Scythæ verò ſi velint, ſe co-
 hibere non facile poſſint, cùm urgeantur ab in-
 teriori calore, & ingenii viribus deferantur, ſed
 Auſtraliũ mollis victus magis vituperandus
 eſt, quàm Scytharum ſordes in conviviiſ, quæ
 parum admodum differebant à paſtu beſtiarum:
 Tacitus de veteribus Germaniſ; Sine appa-
 ratu, inquit, ac ſine blandimentis expellunt fa-
 mem. & paulo poſt; in omni domo nudi ac ſor-
 didi, in hos artus, in hæc membra quæ miramur,
 excreſcunt inter eadem pecora, in eadem domo
 degunt. Scythæ verò ubi fames ingruit, equo-
 rum ſecta vena ſub auriculiſ ſanguinem ſugunt
 & carnibus equorum epulantur, ut de Tamerla-
 niſ exercitu proditum eſt. At Auſtrales mundi
 ſunt ac nitidi, nec ſordes ferre poſſunt, idque
 facile intelligitur ex illiſ, quibꝯ utuntur lava-
 criſ ac balneiſ, non tantũ in ſacriſ, ſed etiam
 in privatiſ rebus. neque ſolum ex veteribuſ &

Xenophonte, verumetiam ex Alpharesio planum fit, quorum alter apud Persas quoquomodo spueretur turpe: alter apud Abyssinos, vel mucorem vel sputum excreare in templis, pro insigni flagitio haberi scribit: Athenæus verò Asiaticorum & Ægyptiorum delicias incredibiles tradit: in quo genere cùm Marcus Antonius nobilis decoctor à Cleopatra facile vinceretur, Romanos velut ineptos ac barbaros, seque ipsum irrisit. omitto Persarum præmia lege tributa, iis qui novas voluptates inuenissent, ut scribit Theophrastus. eadem est in gestu & actione morum elegantia: suaves etiam concentus & Lydios modus fidibus consecretantur. Scythæ suavitatem orationis ac veneres dicendi respuunt, ut ex eorum sermone & literis sine vocalibus asperrimè collisis intelligitur, nec Lydium modum ferre possunt: sed vocis asperitatem affectant, ut scribit Tacitus, barrituque accendunt animos fracto murmure objectis ad os scutis, quo vox plenior & gravior intumescat. tubas & tympana libenter audiunt, fides negligunt. Amant etiam Scythæ mirum in modum societates, & cœtus hominum inter ipsos: hinc Nomades à veteribus dicti, & iis quoque temporibus Hordæ, ut Tartari vocant, cum infinita multitudine vagantur in agris. Australes solitudinem quærunt, & in silvis delitescere, quàm in luce populi versari malunt. Mediæ regionis homines describere nihil opus est, si quis extrema perceperit; ex iis enim media facile intelliguntur, verbi gratia: Scythæ Phrygio modo sæpius utuntur, Australes Lydio, Medii Dorio quidem ferociores fiunt, & Martem, ut ait ille, cantu accendunt, Lydus Australis etiam molliores reddit. Dorius naturæ congruens, motus animorum ad virtutem & honestatem dirigit. hic igitur à Platone laudatur, ab Aristotele in libris de Republica vehementer probatur, & suscepta religione Christianorum à Latinis tanto studio susceptus, ut cautum sit, ne quis alio modo quàm Dorio in sacris uteretur. at Lacedæmonii tibia, Cretenses cithara utebantur

in bellis : non ad cohibendam iram , ut Thucydides & Plutarchus scripserunt: est enim iudicio Platonis & Aristotelis , utiliter hominibus ad ultionem tributa : sed cū nulli sint Cretenſibus & Lacedæmoniis Auſtralioreſ in Europa , ſuæ naturæ inſerviebant. Atque hoc univerſum de moribus populorum ex ipſa natura Septentrio- nis, Auſtri, mediæque regionis dicta ſint. De ortu verò & occaſu in locis planis & æqualibus (de hiſ enim agimus) iudicare difficile eſt : cū re- vera nihil oriatur, nihil occidat : ſed in locis inæ- qualibus magnum utriuſque diſcrimen eſſe, non modo medici ſed etiam ruſtici & architecti ma- ximis argumentis deprehenderunt. ut ager Taurinus orientaliſ eſt , quod Alpes ad occaſum poſitos habet, Palæſtinuſ occidentaliſ, quodd Her- mon & Libanum ſpectat ab ortu : tamenſi ſol in Æquatore citiuſ oritur Palæſtinis quàm Tauri- nis, hora fere ac dimidia: at cū lux oriens ma- leficam & craſſam aëriſ obſcuritatem modera- to calore perpurgat , efficit regionem multò temperatiorem. cum autem maximis ardori- bus ſagrat ſol , id eſt poſt meridiem , orientali regioni occidit , & oritur occidentali : hinc ma- gnum diſcrimen inter Allobroges & Taurinoſ, qui ſunt in eadem latitudine ac longitudine cæli. hoc quidem rationi congruit : ſed in locis æqualibus certa ratio nulla videtur , cur Gala- tia minoris Aſiæ , ab Italiæ Campania differat, cū in eadem latitudine ſint. eſt tamen He- bræorum , Græcorum , & Latinorum ſummo conſenſu , quem experientia diuturna compro- bavit , temperatior ac melior ſituſ orientiſ, quàm obituſ. hinc Ezechiel de electiſ facieſ ad orientem converſaſ adoraffe ſcribit , & Ieſaias juſtitiam ab oriente proficiſci. item aliuſ ; Re- ſpice ad orientem , & intuerere lætitiã à Deo tibi venientem. hiſ ego teſtibuſ libenter utor, eoque libentiuſ quod intelligo rerum natura- lium ac divinarum veriſſimoſ interpreteſ fu- iſſe inter Latinoſ. Pliniuſ libro 7. ſcribit, obſer- vatione diuturna compertum eſſe , peſtem ab

ortu ad occasum ferri : quod in Gallia Narbonensi animadverti : ut si contra fiat , id quod accidit anno Christi M D LVI. pestem ubique grassaturam ominentur. Ammianus inter Græcos testatū reliquit , Seleucia direpta , aperto templi adyto quodam Chaldæorum arcānis concluso, labem exiluisse incurabilium morborum, qui Marci ac Veri temporibus , ab ipsis Persarum finibus, adusque Rhenum & Gallias cuncta contagione ac multitudine morientium scedarent ; non multo post ab Æthiopia versus Septentriones pestis universum pene terrarum orbem populata dicitur. hujus quidem perspicua ratio est , cum Auster humidus Septentrionis regiones afflavit , calore putredinem augente. est igitur causa proxima in ventorum varietate posita. nam venti ab Austro spirantes calidi humidi ; à Septentrione frigidi sicci. sed quia venti à cardinibus & decumanis spirantes leniter flare consueverunt : non efficiunt aliam aëris varietatem, quā qui à lateribus oriuntur : quia cum sol à cardinibus longissimè absit , exhalationes vehementes commovere nequit : in decumanis verò calor solis violentior ventum excitat , sed ejus vim cohibet. quæ ratio facit , ut vere ac autumno, ventorum vis multo major sit, quā hyeme ac æstate : omnium autem vehementissimi sunt Africus & Corus; deinde his oppositi Vulturnus & Aquilo; Corus quidem frigidus & humidissimus; Vulturnus calidus & siccissimus; Africus humidus calidus; Aquilo siccus frigidus. à cardinibus, frigidissimi & calidissimi percipiuntur. duo sunt in decumanis temperatissimi ; ab occasu recto Favonius, sed levissimè ac raro spirat, nec fere nisi sole occidente : Subsolanus ab ortu valde salutaris , & aliquanto vehementior Favonio, præsertim cū sol ab Æquatore discessit. Causa verò remotior & occulta, cur oriens locus occidente melior sit , cū nihil propriè oriatur & occidat, planè me latet. sed quæ consequuntur effectiones perspicuæ sunt & admirabiles. terminus autem orientis regionis mihi videtur esse, an-
tea

tea dixi, in insulis Molucarum, obitus verò in insulis Hesperidum. est enim pars orbis universi dimidia. nam Meridiani harum insularum CLXXX. gradibus à se invicem absunt. restat altera pars orbis in qua sita est America, infinito maris spacio ab utroque termino divisa, ut orientis & occidentis rationem habere videatur. Omitto quàm multa magi de natura dæmonum utriusque regionis disputant. ea tantum nunc attingo, quæ sub sensum cadunt. nam gravissimi Græcorum ac doctissimi viri, Aristoteles inquam, Hippocrates, Galenus, Ctesias, ubique confirmant propositis exemplis omnia pulciora ac meliora in Asia quàm in Europa nasci. ac tamen propter ignotas regionum latitudines sæpe labuntur, nihilominus tamen iis nostra ætate planè cognitis compertum est, in eodem cæli tractu populos qui ad occasum positi sunt, corporis viribus longè præstare, orientales ingenio. nam Celtæ innumerabiles sæpe copias in Italiam, Græciam, Asiam duxerunt: Itali vero non prius in Galliam penetrare ausi sunt quàm imperium ad summum perduxissent, & quidem Cæsare duce, belloque intestino flagrantibus Gallis. hinc laudes Ciceronis & Agrippæ in Cæsarem, quòd eas gentes domuisset, quarum impetus Romani sustinere vix possent; laceßere non auderent. At Itali Græcos ita subegerunt, ut nullas acceperint offensiones. Græci verò qui suis armis intimos Asiæ recessus aperuerunt, vix unquam in Italiam, præterquam Pyrrho rege venerunt, qui tamen victus fuga turpi salutem sibi quaesivit: non aliter quàm Xerxes qui tantas copias in Græciam duxerat, ut flumina penè exsiccarentur, nihilominus tamen à paucissimis Græcis fractus est, & maximo cum suo dedecore repulsus. itaque Cato Murænæ, Cæsar Pompeji manibus objiciebat ea bella quæ in Asia gesserant, contra mulierculas gesta fuisse. hinc illud Iuliani Augusti; Celtæ & Germani audaces: Græci ac Romani tam bellicosi, tum urbani: Ægyptii magis industrii & sagaces, quamvis

imbelles ac molles : Syri cum alacritate & facilitate animi ad disciplinas apti. idem paulo post : Quid commemorem quàm cupidi libertatis & servitutis impatientes sint Germani, quàm tractabiles & quiescentes Syri, Persæ, Parthi, ac denique populi omnes ad ortum & Austrum positi? hæc ille in libris adversus Christianos, ubi vim ortus & occasus apertè demonstrat. Tacitus verò scribit, Batavos qui ad occasum extrema Germaniæ tenent, omnium ferocissimos ac virtute præcipuos fuisse; quod Plutarchus in Mario confirmat. magnitudine quidem præstant, ut omnes qui loca palustria & frigida incolunt. ita quoque bellicosissimi totius Galliæ putantur, qui magis occidui sunt: quod Cæsar ipse primum animadvertit; Optimi generis homines inquit, ex Aquitanis & Ruthenis, omnium autem Europæ populorum maximè occidui Britanni & Hispani strenuissimi sunt. Habet igitur occasus cum Septentrione, ortus cum Austro magnam affinitatem; quod non solum videre est in animantium naturis, verum etiam in stirpibus, lapidibus ac metallis. fama est aurum optimum ac gemmas pretiosissimas ad Ortum & meridiem nasci, cætera verò metalla optima versus Occasum & Septentrionem. quod quidem Cardanus, cum ex aliorum fama scripsisset, reprehensus est à Scaligero, sed nulla ratione. id enim artis metallicæ magister Agricola, gravissimo testimonio prius comprobat, quàm Cardanus scripsisset. Aurum, inquit, totius Europæ laudatissimum affert Hispania Bætica, quæ totius Europæ maximè Australis est : Africæ verò Æthiopia. idem paulo post; Oriens, inquit, & Africa tota caret minio & argento vivo : ferrum quoque rarissimum in Africa; frequens in Cantabria (quæ totius Hispaniæ maximè Septentrionalis est, & Europæ maximè occidua) in Gallia, in Germania frequens. idem : Ferrum omnium præstantissimum apud Suecos & Ostrogothos, quod Osemutum appellant. quinetiam in Ligiiis ad Sagam oppidum in pratis ferrum erui scribit ad altitudinem duorum

rum pedum, & decennio renatum fodi, nec altius propter aquas penetrari. Sulphuris verò nusquam terrarum copia major quam in insula Thule, quæ Islandia dicitur, unde in universam Europam advehitur. Idem tradit nusquam in Germania inveniri, præter in Goldegranacho & Carpatho monte: qui cum metallis omnibus abundat, tum verò Germaniæ terminus est ad ortum, & ad meridiem vergit. at ex Sidereocapsa Turcæ quotannis ducenta aureorum millia eruere dicuntur: ferrum tamen difficilius invenitur. itaque Turcæ in urbium direptionibus ferrum multo magis expetunt, quam æs aut stannum. & quemadmodum ferrum ad Septentrionem pene in ipsa superficie terræ, ita aurum ad Meridiem in agris & arena pura reperitur. tradunt enim in regno Damuti juxta montes Bet, ultra Capricornum, aurum post imbrium copiam detegi: & ut cætera metalla ignea vi coquuntur ad Septentrionem in montibus Pyrenæis, Iurasso, Cemenio, Alpibus, Carpatho, Rhodope, Pangæo, Laurio, Tmolo, Caucaso, ita quoque ad Meridiem, aurum non igneo calore, sed siderum cælestium vi & ardore solis, velut in superficie terræ & arena conflat. non aliter Australes & Orientales homines cælesti calore ac siderum vi sustinentur: Occidui vero & Septentrionales ignea flamma intus concepta. Quare cum à singulis ad universa relabor, tum intelligo in Septentrionibus interiora calida humida, exteriora frigida sicca: Austri vero, interiora frigida sicca, exteriora calida humida. Ortum vero & Ob-
itum temperatiora. patet hoc quidem in purioribus naturis & elementis, quo magis sunt à concrezione libera. nam cum aer sursum ac deorsum æstate incaluit, tantum frigus in media regione cogitur, ut grandines quæ hyeme non possunt, eo tempore maximo pondere concre-
scant. sic terra solis ardoribus uita frigus co-
ercet: quæ tamen cum omnia gelu obrigue-
rè, intus calorem comprimit: idque videre est

in puteis qui calorem conceptum hyeme exhalant, æstate frigidissimi sentiuntur. cum igitur in Septentrionibus perpetuum quodammodo frigus: ita perpetuus calor occupat interiora non modo terræ ipsius. verum etiam animantium & plantarum; ut quod ait Empedocles, calidum in frigido, frigidum in calido natura collocasse videatur. Iam vero cum stirpium & animantium alimenta sint à calore & humore: ita silvarum & animantium magna copia est in Septentrionibus: hinc Plinius Germaniam silvarum altissimarum miraculo plenam esse tradit, quin etiam Vitruvius altissimas arbores in Apennino qua Septentrionem spectat, nasci scribit, & ea quæ sub Polo esse dicitur Gronlandia, nomen habet à viriditate ac multitudine silvarum. in Africa nullæ silvæ, præterquam in montibus, quæ naturam habent Septentrionis, ut postea dicemus: & paulatim arbores proceræ æque ac homines Meridicem versus eunti minores videntur. sunt enim in Gallia Narbonensi quercus bipedales, quæ fructum ferunt; nec altius excrescunt. consimiliter metallorum omnium, præterquam auri, vis in Septentrione maxima; nulla fere in Austro, nisi in montibus altissimis, eruptiones vero ignium & incendia maxima versus Septentrionem feruntur. nam Chimæra, Gazevale, Vesuvius, Ætna, Picus, Carpathus, ipsaque terrarum ultima Thule (est enim in septuagesimo gradu sita, ac pene tota maximis incendiis ardet) tum pleraque loca, quæ Olaus in Gothiæ descriptione notavit, perpetuis ignibus flagrant, & Pyrenæi ab incendiis nomen habuerunt. ultra trigessimum ab Æquatore gradum nullæ memorantur: nec aquarum calidarum balnea; cuiusmodi sunt in Italia, Gallia, Germania & extrema Gothia. Illud est, opinor, quod Picus Mirandula obscurè admodum significat, his verbis: Qui cognoverit proprietatem Aquilonis, intelliget cur Deus mundum judicabit per ignem. Atque hæc vetus est non modo Pici, sed etiam Heracliti, ut ait Plutarchus, & Hebræorum opinio:

opinio ; qui mundum aliquando deflagaturum, ignesque non è cœlo delapsuros, ut putat Magianus, sed ex intimis terræ visceribus erupturos confirmant. hoc autem incendium ad Septentrionem , non ad Austrum fieri necesse est, cum hic aquæ, illic terræ globus promineat, qui conceptos ignes alit . Tametsi enim terrarum & aquarum orbem intuenti , tantum terræ tegi quantum detegi , & æqualis esse terrarum ac maris totius magnitudo videtur ; nihilominus ea pars quæ libera est ab aquis , tota vergit ad Septentriones , si terminos Austri & Septentrionum, Æquatore , quod in universum fieri solet, definiamus. restat particula quædam Africæ & Americæ regionis : nam terra quæ dicitur Australis , ad ornatum infinita magnitudine pingitur , non ad rei veritatem : Itaque aut Esdræ verba interpretari necesse est aliter atque veteres ; aut absurdum erit quod scribit, Deum terræ septem partes detexisse ; aquas in septima collocasse . absurdius etiam quod veteres Peripatetici putarunt, terram decies aqua minorem : oporteret enim terram (ut nihil aliud quam ejus superficies mundi centrum attingat) omnino aquis immergi, si vel septies aquarum globo terra major esset , ut ex circuli ad diametrum ratione docemur : quanto magis si terræ centrum in centro mundi constituatur ? id autem necesse est, cum ad fretum Magelianum , non procul ab adverso Polo, terræ globus aliquantum emineat. mirum est tamen, sed navigationibus & experientia diuturna compertum, maris & aquarum molem à Septentrione versus Austrum magno impetu ferri. quod Cardanus cum in Britanniam & Hiberniam trajiciens à naucleris intellexisset , testatum reliquit. sed cum neque causas ejus rei, neque effectiones inquireret , juste reprehensus est à Iulio Scaligero , quasi figmentum illud per sese invexisset. quod cum pertineat ad universam mundi elementaris , hominumque naturam penitus intelligendam : tum etiam ad id quod posuimus confirmandum , scilicet
terras

terras ad Septentrionem , aquas ad Meridiem :
 hic exteriora calida humida , illic frigida sicca ;
 hic interiora frigida sicca , illic calida humida :
 observationes veterum cum nostris conferamus .
 Atque illud primum , quod Chaldæi igneam tri-
 plicitatem Europæ , aqueam Africæ tribuunt :
 deinde quod Auster à Græcis *ix τῆς νότιοι* , quasi
 ab humore Notus dicatur . est enim ventus ille
 calidus & humidus : Boreas frigidus & siccus :
 tum etiam quod aquarum decursus à mari Sue-
 vico per Cimbricam Chersonesum ad fretum
 Ixium , hinc ad Celticum & Hibericum littus
 omnium consensione fertur , mare verò Caspium
 per interiores & occultos aditus ut Mæotis in
 Pontum evolvitur : atque hinc per Helleston-
 tum in Mediterraneum excipitur , post ad fre-
 tum Herculeum magna vis aquarum erumpit ,
 ut in Meridiem adversum feratur . hæc naucleri
 & negotiatores testata reliquerunt , tum etiam
 eo nos Geographia & Hydrographia perduxit :
 nec temere Plinius majores ab Austro cieri flu-
 ctus prodidit , quam ab Aquilone : tametsi ratio-
 nem attulit inanem , cum perspicuum sit contra
 fluxum maris austrum niti . argumento est etiam
 quod Diodorus c. iiii , & non ita pridem Alvare-
 sius , deinde nostri homines qui in Africam na-
 vigarunt , uno consensu testantur , imbres ultra
 Æquatorem assiduos regiones infestare , unde
 incrementa Nili . atque id Plinius libro II . testa-
 tum reliquit : perpetuos etiam ardenti æstate ro-
 res Africam irrigare . cuius rei causam nullam
 adfert . postremum est quod sol ad Austrum , u-
 bi locus Hypogæi , terræ propior est quam ad
 Septentrionem , tota eccentrici latitudine ; ac
 propterea molem aquarum eo pertraxisse vi-
 deri possit . Hæc nostræ opinionis argumenta
 sunt , non solum probabilia , verum etiam , ut
 opinor , ad assentiendum necessaria . Sed ob-
 jici potest ex Aristotele , febres ad Septentrio-
 nem acutiores , & caloris vim æstate quam ad
 Austrum majorem . de febris ratio est in prom-
 tu , quæ coactis meatibus , facit ut etiam hye-
 me

me ubique acuti morbi graviores sint quam ætate . sed absurdum videri possit , in Europa homines magis ætate calere , quam in Africa . Illud tamen quasi cognitum ponit Aristoteles , & quidem Alvarelius scribit Abyssinum Æthiopem , quo die Lusitaniam appulerat cum legato Præsteianis , calore extinctum fuisse . jam vero Hispani queruntur in Gallia , se majores ætate , quam in Hispania sentire calores . quinetiam accepi à Purquero Germano , cum Tolosæ ageret , ardenti ætate , majores esse calores in agro Dantisci , id est , ad mare Balricum , quam Tolosæ . quæ ratio fecit , opinor , ut Germani , auctore Tacito , hyeme , vere , ac ætate , annum definiant , autumnus bona periinde ac nomen ignorent . Dani vero , hyeme & ætate , ut Pœni , qui veris & autumnus rationem non habent , quemadmodum Leo Afer scribit . causam caloris Septentrionalis ad aëris inertiam & crassitiem referemus . est enim Europa & Scythia plena fluminibus , quæ ex humore interno fluentia efficiunt limosa & palustria loca : hinc vapor densus ætate sursum evehitur , qui concepto calore ardentius urit , quam aer Africæ tenuis propter fluminum inopiam . quemadmodum igitur ignis ardentius urit in metallo conceptus quam in ligno , & in hoc quam in culmo : sic in aere crasso vehementius flagrat quam in tenui . quare ii , qui thermas sumtu minore calefieri volunt , solum aspergunt aqua , ut vapor elatus & aer crassior factus calorem sustinere possit . argumento est etiam illud , quod ætate , pluvio cœlo , sudore & calore multo magis defluimus ac languemus , quam aere sereno . neque tamen propterea dicemus , exteriora Septentrionis Australibus calidiora , quæ suapte natura sunt frigida sicca : sed flantibus Austris , elatisque vaporibus , aer calorem melius concipit ac tuetur . Africæ vero terra , lapides aquæ calefactæ multo vehementius urunt , quam in Scythia , propter radorum acumen , commodius itaque ab

Aristotele dici potuit, majores aëris inflammationes æstate fieri ad Septentrionem, usque ad sexagesimum gradum, quàm ad Austrum. Atque hæc in universum de moribus populorum, qui regiones planas & æquabiles colunt. Nunc singularium discrimen in locis montanis, palustribus, aridis, ventosis, ac tranquillis videamus. Hoc igitur inter plana & montana interest in hominum naturis, quod inter Austrum & Septentrionem: & eadem fere temperatura, si loca plana non fuerint palustria. ut enim maximum frigus ad Septentrionem, æquabiliter fustum est in planis: sic ad Austrum in montanis, & media regione aëris tanta vis est frigoris, *ἡ ἀντιστοιχία τῆς θερμότητος*, ut non magis Hyperborei, si tamen ulli sunt, quàm Lunæ montes, aut Picus in insula Tenarise, mons omnium altissimus, gelu concrecant. id facile colligitur æstatis habita ratione, qua tum maxime grando in media regione aëris cogitur, quod hyeme vix unquam contingere videmus, quia frigus ubique dispersum, minorem vim habet. falsum est igitur quod putat Averroes, qui plantas & animalia vegetiora esse putat in montibus, quod cælo propiora sint. diviniore essent montani homines ac magis ingeniosi, qui tamen valde rudes ac barbari ab omnibus appellantur. falsum etiam quod Hippocrates scribit, mutationes temporum in montibus efficere hominum feritatem ac proceritatem. Cum autem planæ regiones Septentrionis fere aquis immersæ sint, montes non item: necesse est montanos duriores, robustiores, ac vitæ longioris esse, eoque meliore habitu quo montanæ aves & pecora palustribus; & montanæ arbores reliquis præstant: & quoniam nulla fere juga, sed latera montium coluntur, temperatior est, ac magis salutaris ea pars quæ ad Septentrionem convertitur, ultra quintum & quadragesimum à Polo gradum: citra vero salubrior quæ ad Austrum. est enim magnum utriusque discrimen: quod satis intelligunt ii, qui vel in montibus iter habuerunt. quod igitur

tur de media regione ac populorum moribus diximus, non pertinet ad eos qui in Alpibus, Pyrenæis, Cemenis, Acrocerauniis, Hæmo, Carpatho, Olympo, Tauro, Stella, Caucaso, Imao, & Arvernæ montibus positi sunt: tamen cæli tractus est omnium temperatissimus. ab Australibus etiam excipiendi sunt accolæ Atlantis, Arabiæ montanæ, Bethæ, Angæi, Pici, Serraleonæ, qui mons *ὄρος Σαῦρον* à Plinio vocatur, sunt enim montani duri, agrestes, bellicosi, laboris patientes, minimeque ingeniosi. idque non tantum in montibus Septentrionis, sed etiam in ipso Atlante, qui Tropico proximus est, magni ac robusti homines, cujusmodi sæpe vidimus, nasci dicuntur; unde legiones conscribunt Mauritanæ ac Numidiæ reguli. illud certe admiratione dignum est, quod qui montes Arabiæ tenent, nunquam feritatem & animi robur deponere potuerunt, sed aut naturæ viribus, aut locorum præsidio freti, in summa libertate semper vixerunt. quinetiam Turcarum princeps, ut audio, sexaginta millia aureorum illis tribuit, ut agro Palæstino ac Damasceno liberè fruatur. Iam verò Marfi veteres Appennini accolæ, omnium Italiæ populorum ferocissimi fuisse feruntur. vulgatum est illud, sine Marfis triumphasse neminem. Vnde vero Gustavus legiones conscripsit, ut Sueciæ regnum invaderet, nisi ex Dalecarlis qui Sueciæ montes occupant? Quid Helvetii? qui cum à Suecis originem traxerint, non modo seipsos, sed etiam finitimos populos tyrannide oppressos, in libertatem vindicarunt. Austriæ principes sæpe fregerunt: Germanis maximas clades intulerunt: imperii Germanici non minimam partem armis occuparunt: denique tantum armis ac viribus profecerunt, ut principum censes & magistri vocentur. ex quo intelligitur id quod ait Cicero, Ligures montanos, suapte natura duos & agrestes, maritimos versutos esse. omitto quam diuturna bella montani Cilices & Acroceraunii cum Turcis gesserunt, quandiu potentiam eorum ducibus Caramanis sustinuerunt

runt ac repulerunt. his omnino repugnat eorum natura, qui in locis palustribus versantur, qui propter humoris copiam majores sunt in eadem latitudine: ut Batavi ac Phrysi, qui Rheni ostia tenent, majores sunt reliquis in eodem tractu Germanis: & Belgæ propter paludes & locorum planitiem longiores sunt Britannis, quorum regio plana est, ut ajunt, minimeque palustribus, sed arenosa: pessimi qui in locis palustribus & calidis versantur: ut in Ægypto & in Gallia Narbonensi, quæ paludibus est immersa: illic pestes, hydrocele, vitiligo, lepra perpetuo grassantur: illic quoque videre est languentes homines & fœdos pallore vultus. est enim floridus color præcipuum temperatæ regionis argumentum. aridæ verò regiones, quantumvis caleant, salubres sunt tamen. nam Hispania, Numidia, Persia, Chaldæa, Arabia felix, homines habent alacres, duros, ac cæteris in eodem tractu robustiores. cum enim Ægyptus, Cyrenaica, Mauritania, Gallia Narbonensis, alba lepra infectæ sint, rarissimi tamen sunt in Hispania & Numidia leprosi, ut Leo Afer scribit. Facit etiam unius interdum fluminis discrimen, naturas hominum discrepantes, cum in longitudinem fluit (ut Danubius, Niger, Eridanus, Tagus, Asopus) quia Septentrionales ab Australibus dividit, ne tam facile societatibus & commerciis utantur. quo fit ut capitalibus odiis sæpè dissideant. Australes enim qui Nigrum flumen accollunt, parvi, debiles, subcineritii: qui ad Septentrionem ex altera parte, majores ac robustiores sunt, ac penitus atri. nec mirum si Plato diis gratias agit, quod Atheniensis esset, non Thebanus: Athenæ tamen ac Thebæ Asopo flumine dumtaxat, ac 20 circiter miliaribus dividuntur: sed Athenienses ad Austrum, Thebani ad Septentrionem conversi sunt qui sunt in convallibus ad Meridiem, majori calore urgentur, quam qui in eodem tractu Septentrionem spectant: ita ut hi ad Scytharum, illi ad Australiū naturam magis accedant. inde fit, ut qui

Carpatho adjacent Meridiem versus retorridi
 sint: ex adversa parte candidi. eandem ob cau-
 sam Galenus homines rabidos in agrum Ta-
 bianum mittebat, inter Surrentum & Neapolim,
 ubi vallis ad Austrum hyeme quoque veris tem-
 periem habet. inde quoque morum dissimilitudi-
 nes ac discrepantes eorum naturæ qui Rhetiam,
 Carinthiam & Croatiam incolunt, ab Istris &
 Illyricis. & Insuborum à Liguribus & Hetru-
 scis. sunt etiam qui convallibus undique ambi-
 untur, qui maximis caloribus uruntur, ultra
 quintum & quadragesimum à polo gradum,
 propter mutuum radiorum concursus, & con-
 clusa undique loca. cum autem è montibus. fon-
 tes & imbres limoli fluant, necesse est fertilita-
 tem maximam ingenerari. neque enim fabulosa
 mihi videntur, quæ veteres de Mauritania &
 convallibus utrinque Atlantis prodiderunt, cen-
 tesimam colligi messem, cum his quoque tem-
 poribus Leo Afer quinquagesimam se vidisse
 fateatur. certè Plinius scribit, Mauritaniae pro-
 curatorem Augusto tritici granum misisse, quod
 c c c c germina, paucis minus, habet. magis
 incredibile est illud Strabonis de vallibus Tau-
 ri montis, racemos duorum cubitorum nasci:
 & ex una ficu modios colligi septuaginta.
 eadem fere de agro Damasceno, in convalli-
 bus Libani montis: nota est Arvernorum Li-
 monia, Taurinus ager, aurea vallis Pyrenæo-
 rum, Thessala Tempe, vallis Sedunensis, &
 Carpathi convalles: quæ tanta fertilitate luxu-
 riant, ut montium sterilitatem, convallium u-
 bertas abunde compensare possit. in hac igitur
 frugum copia, necesse est agriculturæ deditos
 esse incolas, rem militarem negligere, orium
 colere, deliciis diffuere. Id quod Athenæus li-
 bro 12. scribit de Lydis & Vmbris deliciarum
 infamia flagrare. utraque regio sita est in locis
 planis & humilibus. hinc Propertius, Meva-
 niam sitam loco plano & cavo dixit. talis etiam
 fuisse dicitur Sybaritarum, qui neque orientem,
 neque occidentem Solem videbant; quorum
 deli-

delicias & luxum describit Athenæus . sed ridiculè Alciatus, qui apud Plautum & Catullum, qui porcos Vmbros appellant, parcos legit. multo etiam absurdius quod apud Plutarchum lib. 2. cap. 10. συμποσιαστὴν οὐ μὲνικὸς δαιτὶς ad Vmbros pertinere putavit, cum de feris illic agatur, sic enim οὐ μὲνικὸς & οὐ μὲνικαλὸς Æliano & Æschylo dicuntur; catuli ferarum & qui ex ove & Musimone fero animali nascuntur, Vmbri à Latinis dicti sunt. sunt igitur luxui dediti, qui fertiles ejusmodi convalles habitant, contra quam accidit iis, qui loca sterilia colunt. sunt enim in bello strenui milites; in pace ingeniosi opifices, aut diligenter mercaturam exercent. eam ob rem Atticus ager sterilis Athenienses habuit artium inventores (apud quos otium capitale fuisse memoratur) ut Genuenses apud Italos, Lemovices apud nos, Norimbergenses apud Germanos: beatiore igitur illi frugum copia; hi vero ingenio: quoniam aquæ gelidæ ex nivibus coactæ in valles derivantur; fit sæpiissime, ut struma vel hydrocele capiantur, præsertim si vallis ad occasum & Septentrionem convertatur. nam qui Valedocam agri Taurini vallem incolunt, omnes strumas habent, & gulæ tumores aut tonsillas: amentes quoque sunt & inepti ad loquendum, ut in Aquitania Labdani populi Labdacismo balbutiunt. Atque hi morbi ab aquis ad corpora derivantur; ab his ad animum transferuntur. quanta sit aquis ad mores immutandos vis ac potestas, ex Hippocrate satis intelligitur, nec pluribus opus est: illud tamen animadversione dignum quod scribit Plinius Haliacamone flumine Græciæ oves fieri candidas, Axio nigras, Xantho flavas. hoc etiam Vitruvius confirmat. Ab aëre vero, quo maximè vivimus, vitia non minora; interdum etiam majora oriuntur. quod tamen in universum diximus: singulare tamen est, quod ventosa loca ferociore homines, ac mobiliores reddunt, quieta vero humaniores & constantiores. ratio perspicua est: neque enim tranquilla mens esse potest in eo, qui huc illuc

jacta-

jactatur. cujus rei argumento est, quod in motu ac tumultu contemplari nemo potest: sed purgata mente ac perturbatione vacua, tum etiam immoto corpore id fiat oportet. & quo quisque magis sapit, eo tardiores habet corporis & animorum motus. qui vero insaniunt, perpetuò corpore æquè & animo jactantur. itaque nauas, opinor, aquarum & ventorum perpetua jactatio, barbaros & inhumanos reddit. Vt ut sit, compertum est Thraciam, Galliam, Britanniam, Circassiam, Lybiam desertam, Lusitaniam, Persiam, Norvegiam, Noricum & Pannonias, quæ ventorum impetu magis agitari dicuntur, populos habere molliores ac ferociiores, quam quæ regiones eodem cœli tractu quietæ sunt, ut Assyria, minor Asia, Italia præter Liguriam, Ægyptus; ubi cœlum aureum esse fertur. Nam Circassii, qui Tauricam Chersonesum incolunt, cœli tractum valde temperatum habent; mirum tamen in modum feroces, perhidi, & crudeles esse dicuntur: at nusquam ventorum major vis est. constat etiam nullos esse populos in Gallia, Narbonensibus, Aquitanis & Provincialibus ferociiores: qui tamen aliis Australiores sunt: ut putem partim ab Altanis (sic enim vulgo & Plinio vocatur Vultur-nus, qui Galliam Narbonensem perpetuo infestat) partim etiam à Coro, sive Circio, qui ab incolis Serra dicitur, & omnium violentissime spirat, hanc feritatem & irrequietam animi agitationem ingenerari. Non parum etiam mores hominum & naturam immutant confusiones populorum. neque enim verum est ab eadem cœli temperie Scythas omnes sui similes esse, ut putavit Hippocrates: cum ubique terrarum sua sit propria quædam temperatio. verior esset Empedoclis & Stoicorum opinio; qui, ut refert Plutarchus, dissimilitudines oris ab imagine animo concepta, fieri putant. nam belluarum similes sunt partus, quod nullis cogitationibus, ut est apud Plinium, sed solo sensu moventur: ita Scythæ, qui puras & naturæ congruentes

amant

amant voluptates, miuſque cogitationum varietate diſtrahuntur, ſimiliores parentibus liberos procreare ſolent. alia tamen ratione ducor: nam in Æthiopia, ubi hominum genus acutiſſimum & ſalaciſſimum eſſe diximus, nemo tam ſui ſimilis eſt, quam omnes omnium. ſunt autem parvi, criſpi, atri, ſimi, labeones, glabri, albiſſimis dentibus, nigris oculis. Scytharum nullam eſſe diſſimilitudinem, tum Hippocrates ipſe, tum etiam Tacitus de Germanis ſcribit. & re ipſa compertum habemus, quo longius à medio diſceditur, eo ſibi ſimiliores eſſe vultus. in regione media videmus infinitam hominum diſſimilitudinem. cum enim in illa regione omnium oculi flavescere debeant (nam ex atro, cæruleo & flavo, omnis illa varietas oculorum conflatur) videmus tamen præter flavos, glaucos, cæſios, nigros, rivos, & ex his infinitam confuſionem. ſunt naſuti, ſimi, criſpi, nigri, candidi, ruſi, ænobarbi, punicei, pallentes, nani, gigantes. hoc igitur tribuendum eſt hominum confuſioni, qui ab extremis ad media, velut ad optimam temperiem confluere ſolent. nam illi Scytharum, Gothorum, Turcarum, & Tartarorum innumerabiles exercitus in media regione conſtiterunt. nulli præter Vandalos in Africam trajecerunt, ex qua paulo poſt ejeſti ſunt. & cum Arabes ac Pœni, quos Saracenos veteres appellarunt, ex Africa in Europam & Aſiam colonias deduxiſſent, in media regione conquæſerunt: nulli in Scythiam penetrarunt. cum enim Hispaniam, Italiam & Græciam invaſiſſent, in Gallia cæli ac proſtrati fuerunt. poſt etiam, Galli Italiam & Hispaniæ magnam partem ſervitute liberarunt. ſimiliter Celtarum ac Romanorum coloniæ, veteres in media regione ſedes quæſierunt: nullæ in Scythiam aut in Æthiopiam deductæ. quemadmodum igitur videmus ex animantium & ſtirpium diverſis generibus, diverſas naſci formas, ut in Mulo, Pardo, Crocuta, Lyciſca, Camelopardale. quæ parentibus diſſimiles ſunt: ita quoque judicandum eſt in hominum

minum varietate. nihil fere Lycisca ex lupo concepta differt à cane , quia lupo nihil aliud est quam canis silvester, ipsi Varroni: sed Mulus ab Equo & Asina, Camelopardalis , à Camelo & Panthera maximè differt: ita si misceantur Scythæ cum Æthiopibus, dubium non est, quin hominum genus varium ac dissimile sint edituri. scribit Athenæus, Ptolemæum Philadelphum hominem in Scena exhibuisse; qui ore ac toto corpore bicolor esset; uno quidem latere niger, dextro candidus. Hinc igitur factum opinor, ut Dani, Saxones & Angli confusi cum Britannis, ferociore eos fecerint, ipsi evaserint humaniores. Britanni verò cum sedibus pulsi in Galliam appulissent, animi feritatem ægrè deposuerunt, seque ipsos à Gallorum servitute paulatim vindicarunt. idem judicandum puto de Saxonum colonia; quam Carolus magnus in Belgas deduxit. nam si pro libertate fortissime semper dimicarunt: neque enim ut stirpes, quæ alio translatae, cito vim amittunt, & soli, unde trahunt alimenta, naturam induunt; ita quoque homines, insitam suæ naturæ vim facile mutant: sed longa temporis diuturnitate. cum enim Tectosages Galli, fertilissima quæque Germaniæ loca occupassent, ut scribit Cæsar, temporis decursu mores & naturam ita mutarunt, ut Cæsaris temporibus in eadem egestate & patientia qua Germani permanerent: eodem victu & cultu corporis uterentur. itaque L. Memmius Consul dimicaturus contra Galatas, qui in magna bellicæ laudis opinione floruerant, Romanorum legiones metu Galli nominis perterritas, in victoriæ spem erexit: cum diceret Galatas jampridem Gallos esse desuisse, jam Asiæ deliciis effœminatos, & cœli temperie feritatem amisisse, ut nihil amplius esset ab illis metumendum. rectè enim Cyrus apud Herodotum molles, cœlo molli natos dixit: & quidem Turcæ, Scytharum animi ferociam paulatim depouunt, ac nisi militarem disciplinam magno studio colerent, facile Moschovitarum & Sarma-

rarum viribus frangerentur. Restat igitur ut videamus quantum disciplina possit, ad immutandum hominum naturam. Duplex est autem disciplina, divina & humana. hæc prava aut recta. utraque profecto tantam vim habet, ut sæpius naturam vincat. nam si verissimè Hippocrates omnia plantarum genera ~~invenisse~~ putavit, quanto id verius est in hominum genere? at quæ natio tam immanis ac barbara, quæ nacta duces ad humanitatem perducta non fuerit? aut quæ gens politissimis artibus imbuta, quæ humaniore cultu neglecto, in barbariem ac feritatem non aliquando degeneravit? atque ejus rei cum infinita sint exempla, nullum tamen illustrius est, quam Germanorum, qui cum à feritate belluarum, ut ipsi confitentur, non procul abessent, cum in paludibus ac silvis ferarum more vagarentur, cum inveterato quodam odio semper à literis abhorruissent, nunc tantum profecerunt, ut humanitate, Asiaticis: militari disciplina, Romanis: religione, Hebræis: philosophia, Græcis: Geometria, Ægyptiis: Arithmetica, Phœnicibus: Astrologia, Chaldæis: opificiorum varietate, populis omnibus superiores esse videantur. & quidem Machiavellus, suæ ætatis Italos urbanè increpuit, quod cum ingeniosi admodum sibi viderentur, attamen Germanos accirent, ad metiendos fines agrorum. Quinetiam Leo Pont. Max. cum Solis ac Lunæ cursum emendare veller, legatos in Germaniam, ut olim Cæsar in Ægyptum, milit. Eadem disciplina fecit, ut cum Arabes & Pœni suapte natura molles ac effœminati, militarem scientiam colere cœperunt, Asiæ & Africæ imperium occuparint. Consimiliter Massilienses urbanam disciplinam tanta cum laude coluerunt, ut omnium populorum sapientissimi, ac iustissimi, clarissimo Ciceronis testimonio, fuisse putentur. De Lacedæmoniorum disciplina plane incredibilia narrant historici: quæ tamen eo certiora sunt, quo ab hostibus eorum profecta videmus. Neglectæ vero disciplinæ, majus testimonium nullum esse potest,

test, quam de Romanis, qui cum antea populos omnes, iustitiæ opinione, ac militari gloria superarent, nunc fere ab omnibus utroque superantur. sic enim existimo, Romanorum atque adeo Italorum naturam præstantissimam esse; sed nulla tanta naturæ bonitas est, quæ prava disciplina non corrumpatur. in his ergo quæ in hominum populari sermone versantur, & quæ ex iisdem fontibus quibus ego, haurire quisque potest, non diutius immorabor, sed exemplis domesticis utar. Cum majores nostri vultus oblongos formosiores esse putarent, obstetrices sensim perfecerunt, ut longissimi viderentur: id quod videre est in antiquis statuis & imaginibus. In India occidentali, latissima frons est, & nasus miræ magnitudinis, id quod obstetricibus tributum legimus. quinetiam tradit Synesius, se feminam in Africa vidisse, quasi formicam arte infectam, ut spectantibus voluptatem præberet. ita verecundum est, ut his habitus feminarum quo nunc utuntur ad corporis formam venustiore, efficiat ut partus angustiori thorace nascantur, & mutata forma pulmonici evadant. Quod si tanta consuetudinis ac disciplinæ vis est in rebus naturalibus & humanis, ut paulatim abeat in mores & naturæ vim obtineat, quanto id verius est in divinis? videmus enim religionum tantam vim esse ac potestatem, ut mores hominum & corruptam naturam penitus immutare videantur; quanquam vix fieri potest, ut naturæ prioris vestigia omnino tollantur. ut enim Germani, omnium magnarum artium scientiam infinito labore adepti fuerint: in illis tamen ornatus, venustas, ordo, ratio, quam in Græcorum & Italorum scriptis elucere videmus, multorum iudicio desideratur; sed ut corporum, ita librorum magnitudinem amplectuntur. nam plura scripsit Musculus, plura Martinus & Erasmus, quam quis longissimo vitæ decursu legere possit. Australes longè dissimiles sunt. paucis enim versibus, omnium rerum divinarum & naturalium arcana complectun-

tur : & ut corporum imbecillitatem ingenii viribus , ita librorum exiguitatem utilitatis magnitudine compensant. Extremum est, ut Ptolemæi & eorum errores refellamus , qui Zodiaci partes ac triplicitates, quas vocant , cuique regioni diserte tribuunt, ex quibus populorum naturam judicari posse putant. Ajunt, Europam inter occasum & Septentriones positam, primæ triplicitati, hoc est, igneæ Leonis, Arietis, ac Sagittarii, Iove ac Marte dominantibus subesse, Scythiam, Asiaticam, inter Septentriones & Ortum, æris triplicitati, puta Geminis, Libræ & Aquario, Iovis & Saturni radiis conjunctis : Africam inter occasum & Meridiem triplicitati aqueæ, id est Cancro, Scorpioni & Piscibus , cum Marte, Venere & Mercurio : Asiam Australem , inter meridiem & Ortum terræ parti, hoc est Tauro, Virgini & Capricorno , una cum Venere & Saturno : quæ non modo iis, quæ antea diximus, sed etiam ipsi naturæ & historiis valde repugnant . erroris initium attulit locorum ac Geographiæ ignoratio : quæ tanta fuit , ut veteres nonnulli Oceanum flumen Hiberiam urbem esse putarent. ac Ptolemæus ipse, qui aliis præluxit, in quantis erroribus versaretur, satis intelligunt in eo genere mediocriter eruditi. errorem auxit motuum cælestium ignota ratio: vix enim Chaldæi annos mille quingentos in eo studio consumere potuerunt, ut ex historia sacra & eorum observationibus , quibus utitur Ptolemæus, intelligi potest. neque verò motum orbis octavi capere potuerunt: at ne Ptolemæus quidem motum trepidationis observare. hæc enim Arabum, Hispanorum & Germanorum studiis paulatim cognita sunt. quod enim Chaldæi, ut est apud Ciceronem, jactant se c c c c, & septuaginta annorum millia in periclitandis, experiundisque puerorum animis posuisse, falsum est. nec hujus opinionis levitas, à se ipsa constuata desiderat orationem meam; neque enim ignorassent ea quæ à nobis temporum decursu cognita perceptaque sunt. Est autem omnino inexplicabile, quod de signis

gnis Zodiaci prodiderunt, cum ab illorum observationibus ad hæc usque tempora, Zodiaci partes omnes, ac signa integra, locum mutarint. nam prima stella Arietis, quæ annos sexcentos ante Ptolemæum primam partem ejus signi occuparat, ad vigesimam octavam pervenit. itaque post Chaldæorum observationes, signum integrum & multo amplius percurrit. Pleiades, quæ illis temporibus Tauri caput, nunc Geminos tenent: Reguli stella, quæ tum erat in Cancro, nunc vigesimam partem Leonis præterit. quid autem Arieti cum Piscibus, Leoni cum Virgine, Tauro cum Geminis? quid igni cum aqua commune? at ignea sidera in aqueum signum concesserunt. nam si nonum orbem fingamus, id quod necesse est, nulla tamen in eo stella. igitur stare nullo modo potest illa de triplicitatibus doctrina. sed Ptolemæi exemplis utamur. quid est enim absurdus, ac tanto viro indignius (si tamen ejus libri auctor est) quam Phœnices & Chaldæos, propterea simplices, humanos & siderum observatores appellare, quod Leoni ac Soli subjiciantur? idem tamen Babylonem, Assyriam ac Mesopotamiam, Virgini & Mercurio subjecit, ac propterea Chaldæos scientiarum amatores esse confitetur. Iudæos autem, Syros ac Idumæos, audaces & impios, quod Arieti, Scorpioni & Marti sint obnoxii. at omnium historicorum summa consensione, Syri aded tractabiles sunt, ut ad servitutem, Iudæi ad religionem nati videantur. Idumæis verò nihil mollius fieri potest (excipio montanos) id quod Cicero Pompeji cineribus objecit. Putabat, inquit, cum Syris ac rege Nabathæorum sibi rem esse. sunt igitur hæc τὰ ὄρη, quia Syri & Idumæi ad Ægyptios, qualis fuit Ptolemæus, Septentrionales sunt, partim etiam montani. ridiculè tamen Cardianus, ejus libri interpres, qui quod signa locum mutasse intelligeret, ab ætate Ptolemæi ad hæc usque tempora, tradit Hispanos, Britannos ac Normannos, rapaces ac versutos evasisse, & cordi Scorpionis nunc subjici putat.

tat, quos olim fidos ac probos fuisse scribit, cum Sagittario subessent. sed illi repono, quod Appianus de Cassio scribit. Cum enim Romanorum exercitus Parthorum sagittis cæsus esset, Cassius verò reliquias ad se confugientes servare conaretur, Chaldæus illum admonuit ut tantisper tempus protraheret, dum Luna Scorpione decurso, Sagittarium attigisset: tum ille, Magis, inquit, Sagittarium metuo quam Scorpionem: ita quoque Britannorum ac Normannorum sagittæ nobis, non scorpiones nocuerunt, cum universam fere Galliam bellis civilibus jactatam occupavissent, ac nostros exercitus sagittis confecissent. Hæ igitur Cardani disciplina: si locum habeant, rerum naturam convelli & labefactari oportet: tum plagam Aquilonis ad Austrum converti, ac pro Germanis audacibus, molles Ægyptios: Afros bellicosos, pro ignavis hominibus nasci. quod si Cardanus, stellas permutatis locis signorum vim confudisse putat, quid fiet Ptolemæo, cujus ipse judicia de sideribus tantopere probavit? quid ipsi Cardano, qui veterum Apotelesmata sua auctoritate alibi semper confirmavit? quin etiam, ut de multis unum exemplum afferam, Sleidanus scribit in Ecclesiastica historia, Carolum Quintum Imperatorem iisdem Kalendis, quibus natus erat, Imperatorem creatum fuisse, Franciscum regem Gallorum cepisse, de Germania triumphasse; habuit autem in ortu Capricorni sidus, ut Cardanus confitetur, quo fidere natus erat Augustus. qui propterea nummum felici fidere Capricorni percussit. Hoc enim voluit Horatius, cum Hesperiae tyrannum Capricornum appellavit. quo loco interpretes omnes lapsi sunt. Eodem fidere, Cardanus natum scripsit Carolum Burbonium, Cosmum Medicem, & Selimum principem Turcarum, qui VII Kalendas Septembris, eodem mense quo Marcum Antonium Augustus vicit, id est Sextili, regem Persarum Hismaelem in Calderanis campis fregit: biennio post iisdem Kalendis Campsonem Sultanum de imperio dejecit.

jecit. jam verò constat ab Augusti temporibus ad
 Selimum & Carolum Quintum omnia sidera
 locum mutasse, gradus septemdecim percurrisse;
 Capricorni tamen vis eadem est: nam Augustus,
 Carolus Quintus & Cosmus Medices, anno de-
 cimo nono imperium acceperunt. quis igitur po-
 pulorum mores & cælestium corporum vim pu-
 tet à triplicitatum ratione duci, cum sideribus
 permutatis, non immutetur natura? quod etsi
 antea planum fecimus, planius tamen & illu-
 strius erit, si quis à Ptolemæi temporibus vel
 etiã à Cæsare maximas Planetarum coitiones
 (inferiores omitto) cum historia coniungat. ni-
 hil autem illustrius est in historia, quàm bello-
 rum motus. & quoniam Scorpioni Martem præ-
 esse ajunt, in eo sidere coierunt planetæ supe-
 riores, cum inter Pompejum & Cæsarem civi-
 lia bella toto terrarum orbe exarserunt: impe-
 riū vero ac Reipublicæ conversio in Europa con-
 tigit, quam tamen Ptolemæus Arieti, Leoni ac
 Sagittario subjecit, Africam Scorpioni, Piscibus,
 & Cancro. eadem coitio in Scorpione contigit
 anno D C XXX. quo tempore Arabes ex A-
 siæ desertis erumpentes, universum pene terra-
 rum orbem armis domuerunt, novas leges tulerunt,
 religiones confuderunt, imperia Persarum
 deleverunt, postremò linguam Græcam, Lati-
 nam & Persicam, in Asia & Africa sustulerunt.
 hæc autem mutatio in Australi Asia contigit,
 quam Ptolemæus Tauro, Virgini & Capricorno
 subesse putavit. eadem conjunctio incurrit in
 annum M CCCC LXXXIV. cum repente I-
 talia, quæ diuturna pace conquieverat, tum suis
 tum Gallorum & Hispanorum armis est obses-
 sa. quæ bellorum calamitas Hesperides insu-
 las & novum orbem invasit: tum verò inaudita
 morbi lues ab Hispanis invec̃ta totam Euro-
 pam populari cœpit, conversiones verò maxi-
 mē, quæ ad Africam pertinebant, in Europa
 & America contigerunt. rursus anno Christi
 LXXIII, iidem Planetæ in Sagittario coic-
 rant, cum Ottho, Galba, Vitellius & Vespasianus
 imperiū

imperium Romanorum perturbarunt. nusquam tamen graviora bella quam in Palæstina, nec major clades quam Iudæorum, quos Ptolemæus Scorpioni subiecit. & cum anno Christi ccccx. planetæ in Aquarium incurrissent, repente legiones Gothorum ab extrema Septentrionis plaga in Europam influentes, Romanorum imperium oppresserunt. Orientalis Asia quievit, quam Aquario Ptolemæus obligarat. rursus in eodem Aquarii fidere coierunt anno mccc lxxiii. quo tempore Germania maximo terræmotu, Apulia bello concussa, & sacra Iues ab ortu versus occasum serpere cœpit, ac totam Europam infestare, quæ tamen nihil habet cum Aquario commune, ut ipsi volunt. eadem trajectio recurrit anno cccxii. in fidere Capricorni, quem Aliæ meridionali tribuunt. secuta est trium Imperatorum & legionum Romanarum maxima strages, cum Imper. Constantinus contra Senatus P.Q.R. voluntatem vi & armis imperium invasit, totiusque imperii Romani leges, & Rempublicam paulo momento convertit, omnia tamen in Europa: quæ si Ptolemæo credimus, nihil ad Capricornum, nec rursus ad Pisces: in quibus tamen conjunctio magna contigit anno Christi mcccc lxiiv, quo tempore tyrannides, ac bella civilia totam Europam invaserunt: Eduardus III, Henricum Angliæ regem necavit: Zadarnachus Tartarorum princeps à suis regno dejectus, ad Lituanos fugit. eodem tempore, conjuratio Prutenicarum urbium facta est: Fridericus Imp. à suis Viennæ obsessus: Ludovicus XI. Galliæ rex principum conjuratione pene oppressus: Florentiæ maximæ seditiones: Saxoniz quoque urbes cum Ducibus Brunsvicensium bella gesserunt: Scander Albaniz Dux à Turcis defecit, eosque magnis cladibus afflixit. nihil tamen in Africa gestum video. eodem in signo coitio facta est anno m dxxv. quo tempore Gallia bellis civilibus, Germaniâ verò tota nobilium ac plebejorum inter se concurrentibus armis fœditimè quassata est:

est : Rex ipse Gallorum ad Papiam captus , ac Roma paulò post ab Hispanis, Rhodus à Turcis est expugnata. tum eluviones aquarum maximæ, quibus orbem terrarum inundatum iri prædixerant: nihil tamen in Africa gestum accepi. sed infinitum sit omnia persequi. Quare cum magnæ illæ trajectiones rerum conversionem, variosque bellorum motus significant, nec tamen ullius observatione cognitum, aut disciplina perceptum sit , quæ quamque regionem signa fixa magis afficiant, nihil certi de eo genere statui potest ex illorum præceptis: tametsi non dubito, quin observatione diuturna disciplina certior constitui possit: si quis superiorum temporum historias, & cõitiones ad initia recurrendo colligere velit: verbi gratia; ex Polybio intelligi potest, Olympiade centesima quadragesima rerum omnium conversionem quandam contigisse. atque iisdem temporibus Philippum juniorem Macedoniæ, Antiochum Asiæ minoris, Ptolemæum Philopatorem Ægypti , Annibalem Carthaginensium, Antiochum Syriæ, Lycurgum juniorem Lacedæmoniorum imperio simul successisse: ac subinde Romanis adversus Pœnos, Antiocho in Ptolemæum, Achæis & Philippo contra Lacedæmonios & Ætholos bella gravissima intercessisse. consimiliter ex Diodoro & Iustino colligemus , servilia bella iisdem temporibus in Sicilia , Græcia & Asia contigisse & eodem momento, Spartacum latronem fugitivorum armis Italiam invasisse, quo Piratæ Mediterranei maris imperium occuparunt: rursus libertate servis à Muhamede proposita, Christianos quoque servos ad pileum vocasse , ut paulo post nulla fere vestigia exstarent. contra vero tyrannides iisdem pene temporibus orbem terrarum infestasse, cum Muhamedes magnus, duos imperatores & quatuor Reges fregit. Ludovicus XI Gallorum Rex, omnium primus suos servitute oppressit: Christiernus, Suecos miserabili tyrannide affixit: Zadamachus, Tartaros: Eduardus III, cæso Rege, Anglos: Circassii Memmeluchi

Ægyptios: Vssumcassanus, Persas: Pandulfus, Senenses: Franciscus Valorius, Florentinos: Ludovicus Sfortia, Mediolanenses: Ioannes Bentivolus, Bononienses: Baleo, Perusinos. Idem quoque de literis ac disciplinis relinquitur iudicandum. simul enim ac semel doctorum hominum magna vis erupit, deinde quasi extincta memoria literarum, rursus in lucem alii prodierunt. Nam Plato, Aristoteles, Xenocrates, Timæus, Architas, Isocrates, & oratorum ac poetarum infinita multitudo simul floruit. longo post intervallo, Chrysippus, Carneades, Diogenes Stoicus, Arcefilas in lucem venerunt. rursus eadem ætate Varro, Cicero, Livius, Salustius: deinde Virgilius, Horatius, Ovidius, Vitruvius claruerunt. nec ita pridem Valla, Trapezuntius, Ficinus, Gaza, Bessario, Mirandula simul floruerunt. Si quis igitur collectis rerum memorabilium locis ad ea traiectiones maximas accommodarit, & regiones affici, aut Respublicas mutari perspexerit, tum scientiam de moribus & natura populorum efficit plenior: tum etiam de omni genere historiarum multo verius ac melius iudicabit.

De statu Rerum publicarum.

C A P. V I.

CUm historiarum magna sui parte in Rerum publicarum statu & conversionibus explicandis positæ sint, consequens est ad consummatam historiarum rationem initia status & exitus imperiorum breviter explicare: præsertim cum nihil sit in toto historiarum genere magis frugiferum ac fructuosum. cætera quidem ad agnitionem animi pulcerrima, & ad conformandos cujusque mores valde præclara videantur: quæ de civitatum initiis, incrementis, statu, inclinatione, ruina, percipiuntur ab historicorum lectione, non singulis modo, verumetiam universis adeo necessaria sunt, ut Aristoteles nihil effi-

efficacius putet ad hominum societates stabiliendas ac retinendas, quam Reipublicæ moderandæ scientia informari. de qua tamen tam varix sunt magnorum virorum, tamque discrepantes sententiæ, ut mirum videri debeat, tot seculis neminem adhuc constituisse, quis esset optimus civitatis status. etenim Plato cum nullam Reipublicæ gerendæ scientiam esse putaret, ita difficilem ad intelligendum, ut eam nemo caperet, legum tradendarum ac civitatis bene instituendæ rationem hanc animadvertit: si viri prudentes omnibus omnium Rerumpublicarum moribus ac legibus collectis, eas inter se compararent, & ex his optimum Reipublicæ genus conflarent; quod quidem consilium Aristoteles, quoad ejus fieri potuit, secutus videtur, non tamen assecutus. post Aristotelem Polybius, Dionysius Halicarnassæus, Plutarchus, Dio, Tacitus (eos omitto, quorum scripta interciderunt) multa de Republica præclare & graviter in historiis dispersa reliquerunt. multa quoque Machiavellus, primus quidem ut opinor, post annos mille circiter ac ducentos, quam barbaries omnia cumularat, de Republica scripsit, quæ omnium ore circumferuntur: nec dubium est, quin multò plura verius ac melius scripturus fuerit, si veterum philosophorum & historicorum scripta cum usu conjunxisset. hoc quidem illi defuisse Iovius tradit, & res ipsa loquitur. hunc secuti Patricius, Th. Morus, Rob. Britannus, Garimbertus, multa graviter & copiosè, de ferendis moribus, de sanandis populis, de principe instituendo, de legibus stabiliendis. leviter tamen de statu, nihil de conversionibus imperiorum, & ea quæ Aristoteles principum σοφισμῶν seu κρύβειν, Tacitus imperii arcana vocat, ne attigerunt quidem. alii aliquot Rerumpublicarum imagines puras, nulla subjecta ratione, velut historiam ob oculos posuerunt. excipio Contarenum, qui Reipub. Venetæ formam, quam ipse omnium pulcherrimam judicabat, non modo ad intuendum proposuit, sed etiam ad imitandum.

atque hi fere sunt, quorum de Republica scriptiones habemus: tametsi tam accuratè quam decuit eo de genere scripsissent, nihilominus ea brevi methodo complecti necessarium ducerem: quanto magis si à multis multa desiderantur? Quamobrem utile visum mihi est, ad eam quam instituo methodum, philosophorum ac historicorum de Republica disputationes inter se, & majorum imperia cum nostris comparare, ut omnibus inter se collatis, universa Rerumpublicarum historia planius intelligatur. hunc etiam fructum ex ea disputatione feremus, quod quæ leges in regia potestate, quæ item in populari & optimatum statu necessariæ sint (harum enim legum tam magna varietas est, quam Rerumpublicarum) facilius intelligemus. Sed ne plus auctoritatis in disputando, quam rationum momenta quærantur, prius Aristotelis definitiones de cive, de civitate, de Republica, de summo imperio, de magistratu, quæ sunt hujus disputationis fundamenta, necessariis argumentis refellendæ sunt. deinde nostram de singulis opinionem explicabimus, & inveteratum errorem de statu temperato rejiciemus: tum de triplici Republica suo ordine dicemus: postea de conversionibus imperiorum: postremo de optimo statu. Civem definit Aristoteles, judiciorum, magistratus, & consilii capiendi potestate. quam definitionem populari tantum imperio convenire fatetur. sed cum definitio debeat esse universorum, nullus Aristotelis iudicio civis erit, nisi natus Athenis, & eo tempore quo Pericles: cæteri in sua civitate exules aut peregrini, qui ab honoribus, judiciis & consilio publico prohibentur. quid igitur fiet Imperatori Antonino qui omnes homines liberos monarchiæ Romanæ finibus comprehensos, promulgata lege cives Romanos esse iussit? nam si Aristoteli credimus, peregrini fuerunt sublata populari potestate. quæ opiniones cum absurdæ sint, ac civitatibus perniciosæ, & illa ex quibus sequuntur absurda videri necesse est. Atque hæc Aristotelis sententia,

Con-

Contarenum, Sigonium, Garimbertum, ac ple-
rosque alios impulit in errorem : nec dubium
est quin multis civitatibus bellorum civilium
magnam præbuerit occasionem, quid si ne popu-
lari quidem Reipublicæ congruit civis hæc ab
Aristotele allata descriptio? nam Athenis, ubi Res-
publica maximè omnium popularis fuisse dici-
tur, quarta classis infimorum ac tenuium, id est
populi pars longè maxima, lege Solonis, ab ho-
noribus, à Senatu, à magistratuum sortitione ar-
cebatur, ut Plutarchus scribit. Idem Magistra-
tum definit imperio, jurisdictione & consilii ca-
piendi jure. ex quo innuit eum qui adeptus sit
ea quæ civis adipisci potest, appellari magi-
stratum, ut civis aptitudine tantum ac potestate.
sed ne subtilius agere videamur, quisnam igitur
in Republica magistratus ista ratione dici
poterit, cum tanta magistratuum paucitas ad
consilium admittatur? nam ubique fere imperio
ac jurisdictione caret Reipublicæ senatus, &
ea quæ decernit, non prius vim habitura sunt,
quàm à populo vel optimatibus, vel principe
sanciantur, ut postea planum faciemus. sed quid
argumenter, cum ipsè Aristoteles multa genera
magistratuum extremo libro enumeret, qui nec
imperium nec judicium nec consilii capiendi jus
ullum habent? Cum verò Rempublicam civita-
tis ac magistratuum descriptionem vocat, sane
civitatem Republica priorem facit, ut civitas
sit quædam hominum multitudo sine magistra-
tibus & imperiis; Respublica verò civium ac
magistratuum descriptio. sed si plures unum in
locum coëant sine legibus & imperiis, si nemo
rem communem quæ nulla sit, sed privatam quis-
que tueatur, si nullæ pœnæ sint improbis, nulla
præmia bonis constituta, ubinam civitatis imago
existere potest? hæc igitur congregata multitu-
do, non civitas debuit, sed ἀνερχία, vel alio quàm
civitatis nomine vocari: cum ejusmodi homines
ἀπείδες sint, ut est apud Homerum, καὶ ἀδύμιοι. Iam
verò summum imperium quod ipse κύριον πόντισ-
μα vocat, & κυρία ἀρχή, in quo versatur majestas

ac Reipublicæ status, nusquam definit: nisi putemus id voluisse, cum tres omnino statuit Reipublicæ partes; unam in consilio capiendo, alteram in creandis magistratibus, postremam in iurisdictione. sed imperium quod summum dicitur, ejusmodi esse debet ut nulli magistratui tribuatur, alioqui summum non sit, nisi populus aut princeps imperio se penitus spoliaret. is autem cui summum imperium dabitur, nisi precario detur, non jam magistratus, sed princeps erit. consilii verò de Republica capiendi jus, etiam privatis conceditur; & iurisdictionis minimis quibusque: non pertinent igitur ad summum imperium. itaque nulla pars est his tribus, in qua imperii summa majestas elucere possit, præterquam in magistratuum creatione, quæ solius principis est, vel populi vel optimatum, pro civitatis cujusque statu; ac multo magis ad summum imperium pertinet, leges jubere ac tollere, bellum indicere ac finire, extremum jus provocationis, vita denique ac præmiorum potestatem habere. quod si demus Aristotelem noluisse summum imperium, sed Reipublicæ administrationem significare: illud quoque fatendum erit, nusquam imperium summum ab eo definiri, nec omnino Reipublicæ statum; quia status in summo imperio versatur. gubernatio verò ipsa Reipublicæ, quæ longè lateque patet, brevius fortasse & commodius, decretis, edictis, & ex executione definietur. quartum nihil est; & his tribus omnia Reipublicæ mûnera, imperia magistratus, honores continentur. verbi gratia; Senatus bellum decernit: princeps edicit: milites exequuntur. in judiciis decernunt etiam privati iudices & arbitri, jubent magistratus, exequuntur apparitores, quæ sæpe sunt ab uno & eodem. cum igitur decernant & edicant magistratus: non possunt edicta, quæ Latini iussa, & imperia vocant, τὸ κύριον πολιτεύμα significare: multo minus decreta vel executiones, in quibus iurisdictionis consistit. Quæ cum ita sint, certiora principia, si modo fieri potest ac magis explo-

rata, quam quæ hæctenus allata sunt, quæramus. Sic igitur statuo, familiam aut collegium Reipublicæ veram imaginem esse, & quemadmodum in unius hominis solitudine, familia consistere nequit: ita nec Respublica in una familia, vel in uno collegio. quod si plures iisdem tectis contineantur, nec tamen alter alteri pareat aut imperet, nec unus omnibus, nec singulis pauci, nec singulis universi, non poterit familia vel collegium sibi constare; quod non aliter quàm imperio domestico retinetur. contra verò si plures, puta vir, uxor, liberi, servi, aut plures collegæ ejusdem imperio privato, ac domestica potestate retineantur, familiam aut collegium efficiunt: modo tres in collegio personæ fuerint, ut Neratio placet, in l. Neratius. de verb. signific. & in familia tres personæ cum matrefamilias imperio patrisfamilias subjiciantur: ut voluit Vlpian. in l. detestatio de verb. signific. si ejus verba cum Apuleji oratione jungamus. is enim quindecim personas, populum constituisse scribit, id est quinque collegia vel tres familias: sic enim familia quinque personas, collegium tres complectetur. tres ergo pluresvè familiæ, aut quinque plurave collegia Rempubicam constituunt, si legitima imperii potestate simul jungantur: si familiæ, vel collegia à se invicem divisa sint, nec communi imperio coërceantur, *ἀναρχία* debet, non Respublica vocari. nec refert utrum eodem in loco familiæ coëant, an locis ac sedibus sejungantur. non aliter atque familia dicitur eadem, tametsi paterfamilias seorsum à liberis & servis, aut hi à se invicem locorum intervallo distant; modo patrisfamilias imperio legitimo ac moderato jungantur. moderatum dixi, quia hoc maximè differt familiā à Republica, quòd hæc summum & publicum, illa moderatum & privatum imperium habet. ita quoque Respublica dicitur eadem ex pluribus constata familiis, etiamsi locis ac sedibus à se invicem divellantur, modo sint in ejusdem imperii tutelā: sive unus

imperet omnibus, siue singulis universi, siue pauci universis. Ex quo illud efficitur, ut Respublica nihil aliud sit, quàm familiarum aut collegiorum sub unum & idem imperium subiecta multitudo: civis autem qui communi libertate fruitur, ac imperii tutela. nam quodd Tullius Rempublicam definit, hominum multitudinem bene vivendi causa sociatam: finem quidem optimum significat, non Reipublicæ vim & naturam; hæc enim definitio, pertinet etiam ad cœtus Pythagoreorum, & eorum qui bene vivendi causa simul coeunt: non tamen Respublicæ dici possunt sine magna Reipublicæ & collegii confusione. præterea sceleratorum quoque familiæ sunt, non minus quàm virorum bonorum; quia non minus homo est sceleratus quàm bonus: idem quoque de Republica judicandum relinquitur. quis enim dubitat, quin maxima quæque imperia sint à latronibus vi constituta? Hæc igitur Reipublicæ definitio à nobis allata, pertinet ad vicos, urbes, civitates, & principatus, quantumvis latè pateant, modo ejusdem imperio coërceantur. neque enim locorum angustiis, vel amplitudine Respublica describitur: ut neq; magis animal est elephas quam formica, cum utrique movendi, ac sentiendi vis insit: ita non minus Respub. dici debet Rhagusia vel Geneva, quarum dominatus penè mœnibus ipsis concluditur, quam Tartarorum imperia, quæ iisdem regionibus quibus solis cursus definiuntur. itaque absurdum est quod Aristoteles ait, nimis magnam multitudinem hominum, quanta fuit Babylone, gentem esse, non Rempublicam. at nullum est imperium commune gentium inter ipsas, neque verò lex ulla: Babylonii autem non solum iisdem imperiis, magistratibus, ac legibus, sed etiam mœnibus continebantur: quid igitur Respublica nisi hoc est? Obscurius tamen videtur quod Cicero alicubi Rempubl. definit, cœtum multitudinis juris consensu & utilitatis communione sociatum: quod quidem si admittatur, non satis erit cives eodem imperio,

rio, nisi legibus iisdem simul devinciantur. sed absurdum sit imperium Turcarum, quod populos habet nulla juris societate sibi cohærentes, Rempublicam non esse, cum iisdem magistratibus & imperiis, simul jungantur. erit autem Respublica vel anarchia: non hoc; illud igitur. Ex quo sequitur Rempublicam eodem imperio definiri: civitatem imperio ac jure: urbem autem, quæ non solum imperiis ac legibus, verum etiam mœnibus iisdem suos cives amplectatur. itaque urbs vicos: civitas pagos, interdum etiam urbes & oppida modo juris societate conjuncta; principatus sive dynastia, utamur hoc verbo, plures civitates; Respublica denique veluti genus hæc omnia complectitur. sic enim Cæsar; Omnis, inquit, civitas Helvetia in quatuor pagos divisa est, & Cicero Tusculum municipium Romana civitate contineri dixit; aliter quàm Bartolus, qui civitatem muris definiit, in l. urbis appellatio. de rerum & verborum significatione. & ad legem municipalem, municipem genus civis appellavit, nec ratione, nec auctoritate cujusquam adductus. Nam Censorinus apud Appianum in Libyco respondit legatis Carthagenensium, se urbem quidem Carthaginis deleturum: civitatem verò Carthaginis ac cives suis legibus utentes, id quod Romani promiserant, relicturum. nec civitatem ipsam in muris aut area consistere. quemadmodum igitur major est eorum conjunctio, qui sunt ejusdem vici, quàm urbis: ita major est eorum propinquitas, qui sunt ejusdem urbis quam civitatis: quod non modo imperia, judicia, leges, instituta civibus inter se communia, verum etiam urbis ipsius tutela, forum, fana, porticus, viæ, theatra, sacrificia, multæque cum multis amicitia rationesque communes sint. ut cum Romana Respublica ex Albanorum tribus omnino millibus coaluisset in eodem agello, primum Antemnates, Camerinos, Crustuminos, Sabinos; post etiam Albanos victos partim eadem civitate, partim iisdem agris, & mœnibus excepit. cum autem

Tuscu-

Tusculanos, Æquos, Volscos, Hernicos, bello fregisset, non in urbem aut agrum Romanum propter loci angustias, sed tamen in Reipublicam admisit, & salvis eorum legibus, honores & magistratus capere voluit: qui cives eodem quo alii nomine proprio municipes: incolæ autem agri Romani verius Quirites dicebantur, quorum fuit conditio melior. hinc illa M. Scauri vox ad avum Ciceronis, quod Arpini quàm Romæ vivere mallet; Vtinam M. Cicero isto animo atque virtute in summa Republica, quàm in municipali vivere maluisses. hujus nepos orator, non modo in urbe domicilium quælit, sed etiam domum quinquaginta millibus aureorum æstimatam: nihilominus tamen novus homo, & peregrinus est ab adversariis appellatus: novus quidem, quod primus in sua gente honores esset adeptus: filius nobilis, quia patrem novum habuit: ille peregrinus contumeliosè dictus, quod Arpini esset, non in agro Romano natus. Ex quo existit illud, varie cives à Latinis usurpari, ac cives urbanos meliori conditione fuisse quam cives coloniarum; quia tametsi legibus, moribus, & imperiis iisdem uterentur, non tamen iisdem agris & urbe, à qua lux Imperii & immunitates quærebantur: Ipsa verò municipia deteriore olim fuerunt conditione, quàm coloniæ, propter generis ac sanguinis Romani dignitatem. nam pro beneficio datum est municipiis jus coloniarum usque ad Tiberii tempora, quibus municipia repudiarent ultro jus illud, ac suis legibus ac moribus quàm Romanis uti maluerunt, ut est apud Gellium. itaque cives quidem fuerunt ejusdem Reipublicæ, non tamen ejusdem civitatis: sic igitur interpretari debemus legem Iuliam, qua Romani bello sociali civitatem omnibus sociis communicarunt; non quod antea cives non essent, cum omnes iisdem imperiis tenerentur, sed ab honorum petitione arcebantur; postea jus illud Italici omnibus dari cœpit. deinde coloniæ, quas Vlpianus complexus est in titulo de censibus jus Italicum habuerunt.

buerunt. reliqui populi partim vectigales fuerunt, qui à Plinio enumerantur: tamenſi aliud alii paulo momento conſeſſum eſt: partim liberi, qui ſuæ Reipublicæ dignitatem tuebantur: ut apud nos, Albii, Meldi, Bituriges, Santones Tarbelli, Arverni, Nervii, Verunni, Vlbaneſtetes: apud Græcos, Athenienſes, Lacedæmonii, Theſſalonicenſes; poſt etiam tota Achaia beneficio Neronis partim liberi ac ſœderati qui jure civitatis honorario fruebantur: ut Maſſilienſes, Hedui, Rhemi, Carnutani; non tamen revera cives, quia Romanorum imperio non tenebantur, cum ſcilicet integro jure libertatis ac immunitatis fruerentur. Achæis, inquit Seneca, Rhodiis & plerisque urbibus claris jus integrum libertatemque cum immunitate reddiderat Roma, ipſa tributum ſpadonibus M. Antonii pendeat. & Plinius lib. 10. epiſt. 6. familiari ſuo Ægyptio, civitatem Alexandrinam & Romanam impetravit. quod igitur Livius lib. 24. ſcribit, eos qui Puteolos, Salernum, & Buxentum deducti fuerant coloni, cum ſe pro civibus ferrent, judicatos à Senatu non eſſe cives: hoc pertinet ad jus ſuffragiorum, & honorum petitionem, quo nihil majus ac melius civi dari poterat: non quòd cives non eſſent; alioqui peregrinos fuiſſe ſatendum ſit. quod etiam Boëtius ad Ciceronem tradit, cives Romanos mediam capitis diminutionem pati: cum in colonias Latinas deducerentur, & civitatem amittere: hoc eſt jus ſuffragiorum, domicilium, ſacra, tributum: jus autem honorum, magiſtratum, ordinis, nexorum, dominii, mancipii teſtamentorum, connubiorum, conſequebantur municipes & coloni, ſed alius alio plus. quòd ſi æquo jure omnes uterentur, nemo civis haberetur, niſi qui ingenuus Romæ natus eſſet; ac ubique apud Livium & alios ſcriptores cives etiam appellantur, qui habuerunt jus Quiritium, quod multo deterius erat. vel etiam municipium, vel jus Latii, vel coloniarum Latinarum, quæ Romanis coloniis jure inferiores erant: vel jus Italicum, quod item duplex erat in Italia & provinciis,

vinciis, ut planum fit in titulo De censibus. quodd si appellatio civis in omnes valet, falsa est illa definitio, quæ cives omnes honoribus, suffragiis, consiliis, iudiciis, ac tributorum immunitate metitur, præsertim cum lex Iulia de civitate sociis omnibus civitatem dederit: tum etiam lex Antonini Pii de statu hominum his verbis concepta; In orbe Romano qui sunt, cives sint Romani: non modo sociis, sed provinciis omnibus civitatem communicarit: neque tamen provinciales Italici, nec Italiæ præfecturas municipibus, nec municipes Italos Latinis, nec Latinos municipes colonis Latinis, nec Latinas colonias Romanis colonis, nec Romanas colonias Quiritibus, nec Quirites Romanis æquavit, ut falso plerique putant. cur enim jus Romanum, Italicum & municipale, Iurisconsulti tam accuratè interpretarentur? nam Scævola, Papinianus, Paulus, Hermogenianus, Marcellus, Modestinus, floruerunt post Antoninum Pium, qui hanc legem tulit. fallitur enim Onuphrius, qui latam putat ab Antonino Caracalla, ut planum fit ex Authent. LXXVIII. præterea falsum esset quod Dio scribit, Alexandrinis à Severo concessum esse, ut Senatores fieri possent. quid igitur, dicet aliquis, lege Iulia sociis datum est, si jam libertate & imperii tutela fruerentur; cur pro civitate adipiscenda tandiu bella gesserunt? hoc scilicet, ut honores petere, ac suffragium in comitiis ferre possent. hoc jus Romanæ civitatis appellabant optimum: aliis honores petere non tamen suffragium ferre licuit: aliis neutrum, sed tamen jure privato Romanorum utebantur, quo alii carebant, liberi tamen à vectigalibus erant. aliorum alia jura sunt à Iurisconsultis explicata, quæ longum esset percensere: lege verò Antonini, provinciales quoque omnes Romanæ generis nobilitatem adepti sunt, sic enim Iustinianus scribit: ut postea magistratus parem in eos jurisdictionem haberent, cum antea civis libera provocatio præsidii omnem adimeret cognitionem. cum enim D. Paulus, cujus pater jus
civi-

civitatis emerat, in capitali causa Cæsarem appellasset, tum Forlix Syriæ præses; Poterat, inquit, hic homo liberari, nisi appellasset Cæsarem. & Plinius Secundus ad Trajanum scribens de Christianis; Qui cives erant annotavi in urbem mittendos. neque solum in Republ. Romana, sed ubique discrimen illud civium reperiemus. Romæ quidem in iisdem mœnibus fuerunt patricii, equites, plebeji. apud veteres Ægyptios sacerdotes, milites, opifices, ut scribit Diodorus: apud maiores nostros, Druidæ, equites; agricolæ: nunc sacerdotes, nobiles, plebeji: apud Venetos, nobiles, citadini, plebeji: apud Florentinos olim, grandes, populares, plebeji: & popularium tres ordines; potentiores, mediocres, infimi. Plato quoque custodes, milites, agricolas constituit: omnes ubique jure, legibus, muneribus, suffragiis, honoribus, privilegiis, conditione, immunitate aut re quapiam à se invicem divisi. omnes tamen sunt Reipub. cives, veluti membra corporis ejusdem: rectè enim D. Paulus; Dicetne pes, non sum oculus, non igitur de corpore? igitur valde absurdum debet videri, pace dicam Aristotelis. ejusmodi cives, partim cives esse, partim peregrinos. cui enim rei descriptio, & rei appellatio congruere debet. Sed obscurius est quod ait Cicero; neminem suæ & Romanæ civitatis civem esse potuisse: apud Græcos tamen licuisse. ego verò putem eandem esse omnium rationem, & Ciceronis dictum de civibus duarum civitatum, ad cives honorarios pertinere, sic enim pro Cornelio Balbo: Multi etiam superiore memoriâ cives Romani sua voluntate indemnati & incolumes; his rebus relictis, alias se in civitates contulerunt. & paulo post: O jura præclara, ne quis nostrum plus quàm unius civitatis esse possit: ne quis invitatus civitate mutetur, neve in civitate maneat invitatus. quod Hermogenianus interpretatur in l. municipes, ad legem municipalem: ut alterius quidem civitatis necessarius, alterius sit honorarius civis, alioqui fatendum erit; eundem civem diversis imperiis ac jussis simul ac

semel

semel obligari, quod absurdum sit, quid enim facturum est si alter jubeat, prohibeat alter? quod igitur Vlpianus ad legem municipalem manumissum duarum civitatum civem effici posse tradit, ad eam quoque pertinet interpretationem. cum autem una civitas alterius imperio gubernatur, ut olim præfecturæ, coloniæ, fora, conciliabula, municipia, provinciæ imperio Romano tenebantur; suorum quisque civium decretis parere cogebatur, salva tamen imperii Romani majestate: ut collegæ statutis collegii obligantur, salva Reipub. dignitate, ex antiqua lege Solonis, quæ est in L. ultim. de collegiis. quod autem Romanis, idem populis omnibus video licuisse; ut dimissa civitate propria, possint alienam sine fraude usurpare, si modo recipiantur. Anglos excipio, qui excedere patria non audent injussi, ut ex ipso Comite Rotelando non modo generis splendore & opibus, sed etiam virtute clarissimo didici. ut enim ad beneficiarium seu fidelem constituendum, necesse est ut ea conditione natus sit, aut si alteri suam fidem obligare velit, necessarius est imperantis & obsequentis consensus: ita quoque ad civem constituendum, satis est ut ejus imperio, in cujus finibus natus est, acquiescat (acquiescit autem si non aperte dissentit) aut si alio transferat, necesse est antequam civis dicatur, ut se alterius imperio subjiciat & recipiatur: quod quidem si factum erit postliminio redire non potest, quia civis alienus factus est, & suæ civitatis peregrinus, ut in curia Parisiorum judicatum memini. quare in causa Mancini, qui deditus hosti fuerat, ab eo tamen repulsus, judicatum est civem esse non desuisse, tamen si Tribunus plebis à Senatu jusserit educi veluti peregrinum. peregrinos igitur à civibus hac ratione potissimum distinguemus, quod hi vel patriæ imperiis acquiescant, vel alieno imperio se subjiciant & accipiantur: illi quod nec originis imperio acquiescunt, nec se aliis dederunt qui sunt fœderati, aut hostes, aut neutri. Scribit enim Appianus, se multarum gentium.

tium legatos Romæ vidisse, qui se suaque Romanorum potestati permitterent; ab illis tamen repulsam tulisse, ac tamen jus pergrinis dicitur æquè ac civibus, propter eam quæ est hominì cum homine rationis societatem, multaque liberaliter communicantur, urbis domicilium, sacra, forum, vitæ, theatra: nullum tamen est imperium in illos, nisi scelere pactove se obligarint: nec ad munera cogi possunt, nisi ubi suarum fortunarum domicilium collocarint, ut Iurisconsulti tradunt. Veneti annos 14. exigunt, ut in urbe habitaret peregrinus, priusquam efficiatur civis; nec tamen honoribus fruitur, sed collegiorum societate & imperii tutela. quod autem cives sint, qui originis imperio acquiescunt, tametsi ex peregrinis nati, planum sit ex omnibus omnium gentium moribus & institutis, amplius etiam Germani, qui eos admittunt ad honores, non item Veneti, nec veteres Romani nec Athenienses; nisi quis utroque parente cive nasceretur, ut est apud Plutarchum in Pericle, qui legem tulit *νόμος Ἀθηναίους εἶναι, τῶς ἐκ δύο Ἀθηναίων γυνόντας.* & apud Livium, ubi agit de iis qui ex civibus Romanis & Hispanis mulieribus nati erant. apud nos, qui ex peregrinis parentibus nascitur, æquo jure civis est, ac si ex civibus nasceretur: & bonis parentum peregrinorum (quæ non modo nostris, sed etiam Britannorum ac Turcarum legibus fisco vindicantur, nisi liberos in ipsa Gallia legitimos susceperint) liberè frui potest. illud etiam magni ponderis est ac momenti, quod peregrini jure omnium gentium imminente bello possunt expelli, cives etiam ab injustis possessoribus jure vindicari. tametsi reges Abissinorum ac Moschovitarum peregrinos contra jus gentium. invitos retinere, ac liberaliter fovere dicuntur. Sed hæc uberius in Libro de decretis differuimus. Ex quibus perspicuum fit, definitionem civis ab Aristotele inventam, Contareno, Sigonio, Carimberto, Soderino probatam, consistere nullo modo posse. Sed ut omnis ambiguitas tollatur, quæri potest,

rest, utrum foederatæ inter se civitates Rempubli-
cam efficiant eandem, puta civitates Helvetio-
rum & Balticæ urbes; id quidem Leandro, Mu-
tio ac multis sæpe visum est: quod Helvetii ar-
ctissimo inter se foedere societati sunt, habent
præterea cœtus eosdem, Badense oppidum, &
pleraque loca inter ipsos communia, quo magi-
stratus communes mittunt. sed habere commer-
cia mutua, rerum contractarum fidem, jura con-
nubiorum, & hospitii, denique magnam amicitiae
communione, efficere non possunt ut una sit &
eadem Respublica: alioqui Gallorum quoque &
Hispanorum, quibus sunt hæc inter se commu-
nia. Respublica eadem sit; quod falsum est, non
etiam si legibus iisdem utantur, ut olim Romani
legibus Græcorum acceptis, non denique si tan-
ta sit foederis inter ipsos conjunctio, ut eosdem
hostes persequantur, eosdem amplectantur ami-
cos: ut sæpe fit inter principes, summa conspira-
tionis fide & consensu. restat igitur ea quam di-
cebam imperii societas & conjunctio. Helvetio-
rum autem civitates XIII. Rhetorum III. Bal-
ticæ LXX. iis legibus foedera percusserunt, ut ne
aliis alii noceant, & juratos hostes in commu-
nem perniciem mutuis auxiliis persequantur;
imperii verò nulla societas, nulla conjunctio est.
non alio foedere utebantur Amphictyonum ur-
bes VII. Ætholorum III. Ionum XII. quæ ta-
met si communes quosdam conventus haberent,
ut sua tuerentur, & hostes propulsarent; attamen
unaquæque civitas ab aliis erat imperii
jure divisa; sic Helvetiorum civitates singulæ
aliarum decretis non aliter obligantur, quam si
sponte assentiantur, ut in pactis sociorum pri-
vatis. at in eodem imperio, quod pluribus pla-
cuit, omnes obligat. aliud sentiendum est de ci-
vitatibus XLVII. Latinorum: XII. Achæorum:
totidem Hetruscorum & Germanorum impe-
rialibus oppidis ac provinciis, quæ Rempubli-
cam constituunt, propterea quod eidem impe-
rio ac imperatori obligantur: nam Achæi, La-
tini, Hetrusci singulis annis imperatorem crea-
bant

bant (interdum tamen imperium diutius prorogabant) Germani perpetuum. & quemadmodum Philippus uterque & Antigonus Macedoniæ reges, ab Achæis Imperatores aliquando electi sunt, ut Plutarchus & Polybius tradunt : Sic etiam Servius Tullus, & Tarquinius Superbus Imperatores Latinorum creati sunt; Coriolanus, Hetruscorum, ut Dionysius scribit. consimiliter Hispani & Galli reges Germanorum Imperatores facti sunt. Suevica verò societas, quæ in annos XL concepta fuerat, & Balticarum urbium fœdus, hoc tantum differt ab Helvetica societate; quòd hæc in perpetuum, illa verò ad tempus constituta, salva tamen imperii Germanici maiestate. sunt etiam interdum sanctiora fœdera, quibus civitates non modo principum amicitiam, sed etiam fidem colunt, nec aliud præstare tenentur, nec eis aliud imperari potest : ut Trajectum, Ligii, Geldria, Constantia, Cameracum Austriacis quondam principibus; Aliæ quoque in Germania quamplurimæ Ducibus & Comitibus suam fidem obligarunt, nihil tamen aliud præstare tenentur, ut vasalli plerique. quod nihil aliud est, quàm quod veteres Latini dicebant, maiestatem populi Romani comiter conservare: ut Modestinus in l. non dubito, de captivis, & Cicero pro Balbo interpretatur; Id habet hanc vim, inquit, ut sit ille in fœdere inferior. nam civitas civitati conjungi potest amicitia, societate, sponsione, pactione, fœdere, ut M. Tullius scribit. Hæc autem quæ diximus, gravissimis imperatorum & regum sententiis comprobata fuere. Cum enim Tigurinæ socii bellum indixissent, quod cum Austriacis fœdus percussissent, Tigurini sibi licere docuerunt, modo nihil contra socios molirentur. at nemo dubitat, quin Austriaci communes Helvetiorum hostes, & quidem capitales essent: quare non prius bellum Tigurinum exitum reperit, quam Basileæ & Constantiæ Pontifices, Tigurinos ab Austriaco fœdere disjunctissent; propterea quòd fraudem fœderibus faciebant: non quòd

aliorum imperiis, sed pactis suis obligarentur. atque istius rei majus argumentum nullum est, quam de agris hostium captis à Bernatibus: sociæ civitates prædam ex æquo dividi oportere contendebant: Franciscus Gallorum rex arbiter electus, judicavit ea cujusque civitatis esse propria, quæ propriis, non sociorum armis quærerentur, ut Leander Mutius scripsit. postremo, cum nuper Glarenenses veterem religionem abjurassent, magna inter socios orta dissensio est: quod alii fas esse negarent ea fœdera violare, quæ sacro bello contracta fuerant, quibus sanctissimè cavebatur, ne à suscepta religione posthac discedere liceret. Glarenenses se hoc pacto contra jus divinum obligari potuisse negabant, multo minus posteros. jam ad arma res prolapsura videbatur, nisi prudentium hominum consiliis acquievissent, ea lege, ut sua quisque religione ac imperio uteretur. Est etiam, cum summa principes ac reges tam arctis inter se fœderibus atque amicitia conspirant, ut & eisdem hostes habeant & amicos, ac mutuis armis & præsidiis adversus omnes, sine exceptione tueri debeant: non licet fœdus ullum aut amicitiam coire, nisi utrique consentiant, iisque fœderibus, se suosque ac posteros obligant: cujusmodi sunt fœdera quæ Philippus Augustus cum Alberto rege Romanorum: Ludovicus 1^{us} cum Alphonso rege Castellæ. sanctius est etiam fœdus illud quod iustum est inter Carolum V. regem Gallorum, & Henricum Castellæ principem: qui in fœdere, superiorem Corolum uti dominum agnovit. quæ fœdera cum tota antiquitate Gallorum ex archetypis ærarii descripta, mihi exhibuit Carolus Vicinus, meus collega, vir & eruditione & integritate clarissimus. Non igitur diversarum civitatum fœdera, commercia, jura, leges, religiones, Rempublicam constituunt eandem, sed ejusdem imperii conjunctio, ut rex Hispanus imperium habet provinciarum, magnitudine, ac locorum intervallis longe maximum: singulæ verò provinciæ multas civitates legibus ac moribus divisas; unaquæque

quæque civitas aliquot vicos, urbes, oppida, castra, quæ eodem jure utuntur: nec ullum est oppidum quod non habeat singulare quiddam (ut omittam loca cujusque universitatis propria) quod aliis non communicatur: omnium tamen communes sunt imperii leges, quæ tot populos, tanta linguarum, morum, & regionum distantia sejunctos, unius & ejusdem principis majestate conjungunt. idem quoque de reliquis judicandum. omnia autem omnium regna, imperia, tyrannides, Respublicæ, non alio quàm rationis imperio ac gentium communi jure copulantur. ex quo sequitur, hunc mundum veluti civitatem aliquam esse, & omnes homines eodem jure quodammodo confusos, quod intelligunt se esse consanguineos, & subjectos omnes sub unam eandemque rationis tutelam. sed quia illud imperium rationis cogit neminem, revera non potest una ex omnibus gentibus Respubl. constari. itaque principes aut mutuis armis agunt, aut fœderibus, aut bona venia à se mutuo impetrant, ut res legitime transactas & judicatas extra fines imperii exequantur.

Explicata definitione civis, magistratum quoque definiamus. sunt enim hæc civitatis elementa. hunc igitur Aristoteles imperio, jurisdictione, & consilii capiendi jure describit: in extremo tamen omnia Reipublicæ munera, magistratuum nomine complectitur. qua ratione nulli fere sint magistratus, cum tanta raritas sit eorum, qui consilii, jurisdictionis, & imperii participes sunt. absurdum quoque videatur, eos omnes magistratus appellatione venire, qui munera publica gerunt: alioqui scribas, lectores, cornicularios, apparitores, carnifices denique licebit magistratus appellare; qui olim conditione servi fuerunt, & verius ministri dicantur. Vox autem magistratus, imperium ac potestatem significat. sic enim Dictator, magistratus omnium maximus, populi magister dictus est. atque hæc fuit Æschinein inter & Demosthenem controversia gravis, cum Æschi-

*Quid
2. Magi-
stratus.*

nes ταχιστοὶν magistratum esse diceret, Demo-
 sthenes negaret; sed munus illud ὑπομέλειν τινὴ καὶ
 διακονεῖν Vocaret, magistratum autem imperio de-
 finiret. Sed hæc nobis sunt in libro De imperio
 subtilius disputata. Sit ergo magistratus, is qui
 imperii publici partem habet. publicum adjeci,
 ut ab imperio patrio & herili distinguatur. est
 autem imperium in magistratu nihil aliud quàm
 edictum; in principe lex: at frustra quis jubeat,
 nisi exequutiones jussa sequantur; cum verò mi-
 nima pars imperii exequendi adversus contuma-
 ces in comprehensione posita sit, ex regula Var-
 ronis & Vlpiani, consequens est, ut is imperio
 careat, qui prehensionis jure caret. itaque in
 omnibus fere civitatibus comprehensio minimis
 quibusque magistratibus permessa est, etiam iis
 qui vocandi jus non habent, ut Tribunis plebis,
 tamen si potestate sæpius abuterentur, & in jus
 vocarent. apud Venetos, Triumviri advocato-
 res fontium prehensionem & accusationem ha-
 bent, vocationem non habent. apud nos omni-
 bus non modo judicibus, sed etiam iis quos ca-
 stelli commissarios vocant, prehensio tributa est;
 qui tamen à jurisdictione deferuntur. qui plus
 habent imperii, etiam vocare, & mulctam irro-
 gare possunt pro modo suæ potestatis, tuendæ
 jurisdictionis causa, quæ alioqui inanis esset:
 etiam mulctare possunt judices ii qui jurisdi-
 ctionem habent minimam, quam prædicatoriam
 vocamus. aliis mulctæ major permittitur: qui-
 busdam verberum potestas; nonnullis etiam
 quæstio. extremum est cum gladii jus tribuitur,
 in quo merum imperium posuerunt Iurisconsul-
 ti; quia nihil magistratui majus tribui potest,
 nisi summum imperium accedat, id est vitæ jus
 ac necis, quod versatur in summa contra leges
 clementia vel acerbitate, quæ propria sunt eo-
 rum, qui summam Reipublicæ imperium ha-
 bent. igitur imperia magistratuum, gladii pote-
 state ac prehensione, quasi finibus extremis con-
 tinentur: quæ sæpe rationem habent à jurisdi-
 ctione divisam. hæc enim versatur in decretis;

impe-

imperium in edictis. Itaque videmus privatos
 judices & legatos magistratuum decernere ac
 judicare; magistratus ipsos imperare & exequi,
 cum raro jus dicant : ita curiæ superiores apud
 nos decernunt, princeps ipse jubet. Et quoniam
 Varro quibusdam magistratibus tribuit prehen-
 sionem & viatorem : nonnullis vocationem &
 lictorem : aliis neutrum ; videtur eos etiam ma-
 gistratus appellare, qui imperio carent : ut *Ædiles*
 & *Quæstores* : quod appellatione communi,
 non propria fieri puto. quis enim magistratum
 vocet, qui ministro caret, nec quicquam im-
 perare potest ? id quidem muneribus & honori-
 bus tribuatur, imperio non item. atque in eo
 Carolus Sigonius, & N. Gruchius falluntur,
 quod ex opinione Festi, potestatem illis, non im-
 perium tribui putant. neque enim Grammatico-
 rum regulis hæc metienda sunt, sed Iurisconsul-
 torum, qui potestatem imperio æqualem, inter-
 dum majorem faciunt. Potestatis verbo, inquit
 Paulus I. C. imperium in magistratu significa-
 tur. Proconsul verò qui plenissimam jurisdictio-
 nem (sic enim Ulpianus) & omnium arcano-
 rum magistratuum imperia solus habet. Potestas
 ab jurisconsultis appellatur. in I. imperium ; de
 jurisdictione. sic usurpavit Alexander Augustus
 apud Lampridium ; Non patiar, inquit, mer-
 catores potestatum. itaque cum edicti verbis
 caveretur, ne in jus vocare liceret Consulem,
 Prætorem, cæterosque qui imperium potesta-
 temve habent, extrema verba de provinciali-
 bus magistratibus intelliguntur ; alioqui si ve-
 rum esset quod illi ajunt, non licuisset *Ædiles*
 & *Quæstores* in jus vocare, contra quàm Var-
 ro scribit, & Valerius Max. comprobat exem-
 plis. caruerunt igitur potestate ac imperio, ta-
 metsi *Ædiles Prætoris* jurisdictionis partem
 usurparent, ut est apud Iustinianum in *Institut.*
 Falsum illud quoque, Censores potestatem ha-
 buisse, imperio caruisse, ut Sigonius scripsit.
 at vocationem habuerunt viritim ; igitur pre-
 hensionem ex regula Varronis. hæc autem ad

imperium pertinent. nam quo jure edicta proposuisset (edicta verò magistratuum jussa Latini vocant) quæ videmus apud Livium lib. XL. XLIII. apud Zonaram lib. II. quo jure Senatores & Equites in ordinem cooptassent, aut legendo præteriiissent ; cives ad censum vocassent, pignora cepissent, Senatum habuissent, populum universum ad lustrum coëgissent, nisi imperium, vocationem, prehensionem haberent. nam Varro libro quinto de lingua Latina negat Prætori exercitum urbanum convocare licere ; Censori, Consuli, Interregi, Dictatori licere. jam verò absurdum videatur, Tribunos pleb. qui minores magistratus vocantur, imperium habuisse, Censores autem magistratus majores, & qui majoribus auspiciis creabantur, imperio caruisse. Quodd autem Aristoteles etiam judicandi & consilii capiendi jure magistratum definit, nihil ad imperium. nam qui Reipublicæ consilio præfunt, decernendi quidem, non imperandi jus habent: privati verò judices ac pontifices, judicare ac decernere, non imperare possunt. nullam enim vocationem ac prehensionem, nec rursus viatorem aut lictorem habent. Pontifices, inquit Cicero ad Atticum, religionis sunt judices ; legis Senatus. at neque Senatus ea quæ decreverat jubere potuit, ut ex Dionysio planum faciemus: nec Pontifices ullum omnino imperium aut viatorem habuerunt; sed eorum judicia exequebantur Prætores, ut videre est apud Livium & Valerium, de incestis Vestalibus & ignibus extinctis. ita quoque nostri Pontifices, nec viatorem, nec lictorem habent: sed aut viatores & lictores à magistratu impetrant, aut capitales eorum opiniones exequuntur magistratus. Quia non licet nobis (sic enim ridicule) interficere quenquam, quæ verba sunt Iudæorum, quibus ereptum fuerat omne imperium, & Iudæa in provinciæ formam redacta, LX annis ante secundam everSIONem templi, ut Rabini scribunt: non quodd lege Moſis prohibentur, ut nostri falsò putant: cum solis sacerdotibus ac legatis, eorumque agnatis,

tis, capitales sententias de sceleratis, & capitalia judicia exercere licuerit: ut tradunt Iuriconsulti Hebræorum in libris Talmudicis titulo Sanedrim, capite iv. & ad Hieremiam Chaldæus interpres id notatu dignum putavit, quare cùm magistratus municipales Iudæorum animadversionem modicam in servos duntaxat haberent, ut scribit Vlpianus in l. magistratibus. de iurisdictione: responderunt Publio Pontio Iudææ Præsidi, qui Christum leniter ab illis castigari cupiebat, capitale crimen admisisse ex lege Moïsis, sibi tamen non licere mortem cuiquam irrogare. Ex his perspicuum fit, munerum publicorum partitionem tertio capite à nobis allatam, non minus veram quàm necessariam esse.

Veniamus ad imperii summi definitionem, in quo versatur Reipublicæ status, quem Aristoteles τὸ κρείσσον πολιτεύμα, sive κυρίαρχον, Itali Signoriam: nos Suverenitatem: Latini summam rerum, & summum imperium appellant. hoc enim percepto multæ de Republica quæstiones obscuræ ac difficiles explicantur: quod tamen est ab Aristotele, & iis qui de republica scripserunt, prætermisum. Putabant summum imperium vel magistratuum creatione, vel præmiorum ac pœnarum potestate definiri: sed cum variæ quoque pœnæ ac præmia, voluntate ac imperio magistratuum soleant irrogari, oporteret ipsos magistratus imperii summi societate cum principe copulari; quod absurdum est. perniciosius tamen magistratui omnem Reipublicæ permittere potestatem, ut Soderinus prudenter disputat apud Guicciardinum: id enim cum Florentiæ fieri consuevisset, Reipublicæ perniciem attulit. consimiliter apud Assyrios & majores nostros magistri palatii semel à principe creati, omnem Reipublicæ potestatem tantisper gesserunt, dum ipsi regnum invaderent. non erit igitur Respublica bene constituta, in qua magistratui omne imperium tribuetur. Itaque Aristotelis, Polybii, Dianysii, ac Iuricon-

risconsultorum rationibus inter se , & cum universa Rerumpublicarum historia collatis ; video summam Reipublicæ in quinque partibus versari. una est ac præcipua , in summis magistratibus creandis, & officio cujusque definiendo: altera in legibus jubendis aut abrogandis: tertia in bello indicendo ac finiendo: quarta in extrema procuratione ab omnibus magistratibus: postrema in potestate vitæ & necis , cum lex ipsa nec facilitatis ullum, nec clementiæ locum reliquit. hæc enim magistratibus nunquam tribuuntur in imperio bene constituto , nisi extra ordinem premente necessitate. aut si de rebus iis magistratus decernat , sanctio penes est principem aut populum pro rei cujusque publicæ statu. Ac principis quidem hæc propria esse I. C. opinione constat ; & quidem multo plura, puta vectigalium ac tributorum , nummique percutiendi potestatem , quam solius principis esse ajunt : quanquam hæc magistratibus antea sæpe, atque his temporibus tribuuntur , quæ uberius disputata à nobis sunt in libro De jure imperii. in c. de Iure majestatis. cum autem in democratia & aristocratia par sit imperium optimatum & populi ut in monarchia regis, consequens est, ut ea quoque imperia summa capita populo tribuantur. quæ ut planius intelligi possint , explicanda quæstio est , diutissimè à jurisconsultis agitata : nondum tamen definita : utrum scilicet magistratus habeat merum imperium, an solius principis proprium sit; quam quidem ad quæstionem definiendam , cum Henricus VII Imp. arbiter Bononiæ esset electus, inter Lotharium & Azonem æqui sponcione facta, judicavit merum imperium solius principis esse. ex quo Lotharius æquum , Azo iniquum tulisse dicitur. cæteri quotquot scripsere præter Alciatum & Molinæum, Azonis sententiam veriore esse judicaverunt. sed hæc quæstio ab hypothese ad thesin revocari debet , ut planius intelligatur : est enim merum imperium in sola gladii potestate , ut ex ipso Vlpiano interpretantur. heic autem quæri debet,

debet, utrū imperium magistratui à principe datum, siue gladii siue belli gerendi, siue pacis sancienda, siue creandi magistratus, seu iubenda legis seu præmiorum ac poenarum proprium sit principis, an in magistratum quoque transferatur? omnium enim idem iudicium est. Lotharius usurpavit Papiniani regulam de officio ejus, cui mandata est jurisdictio, qua magistratus publici iudicii exercitium habere dicuntur, nec mandare posse: ac sæpius executores & administratores in jure appellari: quibus verbis Accursius ipse jus principi, exercitium aliis competere scribit, quod in facto consistit. Azo verba legis interpretatus est ad jus ipsum necessariò pertinere, quibus Prætor dicitur pro suo imperio quid facere: aut præsidem maximum imperium post principem habere: tum etiam præfectum Ægypti imperium quod illi datum est depone-
re. hæc summa est argumentorum, quæ ab omnibus interpretibus allata sunt: quæ quidem quæstionem non definiunt, magis etiam ac magis ambiguam reddunt. Neque tantum hæc; sed infinitæ de jure quæstiones in magna obscuritate versantur, propterea quòd nullus interpretum hæcenus explicavit quid inter legis actionem & iudicis officium intersit. at ne legis quidem actio quid esset, in tanta scriptorum multitudine quisquam videtur aperuisse, ut brevi planum me facturum spero, & quæ cujusque vis est ac potestas. nunc illud tantum ad id quo de agitur: esse duo capita juris universi, legem & æquitatem, à quibus pendet legis actio, & magistratus officium: & quæ ratio legis est ad ejus actionem, eadem est æquitatis ad officium magistratus. hoc igitur Papinianus, hoc Ulpianus, hoc veteres illi Iurisconsulti voluerunt; quæcunque lege tribuuntur, ea magistratum alteri committere non posse, sed nudam duntaxat habere legis actionem; ac propterea non tam ejus esse propria quàm legis ipsius: quæ verò ejus æquitati permittuntur, ea pro suo jure alteri committere posse, verbi gratia, Prætores ac In-

dices publicarum quæstionum (hoc enim exemplum proposuit Papinianus) aliis imperium illud mandare non poterant : nec in judicando legis acerbitati aut lenitati detrahere , aut addere quicquam ; sed uno verbo , imo una litera sententiam ferebant, puta A. C. N. L. absolvo, condemno , non liquet. idque factum est ne ab hominis cujusquam, sed ab ipsius legis arbitrio, fama, vita, fortunæ denique civium penderent. at causæ civiles, propterea quod minus periculosæ essent , nec legibus omnino comprehendí possent : id enim est infinitum , Prætoris urbani aut peregrini arbitrio relictæ sunt , ut in illis explicandis non legis actionibus , quasi vinculis constringerentur, sed pro sua æquitate ac religione, multa præter legem, aut etiam interdum contra legem decernerent, judicarent , iudices darent: denique leges arbitrati suo propositis edictis, emendarent, flecterent, lenirent , exacerbarent. hoc igitur propriè magistratus officium , quod Bartolus nobile appellavit: & legis actionem, officium mercenarium; melius servile, propterea quod inservit duntaxat legi: ut quæ privati iudices, aut arbitri jure dati, aut delegati faciunt, legis actione potius quàm iudicis officio facere dicuntur, tametsi enim Prætor Urbanus non teneretur legis actionibus, attamen iis litigantes obligabat; non quod magistratus , qui iussu legum exequitur, officio non fungatur; sed minus verè ac propriè sic usurpatur, & qui suo jure imperium, aut jurisdictionem , aut quid aliud ejusmodi habet, ejus omnino proprium est : idque alteri mandare potest , ut Ulpianus scribit in l. more majorum , de jurisdictione. is autem qui mandatum habet, quasi rem commodatam alteri commodare non potest , alioqui furti teneretur. id quod verum est, non modo in privato, sed etiam in magistratu, qui ab alio mandatam habet jurisdictionem. alienam habere scribit Iulianus in l. & si. de officio ejus , cui mandata est jurisdictio. & quoniam multa magistratibus sine lege permittuntur, multa legibus sunt comprehensa: planum

fit ea quæ suo jure habent accepto magistratu, eorum esse propria, cætera legum, aut eorum qui mandaverunt. Ex quo perspicitur Prætores quæstionum publicarum merum imperium non habuisse, nec gladii potestatem, sed nudam executionem, & legis actionem; perinde ut lictorem ipsum, ad quem Brutus verba faciens; Lictor, inquit. lege age. eum verò qui semper extra ordinem cognovit de capitali crimine, nullis vinculis constrictum fuisse, quin pœnam arbitrato suo leniret aut exacerbaret, dum tamen non excederet modum, ut scripsit Vlpianus in l. hodie de pœnis: idcirco gladii potestatem habuisse. eodem modo Romani Consules accepto exercitu, belli gerendi potestatem habuerunt jure magistratus, ut pro suo arbitrio lacefferent aut invaderent hostem; rationemque commeatus, ac militarem disciplinam sua voluntate regerent: bellum autem indicere aut finire non potuerunt: hoc enim plebis; illud populi proprium erat. hinc deditio Consulium, qui cum Samnitibus & Numantinis fœdera percusserant injussi. hinc Helvetiorum exercitus icto cum Tramulio fœdere obsides accepit qui capite luerent, nisi princeps id ratum haberet; quia solius principis est bellum indicere ac finire. Itaque Cato Cæsarem Gallis dedendum esse suadebat, quod injussus bellum illis indixisset. cum verò imperatori pacis sanciendæ potestas, aut indicendi belli certis legibus aut conditionibus permittitur: quod fit extra ordinem, nec mandatum egredi potest, nec alteri mandare, quia non habet id jure magistratus & imperii, sed nudam legis actionem. at Dictator belli, pacis, vitæ, necis, totiusque Reipublicæ potestatem habuit jure magistratus: sed tamen precario, & quandiu Reipub. dictator, qui non propriè magistratum, sed curationem gerebat. Ac tametsi proprium est imperium magistratus, nihilominus tamen, nec magistratus, nec honores ququam habet suo jure: sed veluti depositos quousque tempus finiatur, aut is qui dedit, repetat. id enim voluit Vlpianus cum diceret, acceptum

magistratum deponi ; id quod Alciatum conturbavit : quæ autem singulari jure ac legis actione magistratui aut privato creduntur, mortuo principe, vel eo qui mandavit revocantur, si res integra sit, ut in procuratore : quæ autem jure magistratus competunt , non item. sed hæc suo loco fusius : & hæc in libro De Imperio sunt à nobis accuratius disputata. Alia quæstio difficilior est, utrum Senatus decreta principis egeant sanctione, aut eorum qui Reipublicæ summam habent? de principe minus ambigitur, propterea quod sui Senatus & consilii caput est. itaque omnia decreta principis habent sanctionem, nec aliter vim haberent, quam si princeps ipse juberet, quia Senatus nullum imperium , nullam habet jurisdictionem : nisi principis aut populi patientia , qui acta Senatus probare videtur , quæ non improbat , sed si quid gravius est quod ad majestatem pertinet , ad principem referri solet ; eo quidem jure utimur, sed in populari & optimatum statu, obscurius est ; quia nec populus, nec optimates omnes consiliis de Republica incessere possunt, & ut possint , perniciofa tamen res est , ac periculi plena consilium sacrosanctum manare in vulgus : sed aliter sanciri non possunt quam intelligantur : illud tamen confirmat Dionysius lib. I I. Non enim Senatus Romanorum , inquit arbiter est *κύριος* earum rerum quas decrevit, sed populus. hinc illa frequenter apud Livium; Senatus decrevit, populus jussit, & cum Scipionis Africani potentiam indicat ; Sub umbra Scipionis , ait , civitatem dominatam orbis terrarum latere : nutus ejus pro decretis patrum , pro populi jussis esse. neque verò quicquam sacrosanctum esse potuit , inquit Cicero , nisi quod plebs populusve jussit. itaque Senatusconsulta duntaxat annua fuisse , contra quàm Conanus putat, auctor est idem Dionysius lib. VII. æque ut apud Athenienses, quemadmodum Demosthenes adversus Aristocratem scribit nec populum aut plebem tenuisse : non aliter ac magistratuum edicta, qui levioris duntaxat mul-

&c

Etæ irrogationem habuerunt post legem Aterianam: gravioris autem irrogatio ac mulctatio, fiebat iudicio plebis, ut videre est apud Livium libro vigesimoquinto. & ubique apud Valerium. quare cum solius populi proprium esset legem habere, nec magistratum iusta, nec Senatus decreta leges dicebantur, & à legibus plurimum differebant, tum pœna, tum sanctione, tum etiam vi ac potestate. nam in lege sancienda, non modo magistratus, sed universus populus jurabat in legem, ut scribit Appianus lib. I. bellorum civilium. itaq; XII tabulis & sacratissimis legibus comprehensum erat, ne quis legibus solveretur, nisi per populum. & quemadmodum conventionis leges derogare non possunt juri publico: nec collegiorum statuta municipalibus: neque lex municipalis civitatum moribus: nec civitates legibus imperii: ita nec privati magistratum imperio derogare potuerunt: nec imperia Magistratum Senatus auctoritati: nec auctoritas Senatus, plebis potestati: nec plebis potestas majestati populi; penes quæ fuit totius imperii summa. Sed quoniam periculosum videbatur consilia Reipublicæ manare in vulgus (id autem necesse erat, si omnia decreta Senatus à populo sancirentur) Senatui tributum est à populo, ut cætera quæ ad Rempublicam pertinerent administraret, excepta creatione magistratum, legum ferendarum, belli & pacis, vitæ ac necis & extrema provocatione, quæ propter imperii majestatem populus sibi reservavit: ut videre est in oratione M. Valerii consulis apud Dionysium, & ex ipsius Polybii sententia: in reliquis ne Senatus potestate abuteretur, permisum est Tribunis plebis adversus omnia Senatusconsulta intercedere. itaque cum Senatus haberetur, stabant Tribuni pro foribus, nec prius Senatusconsultum ratum erat, quam Tribuni litteram T. assensionis indicem superscripsissent. postremis temporibus in Senatum licuit venire. quæ igitur Senatui vel magistratibus tribuuntur, rationem habent à summo imperio divisam,

alioqui fatendum sit summum imperium in iis
esse qui ab aliis acceperunt. quæ si absurda vi-
dentur, absurdum quoque debet videri, quod
Polybius affirmat, Reipublicæ summum impe-
rium partim in populo, partim in Senatu, par-
tim in Consulibus fuisse: ac propterea impe-
rium temperatum videri ex optimatibus, regno
ac populo. quam opinionem Dionysius ac Ci-
cero arripuerunt: deinde Machiavellus, Conta-
renus, Th. Morus, Garimbertus, Manutius, ve-
hementer probarunt: qui nobis sunt disputatio-
ne refellendi, propterea quod ad historiam Re-
rumpublicarum penitus intelligendam magnum
habet ea disputatio momentum. cum enim acer-
rima contentione ageretur apud Florentinos de
libertate populo restituenda, nec tutum videre-
tur, & perniciosum esset imperii arcana manare
in vulgus, decretum est oportere à populo se-
mota fece plebeiorum, qui per leges magistra-
tum capere non possent, leges juberi ac magi-
stratus creari, cætera per Senatum & populi
magistratus explicari, sic enim Guicciardinus
scribit. Ex quo etiam planum fit, imperii summi
jus in his præcipue versari. Prius igitur in omni
Repub. intuendum est, quis imperium magi-
stratibus dare & adimere, quis leges jubere aut
abrogare possit, utrum unus, an minor pars ci-
vium, an major. hoc percepto, facile intelligi-
tur qualis sit Reipublicæ status. nihil enim quar-
tum esse, ac ne cogitari quidem potest. neque
enim virtus aut vitium efficit Reipublicæ va-
rietatem. sive enim princeps injustus sit, sive
probus, monarchia tamen est. idem de optima-
tibus & populo judicandum, qui ut nihil aliud
habeant quam magistratum creationem, sum-
mum imperium habent, & ab iis status Reipu-
blicæ pendeat necesse est. hunc igitur statum o-
ptimum dicemus, aut popularem (his verbis
utamur, ne specie virtutis ac vitiorum Aristoc-
ratæ, Oligarchiæ, Democratiæ, Ochlocratiæ
appellationibus sæpius uti cogamur) multo ma-
gis si præter magistratus creationem, belli quo-

que ac pacis, vitæ ac necis potestas adsit. hæc autem non modo in monarchia, sed etiam in optimatum ac populi statu semper fuisse constat. quod enim dicitur à Senatu & Præfecto Prætorio provocandi jus non esse, ad jus ordinarium pertinet, quia principem vel populum extra ordinem appellare licet, quod Arcadius supplicare dixit, cum rei novitas postulat, aut gravitas personarum. Sed ne infinitum sit ex historiis omnia persequi, Atheniensium, Romanorum & Veneratorum exemplis utemur, ut falsum esse doceamus, quod illi de Romanorum temperato statu tradiderunt.

Sic igitur existimo, Romanorum statum Polybii ac multo magis Dionysii & Ciceronis ætate omnino popularem fuisse. nam exactis urbe regibus, prima lex à Bruto de imperio lata est ad populum, ut annui Consules à populo crearentur, sic enim Livius ac Dionysius tradunt. ex eo constat omne imperium consulare à populo peti & impetrari debuisse. quod igitur ajunt regni speciem in consulibus fuisse, tam falsum est, quam si quis dicat, Præfectum Prætorio sub Imperatoribus Romanorum, aut Bassam maximum apud Turcas, vel etiam Palatii magistros sub regibus Gallorum, regiam potestatem habuisse, quod per se ipsi maxima quæque in Republica gererent. & quidem hi potestatem non modo majorem quàm consules, sed etiam perpetuam habuerunt: quare si absurdum est, Regiam potestatem in magistro militum, multo absurdus est in Consulibus collocare: postea docebimus potestatem Tribuni plebis Consulari majorem fuisse. Venio ad Senatum, in quo Aristocratiæ speciem posuerunt. cum tamen jus omne ac imperium à populo haberet, quippe Senatorum delectus populi arbitrio vel jussu fiebat. Majores nostri, inquit Cicero, ita magistratus annuos crearunt, ut consilium Reipublicæ præponerent sempiternum, deligerentur autem in id consilium ab universo populo, aditusque in illud summum ordinem omnium civium indu-

*Status
Romanorum.*

striae

striæ pateret. Postea populus ut eo labore se levaret, lege Oviana tribunitia, ut est apud Festum, iussit Censores primum quemque ex omni ordine curiatim agerent. Censores autem à populo ut reliqui magistratus creabantur: consequens est igitur imperium quantumcunque fuit, populo acceptum terre. ubinam igitur Aristocratia Senatorum? nam si ulla est, eadem in regno sit oportet. ubi consilium à principe constitutum, parem atque Senatus romanorum potestatem habet: quem tamen imperii societate cum principe copulare, non modo stultum, sed etiam capitale est. idem judicandum relinquitur de Senatu romanorum, quem isti cum populo in partem imperii vocant, id est dominos cum servis & procuratoribus imperii societate conjungunt. tenemus igitur omnia Senatus & magistratum imperia, in arbitrio & voluntate populi fuisse. quod satis esset argumenti ad iudicandum, statum fuisse omnino popularem. sed altera quoque lex à P. Valerio Bruti collega lata est, quam Livius appellat præsidium unicum romanæ libertatis, qua primo capite cautum est, ut adversus omnes magistratus, ad populum liberè provocaretur; altero capite, ne quis magistratus civem romanum adversus provocationem verberaret, aut necaret, aut pecunia multare vellet: deinde ne quis imperium haberet, nisi cui à populo datum esset, adjecta capitali pœna. in eo quoque sibi consentiunt Livius, Dionysius, Valerius, Plutarchus & Pomponius. nam ea lex de provocatione, quod sæpius violaretur, ter in eadem gente lata est, à P. L. & M. Valeriis. ubinam Aristocratia in Senatu? ubi regnum in consulibus, qui nec civem verberare, nec multare contra provocationem poterant; quod autem belli jus omne esse in populo, planius est, quàm ut egeat exemplis. nam id Servia lege sub regibus cautum erat, ut Dionysius tradit, multo magis post refugium, Livius libro IV. Controversia fuit, inquit, utrum populi jussu bellum indiceretur, an satis esset Senatusconsulto,

pervicere Tribuni denunciando se delictum impedituros, ni Quinctius ad populum ferret. omnes centuriæ jussere. consimiliter lege Acilia bellum adversus Antiochum susceptum est, jus autem verberum, libertatis, exilii (jam de nece dictum est) in populo fuisse, planum est ex lege Portia Tribunitia, lata Valerio & Appulejo Coss. anno ab V. C. c d L I I I I. (fallitur enim Sigonius, qui à Catone Censorio latam scribit) qua lege verbera sunt à corpore civium amota: quæ lex anno centesimo post, Sempronia rogatione sanctius confirmata est, adjecta pœna perduellionis. Quid igitur Polybius? Si quis, ait, ad populi potestatem se convertat, putabit rempublicam esse popularem: si verò ad Senatum, judicabit imperium optimatum, quia consilio publico præest, ærarii potestatem habet, legationem admittit, de conjuratione, perduellione, ac veneficiis cognoscit. in eo multa peccat, ut etiam in explicanda potestate populi, quem cum plebe (ut Græci fere omnes) magno errore confudit. nam quæ in Senatu maxima fuerunt, omisit: quæ sine populo fieri non poterant, Senatui propria fecit. nihil enim majus habuit Senatus quàm illud S. C. V I D E A N T C O S S. &c. quod velut gladium extremis Reipublicæ temporibus exeruit in Sp. Melium, Gracchos, Saturninum & Cæsarem, habuit quoque Dictatoris creandi potestatem, sed dumtaxat extra ordinem. nam interrex à Consule, Dictator ab interrege decreto Senatus, cum res ita postularet, creari solebat. qua ratione, inquit Dionysius, Senatus plebem fefellit. sed illud imperii arcanum Tribuniplexis facile detexerunt, nec Dictatorem optima lege creari diu permiserunt, id est sine provocatione: sic enim Festus optimam Dictatoris legem appellat. cum autem magistratus omnes creato Dictatore abdicarent, Tribuniplexis imperium retinebant, inquit Plutarchus, & adversus Dictatorem cives intercessione juvabant. ut adversus Fabium Maximum Dictatorem, cum de Minutio magistro mi-

militum pœnas exigere vellet, Tribuni perse-
 cerunt, ut pœnæ metu liberatus, Dictatori po-
 testate par esset. quod de capitalibus judiciis
 tradit Polybius, falsum esse docuimus in lege
 Portia, Valeria, Sempronia. sic enim Livius Se-
 natorem loquentem inducit: per Senatum agi de
 Campanis qui cives Romani sunt, injussu popu-
 li non video posse. at Campani cùm Annibalem
 diu fovissent, maximo crimine perduellionis te-
 nebantur. Cur ergo, dicet aliquis, injussu po-
 puli tot cives à Senatu, plures etiam à magistra-
 ribus supplicio affecti? cujus rei cùm infinita
 sint exempla, nullum tamen illustrius est, quam
 de exercitu, qui ad Rhegium Iubellio Impera-
 tore mortuo scribam elegerat: Senatus, inquit
 Valerius, tam acerbe tulit, ut milites in urbem
 revocatos capitis damnaverit, & quotidie quin-
 quagenos verberibus cæsos securi percussit,
 tum etiam sepeliri ac mortem lugeri vetuerit.
 M. Fulvius Tribunus pleb. frustra clamare: mo-
 rem majorum violari, leges sacratas à Senatu
 convelli. Appius vero Consul in exercitum mili-
 taris disciplinæ proditorem invecus, centurio-
 nes, signiferos, duplicariosque verberibus, non
 in castris, quod imperatori licebat, sed in media
 Vrbe cæsos morte affecit, reliquæ multitudinis
 decimum quemque ad supplicium legit. Consi-
 militer Senatus plerosque legibus solvebat con-
 tra leges sacratas, & ante legem Corneliam.
 Cui objectioni respondet quidam Iurifconsultus:
 Non quid Romæ fiat, sed quid legitime fieri de-
 beat spectandum esse, neque enim ex abusu, sed
 ex ipsis Reipublicæ institutis judicandum est de
 statu civitatis. nam Triumviri capitales, qui dun-
 taxat in servos, & extremæ sortis peregrinos
 animadversionem habuerunt, non tantum cives,
 verum etiam magistratus ipsos, & quidem Cu-
 rules in carcerem coniectos capitali supplicio
 affecerunt, ut videre est apud Valerium Maxi-
 mum. licebat tamen cuique majestatis illos ac-
 cusare, ut Ciceronem Clodius perduellionis apud
 plebem damnavit, quod de conjuratis in-
 jussu

jussu populi supplicium sumisset. sed illud quoq;
 judicium Ciceronis rescissum est, quia non nisi
 à populo judicari potuit. hinc certamina plebis
 adversus patres, & magistratum inter ipsos,
 cum imperio contra leges abuterentur. fuerunt
 igitur in magistratibus magna imperia, sed ta-
 men moderata, in Senatu major quam in magi-
 stratibus auctoritas, in plebe maxima potestas:
 sed ipsius Reipublicæ majestatem & summum
 imperium in populo fuisse, nemini dubium est
 in eam rem penitus intuenti: tum ex iis quæ di-
 ximus, tum etiam ex eo quod populus inter pa-
 tricios & plebem, veluti iudex & arbiter con-
 troversias dirimebat. cum enim Senatus plebem
 opprimere, aut plebs in Senatum insurgere co-
 naretur, nullus erat componendæ seditionis mo-
 dus, nisi consules ipsi, aut creatus Dictator po-
 pulum rogaret, quid fieri vellet, ut videre est in
 tribus secessionibus plebis: maximè vero illa in
 tanta tamque diuturna contentione, qua patricii
 plebiscita, plebs Senatusconsulta pertinaciter re-
 spuebat. nam L. Valerius, & M. Horatius Coss.
 convocato populo, ut est apud Dionysium, le-
 gem tulere comitiis centuriatis, ut plebiscita Se-
 natum tenerent, repente seditio conquievit. sed
 paulatim Senatus plebiscita repudiare, Tribuni
 furere, Senatui intercedere. rursus anno decimo
 ac centesimo post, Q. Philo Dictator creatus,
 eandem legem ad populum tulit, ut plebiscita
 perinde vim legis haberent, ac si populus jussis-
 set. illud etiam uno capite cavit: ne leges cen-
 turiatis comitiis ad populum ferrentur incon-
 sulto Senatu. ad plebem verò inconsulto Senatu
 ferebatur, ac propterea ægrè impetratum est
 à patriciis, quin plebiscita sæpe violarent, quo-
 usque Dictator Q. Hortensius eandem legem
 anno post quinquagesimo ad populum ferret. at-
 que hinc imperii Romani labes, quod plebi, hoc
 est infimæ multitudini permissum sit legem ju-
 bere, qua perinde tenerentur cives ac si populus
 ipse jussisset. impetravit etiam plebs, ut omnes
 Magistratus ac Pontifices crearet; præter Con-
 sules,

sules , Prætores ac Censores. præterea judicio-
rum publicorum, præterquam capitalium pote-
statem, utque bellum populo indictum finiret,
ac imperium à populo datum prorogaret. tan-
dem cætera quoque plebs impellentibus Tribu-
nis arripuit: bellum sæpius indixit, ut rogatio-
ne Sulpicia, Manilia, Gabinia, quas ad plebem
contra morem majorum Tribuni tulerunt, & o-
ptimos quosque contra leges sacras exilio dam-
narunt. ex quo factum est, ut à populo ad ple-
bem: à Democratia ad Ochlocratiam, & fecem
populi summa rerum delaberetur: iis maxime
temporibus, quibus Gracchus uterque, deinde
Livius Drusus, post etiam Saturnius ac P. Sul-
picius Tribunipleb. urbem suo civiumque san-
guine fœdarunt. sive igitur populo, id est
quinque classibus (nam sextæ nulla ratio habe-
batur in majoribus comitiis) sive plebi, hoc est
omnibus civibus præter patricios in xxxv tri-
bus promiscue divisus imperii summam de-
mus, perspicuum sit ejusmodi statum esse po-
pularem, Senatū verò auctoritatem omnem
à populo habuisse, nec sine populi jussu aut as-
sensione quicquam potuisse, aut quæcunque ju-
beret populi nomine jussisse; quid autem interest
ad statum Reipublicæ judicandum, an populus
ipse jubeat, an suo nomine jubeatur? absurdus
tamen videtur id quod unius est, puta regiam
potestatem duobus Consulibus tribuere velle,
cum multo major fuerit in Tribunis. neque enim
verum est, quod Carolus Sigonius in cap. de
magistratibus scripsit; Consules ab omnibus ma-
gistratibus concionem avocare potuisse, ab iis
neminem: cum nihil frequentius occurrat,
quàm intercessio Tribunorum adversus Consu-
les. scribit Livius lib. xlii. bona Tib. Gracchi,
ejus qui Consul & Censor fuerat, à Tribunople-
bis, consecrata, quod in multa pignoribusque
capiendis, intercessioni Tribuni non paruisset. i-
dem Claudio Censorio diem dixit, quodd concio-
nem à se avocavisset. L. quoque Flavius Tribun.
pleb. Metellum Consulem, alius Appium Cen-
forem

forem in vincula duci iussit, ut est apud Livium lib. IX. Idem lib. II. Tribunus, inquit, viatorem mittit ad Consulem: Consul lictorem ad Tribunal, privatum esse clamitans, sine imperio, sine magistratu. Drusus tamen Tribunus pleb. Philippum Consulem, quod se in concione interpellaret, obtorta gula per viatorem in carcerem adegit, ut scribit Florus cap. LV. at Tribuni sacrosanctum corpus attingere violandi causa, capitale fuit. ique in Vectius impunè cæsus est, quod non assurrexisset Tribuno. denique tanta potestas erat Tribuni plebis, ut non modo Senatus, sed etiam magistratuum & collegarum, ipsiusque plebis acta unus sua intercessione impediret: nec ulterius progredi poterant, nisi prius imperium illi à plebe solenni jure suffragiorum abrogaretur. argumentum sit M. Octavius Trib. pleb. qui, ut est apud Plutarchum, omnibus collegis ac Tiberio Graccho legem Agrariam ferenti solus intercessit. neque enim lex ante perferri potuit, quam imperium illi adimeretur suffragio plebis. postremo, creato Dictatore, soli Tribuni imperium retinebant, cum cæteri magistratus abdicarent. igitur si regia potestas in Consulibus; multo certe major in Tribunis: nisi objiciant ea, quæ tanti facit Contarenius, ornamenta regia defuisse; propterea quòd in Vrbe semper, & inter plebejos homines versari oportuit, sine fascibus, sine lictoribus, sine sella curuli, sine vocatione, sine jurisdictione; ut ob eam causam Plutarchus in questionibus, & Livius lib. II. magistratus esse negarint. sed his omissis, cum civium omnium bona, fortunæ, libertas, vita, mors, totiusque Reipublicæ status, imperia, jura, leges, bella, fœdera, magistratuum denique ac pontificum, ipsiusque Senatus auctoritas à populi voluntate penderet; quis amplius dubitet Rempub. fuisse popularem? magis quidem Athenienses quam Romani populares, utrique populares tamen. Hæc à nobis suffus disputata sunt, ut Polybii, Ciceronis ac Dionysii de temperato Reipub. statu opinionem consutarem, nostram tueremur; quæ vera sit

fit an falsa, non affirmabo, sed veri tamen similior est quam illa. Nunc facile est Machiavelli, Contareni, Sigonii, Manutii, & aliorum, qui in eadem sententia fuerunt, refellere argumenta. Posuerunt enim ex ipsius Polybii ac Dionysii sententia, Lacedæmoniorum æque ac Romanorum, deinde etiam Venetorum Respub. ex his tribus, quæ dixi, generibus esse temperatas ac modicè confusas. Quod ad Lacedæmonios attinet, videtur Aristoteles iis errandi occasionem præbuisse, qui temperatum Reipub. genus esse putarunt: propterea quod aliorum sententias retulit, qui partim popularem, partim regiam, partim optimatum esse dicerent; quos non refellit, sed cùm sublata disputatione tria dumtaxat Rerumpub. genera posuerit, non amplius quærendum videtur, quid de re tota sentiat cum apparet quid scripserit. Si quis tamen ejus Reipub. statum penitus intelligere velit, neque ex Aristotele, quem Plutarchus tacitè refellit, nec à Xenophonte, qui de moribus duntaxat, iudicavit: sed ab ipso Plutarcho hauriendum, qui Lacedæmona profectus est, & antiquissimos rerum Laconicarum scriptores conquisivit, ut verius ac melius scriberet.

*Statius
Lacedæ-
monio-
rum.*

Is igitur scribit, Lycurgum regia potestate sublata, Senatum xxvi i i virorum creasse, quibus conjunxit duos reges, Charilaum fratris filium & Archelaum, qui ab Hercule genus ducebant, lege promulgata, ut Senatus ille xxx virorum omnia decerneret, quæ ad Rempublicam pertinerent, deinde populus decreta Senatus sanciret. nihil aliud est à Lycurgo de statu Reipublicæ constitutum, nec ulli magistratus creati præter magistrum juventutis. regibus autem quasi ducibus belli gerendi curam dedit. Dionysius quoque lib. 2. confirmat, Lycurgum populo permisisse, ut leges juberet, magistratus crearet, bellum indiceret ac finiret, ex quo perspicuum fit, Lycurgi statum omnino popularem fuisse. sed cum populus decreta Senatus plerumque sancire nollit, ut Plutarchus; Theopompus

æ Polydorus reges anno trigesimo ac centesi-
 mo post Lycurgum, imperium illud summum
 populi transtulerunt ad Senatum, quasi oraculo
 iubente, ne populus ereptam sibi potestatem lu-
 geret, tum Ephoros quinque cum annua potesta-
 te creari voluerunt à Senatu, quasi speculatores
 regum & Senatus, ne tyrannis usurparetur. nam
 reges, præter nomen nihil habuerunt. in quo
 Machiavellus & plerique alii fallunt, qui affir-
 mant unum duntaxat regem fuisse. at si regia
 potestas, quæ unius propria esse debet, duorum
 communis sit, erit & plurimorum: ex eo igitur
 popularis imperii secuta conversio est in opti-
 mates. nihil enim populo relictum est in impe-
 rio loci: hoc tantum, quod uno ex optimatibus
 mortuo, cum candidati præterirent, ut quisque
 gratissimus erat, sic majores plausus ferebat;
 tum arbitri qui sub tecto latebant, eum qui
 plausu majore exceptus esset Senatorem renun-
 ciabant. sed nullæ tabellæ, nulla suffragia, nulla
 denique ratio comitiorum. Ephoros quinque an-
 nua potestate creabant optimates, qui magi-
 stratus omnium maximus erat. nam regibus ci-
 ves omnes præter Ephoros, reges Ephoris assur-
 gebant. Iidem Ephori cives ac reges ipsos arbi-
 tratu suo mulctabant, & omnium judiciorum,
 præterquam capitalium, jus habebant, ut est apud
 Xenophontem. quinetiam rex Agis in car-
 cerem ab illis conjectus, & supplicio affectus
 est, cum populi mores emendare, ac leges Ly-
 curgi restituere conaretur: & antea sæpe regi-
 bus capitalem accusationem intentaverant, ac in
 exilium miserant, ut in Agide & Cleomene Plu-
 tarchus scribit. si igitur Polybius ac Dionysius
 regiar potestatis speciem nomini tribuunt, debue-
 rant in rege sacrorum, qualis fuit apud Roma-
 nos & Athenienses, non in Consulibus regnum
 stabilire, aut regiam potestatem Ephoris quo-
 que communicare, qui tam imperiosè se gere-
 bant, ut ineunte magistratu omnibus civibus e-
 dicerent *κρίνειν τὸν νόμον*, id est radere mustacam,
 quemadmodum Aristoteles scribit, non aliam ob
 causam,

causam , quam ut cives intelligerent eorum iustis obediendum esse. ex quo intelligitur juniores , Polybii ac Dionysii præclara specie se tenuisse : sed rationibus oportet, quare quidque ita sit, docere , non auctoritate. : quanquam nostræ sententiæ magnos quoque auctores habemus: Thucydidem, Xenophontem, Aristotelem, & Plutarchum, qui uno consensu tradunt Athenienses cum Lacedæmoniis annos amplius xxx gravissima bella gessisse, ut alteri populares, alteri optimatum status in tota Græcia stabilirent. nam victis Atheniensibus, Lacedæmonii statum popularem everterunt, optimates triginta, qui tyranni sunt appellati, summo imperio præfecerunt. id quod apertius Demosthenes in oratione contra Leptinem scribit, Senatores rerum dominos esse in Republica Lacedæmoniorum, populum verò apud Athenienses. quare æquius erat, ut Polybius, Dionysius, Contarenius, Machiavellus, tot ac tam multos scriptores, ac tantæ auctoritatis prius coarguerent, quam Lacedæmoniorum statum ex optimatibus esse negarent. recte igitur Aristoteles tres omnino Reipublicæ status laudabiles posuit, ac totidem vitiosos: qui tamen plures tribus esse nequeunt, ut antea dixi, cum nihil referat quoties de statu quæritur, probi an improbi sint qui imperio præsunt: neque enim minus civis est vir sceleratus quam bonus: & optimus quisque vir pessimus civis est, quia solitudinem quærens, totus in cælum contemplatione fertur. quare unum ex omnibus civibus præesse oportet, aut plures uno, minorem tamen civium partem, aut omnes sive ex omnibus plurimos, nihil aliud fingi potest: erit quidem aliud imperium alio magis popolare tamen. hac proposita disputandi regula, consequens est, apud Venetos unum aliquem summum imperium tenere: aut minorem partem civium: aut omnes, seu magnam omnium partem: hoc est Monarchiam esse, vel Aristocratiam, vel Democratiam. igitur planum sit ex ipsius Contareni, Sabellici, & Bembi scriptis, Venetiam ab originis

nis suæ primordio popularem fuisse, postea temporis decursu, ad optimates delapsam. si enim popularis fuit Respublica Romanorum, ut antea docuimus, si popularis Atheniensium, ut omnes fatentur; Venetorum quoque Respublica initio popularis erat: verum illud; hoc igitur. Prima lex imperii popularis omnium maxima, quam à Solone latam scribit Plutarchus, ea ipsa est quam Brutus primus omnium Consul, quam Valerii tres tulerunt, ut esset ab omnibus magistratibus provocatio ad populum. hanc quoque legem ut omnium antiquissimam nascente Venetorum Republica latam scribit Contarenus, cum Veneti simul in eadem æstuaria coaluerunt. id autem Caroli Magni temporibus contigisse narrat, cum antea in scopulis huc illuc dispersi Reipublicæ formas singulares haberent. neque verò ante hoc tempus duces ullos aut Senatum, aut magistratus creati memorantur, sed primus omnium Paulus Anasatus anno Christi DCCCXI. dux est electus. antea cujusque pagi suum jus erat & imperium ab aliis divisum. itaque fallitur Manutius, qui Rempubl. Venetorum MCCXX annos in eo statu floruisse affirmat: recte Iovius, DCCC. cui congruit Gianotus Donatus civis Venerus, qui accuratissimè de Reipubl. Venetorum scripsit. non enim quæritur quo quæque civitas tempore condita sit, sed quando quæque Respubl. cœperit, aut defierit eodem statu vigere. cum igitur omnes in eandem urbem coissent, lex illa de provocatione, quæ popularis imperii rationem continet, non ad optimates aut patricios, qui nulli erant, sed promiscuè ad populum, id est ad civium omnium multitudinem simul coactam lata est. negat enim Contarenus patriciorum ac plebejorum discrimen fuisse, cum cives omnes eodem jure censerentur, atque ejusdem imperii popularis participes essent. nam Vespucius apud Guicciardinum in oratione quam habuit Florentiæ pro statu optimatum (agebatur enim de convertenda Florentinorum Repub.) exemplum urbis Venetæ

proposuit. Soderinus verò popolare imperium tuebatur, & eos qui Venetiis Rempublicam gerunt; docebat errore patricios vocari: cum nihil aliud essent quàm cives, reliquos esse peregrinos: cui consentaneum est quod Gianotus Donatus, civis Venetus, in eo libro quem accurate de Republica Venetorum scripsit, verbum Gentilhuomo, nusquam in monumentis Venetorum usurpari, ante tempora Sebastiani Ciani, hoc est ante annum M C L X X V. quod quidem si Veneti fateantur, Respublica plane popularis erit, cum illa civium omnium multitudo, peregrinis exclusis, summum jus provocationis habeat, magistratus omnes ac imperia tribuat, leges denique jubeat; ut scribit Contarenius: addo etiam belli ac pacis, vitæ & necis potestatem; ut videre est apud Bembum in bellis susceptis adversus Iulium Pontificem Max. & Ludovicum Regem Gallorum, quæ non ante gesta sunt, quam populus suis suffragiis jussisset. nec obest quod interdum bella suscipiantur decreto Senatus, si ne populi jussu; cum id sæpissime quoque fieret apud Romanos & Athenienses. ac tametsi raræ sunt provocationes à decemviris & XL viris, ne libera provocatione sæpius admissa scelerum impunitas consequatur; nihilominus tamen interdum quæstiones capitales propter civium dignitatem, aut sceleris atrocitatem ad populum deferuntur, ut videre est apud Bembum; in judicio Ant. Grimani, qui propter generis splendorem & potentiam à populo judicatus est, exilioque damnatus. nec si judices supplicia de sceleratis sine provocatione sumunt, propterea necis ac vitæ jus habent, cum legibus obstricti teneantur, nec merentes morte liberare possint: hoc régis est, aut populi, aut optimatum, apud quos clementia contra leges locum habet. itaque Cicero veniam pro Ligario precatus à Cæsare; Apud Iudices, inquit, nunquam egi hoc modo: ignoscite iudices, erravit, temere fecit, si unquam posthac: ad parentem sic agi solet: apud iudices, non fecit, non cogitavit, falsi testes, si-

ctum crimen. Quod si x viri aut xl viri prævaricantur, exacto, magistratu accusari possunt. videmus igitur illa quæ ad imperii majestatem pertinent, populi Venetorum, id est, civium omnium esse propria, cætera fere à decemviris geruntur: quod si majoris momenti res est, accire solent septem viros: si dissident inter se, adhibentur quoque xvi viri præconsultores: si ne inter ipsos quidem conveniat, aut gravioris momenti res videatur, ad Senatum: si nec in Senatu transigi possit, aut ad imperii majestatem pertineat, fertur ad populum: ut apud Carthaginienses (quorum imperium popolare fuisse tradit Aristoteles) fieri solebat. Iam verò cum sexdecim creandorum magistratuum genera sint, idque, sorte, vel electione, vel utroque (quibus adicienda sunt duo genera regie potestatis, cum omnes, vel pauci ab uno creantur) nullum tamen Aristoteli magis popolare visum est, quam omnes magistratus ab omnibus civibus creari, ut apud Venetos; in illa quam dixi civium omnium multitudine (quoniam reliqui Contareno ac Sigonio peregrini, non cives habentur) omnes ab omnibus imperia consequuntur, & quidem sine ulla ratione census, nobilitatis, eruditionis, dignitatis: cum tamen apud Athenienses, qui omnium maxime populares fuisse dicuntur, magna ratio census haberetur, nec quartæ classi, quæ cæteras multitudine longe superabat, ullus esset aditus ad honores ex lege Solonis, quousque Aristides legem abrogavit, quin etiam sorte, quæ ipsa nullum virtuti relinquit, nec honestati locum, maximè quique honores mixti suffragiis, apud Venetos tribuuntur: at nihil magis popolare Aristoteli visum est, quàm sorti magistratuum permittere creationem. contra verò apud Lacedæmonios, quorum Rempubl. suæ similem facit Contarens, nullus omnino sorti locus erat. Quæ cum ita sint, non video cur Contarens Rempublicam Venetorum ex triplici genere temperatam esse putet: est, inquit, in magno concilio popularis, in Senatu optimatum, in du-

ce regia potestas. sed unde annum imperium Senatui, duci, magistratibus, nisi à populo? dux autem ne vocationis quidem aut prehensionis jus habet. neque vero satis est armis illum & imperio spoliasse. adhibuerunt etiam decem viros exploratores, ac libertatis custodes, qua supplicium de Faliero dūce sumserunt. at imago ducis est in numismate, dat nomina festis, ut ubique regis speciem intueri possis, inquit Contarenus, potestatem nusquam. idem quoque dici poterit de Consulibus Romanis, & Archonte Atheniensium: & eadem ratione Athenis regnum imperio populari confusum dicemus. idem etiam judicandum relinquitur de statua, veste purpurea & aurea corona insigni; addo sceptrum ac diadema, quæ rex Venetorum gestare prohibetur, regis speciem & imaginem intueri licet, potestatem nusquam; si hoc absurdum, illud quoque. profecto consimiliter faciunt ut indocti pictores, qui cum virginem Mariam in stabulo male tecto parientem constituunt, eandem aurea veste & corona nobili solœcismo exornant. & quoniam Contarenus eos tantum quos vocat Patricios, cives esse arbitratur, ceteros omnes habet loco peregrinorum, secutus civis definitionem ab Aristotele iniectam: necesse est ista ratione Rempubl. Venetorum popularem dici, ut Soderinus differebat, ac ipse Contarenus fateatur, in magno civium concilio popularis imperii rationem inesse: neque enim civium magnus numerus statum efficit: sed illud spectandum, an omnes cives imperii participes sint: alioquin Atheniensium quidem Respublica Periclis tempore quo maxime florebat, popularis dicitur: quia tametsi non plures xlv millibus & ccc millibus civium utroque parente Periclis temporibus censi feruntur, quinque millibus qui pro civibus irrepsent publice venditis. sic enim Plutarchus scribit in Pericle. post aucta multitudine censa fuerunt xx millia civium, decem peregrinorum, & ccc millia servorum, ut Athenæus tradit, Demosthenes in oratione con-

contra Aristogitonem scribit, xx millia civium suis temporibus Athenis censa fuisse: non meminuit peregrinorum. Dinarchus vero adversus Demosthenem, ait, mille & quingentis civibus reorum suffragia permitta fuisse: ex quo intelligitur, paucos admodum in tanta multitudine imperium tenuisse. idque Demosthenes in oratione de Republica ordinanda scribit, oratores Reipublicæ principes esse: his subjectos imperatores: trecentos fere cives suffragium tulisse: reliquos trecentis attributos fuisse. cum igitur in tanto peregrinorum ac servorum numero, tanta civium paucitas imperium haberet, quod omnium consensu populare appellatur: quis neget eâ ratione Venetorum Rempublicam esse popularem, quæ circiter quinque millia civium paulo minus habet, qui honoribus adipiscendis idonei sunt? jam vero negat Aristoteles civitatem esse quæ plures decem millibus civium complectatur. Plato quinque millibus & quadraginta definiit, ac propter numeri fecunditatem, qui divisores habet uno minus quinquaginta, abortus fieri, ac partus non modo monstrosos, sed etiam integros cædi maluit, quam plures admittit.

Sed comparemus, si placet, status Atheniensium, Venetorum ac Romanorum, ut populares esse planius intelligatur (nihil enim cum Lacedæmoniis commune habent) cum de statu Romanorum disputo, intelligo semper popularem illum, quum populus non simulatione imperium habuit, ut olim sub regibus, qui ad populum, belli, pacis, magistratum, ac provocationis summum jus detulerunt, ut est apud Dionysium libro I v. cum revera statuerent arbitratu suo reges ipsi; ut etiam Augustus, qui adepta potestate comitorum imaginem habebat, leges ad populum ferebat, quarum ipse arbiter erat. Illud igitur commune quoddam populi concio imperii summam habuit: hoc tamen interest, quod populus Venetorum, de iis duntaxat quæ ad imperium summum pertinere diximus, cognoscit:

Comparatio Reipublicæ Atheniensium, Venetorum & Romanorum.

cætera Senatui ac magistratibus permittit : raro provocatur ad populum, rarius de bello, rarissime de legibus rogandis aut abrogandis agitur, sed fere magistratum creandorum causa coeunt. at Romana plebs etiam judicia publica definiebat, quæ tamen ad imperii maiestatem non pertinent, quoniam ubique fere magistratibus tribuuntur. populus vero Atheniensis præter leges, foedera, bella, judicia publica, de quibus sæpissime ferebatur, etiam religiones, legationes, consilia, decretaque Senatus ac res levissimas, sæpius quam par esset tractabat. antea quidem multa cogebantur cives concionibus adesse, ut est apud Pollucem, postea Pericles Areopagitarum immutata potestate popularem auxit, propositis populo præmiis. si concionibus adesse vellet. pejus etiam quod suffragia ferebant manuum extensione, id est *χερσποσίω* (uti nunc Helvetii montani) qua tenues, potentiorum vi ac pugnis cogebantur *χερσποσίω*, præterquam in ostracismo & civium cooptatione, ut scribit Demosthenes contra Neæram pessime quod solus populus præmia proponebat, civitatem, immunitatem, largitiones, coronas, proedrias, statuas, victum in Pritaneo concedebat : sic enim scribit Demosthenes contra Leptinem : quæ ab imprudentissimis quibusque extorquebantur, iustissimi vero rejiciebantur. absurdus etiam quod in creandis magistratibus, omnia sorti permittebantur ; ut ea Respublica sortilega verius esset quam popularis, cum imperia sortis, non populi beneficio tribuerentur. melius Romani, qui magistratus omnes eligebant, suffragio tabellarum ex lege Cassia & Papiria, quas mitior à Cicerone repudiari, cum aperta suffragia tantis odiis ac seditionibus sint opportuna. præmia vero populus dabat, quanquam nullum fere apud Romanos, nisi gloriæ præmium propositum videmus, ut etiam apud Venetos, qui peregrinis bene de Repub. meritis civitatem, civibus honores, magistratus ac statuas decernunt. Senatus autem Romanorum hoc differt à Senatu Venetorum,

torum, Atheniensium, Carthaginensium, Genuensium, Rhagusiolorum, & omnium fere Germaniæ civitatum, quæ optimatum imperio reguntur, quod hi annuam, illi perpetuam habuerunt potestatem. Platonis quoque Senatus annuus est, rursus apud Venetos maximam habet Senatus auctoritatem: apud Romanos, mediocrem: apud Athenienses, minimam: nam quo plura populo tribuuntur, eo magis imminuitur Senatus potestas, quæ olim unius Tribuni vetantis oratione suspendi poterat. fallunt enim plerique Romani juris interpretes, qui Senatui legis condendæ potestatem tribuunt. neque enim prius hoc Senatui permissum est, quam Tiberius à populo ad Senatum transtulit jus illud comitiorum, quæ Augustus necis causa reliquerat populo, ad quem leges ferebat, quarum ipse arbiter erat: magistratum quoque ac provinciarum dimidiam partem à populo peti patiebatur, cum ipse candidatos manu duceret. quod igitur Tacitus libr. II. Dio lib. LIV. comitia tradunt ad Senatum translata, eo pertinet, ut ea, quæ simulate populo relicta fuerant, Senatui tribuerentur, ex quo tempore senatusconsulta vim legis habuere, quæ tamen à principe revera fiebant ac sanciebantur, ut videre est in orationibus D. Marci, Adriani, Severi, quas habemus in Pandectis. sed de populari tempore hîc agitur, & Tribunorum potestate. nullus apud Venetos Tribunus, nullus item orator impudens, qui populi voluntates flectere, & unde velit deducere audeat: sed libere Senatus omnia, præter illa, quibus imperii majestas continetur. hoc tamen commune est, quod nihil ad populum Atheniensem aut Romanum ferri potuit inconsulto Senatu, quemadmodum scribit Plutarchus, & Demosthenes adversus Androtionem: quem propterea Demosthenes accusavit, quod inconsulto Senatu legem ad populum tulisset: contra quem Androtio consuetudinem receptam opponit, quod scilicet aliter fieri consuevisset. pejus tamen quod lege permittente ad plebem Romanam ferre li-

cuit inconsulto Senatu. Veneti prudentissimè caverunt, non modo ad populum, sed ne ad Senatum quidem ullius rei rogationem ferre sine consilio XVI virorum, qui sapientes, ab Aristotele *πρόβουλοι* appellantur. hoc idem commune est, quod nulla judicia Senatus Atheniensis aut Romanus attingebat, quamdiu libera fuit Respublica; nisi fortasse rei novitas, aut sceleris atrocitas, animadversionem extra ordinem postularet: sed cum Senatus Atheniensis extra ordinem cognosceret, non maiorem multam quingentis drachmis irrogare poterat, ut Demosthenes contra Evergum scribit: si quid gravius esset, ad populum ferebatur. apud Venetos x viri & xl viri publicorum iudiciorum, cognitiones etiam extraordinarias habent, quas Græci vocant *δικαγγελίας*: hoc tamen amplius habuit Senatus Atheniensium, quod Senatorem ordine movere, & *ἐκφυλάττειν* potuerit, & reos ad populum deferre: apud Romanos, Censorem, apud Venetos, decem virorum potestati tributum est. Sequuntur magistratus qui apud Venetos & Athenienses magnam inter se similitudinem, nullam fere cum Romanis habent. scitum est quam pauci fuerint Romæ magistratus. Athenienses prope infinitos habuerunt. fuit enim præfer Senatum quingentorum virorum, Arcopagitarum curia, quæ parem habuit potestatem atque collegium decem virorum apud Venetos: hoc tamen interest quod hi ad breve tempus; illi perpetuum imperium habuerunt. ac primum sub regibus ad capitales causas: deinde rerum omnium speculatores sunt & legum custodes à Solone constituti, ut Plutarchus scribit. sed quemadmodum Pericles Arcopagitarum potentiam labefactavit: ita non mediocriter decem virorum potestas est imminuta xl. virorum capitalium, deinde vii virorum ac xv virorum creatione. Sequitur collegium novem *ἀρχόντων*, quod vii viris Venetorum non male congruit. item collegium xl virorum, qui de vi & injuriis cognoscebant, & Ephetarum quinquaginta qui

qui cum XL viris capitalibus Venetorum conferri possunt. sed Ephetae de cæde fortuita duntaxat cognoverunt, ut est apud Suidam. Pollucem & Pausaniam in Atticis, ubi copiose genera judiciorum explicantur: neque enim civibus tantum ac peregrinis, sed etiam brutis animalibus, & rebus inanimatis jus dicebatur. quod apud Græcos consuetum erat. nam scribit Plutarchus in Timoleonte, post exactum urbe Dionysium juniorem & Ictem una cum Carthaginensibus supplicium de statuis tyrannorum, quasi de tyrannis sumptum fuisse. fuerunt etiam Arbitri CCCXX, qui ex unaquaque tribu sorte quotannis ducebantur supra sexagesimum annum ut Pollux; vel quinquagesimum, ut Suidas tradit. his fere octoginta viri civilium causarum apud Venetos comparari possunt: XL quidem inter cives & cives; totidem cives inter & peregrinos. Archon præerat arbitris civium, Polemarchus arbitris peregrinorum: quo munereungebantur duo Prætores apud romanos; Urbanus & Peregrinus, una cum centum viris: quibus decem viri litibus judicandis pro Præto-
re præerant publicis Prætores quæstionum, una cum decuriis Senatorum, & equitum; quibus lege Aurelia Tribuni ærarii adjecti sunt. hoc tam ea animadvertione dignum est, quod Budæum ac plerosque alios fefellit; quod tametsi Senatus judicia nulla disceptaret, siue legitimus siue indictus esset: nihilominus ab ejectis regibus usque ad legem Semproniam, Prætores quæstionum, ac parricidii Quæstores, non alios, quàm ex ordine Senatorio fortiebantur. aliud est autem Senatum judicare; aliud Senatorios viros à Prætoribus ad judicia sorte duci. Apud Athenienses Phylarchi decem, siue tribuum præpositi à Clisthene instituti, plane similes erant sex viris Venetorum tribuum Præfectis: & Phratriarchi Atheniensium, Præfectis sodaliti-
orum apud Venetos: aut Curionibus apud romanos, quales fere sunt ubiq. rursus Demarchi Atheniensium nomine duntaxat, cum Tribunis

plebis conveniunt; potestate nullo modo. Pro-
 dros, Archontes, & Epistatas Senatus, concio-
 nis, & judiciorum; pares habent Veneri in quib-
 usque collegis. apud Romanos Consul Senatui
 præerat, major magistratus populo, Tribunus
 plebi, aut Ædilis (raro tamen) aut major ma-
 gistratus, Prætores judicii, qui autem apud
 Athenienses undecim viri ^{virescentes} à Polluce ap-
 pellantur, idem fere apud Romanos triumviri
 capitales, minores iudices multi sunt apud Ve-
 netos, quales nec Romani ullos, nec Athenien-
 ses habuere præter Epagogos, qui similes erant
 iudicibus mercatorum. sed hæc apud Contaren-
 num. unum genus est magistratum apud Vene-
 tos, qui triumviri advocatores appellantur, ac-
 sionum prehensionem & accusationem habent,
 ne, ut apud Romanos & Græcos, quæquam
 temere accusare liceat. talis est apud nos advo-
 catio triumviralis, in omnibus iudiciis decuriis.
 Logistæ quoque Atheniensium Syndicis Vene-
 torum non male congruunt, quod utrique ra-
 tionem gesti magistratus exigebant: sed illi de
 moribus ante magistratum quæstionem habe-
 bant; hi de provincialibus magistratibus dun-
 taxat inquirunt; decemviri ac triumviri de urba-
 nis; cæteri magistratus qui ærarium curant, il-
 dem fere apud Athenienses qui apud Venetos.
 habent hi Præfectos vectigalium ac tributo-
 rum, qui tam varii sunt, quàm varia genera tri-
 butorum ac vectigalium: Præfectos pecuniæ
 mutuæ, tribunos ærarii, qui publicas pecunias
 recipiunt: quæstores urbanos, ad quos pecunia
 deferitur. apud Athenienses Apodectæ, Helleno-
 tamiz, quæstores Palladis, quæstores urbani, si-
 ve Prætores, inquisitores, syndici, qui sacras
 pecunias mulctæ nomine exigebant: quæstores
 spectaculorum, quæstores militares, quæstores
 rerum venalium, Epigraphi seu bonorum censo-
 res, & antigraphi: omnium autem maximus fuit
 quæstor populi, magistratus item annonæ. multo
 plures apud Athenienses, quam apud Venetos
 aut Romanos, his quidem unus annonæ Præ-
 fectus,

ctus, aut ad summum *Ædiles* duo: illis præter
 Agoranomum, Metronomi quindecim, totidem
 Sitophylaces, ac præterea curator emporii. reli-
 qui sunt apud Venetos Præfecti salutis publicæ,
 Præfecti monetæ, *Ædiles viarum*, Præfecti
 classis, Procuratores D. Marci, qui pupillorum
 ac viduarum curam habent. apud Athenienses
 prope infiniti urbis dignitatem ac civium salutem
 curabant, quos Aristoteles *ἀστυνόμους* vocat, ut Præ-
 fecti aquarum, murorum, operum publicorum.
 præterea Nomophylaces ceremoniis præerant:
 Sophronistæ moribus: Gynæcocosmi mulieri-
 bus: Oenoptæ conviviis: Gymnasiarchæ palæ-
 stræ: Choragi choro: Lycurgi curationibus ex-
 traordinariis: Conquisitores peregrinos à civibus
 dirimebant: Episcopi magistratuum actiones
 explorabant: Oratores causas publicas suscipie-
 bant: legati ad socios aut exterarum gentes mitte-
 bantur. omitto militares magistratus, Taxiarchos,
 Hipparchos, Trierarchos, Strategos: omitto
 pontifices ac sacerdotes, qui eo plures apud
 Romanos fuere, quo religionem ac militarem
 disciplinam magis coluerunt. Provinciales magi-
 stratus apud Athenienses video nullos, cum so-
 ciæ civitates suos magistratus haberent: sed pro-
 vocandi jus erat ad Magistratus Athenienses, ut
 est apud Xenophontem. ita quoque apud Vene-
 tos & Romanos: sed hoc amplius, quod hi ma-
 gistratus provinciales habent. Romani tres; Præ-
 sidem, Legatum & Quæstorem. nam Procon-
 sules, Prætores, Proquæstores, Præsidis appella-
 tione complectitur Vlpianus. si provincia late-
 pateret, legati plures adjugebantur. Veneti
 quatuor creare solent: Prætorem urbanæ disci-
 plinæ, Præfectum militaris, Custodem arcis
 & Quæstorem. hæc forma est Rerum publica-
 rum, quæ in statu populari magis claruerunt,
 excipio Carthaginensem, cujus vestigia sunt a-
 pud Aristotelem, Polybium ac Livium, sed val-
 de obscura. Ex his planum sit Rempublicam Ve-
 netorum antea popularem fuisse, sed paula-
 tim in Aristocratiam mutari cœpisse, cum ma-

gna pars civium ac plebejorum opificiis intenta, sponte se à rebus agendis subduceret, peregrini verò & inquilini non admitterentur, nec jus imperii cuiquam, nisi de Republica bene merito, & avarè admodum tribueretur. paulatim familæ veteres interirè cœperunt, ac multo pauciores essent, nisi Genuensi bello triginta peregrini jus civitatis emissent, cum civitas inopia premeretur. hoc idem contigisset apud Romanos & Athenienses, si eodem modo uterentur quo Veneti. sed apud Athenienses civium multitudinem auxit Clisthenes, qui omnes inquilinos ac manumissos in civitatem recepit. Romani verò manumissos omnes, exceptis oppido paucis, ac propterea Latini suos liberos servilem in modum Romanis vendere consueverant, auctore Dionysio, ut manumissi jus honorum adipiscerentur. post armis socialibus coacti, universæ Italiæ civitatem concesserunt. tandem etiam exteris nationibus: postremo omnibus, qui Romano imperio continebantur. Sunt igitur apud Venetos Citadini & Plebeji æque cives ac Nobiles: ut privatus æque civis est ac magistratus: sed illi ab honoribus & imperio summoventur: huc enim relabi oportet, unde totius disputationis originem ducebamus. non enim quia Citadinus Venetorum Cancellarius esse potest (quanquam suffragiis tribuitur, non sorti) aut etiam scriba, propterea civis habetur, cum in tanta munerum, quæ in perpetua sunt paucitate, unus tantum aut alter civis isto modo esse possit, cæteri peregrini. apud Athenienses, si Athenæi scripta sequamur, cum xx millia civium imperium tenerent, decem millia peregrinorum qui nati erant ex peregrinis, tametsi ab honoribus & suffragiis arcerentur, nihilominus cives fuisse oportet, cum libertate, imperii tutela, juris æquabilitate, domicilio perpetuo, ac patria denique in qua nati erant, fruerentur; nec ab aliis civitatibus aut principibus jure vindicari possent. fuerunt igitur revera xxx millia civium, quorum xx millia popularem statum tuebantur.

neque enim oportet in populari statu cives omnes imperii participes esse, sed maiorem partem. quod enim pluribus placet, omnibus placere dicitur.

Cùm verò minor pars civium imperat, & pro lege habetur, quod paucioribus civibus placet, optimatum potestas est; nisi ad verborum subtilitatem omnia revocemus, ut non sint optimates nisi optimi præsint: at ista ratione non solum apud Venetos, Rhagusios, Genuenses, Lucenses & Germanos, ubi paucissimi imperium tenent; sed nulla omnino Aristocratia usquam fuisse reperietur: & vitiosæ ejusmodi Respublicæ videbuntur in quibus nobiles, aut divites nulla virtutis aut eruditionis habita ratione, soli Rempubl. gerunt: cùm interim optimi ac prudentissimi propter inopiam vel generis obscuritatem rejiciantur: quod absurdum esse affirmabunt. ergo populariter loquamur, & optimatum imperia civium paucitatem minore civium parte definiamus: sive duo (nam plures eo numero intelliguntur, ut Iurisperiti tradunt) sive tres fuerint, ut cum Augustus, Antonius, ac Lepidus triumviri Reipublicæ constituendæ Rempublicam suo arbitrio gubernarent: quam statim in monarchias tres, ac paulò post in duas, postremo in unam concessit: sive plures tribus imperent; paucissimi tamen & virtute insignes, ut apud Hebræos ante regiam potestatem; apud Lacedæmonios, sublato regno; apud Pharsalios, ante Alexandri tempora: sive paucissimi ac deterrimi, ut apud Megarenses, & Athenienses sub xxx tyrannis: apud Romanos, sub decem viris: apud Perusinos, sub Ottonibus: apud Senenses, ejectis patriciis: sive nobilissimi magno numero ut apud Romanos patricii ante creationem Tribunorum tunc revera imperium tenebant, popolare nomen inane erat: vel etiam apud Cnidios, Venetos, Rhagusios, Lucenses, & Norimbergenses: sive pauci divites, ut apud Rhodios, Thebanos, Genuenses, sublata populi potestate. numerus verò infinitam adfert va-

rietatem : ut apud Pharsalios xx, apud Lacedæmonios xxx, apud Hebræos LXXI, apud Germanos ducenti, aut ad summum trecenti : totidem fere apud Rhagusios, & Lucenses : apud veteres Massilienses sexcenti, ut Valerius Max. testatum reliquit : nunc apud Genuenses circiter mille quingenti. apud Vénetos numerus optimatum triplo major est, sed illic numerus frustra definiatur cū à stirpe quærantur optimates : si tamen electione aut sorte ducantur, centesimum quēque cooptari melius est ad Geometricam rationem, quæ optimatum imperio rectissimè congruit, ut harmonica regno, arithmetica populari. quare si demus civium decem millia, centum optimates deligendi sunt ; sic enim geometrica ratio constabit : quia hic numerus æquabili ratione unum ad decem millia completitur. consimiliter ex xx millibus, ducenti numerum implent optimatum. ac Lycurgus fere millesimum quēque, scilicet è quinque Spartiatarum & xxx Lacedæmoniorum millibus xxx duntaxat elegit. In Senatu cooptando multo pauciores desiderantur, quam in optimatibus eligendis, contra quā voluit Plato, qui trigessimum quēque in Senatum omnium cooptavit, id est, ex millibus quinque & quadraginta, CLXXX. quod veteri more factum opinor. nam Romulus trigessimum quēq; selegit, id est, centum Senatores. ex tribus civium millibus, quos in coloniam suæ urbis deduxerat. at in consequentibus coloniis decimus quisque legebatur, ut I. C. scribit in l. pupillus de verb. signific. Moses tamen videtur è decem millibus unum duntaxat divina sorte dixisse. cū enim censa fuissent DCXXI I millia hominum supra xx & infra LV annos, qui arma ferre poterant, unum & septuaginta Senatus præfecit : quæ ratio congruet, si minorum centum millia fuisse concedamus, rejicio servos, senes ac feminas, quorum numerum duplo majorem fuisse necesse est ; cū fere tot sint ubique feminæ quot viri, atque etiam una plus Athenarum urbi nomen dedit.

sed hanc Senatus, & optimatum deligendorum rationem miror à Platone esse & Aristotele prætermisissam: cum tamen numerum civium defini-
rent; qui semper varie minuitur & augetur. nam Dionysius tradit primo censu Romuli tria mil-
lia civium: secundo Servii LXXX, quinto CXXX, septimo CX, octavo CIII millia, præter servos, feminas, opifices, mercatores; quorum nume-
rum triplo majorem fuisse confirmat. numerus autem singulis annis facile intelligebatur, quod nascens quisque, Iunoni Lucinæ; moriens, Ve-
neri Libitinæ nummum pendebat, Servia lege. at in Aristocratiâ paucissimorum, iidem optima-
tes sunt & Senatores, ut apud Lacedæmonios, Pharsalios, Hebræos. Atque hæc de populari & optimatum statu.

Restat de Monarchia dicere, cujus tamen *Monar-*
unum genus est, varias tamen complectitur for- *chia sta-*
mas. quinque ab Aristotele constituuntur, in quo *tus.*
refellendo ne longior sim, id cuique judicandum relinquam. Monarchiam appello, quum summa potestas est in uno qui jure imperat aut injuria. hic tyrannus; ille Rex appellatur: finis hujus honestas; illius voluptas. neque enim verum est quod ait Aristoteles; Regem evadere tyrannum cum vel aliquantulum imperat contra populi voluntatem. nam ista ratione nulli sint reges, ac Moses ipse justissimus & sapientissimus princeps, idem tyrannus omnium maximus judicaretur, quod omnia pene juberet ac prohiberet contra populi voluntatem: quanquam popularis sit, non regia potestas, cum arbitrio populi Respublica gubernatur à Rege; quoniam status à populo pendet. Quare cum Aristoteles hanc definitionem tueretur, coactus est nullos usquam esse reges confiteri. Tyrannorum igitur alius alio injustior, omnes tamen scelere ac injuria conjuncti. Regum autem, qui jure imperant, duo sunt genera: alteri quidem nulla tenentur lege: alteri legibus obligantur. primi generis sunt reges illi, qui manu regia, sine ullis legibus, olim imperia justissime gubernarunt: quales fuisse dicun-

dicuntur reges veterum Græcorum ante Lycurgum & Draconem, id est antequam leges ullæ sancirentur. tales quoque in Italia veteri Regum status fuisse memorantur, cum nec regibus, nec privatis leges ullæ ferrentur: sed tota Respublica jusque civium in arbitrio principis positum esset, ac manu regia, ut Pomponius scribit, sine certo jure gubernaretur. nam Iosephus eo argumento colligit, Mosem antiquissimum omnium fuisse legislatorem, quod Homerus in opere tanto ^{vōrum} verbum nusquam usurparit. ac tamen postea leges inventæ fuissent; privatis tamen, non regibus ferebantur: nec nisi serò admodum principes legibus obligari voluerunt: at ne regibus quidem Vrbe exactis Consules suum imperium ac potestatem lege teneri patiebantur. est enim ac semper fuit vetus illa inter potentes ac tennes gravis controversia, quæ magnis imperiis exitus attulit valde calamitosos: quod potentes arbitrio suo imperare, ac legibus solvi, tennes æquabili jure omnes teneri volunt. itaque Terentius Arsa Trib. pleb. legem tulit ad populum, ut consulibus leges conscriberentur, ne plebs ab eorum arbitrio penderet: quæ lex, inquit Dionysius, à Consulibus annos sex oppugnata, ad extremum perlata est. hinc decemviri legibus scribendis creati. sed longe aliud est magistratum lege teneri, aliud Regem: quia hic à seipso; ille à principe vel populo imperium habet. nullum autem Reipublicæ interituræ majus argumentum Platoni visum est, quàm si magistratus legi, non magistratui lex imperet. illud tamen valde periculosum, Regem ita creari, ut nullis omnino legibus teneatur, sed omnia nutu arbitrioque suo gerat. atque hæc disputatio graviter est ab Aristotele tractata ubi quærit, an præstabilius sit imperium homini tribuere, quam legi? & quum æquius esse dixisset virum bonum imperare, si modo talis in Republica futurus est, postea subjecit: Imperium Deo tribui, cum legi tribuitur: cum autem homini communicaretur, belluam adjungi:

gi: propterea quòd homines variis perturbatio-
nibus ab æquitate distrahi solent. sed cùm inter-
prete lex egeat; nec omnia quæ ex infinita lo-
corum, temporum & causarum varietate occur-
runt, possint legibus comprehendere: necesse pu-
tat quæcunque possunt, ea legibus complecti
oportere: cætera hominum æquitati ac religioni
dare. quæ ut vera sint, non tamen ad principes,
aut eos qui summam Reipublicæ potestatem
habent, sed ad magistratus pertinere videntur.
nam qui jubent legem, superiores legibus esse
oportet, ut eam vel abrogare, vel ei derogare,
vel obrogare, vel subrogare possint: vel etiam si
res ita postulat, antiquari patiantur. quæ fieri
non possunt, si lege teneatur is qui tulit. Itaque
Demosthenes Leptinis legem ob id rejecit, quòd
everteret imperii statum. tulerat enim Leptines
rogationem ad populum, ne à populo cuiquam
immunitatem dare liceret, & qui petiisset, is ca-
pite puniretur. at cùm Romani lege sacra de-
crevissent, ne privilegia cuiquam irrogare lice-
ret, subrogarunt, nisi comitiis centuriatis: alio-
qui populus suæ legis abrogandæ potestatem
non habuisset, quod absurdum est, cùm nemo
sibi legem dicere possit, quin ab ea recedere ei
liceat. l. si quis. in princip. de leg. I I I. l. à Titio.
de verb. obligat. atque hæc una causa fuisse vi-
detur, cur Augustus primum, deinde Vespasia-
nus, accepta imperii summi potestate, legibus
sunt à Senatu soluti; sed in eo tamen sæpe fraus
imperio fit. honesta quidem oratio est, oportere
legibus superiorem esse, qui legem jubet, pro-
pter ea quæ diximus: sed lege lata, summoque
omnium probata consensu, cur non teneatur
princeps ea lege, quam tulit? hanc enim ob cau-
sam lata est lex Cornelii Tribunitia, qua cau-
tum est, ut Prætores suis edictis obligarentur,
nec semel fixa refigere aut mutare possent, cùm
ambitiose arbitrioque suo contra quam edixe-
rant, decernere consuevissent, ut Asconius scri-
bit. quæ autem ratio Prætoris est ad edictum;
eadem Principis aut populi ad legem. igitur si
æquum

æquum est ut quod quisque juris in alium sta-
 tuit, eodem ipse teneatur : quanto est æquius
 Principem aut populum suis legibus obligari ?
 quare populus Romanus jurabat in legem quam
 ipse iusserat, ut est apud Appianum lib. I. ac pro-
 pterea Metellus Numidicus, quod Appias le-
 ges non probaret, nec jurare vellet, in exilium
 missus est. cum igitur sua lege populus tanti-
 sper teneretur, dum abrogari æquius esset : con-
 sequens est Principes quoque teneri. at sophis-
 mate adversus populum utebantur, cum se le-
 gibus ita solutos esse dicerent, ut non modo le-
 gibus superiores essent, sed etiam ut nulla ra-
 tione iis obligarentur; quodque turpius est, quæ
 sibi placuissent, vim legum haberent; cui sane
 opinioni Pomponius & Ulpianus, plus aliquan-
 to quam Iurisconsultos deceat, blandiuntur: Pau-
 lus graviter; Inverecundum esse Principem ex
 imperfecto testamento quid capere; tantæque
 Principum majestati decere, leges eas servare,
 quibus soluti videntur. iisdem temporibus Alex-
 ander Severus, primus omnium id suo rescripto
 confirmavit : post etiam Theodosius & Valenti-
 nianus, se legibus teneri oratione plane regali
 testati sunt; Digna vox, ajunt, majestate re-
 gnantis, legibus alligatum se principem profi-
 teri. adeo de auctoritate juris nostra pendet au-
 thoritas, & revera majus imperio est sub mitte-
 re legibus principatum: & oraculo præsentis edi-
 cti, quod nobis licere non patimur, aliis interdi-
 cimus, sed pauci Principes legem hanc sibi latam
 putant. neque enim Turcarum, nec Persarum,
 nec Scytharum, nec Britannorum, nec Abyssi-
 norum reges : at ne Pontifices quidem Romani,
 legibus ullis se teneri volunt, &, ut eorum ver-
 bis utar, nunquam manus sibi ligant. cum igitur
 legem ac rerum omnium dominos se ferant, con-
 similes sunt regibus iis, quos Aristoteles domi-
 nos appellat, qui velut patresfamilias, Rempu-
 blicam quasi suam tuentur. neque enim contra
 naturam est, aut contra jus gentium, ut princeps
 in Republica rerum omnium ac legum dominus
 sit,

sit, modo imperium suis armis & sanguine par-
 tum iuste tueatur: cum paterfamilias non mo-
 do bonorum quæ à se quæsitæ sunt, sed etiam
 quæ à servis, & servorum quoque iure gen-
 tium dominus sit. hoc igitur primum genus est
 principum. Alterum est eorum, qui non modo
 magistratus ac privatos, verum etiam seipso le-
 gibus constringunt; ut Principes Christiani; pau-
 cis exceptis, ac Poenæ: qui cum sacris initiantur,
 magno iurejurando verbis conceptis à Pontifici-
 bus & regni proceribus sese obligant, ex legi-
 bus imperii & æquo bono Rempublicam gestu-
 ros: formula quidem initiationis regum nostro-
 rum, non modo verborum & antiquitatis eximia
 specie; sed etiam pondere & gravitate sententia-
 rum pulcherrima visa mihi est: in eo maxime;
 quod Princeps ante Pontifices per Deum im-
 mortalem jurat, se omnibus ordinibus debitam
 legem ac iustitiam redditurum: & quanta pote-
 rit integritate ac religione iudicaturum, neque
 verò juratus fidem violare facillè potest; aut si
 possit, nolit tamen: jus enim illi dicitur ut priva-
 to cuique, & iisdem legibus tenetur. leges au-
 tem totius imperii proprias convellere non po-
 test, nec de moribus civitatum & antiqua con-
 suetudine quicquam immutare, sine trium ordi-
 num consensu. Hinc illa gravis ac diuturna con-
 troversia Regem inter & populum Narbonen-
 sem de titulo possessionis antiquæ, quam ex suis,
 iisdemque Romanis moribus, ut cogantur doce-
 re, incivile ac injustum esse ajunt. hæc quæstio
 multoties ampliata est, ad extremum à Rege,
 vel potius ab adulatoribus & quadruplatoribus
 omiſſa. Ex his perspicuum fit, opinor, errare Ari-
 stotelem, cum reges eos qui legibus obligan-
 tur, reges non esse scribit. si enim summum im-
 perium habent, sane reges sunt, aut ne populus
 quidem Romanus summum Reipublicæ jus ha-
 buit, cum iurejurando legibus obligaretur. per-
 niciosius tamen Jurisconsultorum interpretes,
 cum Ulpiani ac Pomponii dicta de principibus
 Romanis (quos non modo legibus solvunt, sed
 etiam

etiam eorum arbitrium legem esse ajunt) ad omnes principes pertinere affirmant. turpius etiam quod Iaso caput legis bene à Zenone coram rege Ludovico XII interpretatus, omnia principis esse temerè affirmavit. quæ interpretatio non solum abhorret ab hujus imperii moribus ac legibus, verumetiam ab omnibus omnium Imperatorum ac Iurisperitorum edictis & responsis: alioqui omnes rerum vindicationes tollantur, si nemo rei cuiusquam dominus est. Ad reges, ait Seneca, potestas omnium pertinet, ad singulos proprietas. & paulò pòst; Quemadmodum sub optimo Rege, omnia rex imperio possidet, singuli dominio. omnia sunt in imperio Cæsaris, in patrimonio propria. Sit igitur hoc discrimen Regum inter ipsos qui justè imperant, quòd alteri quibusdam imperii legibus obligantur: alteri sunt omnino soluti. Alterum est cum creantur, aut nascuntur à stirpe Regum: quod regni genus Aristoteles Barbaricum appellavit. atque hi quidem perpetui sunt. eorum verò qui leguntur, alteri in perpetuum; alteri ad breve tempus: si hoc; Dictator Latinis cum optima lege creabatur, Archus Thessalis, Æzymnetes Mitylenæis, Harmostes Lacedæmoniis, Archon Atheniensibus ante popularem statum: Balia Florentinis: sed hæc fuit multorum. hi enim summum imperium belli, pacis, pœnarum ac præmiorum sine provocatione habuerunt. si verò perpetuam potestatem accipiunt ab optimatibus, aut plebe, Reges ab Aristotele vocantur: quales fuisse scribit heroicis temporibus, cum justissimus ac prudentissimus quisque omnium consensu dux belli perpetuus, jurisque ac sacrorum interpret eligeretur. tales etiam eligebant Romani veteres, ac majores nostri Franci, Arabes, Scythæ, Dani, Norvegi, Poloni, Hungari. nam Piasius homo rusticus, Poloniæ rex à suis creatus est, anno Christi MCCC. à quo cæteri ad Jagellones usque à quibus Sigismundus hic originem traxit, Matthias vero Corvinus Hungariæ, Gustavus quoque ex privato, Sueciæ rex, non ita pridem electus est. electionem

tionem verò Hunni Caros appellant, quæ fit in Pestæ campis, ubi exercitus cogitur. & Ægyptiorum Sultani, à Mammelucis est, à Prætorianis militibus eligi solebant: non aliter quàm Pœnorum & Mauritaniz reges, nisi adoptione superiorum regum, ac optimatum consensu in spem imperii vocati sint, ut Cæsares olim ab Augustis ad imperium designari consueverant. quantum genus Regum posuit Aristoteles in perpetuo belli duce. exemplum affert de regibus Lacedæmoniorum, sed non satis accommodatè, cum reges illi nihil omnino imperii haberent, nec bellum indicere aut finire possent, ut antea dictum est. sed Aristotelem fefellit, opinor, nominis appellatio, quam Lycurgus adempta potestate reliquit, ne Rempubl. perturbarent: ac multo maiorem habent in regno magistri militum, ut etiam perpetui Vexilliferi apud veteres Genuenses, qui tamen ex albo regum eximendi sunt. atque etiam duces Thebanorum, Achæorum, Phocensium, Lucensium, Rhagasiarum, ac veterum Gallorum, quos annuos fuisse tradit Cæsar.

De Imperatoribus Germanorum dubitari potest. ac initio quidem, id est intermortua Caroli Magni stirpe, cum primum electione creari cœperunt, plane regiam potestatem habuere ut Henricus Auceps, Othones, ac reliqui exceptis admodum paucis usque ad Rudolphum, qui quod regiz potestatis reliquum erat penitus amisit: cum scilicet novi Principes honoris quam imperii cupidiores, electorum legibus se constringi paterentur. nam Otho tertius, suffragio Principem creari voluit, non à stirpe duci. hinc optimatum secuta conversio est, propterea quod imperii summa, principibus & optimatibus omnino cessit, ut videre est in aurea bulla Caroli IV. etenim Imperator, qui revera belli dux est, ut olim apud Hebræos, nec legem ferre, nec indicere bellum, nec magistratus creare, nec tributum imperare potest. habet ipse quidem imperii dignitatem, aliquid etiam ex vectigalibus & portoriis, præterea nihil.

nam

nam creatio magnorum iudicum & imperialis curiæ, quæ xxiv viris & uno Prætoris constat, Imperatori cum aliis principibus communis est, nec principem quenquam efficere potest: sed ut apud nos principes à Rege, sic apud illos imperator à principibus, ac principes quoque creari consueverunt. denique imperium ei abrogari potest, ut non ita pridem Venceslaus Caroli iv filius imperio spoliatus est. Atque illud est quod queritur Iulius Flugius episcopus Germanus, Imperatores quæ optimatibus ac populo imperare debeant, eorum imperiis ac iussis acquiescere, quin etiam principes habere plus imperii in cives, quàm ipsum imperatorem: quibus verbis aperte significabat optimatum statum. cæterus autem principum & optimatum, ex Electoribus, Ducibus, Landgraviis, Marchionibus, Comitibus, Baronibus, Pontificibus, & sociarum urbium legatis coalescit, illic imperii leges rogantur & abrogantur: illic vestigalia ac tributa imperantur, bella decernuntur, exercitus attribuuntur, legationes admittuntur, fœdera faciuntur. est autem ratio suffragiorum ex triplici comitiorum genere: prima comitia constant septem electoribus: altera principibus imperii: tertia urbium legatis: itaque si duo comitia, puta electorum & principum, aut principum & urbium consentiant, tertia comitia nullam vim habent; quod animadversione dignum est, quia nusquam ea ratio comitiorum habetur. non tamen verus est hoc institutum, ut videre est in concessione comitatus Burgundiæ, Philippo Burgundiæ Duci facta à Carolo iv Imperatore, solo suffragio Electorum. quod in re tanti momenti fieri non potuisset, sine Principum ac urbium imperialium consensione, si tunc iura suffragiorum habuissent. nec obstat quòd Principes in suos imperium habent (quanquam imperiali lege moderatum est) cum ipsi vitam, fortunas, agros, ac jus omne potestatis, ordinibus acceptum ferant. argumento est, quòd Principum ac civitatum controversiæ graves, & capitalia iudicia,

vel in comitiis, vel ab imperiali curia disceptantur, & privata quoque iudicia provocationum, si xx aureorum summam excefferint. cætera sunt in promptu, & ex aurea bulla facile intelliguntur. Propterea quodd magis ad optimatum statum accedit, sacerdotia quæque amplissima nobilitati, nulla fere plebejis tribuuntur, ut Iulius Flugijs scribit. Ipsæ quoque civitates imperiales partim liberæ, cujuscmodi fere sunt septuaginta: partim principibus quodammodo subditæ, suo tamen jure utentes, optimatum imperio gubernantur: quod intelligi potest ex statu Norimbergæ, quæ omnium maxima & domestica disciplina clarissima putatur.

Norim-
berga
status.

Habet autem trecentos fere optimates (neque enim certus numerus) qui, ut Conradus Celtes scribit ex octo & xx gentibus patriciorum constant. nam opifices ac mercatores tamen ad suffragium, non tamen ad imperium admittuntur, contra quàm in alijs Germaniæ civitatibus fieri solet. in iis igitur summa Reipublicæ posita est. ab iis enim eliguntur Censores, sive Senatus electores, quibus creatis, cæteri magistratus abdicant, Senatus autem constat xxvi viris, qui antiquos octo sublegere solent, ac deinceps alios quoque magistratus, puta xiii viros ex Senatorum numero, qui Scabini vocantur, & vii viros Burgomagistros, qui parem fere ac decemviri Venetorum potestatem habent. creantur etiam quinque viri capitales, qui de furtis & damno injuria dato, perinde cognoscunt: ut xii viri de civilibus, una cum Assessoribus Iurisconsultis, cætera sunt penes Senatum. sequuntur septem viri militaris disciplinæ Præfecti, Prætor rusticorum, Quæstores duo, summæ apud cives auctoritatis, Præfectus annonæ, Triumviri tutelares, eodem munere ac potestate, quo Procuratores D. Marci apud Veneros: postremo collegiorum & corporum præfecti. hæc forma est ejus Reipublicæ, quam aliæ civitates Germanorum fere imitantur.

tantur : tametsi nonnullæ popularem statum habent. ex quo perspicitur eos vehementer falli, qui Germanorum Imperatorem summum imperium habere putant. propterea quoddam Carolus IV. Principes & Electores ipsos in aurea Bulla (quæ tamen ex parte abrogata est) suos pincernas, dapiferos, coquos, armigeros, stabularios appellat: qui omne imperium habent, Cæsar nihil penitus nec majus argumentum est, quàm quod Imperator non aliter renuntiatur, quam juratus in electorum fidem. neque verò ullam publicæ pecuniæ potestatem habet : sed ærarium omnino triplex est, unum Argentinæ, alterum Lubeci, tertium Augustæ : ubi tributa servantur.

*Achæorum
statum.*

Atque hæc imperii forma consimilis est Achæorum imperio, quod ex urbibus XII initio constabat. Cum enim ab Oreste usque ad Sigem tyrannum regiam potestatem pertulissent, cæso tyranno statum optimatum stabilierunt : tum variis Demetrii & Antigoni artibus ab amicitia mutua disjuncti, in tyrannorum potestatem relapsi sunt : ac rursus in libertatem seipsos vindicarunt, cum Pyrrhus in Italiam exercitum transmisisset, Deindriseas Cerauniorum tyrannus sibi metuens, urbem Achæis sponte reliquit. post accessit Carinia, Leontia, Pellænæ : tandem finitimæ quoque urbes tyrannis ejectis, in eam societatem venerunt : scilicet, Argivi, Sicyonii, Atcades, Corinthii, Lacedæmonii, & universa Peloponnesus, propter virtutis & justitiæ opinionem, quam Achæi de seipsis in disceptandis Græcorum controversiis excitant. cum enim cætus Pythagoræorum in Italia sublatus esset, tanta Rerum publ. perturbatio secuta est, ut potentissimis ac sapientissimis quibusque principibus interfectis, Italiæ civitates uno consensu seipsas Achæorum potestati permiserint ; tametsi armis & opibus multò magis florent Athenienses ac Lacedæmonii. postremo conspirationis fide & consensu tot utilitates adepti sunt, tot urbes in suam amicitiam pertraxerunt, ut quod incredibile videatur, ve-

rum

rum tamen sit , tota Peloponnesus iisdem legibus (sic enim Polybius tradit) iisdem moribus , iisdem ponderibus , iisdem mensuris , iisdem nummis , iisdem iudicibus , eodem consilio , eadem religione , eodem imperio uteretur : & cum ea benevolentia longè latè diffusa , tot populos ac civitates complexa foveret , nihil aliud restabat , quàm ut iisdem mœnibus clauderentur. hoc etiam præclarius , quod sua virtute tantum perfecerunt , ut non modo se invictos hostibus præbuerint , sed etiam tyrannorum censores ac magistri (quod de Helvetiis quoque proditum est) appellarentur : nec prius à Romanis vinci potuerint , quàm illorum fraudibus ab amicitia mutua disjuncti fuissent. cœtus annuos ut Germani habuerunt , & annuos Imperatores ; illi perpetuos. Ex quo intelligitur , eòs belli duces falso ab Aristotele reges appellari. Rex autem is dicitur , penes quem legum , magistratuum , belli , pacis , ac provocationis summum jus est : quæ si defuerint , regis inane nomen est. cætera quæ in populari & optimatum statu videmus , paria sunt in monarchia.

Est enim post principem summa potestas in Senatu , quod privatum consilium apud nos , regale apud Hispanos , Divan apud Turcas dici consuevit. quanquam præter hunc alius est ubique Senatus , quem Hispani secretum , nos strictum appellamus : constat autem quatuor aut quinque viris amicitia cum principe conjunctissimis , qui arcana imperii tractant : quale est apud Venetos decemvirale collegium , apud Hispanos regale consilium , duodecim viris fere constat : qui de legibus , de bello , de pace , deque toto Reipublicæ statu cum Principe decernunt , ut Alfonso Vloa scribit. alterum consilium est Indicarum rerum . quartum quinque virorum , ubi de nobilium ordinibus , deque expeditionibus & bello sacro agi consuevit. quintum est inquisitionis , ubi de religionibus deliberatur. sextum belli proprium , quod cum Im-

*Monarchia ex-
do.*

perato-

peratoribus ac regni proceribus haberi solet. apud Polonos duplex est, unum quidem sanctius, alterum majus: ubi admittuntur ii omnes qui Pontifices aut Castellani sunt aut majores magistratus gesserunt, ut scribit Sarius Polonus. Apud Anglos Senatus xv circiter virorum ab Odoardo 11. constitutus est ex iis, qui summæ auctoritatis ac prudentiæ viderentur, idq; factum suasu Roberti Canturbizæ Pontificis, ad tyrannidem principum coercendam: apud Turcas principis Senatum consilari ajunt ex Bassis quatuor, duobus Cadileschieris, & octo Bellerbeis. apud nos in Senatum admittuntur Principe Regis consanguinei, deinde majores magistratus, puta Cancellarius, magister militum, magister palatii, magistri libellorum, Mareschalli, præfectus maris, magnus Scutifer: cæteri Principis arbitrio leguntur, puta Cardinales, Pontifices, tribuni quidam ærarii, & majoris curiæ Præsides: aut ut quisquis legationibus diuturnis, & usu rerum agendarum præstare videtur. Post Senatum proximè dignitatis sunt duo magistratus, puta magister militum, & Cancellarius, qui in omni fere monarchia consimili officio funguntur, olim quidem sub Romanis regibus Tribunus Celerum, sub Dictatoribus magister militum: sub Imperatoribus, præfectus Prætorio dicebatur is, qui legum æquè ac armorum moderator erat; cum idem esset bonus Senator, fortis imperator, & disertus orator, ut tempora ferebant. talis fuit Themistocles, Aristides, Pericles, Demetrius Phalereus, Demosthenes, Cato, Cæsar, Brutus; Antonius, & innumerabiles alii. postea verò quàm legum multitudo Respublicas invalit, militaris ac urbanæ disciplinæ divisa ratio est & ubique duplex utriusque magistratus constitui cœpit: alter quidem togatus; alter sagatus. nam qui apud nos, Hispanos, Britannos magister militum sive Conestabilis, olim magister palatii: idem apud Pœnos Munafidus, quem malè Iovius Niphatem, ut apud Sultanos Edegnarus (sic enim Leo Afer) ipse Diada-

rium vocat : apud Turcas Bassa Visir, id est consilii princeps : apud Abyssinos Betudera, id est domesticus. Atque horum quidem imperium majus semper fuit, ac magis gratiosum quàm togatorum, propterea quòd Reipublicæ salus & domestica disciplina beneficio militaris & armorum consistit, tametsi illa decernit ac jubet: hæc jussa exequitur. Cancellarii quoque munus, ubique fere idem est, ut juris ac legum interpretes, sacri sigilli custos sit : absurdum est enim quod Machiavellus Cancellario Gallorum tribuit liberam in cives necis ac vitæ potestatem. idem apud Abyssinos magna justitia vocatur, ut Alvarelius tradit. apud Turcas Cadileschier, sive princeps judicum, unus quidem Asiæ, alter Europæ; qui ordine Bassas ipsos antecedunt. habent enim in judices animadversionem, ac summam judiciorum potestatem. nam qui Mosti, seu pontifex maximus est, divinæ quidem legis interpretes habetur. eatenus ne quis in legibus humanis à religione aberrare possit, reliqui militares ac togati magistratus sunt illis inferiores. ut Marefcalli, pares Tribunis militum sub imperio Consulari. & qui apud Persas Satrapæ, apud Romanos Præsides, apud Turcas Bellerbei, apud Abyssinos Negui : iidem apud Germanos, Gallos, Britannos, Hispanos, Duces olim & Comites, nunc gubernatores provinciarum dicuntur, quæ apud Turcas Sangiachi, paulum admodum differunt à nostris Seneschallis. Diximus quid civis, quid Respublica, quid civitas, quid magistratus, quid imperium, quid status Reipublicæ, nec plures esse tribus. Nunc ad Rerumpublicarum conversiones veniamus.

Vt ergo progrediamur à prima illa origine societatis, ad eam quæ latissimè pateat omnium inter omnes, infinitos propè gradus & conversiones reperiemus. nam prima societas, quæ est viri & uxoris, omnium antiquissima putatur, propterea quòd animi, corporis, omniumque fortunarum communitas quædam est : tum liberorum conjunctio, paululum à prima disce-

Conversiones Reipublicarum.

dit : deinde fratrum inter ipsos : post agnatorum & gentilium ; qui cum iisdem tectis capi non possint, in alias domos emigrant, quibus sunt rationesque distinctæ. sequuntur affinitates & nova connubia, ex quibus plures propinqui ab agnatis gentilitate disjuncti. cum verò ab affinitatis conjunctione discesseris, proxima est amicorum virtute parta societas : tum vicinorum, qui propagata sobole, in plures vicinas conjunctis ædificiis coalescunt : hinc phratriæ & pagi, quod ex *ἰαυτῶ φρίατο*, id est puteo, vel *πάγας*, id est fonte biberent. sed aucta vicorum multitudine, quo tutiores essent à peregrinis, qui maiore multitudine oberrantes, ut est apud Thucydidem, cultos agros & ædificia disiectis possessoribus occupabant : fossa primum seipsos cinxerunt. unde oppidi nomen. & *πόλις*, quod illic fruges & opes collocarent, vel opem in iis sperarent, vel commodius habitarent. est enim *πολεῖν* & *πολιεῖν* habitare, alere, gubernare. cum autem non satis esset in fossa præsidii, varris primum, ut credibile est (hinc valli nomen prisca literarum mutatione) deinde mœnibus oppida sepserunt, quæ propterea urbes à Latinis dictæ sunt, vel ab urbo, ut tradit Festus : vel ab orbe, ut Varro : quia interiore sulco fiebat orbis ad murorum descriptionem. Græci *ἄστυ*, Germani Purgum dixerunt : utrique ab arce tutiori. Iam verò cùm civium numerus augetetur, pomœria proferri oportuit : quod nemini fas erat apud Romanos, auctore Tacito, nisi qui agro de hostibus capto, rem Romanam auxisset : vel colonias alio mitti : quæ quod iisdem moribus ac priores uterentur, una & eadem civitas dici cœpit. est enim civis, opinor, quasi quivis (veteres enim litera Q. caruerunt) propterea quodd quivis eodem jure cum reliquis omnibus uteretur. sic paulatim amicitia, societatis humanæ vinculum, ab una domo in plures divisa familias, vicos, urbes, civitates, nationes, eousque propagata est, quoad omne genus humanum complexa tueretur. Sive igitur ista, sive alia

principia fuerunt hominum confociationis, five homo sua se voluntate (ut suapte natura societatis est appetens) five cogente necessitate contulit ad aliorum cœtus, à quibus parata sibi videbat adjumenta vitæ jucundius commodiusque degendæ; constat omnem conjunctionem & communitatem, quo longius abest ab illa viri & uxoris societate, magis ac magis immixui. sic enim natura comparatum est, ut quod quisque plus amet, hoc magis suum esse velit, & quidem totum suum, nec cum aliis communicari. itaque non diu tulit natura promiscuos rerum usus. quia tamen amicitiarum ac bonorum ratio dissimilis est: quod hæc minuuntur, quo pluribus communicantur, amicitia verò quasi lumen eò magis lucet, quò plures ea fruntur: propterea fratres sororibus, parentes liberis, matrimonio jungi natura vetuit, vel potius lex omnium gentium communis; quæ vel apud barbarissimos Americanos inviolabiliter servari dicitur: ut domestica societas in civilem: & amicitia, quæ iisdem testis concludebatur, in finitimos omnes longè latè propagaretur, quemadmodum scribit Augustinus: verius sane quam Innocentius Pont. Max. qui consanguineorum nuptias quarto gradu definiit, propterea quodd in corpore quatuor sint humores. in capite penult. de Consanguin. quod mirum videri non debet, cùm ne ipse quidem Plato, vim hujus affinitatis propagandæ intellexisse videatur, qui lib. v. de Republica solam parentum ac liberorum conjunctionem vetat, cætera permittit. Sed hæc vitæ dulcedo, quam homines ex mutua societate capiebant, dissidiis violari cœpit, cùm scilicet tenues à potentibus opprimerentur: quod universæ naturæ Varro tribuit;

Qui pote plus urget: ut pisces sape minutos

Magnu' comest, ut aves enecat accipiter.

quam vim ut effugerent debiles ac tenues; alii quidem ad robustissimos & potentissimos; alii ad justissimos quosque confugiebant, ut se ab

illata injuria vindicarent. hinc duo genera Rerum publ. orta sunt : alterum vi constitutum : alterum æquitate : ex altera parte regnum, aristocratia, ochlocratia, quam Cicero cùm verbo Latino careret, tyrannidem quoque appellavit. sed cùm imperia scelere parta sine justitia retineri non possent, ipsi tyranni justitiam, non propter se ipsam, sed propter seipsos colere coacti sunt. hinc opinio justitiæ inclaruit : cùm ad justissimum quenque ac prudentissimum civem reliqui confugerent, eumque laterum suorum obiectu, quo minus ei noceri posset, tuerentur. is igitur æquitate cives regebat. Ex quo perspicuum fit, etiamsi ab historia destitueremur, plenam omnium libertatem, id est potestatem vendi ut velis, sine legibus aut imperio, à singulis ad unum esse delatam : ac Reipublicæ primum genus penes unum fuisse, qui quod justitiæ fruendæ causa creatus esset (ut apud Athenienses principio factum scribit Demosthenes : apud Medos Herodotus) Iudex appellabatur. argumento est, quod apud Homerum & Hesiodum, iudices, id est *δικαστῆς*, sæpius dicuntur *βασιλῆς*, *ἀνακτες*, *κοίρανοι*, melius etiam *ποιμένες* seu pastores populorum ; quæ verba nec imperium, nec dominationem significant, sed curam, sollicitudinem, gubernationem, & in judicando æquitatem. ac propterea Ammianus Marcellinus lib. xxix. imperium nihil aliud esse tradit, quàm curam alienæ salutis. quod Plato libro v de Republica scripsit, *δικαιοσύνην τε καὶ δίκαιον ἀλλότριον τῷ ὄντι τὰ κρείττονός τε καὶ ἀρχοντός. εὐμείζον.* ac multis ante Homerum ætatibus, Minos & Æacus, qui maxima imperia gubernarunt, non aliter quam iudices sunt appellati. consimiliter septuaginta viri, qui Rempublicam Hebræorum tenuerunt, iudices dicebantur, id est *שופטים*. Consules quoque ejectis regibus iudices dicti sunt, ut videre est apud Livium & Varronem, qui accensum consulis utriusque delectum habituri, sic loquentem inducit ; Omnes Quirites in licium huc vi-

site ad iudices. nec mirum debet videri, si Augu-
 stus tam assidue jus dixit, ut etiam æger in le-
 ctica iudicem ageret; ac reliqui quoque Cæsares de rebus levissimis cognoscerent: cum et-
 iamnum reges nostri cum initiantur, hoc pri-
 mum jurant se iuste iudicatuuros: ut suæ creatio-
 nis hæc præcipua causa videatur. Fuit igitur pri-
 mus Rerumpublicarum status in monarchia, quæ
 vel iusta fuit sine legibus ullis, sola regis æqui-
 tate constituta: vel iniusta, cum potentissimus
 quisque latronum manu stipatus, tenuis servitute
 premeret, ut Moses de gigantibus ac Nimrotho
 scribit, quem primum omnium in servitutem
 homines adegisse ferunt: deinde imperium sce-
 lere quæsitum, ut diuturnum esset, oportuit
 æquitate moderari, & in eo quidem omnes om-
 nium historiæ scriptores consentiunt, nec us-
 quam optimatum, multo minus populares status
 initio constituti reperiuntur. Reges autem à stir-
 pe quærebantur, quod qui viribus plurimum po-
 terant, liberis imperium relinquebant: qui ju-
 stitia clari fuerant, non modo vivi, sed etiam
 mortui colebantur, eorumque liberi reges à po-
 pulo fiebant, quod parentibus similes futuri pu-
 tarentur: ut Polybius scribit. sed cum imperia
 libidine ac utilitate, non iustitia metiri cœpif-
 sent: secuta est conversio regnorum in tyranni-
 des; hinc potentium querelæ, post etiam tenuio-
 rum, cum ab iis à quibus servari debuerant, sæ-
 dissimè diriperentur ac torquerentur. Itaque sæ-
 pe factum est, ut potentiores conjuratione fa-
 cta, tyrannum occiderent; vel ob crudelitatem,
 vel libidinem, vel utrumque. ob crudelitatem
 Phalaris, Alexander, Pheræus. Caligula, Nero,
 Domitianus, Vitellius, Commodus, Ecelinus
 Patavinorum, Io. Maria Mediolanensium ty-
 rannus: sed pluribus exitiosa libido fuit quam
 crudelitas: quoniam hæc cives in officio con-
 tinet, ac metum parit; illa contemptum. quod
 imperio videatur indignus is, qui suæ libidi-
 ni imperare nequit. nam Alexander Medice
 Florentinorum tyrannus, occisus cum a-

lienæ uxori stuprum inferre conaretur : & Pisistratus ab Harmodio , cuius sororem constitprarat. ob eam quoque causam Aloysius Placentinorum tyrannus , Galeaces Maria, Rodericus Hispaniæ rex, Tarquinius, Sardanapalus, Helio- gabalus, Appius Claudius, & innumerabiles alii, tyrannidem amiserunt. Ac sæpissimè odio tyrannorum , præmium imperii datum est principi conjuratorum. sic Arsaces sublato Sardanapalo, regnum Assyriorum adeptus est : Brutus uterque consulatum & exercitus : Ludovicus Gonzaga imperium Mantuanorum , cæso Bonacolfio tyranno. illud autem usu venire solet, ut scele- ratissimum tyrannum sequatur iustissimus prin- cept. quorum enim exitus perhorrescunt, eorum vitam imitari turpe ac periculosum ducunt. ita- que Neronem Galba princeps optimus secutus est : Nerva Domitianum : Alexander, Heliogaba- lum : Pertinax, Commodum : Gordianus, Maxi- minum : sed paulatim lapsa consuetudo de via desleclit , quousque princeps alius ad vitiorum extrema recurrat. atque hæc mutua conversio est omnium quæ unquam exstiterunt monar- chiarum. falsum est enim quod Plato primum, deinde Polybius ac Cicero, de populari & opti- matum necessaria conversione scripserunt : cum nullos unquam populares aut optimatum status habuisse ferantur Scythæ, nec Australes, nec Asia- tici ultra Euphratem, nec Americi quoque in me- dia regione duntaxat Occasum versus, video De- mocratias & Aristocratias sero locum habuisse, nec diu tamen floruisse; & ad extremum in mo- narchias legitimas universæ naturæ congruentes recidisse, exceptis oppidè paucis. principio Cre- tenses, deinde Carthaginenses : post Athenienses ac Lacedæmonii, in universam Græciam popula- res & optimatum status invexerunt. hos secuti sunt Siculi : tandem Itali, Galli & Hispani : po- stremò Germani & Helvetii. atque hæc una ra- tio visa mihi est , quod cum mediæ regionis ho- mines ad res agendas nati sint , ut superiori ca- pite diximus, omnes imperio se dignos arbitran- tur;

tur : maximè tamen occidentales ; qui quod animi magnitudine orientalibus præstant , non facile tyrannidem ferre possunt. quare aut reges ipsos legibus parere cogunt (quo nihil divinius optari potest) aut tyrannos de imperio deturbant : & populi sive optimatum imperia stabiliunt : quod ex historiarum lectione planius est , quàm ut egeat exemplis.

Conversiones autem imperiorum , externæ sunt aut domesticæ : sic enim distingui necesse est. externa fit ab hostibus , aut ab amicis. hæc quidem cum Respublica sponte, nec ulla vi coacta , se alterius imperio permittit : ut Mediolanenses liberi ab imperio Germanorum , ducem Eriphrandum Angliæ gentis nihil tale cogitantem acciverunt , ejusque potestati se permis-erunt. similiter Mammeluci , cæsis pluribus Sultanis , Campsonem Caramaniæ principem , externum ac renitentem Ægypto præfecerunt. ita quoque Thebani ac Phocenses urbem à se conditam , colonia deducta Platoni permiserunt , ut eam arbitrato suo legibus informaret , sed hæc rarius accidunt ; quia peregrinorum imperia difficillimè feruntur : id tamen armorum vi sæpe contingit , ut victi victoris imperia sequantur. sic Atheniensium popularis in Aristocratiam vi mutatus est à Lacedæmoniis duce Lyfandro. idem judicium est omnium. domestica verò conversio duplex est. altera quidem sine vi ; altera violenta. prior à recta desleclit ad pravam sine ulla vi , propterea quòd ea est hominum natura , ut deorsum ad vitia labi consuescant. quid enim illustrius quinquennio Neronis ? quid Salomonis adolescentia divinius ? quid Caligulæ initiis præclarius ? contra vero quid sine turpius ? cùm enim ad vitiorum extremum pervenerunt. inde fursum revocari sine maxima vi non possunt : quo fit ut regnum in tyrannidem , Aristocratia in Oligarchiam , Democratia in Ochlocratiam , sine ulla vi fere semper mutatæ sint. at conversio tyrannidis in popularem statum semper violenta fuit , scilicet cæso

*Duplex
imperiõrũ
conversio.*

tyranno : eo tamen sine liberis mortuo , quod sæpe contigit , optimates imperium suscipere solent , veriti ne rursus in tyrannidem recasuri sint. primum igitur Rempublicam summa æquitate ac iustitia moderantur , ut initia rerum gerendarum præclara esse consueverunt. sed inter optimates, qui amicis , vel gratia, vel opibus, vel rerum gestarum laude præstant , magistratibus etiam & imperiis superiores esse conantur. atque hinc Oligarchia , quam Cicero factionem vertit , cum pauci multorum opes & honores malis artibus invadunt. ex quo potentiorum inter ipsos conjurationes, ac cædes patrantur; quo usque plebs, imperium pertæsa sceleratorum, facile dissidentes invadit, spoliât, occidit. sic tandem statu factionum mutato , sequitur popularis. nam populus recuperata libertate , facile persuaderi se patitur , hominum popularium oratione, ut adepta libertate fruatur . ac fere fit ut plebs à cæde tyrannorum , ad aliud extremum, id est ad popularem potestatem, velut impetu feratur, hoc etiam natura quodammodo insitum est, ut invitus nemo pareat , at ne iusta quidem præcipienti , sed aut sponte duci, aut imperare vicissim ac parere velit. igitur nova Reipublicæ forma constituta , populus imperia cupit à se peti, ut singuli, tum privati, tum magistratus, universæ multitudini obsequantur. Illud autem fere semper contigit , ut post adeptam de hostibus victoriam , factiones & optimatum status abirent in populares , aut hi vicissim in ochlocratias: contra verò acceptis offensionibus, à populo ad optimates imperia relaberentur: ut confecto bello Tarentino, magistratus omnes plebi communicari cœperunt . at Punico bello cum Annibal Italiam armis quateret, Tribuni languere : eo victo & Antiocho magno, Tribuni furere, plebs insurgere , agros poscere. consimiliter Athenienses non ante imperium popolare stabilierunt , quàm victis Persis ad Salaminem: at eo ipso tēpore quo à Syracusis victi sunt, imperium ad quadraginta optimates rediit.

contra verò Syracusii ex eadem victoria, popularem statum arripuerunt, ut Diodorus scribit. ratio est in promptu, plebs enim velut indomita bellua, rebus prosperis insolentius exultat: adversis repente dejicitur, & ex eventis consilia metitur. at optimates qui periculo sunt propiores, velut in tempestate gubernacula suscipiunt. Cum igitur populus temere, ac nulla prudentia feratur ad res agendas, facile est oratoribus imperitæ plebis animos quo velint impellere, ac deducere unde velint: tum ut quisque excelfo est ingenio & gloriæ cupido (neque enim in languentibus animis, sed in erectis mentibus, ac maximis ingeniis dominandi cupiditates oriuntur) ita plebem conviviis, largitionibus, & spectaculorum voluptate pascit, ut honores & imperia nullo suo merito consequantur. at si quis intercedere velit, muneribus corrumpitur, aut falsis criminibus accusatus, de vita, vel de sententia decedere cogitur. sic Ephesii, Hermodorum: Athenienses, Aristidem ac Thucydidem: Romani Camillum, Rutilium, Metellum, Ciceronem ejecerunt. his exactis, populus quasi victor de virtute triumphare, accusatoribus honores & magistratus prorogare; qui cum imperii dulcedinem diu gustarunt, tot ac tantis opibus & præsidiis potentiam stabiliunt, ut ab imperio nunquam divelli possint. id autem fere semper contigit in popularibus imperiis, ut plebs eos haberet tyrannos, quibus se, Remque publicam commiserat. atque hunc in modum Corinthii, Cypselum tyrannum pertulerunt: Syracusii Dionysium: Athenienses, Pisiistratum: Leontini, Panætium: Argivi, Phidonem: Agrigentini, Phalaridem: Romani, Cæsarem: Lucenses, Castrucium: Pisani, Fagiolam: Mediolanenses Napum Torefanum: Senenses, Pandulsum: Florentini, ducem Athenarum. ut autem erectum populo imperium facilius retinerent, detestabiles tyrannidis artes excogitarunt, quæ tametsi à multis intelliguntur, à pluribus tamen intelligi utile est, ut quoquo modo caveri possint.

primum satellites & quidem barbaros ac peregrinos, ad corporis custodiam adhibent: propugnacula muniunt; arces occupant, ferocissimos quosque interficiunt: potentiores quasi eminentia papavera truncant: peregrinis honores ac præmia largiuntur: sodalitates & collegia tollunt: civium amicitias omnino dirimunt. discordias inter nobiles ac plebeios occultè serunt: deinde ex eorum injuriis ac mutuis cædibus fiscum implent: *οὐκ ἔστιν* & exploratores ubique collocant: honestis artibus ac disciplinis bellum indicunt: plebem labore ac propugnaculis ædificandis, ne otium ad altiores animi cogitationes habeat, occupant: bella pecuniæ cogendæ causa suscipiunt, & externo milite utuntur: oblatas inducias, aut pacis actiones simulant: novos magistratus & honores excogitant, eaque pretio addicunt, ut plures habeant obligatos: fures & improbos publicis muneribus ac tributis exigendis præficiunt, ut eorum opera, populi opes ac sanguinem exsugant: postea verò quàm fures diu saginarunt, ad supplicium trahi jubent. nihil autem miserius, quàm cum plebs imperita magna cum voluptate supplicia spectans, tyranni equitatem laudat. hoc indignius ac sceleratius, quòd impietatem religionis specie tegit, templaque deorum fingit se revereri, ut ore ipso ac vultu simulachrum virtutis præ se ferre videatur. quæ omnia duobus omnino arcanis sunt comprehensa: primum est ut populo sibi nocendi omnem adimat potestatem: alterum ut etiam eripiat voluntatem. potestatem adimit ablatis opibus, armis ac præsidiis: neque verò tyranni potestas augetur, quin plebis opes & commoda minuantur: non aliter quàm cætera membra tabescunt, ut Adrianus de fisco dicebat, cum lien intumescit: nocendi voluntatem eripit, inimicitias ac discordias occultè serendo: ne cum cives sibi diffidunt, conspirare ullo modo possint: postremò facit ut nihil omnino aliud quàm tyranni voluptatibus parère discant. Sed ut malus custos est diuturnitatis metus, ait Cicero, sic nulla tyrannis diuturna esse potest. nam domestica

stica vi facile collabitur : quia unum omnes metuunt ac oderunt : unus omnes metuit & odit . qui verò illum occiderit , in maxima & gratia futurus est & gloria . facilius etiam externa vi dissolvitur , quia boni cives in quibus summa fides esse debuerat , cum hostibus ad unius tyranni exitium mirabiliter conspirant . itaque Aratus ac Timoleon brevi tyrannos innumerabiles fregerunt . ea verò tyrannis quam Dionysius vinculis adamantinis se colligasse jactabat , paulò post à Dione familiari dissoluta est . nec ita pridem Ludovicus Sfortia ab iis ipsis quibus plurimum confidebat proditus est , ac de imperio turpiter dejectus . Sed plurimum refert utrum Respublica interiore malo , an externa vi corruat . ut enim quædam res à natura sic temperatæ sunt , ut nunquam interituræ videantur : quædam verò tam male sibi cohærent , ut solo flatu dissipari possint : ita quoque Respublica quo melius est ab ortus sui primordio temperata , eò facilius vim externam repellit , à se ipsa verò difficillimè labefactatur . Illud tamen admonendi sunt qui in Rerumpublicarum administratione versantur , servitia veterum , de Republica sublata , religiones recentium inventas , & clientelarum ac feudorum jura conversionum occasiones incredibiles peperisse , quæ veteribus ignotæ fuerunt . olim quidem metus erat , ne servi ad pileum vocarentur , & Rempublicam perturbarent , ut apud Tyrios , Siculos , Romanos , maximas clades civitatibus intulerunt : postea verò quàm tyrannides grassari cœperunt , servorum libertas augeri visa est , ac dominorum imminui potestas , maxime Tiberii temporibus , qui statuatam servis asyllum proposuit : ut apud Ephesios Dianæ templum : apud Athenienses Thesei sepulcrum : apud Cyrenenses statua Ptolemæi . postea necis potestas dominis est crepta temporibus Adriani : ac tyrannide premente , servi à dominis cœperunt metui , ne illos apud Tyrannum majestatis incusarent . postea Christiana libertas secuta , non

putavit humanum, servos quasi bestias operis ac vinculis urgere: parum etiam metuentes Christiani, ne in Paganorum potestatem delaberentur servi ejusdem religionis, eos assidue manumittebant. atque hæc quod in promptu sunt testibus non egent; quæ sequuntur, ex obscuris antiquitatibus eruenda fuerunt. quia cum servitia nulla sint, quando desierunt, intelligi non facile potest, ut ex eo conversiones imperiorum hauriamus. extant enim leges Caroli Magni, Ludovici Pii, ac Lotharii, de servis, in libro legum Caroli Magni, & in libris legum Longobardorum. sunt etiam de servis & ancillis fugitivis constitutiones Gulielmi regis Siciliae ac Neapoleos, & Friderici I I. Imper. in placitis regni Neapolitani. vixit Fridericus anno 1212. sunt & Alexandri I I I. Pontificis, Urbani I I I. Innocentii I I I. decreta de conjugii servorum. Alexander creatus est Pontifex anno 1158. Urbanus 1185. Innocentius 1198. igitur à temporibus Friderici esse desierunt. nam Barthol. ad legem hostes: de captivis scribit, suo tempore servitia nulla fuisse, ac jampridem desuisse, nec homines Christianis moribus usquam vendi. vixit autem anno 1309. idque Panormitanus animadversione dignum scribit. Illud etiam non minus omittendum quod in Curiae monimentis legi, decreto Senatus Catalaunensem Pontificem prohiberi, quo minus feudum possidere aut servos etiam consentiente capitulo manumittere, decretum est anno 1272. antea quidem servile bellum Hispanias graviter afflixerat. sub Aurelio Alfonsi regis filio; anno salutis 1281. ac mihi fit verisimile Christianos Arabum exemplo servitia sustulisse: propterea quod Muhamedes, vel potius Homarus, servos suæ religionis ad pileum omnes vocavit. quod in imperiis Christianorum graves tumultus commovit, ut videre est in legibus Caroli Magni de conjurationibus servorum, lib. 11. cap. 7. concessa libertate secuta est miserranda illa, quæ Respublicas evertere solet, inopia: hinc furta, latro-

latrocinia, cædes, & publicæ mendicantibus merces constitutæ. Religionum quoque varietas imperia cœtusque hominum vehementer labefactavit: quæ olim ab omnibus æque colebantur, præterquam à Iudæis. hinc igitur infinitæ Rerumpublicarum conversiones: ac plerique sola religionis specie maxima regna invaserunt: Arabes, inquam, Persæ, Mauri, Pontifices Romani. nam Iosippi gens imperium Mauritanix Marinis ademit, eo modo quo Ismael Persarum regnum concionibus & religionis specie recuperavit. id quoque tentavit Carolus V. in Germania, ut nuper quidam apud nos. Ipsi Pontifices Romani non modo Urbem, sed etiam Latium, Picenum agrum, Umbriam, Flaminiam, Æmiliam, cum magna Hetruriæ parte: neque hæc tantum, verum etiam regna Siciliæ, Neapoleos, Aragoniæ, Angliæ, suæ ditioni, vectigalibus imperatis, subjecerunt. legi, nec sine admiratione legi, quæ & qualia essent Ecclesiæ Romanæ prædia: quæ beneficia seu feuda: quæ vectigalia regibus imperata: ac professiones Pontificibus factas ab iis quos dixi Regibus: quæ mihi spectanda exhibuit ex archetypis Vaticani descripta, Carolus Mota collega meus antiquitatis studiosissimus, ac optimus interpret. Quinetiam Gotosfridus Bulionus, Syriam utramque suis armis subactam, Pontificum Romanorum beneficio tulit acceptam. In quo videtur principum Africæ exempla secutus, qui regna, imperia, vitam, & fortunas omnes Pontificibus Ismaelitarum accepta ferebant.

His explicatis, videamus utrum ex numeris Pythagoricis, conversiones imperiorum haberi possint. absurdum sane mihi videtur quod Plato Rerumpublicarum exitus & vicissitudinis. sola numerorum potestate metitur. tametsi enim Deus immortalis, omnia numeris, ordine ac mensura mirabili colligavit: non tamen numerorum viribus, multo minus fato tribuendum est, sed majestati divinæ, quæ ipsa, ut Augustinus scribit, fatum est, aut nullum omnino aliud

Conversiones Rerumpublicarum ad numeros collata.

liud existit. itaque cum Aristoteles causis consequentibus omnia tribueret, Platonis numeros irrisit, lib. 5. de Republica, quo nihil melius est in tota illa disputatione, aut accuratius ab eo tractatum. causas autem conversionum multas affert, quæ mihi videntur generibus omnino contineri: sunt autem injuria, honor, metus, contemptus, nimix paucorum opes, nimia multorum inopia quæ quod ab illo copiosè disputata sunt, omitto. sed cum Plato in illa Republica quæ proprie Socrati tribuitur, modis omnibus providisse fingatur, ne quis alteri ullam injuriam inferret, ne quis alium metueret aut contemneret, neve honoris aut lucri causa Rempublicam perturbaret: postremò pestes illas antiquissimas civitatum, scilicet opes & inopiam, de sua Republ. summovisset: non poterant illa quæ sunt ab Aristotele allata, interitum Reipublicæ afferre, si demus talem esse qua nulla melior fingi potest, interitum tamen sentiet, inquit Socrates, sua ipsius vetustate: quoniam ejusmodi est omnium rerum natura. miror tamen cur Plato, qui mundum divina bonitate perpetuum fore putavit, alioqui suo pte morbo ac senio ruiturum: non etiam de optimo Reipublicæ statu idem judicavit. Platonis interpretes exitium Reipublicæ tum demum fore tradiderunt: cum harmonia numerorum labefactaretur. non igitur esset optimus ille status, quem Socrates animo concipiebat, si morbo interiore, aut concentu perturbato Respublica ritura sit. illud autem numeris acceptum ferre absurdum videatur. ut enim numeri male sibi cohærentes discrepantiam ingratam efficiunt; propterea quod ex his soni conflatu misceri non possunt, & cum alius alium pellat, utrique vi quadam aures subire conantur. concentu verò sonorum suaviter confuso, id est cum rationi congruentibus numeris apte miscentur, nihil discrepare potest: sic Respublica suavi semper concentu temperata confusaque, ubi nullum dissidium, nulla sonorum discrepantia est, neque

ex

ex hypothesi esse potest, non video quomodo labefactari queat. Quare falsum est quod ait Forresterus, voluisse Platonem Respublicas initio bene constitutas, & eam præsertim quam nobis proposuit ad imitandum, temporis decursu veluti numeros initio bene sibi congruentes, paulatim discrepare: idque fieri putat, cum à sesquitertia ratione disceditur. sed ab eo tam multa peccantur, ut quid maximè, dici non possit. primum quodd rationes harmonicas tripla & quadrupla ratione connectit, quæ paribus & imparibus numeris dupla triplaque ratione debent copulari, ut ipsa numeri nuptialis natura docet. itaque suavissimus ac primus omnium concentus, cum ab unitate discefferis, est ea quæ ratio sesquialtera dicitur duorum ac trium, quæ nullo interjecto medio copulantur. postea novem & quatuor, vehementer discrepant, quia sine medio cohærere non possunt: igitur senarius utrumque æqua ratione copulabit: & cum utroque suaviter concinet. consimiliter 27. cum 8. eadem ratione qua superiores junguntur, duobus interjectis mediis, scilicet 12. & 18. nec si in infinitum progrediare isto modo, ulla discrepantia futura est. itidem in ratione sesquitertia trium & quatuor non quidem iusta est harmonia, ut ille voluit: cum neque veteres, neque nostri concentum illum ferre possint, sine tertia aut quinta. sed tamen is concentus suam quoque servabit venustatem, si, ut in prioribus intermedios numeros quæramus. quid enim ineptius quàm eandem rationem constituere trium ad quatuor, quæ est viginti septem ad 64. demus igitur veram rationem inter utrumque 36. & 48. idem erit proximi cujusque concentus ad alterum., qui est in trium ad quatuor. hæc autem harmonia concors perpetua futura est, etiamsi in infinitum progrediare, ut si demus 243. & 1024. qui in numero nuptiali duplaque ratione sunt quadrati, in concentu æquè discrepabunt, ac vigintiseptem & sexagintaquatuor. fin ratio-

tiones medias inferueris ; scilicet 324. 432. 576. 768. proximus quisque finitimo tam bene concinet & cohærebit , quàm tribus quatuor ; quia in omnibus sesquitertia ratio est. In hoc etiam vehementer labitur quod aliorum opinionem secutus , magnum Platonis numerum duodenarii cubum facit : quod quidem si verum esset , cur Plato altera parte longiorem quæri voluit ? plerique ad hunc scopulum suam navem affixerunt. Sed quoniam nihil obscurius ac difficilius Platonice numeris videtur , nihil temerè affirmabo : illud tantum quod ad conversiones imperiorum pertinet , voluisse Platonem Respublicas quantumvis bene constitutas , etiam domestico vitio , vel externa vi certo quodam annorum decursu labefactari : ut adamas & aurum , tanta naturæ vi ac præstantia colligata sunt , ut cum per se ipsos violari non posse videantur , à se tamen violantur , id quod ex principiis constat : tum etiam externa vi , quia diuturnis ignibus , aut aqua chrysulca , paulatim effluunt & corrumpuntur. Sed mirum est ex omnibus Academicis tum Græcis tum Latinis , neminem hætenus numerorum præstantiam illam ac dignitatem , quæ ad statum imperiorum pertinet , ullius civitatis exemplo docuisse : præsertim cum illud non modo pertineat ad status , sed etiam ad incrementa , conversiones & exitus Rerumpublicarum : tum etiam Epicureos confiteri cogat , res humanas non temere ac fortuito , sed præpotentis Dei maiestate ac providentia gubernari . quod igitur ab aliis omissum est ac fortasse consulto prætermisum , breviter complectamur. Hoc primum intueri licet , senarium perfectum numerum , feminas ; septenarium verò mares immutare : tum etiam utriusque periculosos esse morbos , qui in septenarium ac novenarium incurrunt & in tota rerum natura magnam esse talium numerorum potestatem : septimus quisque annus , ait Seneca , ætati signum imprimi . hoc tamen de maribus dictum oportuit . ita quoque Rerumpublicarum conver-

siones, aut septenariis ac novenariis multiplicatis, aut eorum quadratis in se ductis, aut perfectis, aut sphæricis numeris, contingere, non sine admiratione variis exemplis animadverti. hominum quidem interitus, in septenarios ac novenarios incurrere, nemini dubium est in eam rem penitus intuenti: ut XIV. XVIII. XXI. XXVII. XXVIII. XXXV. XXXVI. XLII. XLV. XLIX. LVI. si verò septenarius cum novenario concurrat, annum periculosissimum esse omnis antiquitas comprobavit. hinc Augustus in quadam epistola gratulatur amicis, quod annum 63. quem ipse fatalem omnium seniorum appellat, securus evasit. proximus est 70. quo mortuus est Petrarca, eo die quo natus erat in orbem recurrente. deinde 72, quo mortuus est Epicurus, qui tanto studio suæ salutis consulebat. hunc sequitur LXXVII. quem fere attigit Augustus; implevit Fridericus III. hic annos LIII. ille LVI. imperavit. uterque mortuus est 14. Cal. Septemb. sequens quadratus est novenarii 81. quo mortuus est Plato, eodem die quo in lucem venerat recurrente. neque hunc numerum egreditur David, cum describit hominum vitam: pauci ad LXXXIV accedunt, qui septenario duodecies ducto coalescit. atque hunc annum implevit Theophrastus, qui moriens de natura questus est breve sibi vitæ spacium, longum cornicibus dedisse. hoc quoque anno Paulus III. & IV. Pontifices mortui sunt. sunt tamen qui nonagesimum, id est, novenarios decem expleverunt; ut Fr. Philippus. Io. Apostolus vixit novem & nonaginta, ut historia testatur. D. Hieronymus unum & nonaginta vixit, id est XLII septenarios. quin etiam illi ipsi qui diuturnum illud tempus vixerunt, quod in libris nostris ac literis testatum habemus, septenarios aut novenarios fere omnes expleverunt. Lamech septingentos septuaginta septem annos vixit, Methusala nonagesimum ac septuagesimum attigit, Abrahamus 175. id est 25 septenarios implevit, Iacobus 147. id est 21 septenarios, Isaac

cus 180. id est novenarios 20. ac tamen si violenta mors interdum ob violentos fortasse radiorum concursus & trajectiones contingat: sæpius tamen in septenarios aut novenarios incurrat; nisi divina voluntate natura prohibeatur. moriuntur enim innumerabiles anno **LXIII**. Aristoteles, Chrysippus, Bocius, D. Bernardus, Erasmus, Lutherus, Melancton, Silvius, Alexander, Iacobus Sturmius, Nicolaus Cusanus, Th. Linacer; omnes affecti morbis: eodem anno Cicero cæsus est, Alexander Pont. Max. 72. venenum maleficum hausit. Isocrates nonagesimo nono accepta clade Cherronensi seipsum inedia peremit. Plinius quinquagesimo sexto suffocatus, Cæsar occisus, Oecolampadius mœrore contabuit anno 49. Atticus inedia septuagesimo septimo. Idem igitur iudicium adhibeamus in conversionibus Rerum-publicarum: sed ita ut quadratos & cubos septenarii ac novenarii; aut alterutrius cubum vel quadratum in radicem alterius ducamus: aut etiam perfectum numerum: aut denique sphæricos & solidos cubos magno numero comprehensos. postremo quadratum & cubum duodenarii, qui ab Academicis magnus numerus Platonis appellatur. Quadrati quidem septenarii ac novenarii **XLIX**. **LXXXI**. cubi **cccXLIII**. **dccxxix**. quadratus septenarii ductus in radicem novenarii 441. & novenarii quadratus in radicem septenarii 1067. perfectus numerus 496. nam 6. & 28. perfecti minores sunt: reliqui perfecti centum & octo milliâ superant, ac majores sunt quam ut ad Respublicas accommodari possint. quadratus duodenarii centum & quadraginta-quatuor, cubus 1728. quem numerum annorum nulla Respublica superavit. quare numeri majores rejiciendi erunt. Sphærici numeri magno numero comprehensi quatuor sunt; puta 125. 226. 625. 1296. Hac numerorum paucitate in tam infinita multitudine, qui neque perfecti sunt, neque quadrati, neque cubici: aut tales quidem, sed ex pari-

paribus digitorum, non ex imparibus compo-
 siti: aut etiam ex imparibus, sed non ex septe-
 nariis aut novenariis, qui in infinita multitudine
 sunt admodum pauci: licet mirabiles om-
 nium pene Rerumpublicarum conversiones in-
 tueri. Ac primum ut auspicemur à cubo duode-
 narii, quem Academici nonnulli magnum & fa-
 talem numerum Platonis esse ajunt, reperiemus
 monarchiam Assyriorum à Nino rege usque ad
 Alexandrum Magnum, hunc numerum ad un-
 guem implevisse, ex ipsius Philonis, quem Me-
 lanchthon, Funccius, ac doctissimi quique se-
 quuntur, opinione. neque verò longius repe-
 tendum est, quàm à Nino, à quo Diodorus, He-
 rodotus, Ctesias, Trogus, Iustinus auspicantur:
 propterea quòd primus imperandi formam sta-
 bilit, ac Babylonem condidit. Assyriorum verò
 & Persarum verius est ut una sit, quàm monar-
 chiæ plures: aut Chaldæorum, Medorum, ac
 Parthorum monarchias ab Assyriis & Persis di-
 vellere oportet: qui tamen ejusdem pene re-
 gionis incolæ sunt ac cives. Alexander verò ju-
 re monarchiam novam efficit, cum ab Europa
 in Asiam homo plane peregrinus, novum ge-
 nus hominum transmiserit, Darii copias deleve-
 rit, mores denique ac leges immutarit. sed hæc
 suo loco. Rursus ab eluvionibus aquarum, us-
 que ad everisionem templi ac Reipublicæ He-
 bræorum, numerantur anni à Philone 1717. Io-
 sippus ducentos amplius; alii multo pauciores
 complectuntur. putem ego tum ex historiarum
 veritate, tum etiam ex ipsius numeri magni
 præstantia, 11 annos ad Philonis calculum addi
 oportere, ut duodenarii cubo nihil desit, aut su-
 perfit. nam eo ipso tempore defecit Ægyptus à
 regibus Assyriorum: Scythæ Asiam minorem in-
 valerunt: Pisiſtratiidæ ab Atheniensibus; Tarquinii
 à Romanis ejecti sunt. Ex eo quoq; Danielis he-
 bdomades plurimum illustrantur. cum enim ma-
 xima sit inter omnes scriptores varietas de na-
 tivitate Christi: Philo tamen qui omnium anti-
 quorum certissimus habetur, colligit annorum
 tria

9993.

tria millia 993. cui Lucidus tres adimit; Io. Maria sex addit. idque ex multis conjecturis, quibus magis assentior; propterea quod numerus ille est ex quadratis septenarii ac novenarii multiplicatus, puta ter mille 999 mirum in modum congruens conversionibus rerum maximarum, quæ postea secutæ sunt. tum etiam Christi mors ea ratione incidit in annum mundi quater millesimum. quo sane pertinent septuaginta Danielis hebdomades quæ annos capiunt $CDXC$. quod si auspicemur ab anno septimo Darii Longimani. propterea quod Esdras tum missus est Hierosolymam Reipubl. constituendæ causâ, id est, anno sexto ante tempus Hebdomadarum: senarius ille solus inter digitos perfectus, cum hebdomadibus LXX , id est, septies septuaginta annis (diem enim pro anno sumit scriptura) conficit alium numerum perfectum $CDXCVI$. qui mirabiliter congruit conversionibus Rerumpublicarum. quod ut planum fiat, ne incertis conjecturis ducamur, exempla ex Romanorum fastis consularibus, quibus nihil certius esse potest, eruamus. nam ab V.C. usque ad eum annum quo Iulius Octavianus victo ad Actium Antonio primus à Senatu Augustus est appellatus, ac totius orbis imperium ei delatum, anni sunt $DCCXXIX$. cubus novenarii ab Augusto ad Augustulum, qui postremus Romanorum Imperator in Fastis appellatur (est enim ab Odoacre rege Gothorum ejectus) anni sunt $CDXCVI$ perfectus numerus. ab V. C. usque ad imperii eversionem illam, numerus annorum quadratus est, scilicet $MCCXXV$ & ex integris septenariis constans. M. Varro apud Censorinum scribit, Vectium augurio nobilem audisse cum diceret, quoniam annos CXX incolumis præterisset, pop. Rom. ad M & CC perventurum. totidem annos comperio à Nino usque ad Arbacem primum regem Medorum. Funccius tres amplius annos complectitur: alii pauciores: sed illud mirabile mihi visum est, quod non solum ab Augusto ad Augustu-

gustulum; sed etiam ab exactis Vrbe regibus usque ad Cæsarem Dictatorem idem numerus annorum *CDXCVI* recurrit. neque id tantum, verumetiam à Constantino Magno ad Carolum Magnum, quo anno primum Imperator Romæ creatus est, anni *CDXCVI* ab Onuphrio studiosissimo Romanæ antiquitatis colliguntur: tametsi magnam temporum, nullam numerorum rationem haberet. neque id solum, verumetiam ab Alba condita usque ad ejus everSIONem, à Tullo Hostilio, nec plures sunt, nec pauciores anni *CDXCVI*. hoc etiam amplius quod à Saule primo rege Hebræorum, usque ad captivitatem numerantur anni *CDXCVI*, tametsi Genebrardus tres addat; Græcus verò decem, Talmudici centum fere detrahant: sed sui dicti nullam necessariam asserunt rationem. à reditu populi, & secunda templi constructione sub Zorobabele, usque ad eum annum, quo Herodes à Senatu rex appellatus, sunt anni *CDXCVI*, consimiliter ab Arbace primo rege Medorum, usque ad Alexandrum Magnum *CDXCVI*. regnum vero Macedoniæ à Carano primo rege usque ad obitum Alexandri, totidem annos capit. Funccius octo detrahit. alii *XII* addunt, putem ego medium esse feriendum. plura tamen hujus numeri conversionum argumenta proferemus in Republ. Gallorum. constat autem numero Danidis, senatioque perfecto perfectus evadit: præterea solus in magno numero ex novenariis & septenariis conflat, unitate utrobique deficiente; atque hic numerus est quem veteres innuere voluerunt, cum dicerent Rerumpublicarum periodum esse annorum *D*. cum nullam vim numerorum perficerent. est enim numerus ille impetus ad rerum humanarum aut naturalium conversiones. quippe nec perfectus, nec quadratus, nec cubicus, nec sphæricus, neque ex novenariis aut septenariis, neque ex eorum radicibus aut quadratis conflat. si quis autem diligentius animadvertat bella civilia Romanorum, secessiones plebis, ac cædes civium inter ipsos,

ipſos , reperiet annorum numerum ſeptenariis, aut novenariis, aut utriſque conſtare. nam ab V. C. uſque ad regifugium, anni ſunt CCXLIII. à regifugio ad parricidium , CCCCLXVIII. à regifugio ad ſeceſſionem plebis in montem ſacrum, anni XVIII. ad ſecundam LXIII. ad tertiam CCXXV. ad ſeditionem Gracchanam CCCLXXVIII. ab hac rurfus ad bellum civile Marianum, XLV. hinc ad alterum Cæſaris , VII. à parricidio ad bellum civile Siculum. VII. hinc ad bellum civile Actiacum ultimum VII. numeri omnes ex integris novenariis aut ſeptenariis, aut ex utriſque conſtati. Vrbs autem ipſa capta eſt poſt ejus conditionem anno CCCLXIV. qui ex integris ſeptenariis æque conſcitur. ab V. C. uſque ad cladem Cannenſem, anni ſunt DXXXIX. qui numerus ex ſeptuaginta ſeptem ſeptenariis conſtatur. tunc enim imperium Romanum pene deletum eſt. à clade Cannenſi ad Varianam , anni ſunt CCXXIV. ex integris æque ſeptenariis; & utraque clades contigit IV. Non. Aug. Conſimiliter Athenarum mœnia ſolo exæquavit Lyſander anno ſeptimo ac ſeptuageſimo poſt victoriam Salaminiam. addit Plutarchus in Lyſandro, utrumque contigiſſe ſexta die menſis Munichionis. Ita quoque Pœni cum anno Chriſti DCCVII. Roderici regis anno ſeptimo Hiſpanias invaſiſſent, anno poſt ſeptingenteſimo ſeptuageſimo ejeſti ſunt, ut ex ipſo Tarapha Hiſpano ſcriptore colligitur. De cubo ſeptenarii multa quoque ſunt exempla : eſt enim numerus ille à Moſe in magno Iubilæo conſtituendo ſelectus. itaque à victoria Iudæorum adverſus Amanum auxilio Heſteris, uſque ad victoriam adverſus Antiochum, anni ſunt CCCXLIII. & utraque victoria obrigit III. Idus Mart. qui Hebræis Adar dicebatur, ex quo Hebræi hunc diem magno habent in honore. totidem anni ſunt ab Auguſto, ex quo imperium ſolus obtinuit. uſque ad Conſtantinum Magnum; cum ſolus imperium accepit. Regnum Perſarum à Cyro uſq; ad Alexandrum ſterit annos CCX. qui numerus ex integris ſeptenariis xxx

conflatur. totidem annos imperarunt Longobardi. Paulus Diaconus tres annos detrahit, qui restant usque ad necem Desiderii: tamdiu Calem tenuerunt Angli. Reges Syriæ & Asiæ minoris à Nicanore primo rege usque ad Philip-
pum ultimum, totidem annos imperarunt. Ab exitu Hebræorum ex Ægypto usque ad ever-
sionem templi ac Reipublicæ, numerantur anni
nongenti, qui numerus ex duobus quadratis no-
venario ac centenario in se ductis conflatur.
non plures sunt ab Euristhene primo rege Lace-
dæmoniorum, ad Nabyda tyrannum; quem
Philopœmen de imperio dejecit, ac statum Rei-
publ. Laconicæ omnino immutavit. Lycurgi ve-
rò leges sublatae sunt, ac Lacedæmonii Achæo-
rum mores accipere coacti, anno post DLXVII
quam latae fuerunt à Lycurgo: numerus ex qua-
drato novenarii in septenarium ducto. Ptolemæi
verò à Lago usque ad Augustum, qui Ægyptum
in provinciae formam redegit, imperarunt annos
ccxciv, qui ex integris septenariis constat. He-
bræorum Respublica jacuit annos septuaginta:
totidem annos imperium Græciæ tenuerunt A-
thenienses, ut scribit Appianus. Gothi à Theo-
dorico primo rege, usque ad Totilam, regna-
runt annos septuaginta septem, ut Onuphrius in
Fastis scribit. Lacedæmonii XII annos Græcis
omnibus imperarunt, auctore Appiano. hunc
quoque numerum magni numeri radicem ex-
plevit Alexander Magnus: nam sex annos ante
Darii mortem, totidem eo cæso imperavit; post-
ea ejus imperium repente in plurima, veluti
fulgur in partes desiliit. Ac ne vetera quærantur,
domesticis utemur exemplis, & exactissima tem-
porum collatione Ioann. Tili cum Fastis con-
juncta. Gallia Romanis paruit à Cæsaris extrema
de Gallis victoria, usque ad Marcomerum ducem
Francorum (cujus opib. freta Valentiniano tribu-
tum imperanti denegavit) anno cccxli, qui nu-
merus ex quadrato septenarii ducto in novena-
rium conficitur. hinc ad Waramundum novem an-
ni; ad ejus regnum, ter novem. ex quo verò dux est

appellatus, usque ad Pipinum, qui ex magistrō
 palatii regnum invasit pulso rege Hildericho, anni
 sunt CCCXLII. cubus septenarii. à cæde Syagrii,
 qui Romanorum ultimus Galliæ præfuit, usque
 ad Capetum, qui genere Gallus, tametsi negant
 Germani, natione Andegavus, imperium Fran-
 cis ademit, perfectus est ille numerus CDXCVI.
 ab Waramundo usque ad Capetum, anni DLXVII,
 numerus ex quadrato novenarii in septenarium
 ducto. rursus ab Waramundo usque ad Hugo-
 nis Magni, ac principum defectionem à rege
 Ludovico IV. ipsiusque captivitatem, anni sunt
 DXXII, solidus cubus. hinc ad alteram Caroli
 Burbonii defectionem à Francisco, ejusque ca-
 ptivitatem, quadratus est dupli duodenarii, pu-
 ta DLXXVI. totidem quoque numerantur
 à Capeto, ad sacrum hoc funestumque bellum,
 quod civili sanguine nuper gestum est. nec plu-
 res sunt nec pauciores à captivitate Caroli ducis
 Lotharingi (quem Capetus de legitima regni
 successionē compulit in carcerem Aureliorum)
 ad Carolum illum Lotharingum, qui regiam
 potestatem adeptus, Capeti stirpem Aureliorum
 carceribus conclusit: & utroque tempore infe-
 lix Aurelia fuit genti Lotharingorum. confimi-
 liter à Carolo Simplice, quem bona fide Pero-
 nam profectum, Hebertus Comes captivum de-
 tinuit, usque ad Ludovicum minimè omnium
 simplicem, qui tamen sua se voluntate, vel po-
 tius temeritate Peronam contulit, & in eadem
 arce captivus est à Carolo Comite retentus, an-
 nos habemus DXXI, numerum ex integris no-
 venariis constantem. rursus à Capeto usque ad
 Caroli octavi memorabilem in Italiam expedi-
 tionem, perfectus est ille numerus CDXCVI.
 ab everfione imperii Longobardorum, & Insu-
 bria à Carolo Magno capta, usque ad confimi-
 lem expeditionem, & Insubriam à Ludovico
 XII. receptam, plane cubus est novenarii, sci-
 licet DCCXXIX. anni, quibus temporibus
 Respublica Venetorum gravissimas clades ac-
 cepit. docuimus Veneros antè Carolum Magnum
 stabile

stabile imperium nullum habuisse, sed pactis Nicephori & Caroli Magni libertatem accepisse. steterat igitur Respublica Venetorum annos DCCXXIX. cùm ejus everfio pene secuta est. eodem enim tempore Maximilianus Imp. Ludovicus XII. Rex Ferdinandus, Julius II. Pont. in ejus Reipubl. ruinam conjurarunt. quinetiam cum tot ac tantis hostibus Turcarum princeps, ipsaque fortuna conspirasse visa est. urbs enim sulphureis pulveribus fortuito accensis plurimum deformata est, ac auri vis infinita naufragio amissa. & quidem eo tempore Veneti lumen ingenii, consilii que sui magnificè ostentarunt. hoc etiam animadversione dignum, quod à Godefrido, qui Persas memorabili clade fregerat, ac Syriam servitute liberarat, usque ad Balduinum ultimum, qui captus est à Saladino anni sunt XC. numerus ex integris novenariis constans. Græcorum quoque imperium Galli tenuerunt annos LXI. à Balduino scilicet usque ad Palæologum, Pontificatum vero annos LXX. numerus uterque ex integris septenariis. sed infinitus sim, si omnia persequar conversionum momenta. his tamen propositis exemplis, licet iis qui abundant otio, rerum omnium publicarum conversiones, ab incorrupta fide historicorum derivare, & futura (quanquam cognita soli Deo) verius ac melius augurari, quam Cardani levissimis & falsissimis conjecturis. putat enim ab extrema cauda Helices, seu majoris Vrsæ, omne magnum imperium pendere. ut cùm verticalis esset nascenti Romæ, illuc imperium detulerit: deinde Byzantium: postea in Galliam: inde in Germaniam defilierit. quæ tam vera sunt, quam quæ de se ipse scribit in sua Genesi, nunquam esse mentitum, idque admirabile sibi videri affirmat. sed vir bonus hoc præstare debet ne mentiatur, id est, ut Nigidius interpretatur, scienter falsum dicat: prudens verò ne mendacium ei excidat, hoc est, ut ille voluit, ignoranter falsum enuntiet. quid autem homini vel mediocriter perito ejus artis quam

appellatus, usque ad Pipinum, qui ex magistro
 palatii regnum invasit pulso rege Hildericho, anni
 sunt CCCXLII. cubus septenarii. à cæde Syagrii,
 qui Romanorum ultimus Galliarum præfuit, usque
 ad Capetum, qui genere Gallus, tametsi negant
 Germani, natione Andegavus, imperium Fran-
 cis ademit, perfectus est ille numerus CDXCVI.
 ab Waramundo usque ad Capetum, anni DLXVII,
 numerus ex quadrato novenarii in septenarium
 ducto. rursus ab Waramundo usque ad Hugo-
 nis Magni, ac principum defectionem à rege
 Ludovico I V. ipsiusque captivitatem, anni sunt
 DXII, solidus cubus. hinc ad alteram Caroli
 Burbonii defectionem à Francisco, ejusque ca-
 ptivitatem, quadratus est dupli duodenarii, pu-
 ta DLXXVI. totidem quoque numerantur
 à Capeto, ad sacrum hoc funestumque bellum,
 quod civili sanguine nuper gestum est. nec plu-
 res sunt nec pauciores à captivitate Caroli ducis
 Lotharingi (quem Capetus de legitima regni
 successionem compulit in carcerem Aureliorum)
 ad Carolum illum Lotharingum, qui regiam
 potestatem adeptus, Capeti stirpem Aureliorum
 carceribus conclusit: & utroque tempore infe-
 lix Aurelia fuit genti Lotharingorum. consimi-
 liter à Carolo Simplice, quem bona fide Pero-
 nam profectum, Hebertus Comes captivum de-
 tinuit, usque ad Ludovicum minimè omnium
 simplicem, qui tamen sua se voluntate, vel po-
 tius temeritate Peronam contulit, & in eadem
 arce captivus est à Carolo Comite retentus, an-
 nos habemus DXL, numerum ex integris no-
 venariis constantem. rursus à Capeto usque ad
 Caroli octavi memorabilem in Italiam expedi-
 tionem, perfectus est ille numerus CDXCVI.
 ab everfione imperii Longobardorum, & Insu-
 bria à Carolo Magno capta, usque ad consimi-
 lem expeditionem, & Insubriam à Ludovico
 XII. receptam, plane cubus est novenarii, sci-
 licet DCCXXIX. anni, quibus temporibus
 Respublica Venetorum gravissimas clades ac-
 cepit. docuimus Venetos ante Carolum Magnum
 stabile

stabile imperium nullum habuisse, sed pactis
 Nicephori & Caroli Magni libertatem accepisse.
 steterat igitur Respublica Venetorum annos
 D C C X X I X. cùm ejus everfio pene fecuta est.
 eodem enim tempore Maximilianus Imp. Lu-
 dovicus XII. Rex Ferdinandus, Julius II.
 Pont. in ejus Reipubl. ruinam conjurarunt.
 quinetiam cum tot actantis hostibus Turcarum
 princeps, ipsaque fortuna conspirasse visa est.
 urbs enim sulphureis pulveribus fortuito accen-
 sis plurimum deformata est, ac auri vis infinita
 naufragio amissa. & quidem eo tempore Vene-
 ti lumen ingenii, consiliique sui magnificè osten-
 tarunt. hoc etiam animadversioe dignum, quod
 à Godefrido, qui Persas memorabili clade fre-
 gerat, ac Syriam servitute liberarat, usque ad
 Balduinum ultimum, qui captus est à Saladino
 anni sunt X C; numerus ex integris novenariis
 constans. Græcorum quoque imperium Galli
 tenuerunt annos L X I. à Balduino scilicet us-
 que ad Palæologum, Pontificatum vero annos
 L X X. numerus uterque ex integris septenariis.
 sed infinitus sim, si omnia persequar conversio-
 num momenta. his tamen propolitis exemplis,
 licet iis qui abundant otio, rerum omnium pu-
 blicarum conversiones, ab incorrupta fide histo-
 ricorum derivare, & futura (quanquam cogni-
 ta soli Deo) verius ac melius augurari, quam
 Cardani levissimis & falsissimis conjecturis. pu-
 tat enim ab extrema cauda Helices, seu majoris
 Vrsæ, omne magnum imperium pendere. ut
 cùm verticalis esset nascenti Romæ, illuc impe-
 rium detulerit: deinde Byzantium: postea in
 Galliam: inde in Germaniam defilierit. quæ
 tam vera sunt, quam quæ de se ipse scribit in
 sua Genesi, nunquam esse mentitum, idque ad-
 mirabile sibi videri affirmat. sed vir bonus hoc
 præstare debet ne mentiatur, id est, ut Nigidius
 interpretatur, scienter falsum dicat: prudens
 verò ne mendacium ei excidat, hoc est, ut ille
 voluit, ignoranter falsum enuntiet. quid autem
 homini vel mediocriter perito ejus artis quam

ipse profiteretur, aliud est mentiri nisi hoc est? cum enim intelligeret innumerabilibus populis & urbibus hanc stellam verticalem fuisse ac semper futuram, adjecit Solem in vertice quoque meridiano urbi nascenti esse oportere cum ea stella conjunctum. ac tametsi vim illam in omnes ejusdem paralleli populos effundi fatetur, uni tamen loco imperium deberi tradit. atque hoc modo cornicum oculos configere se posse putavit. sed cum illa stella quinquaginta quatuor partibus absit ab Æquatore, & circulum Arcti cum describat, ut quantumcunque ex motu trepidationis declinet; XII partibus ab urbis perpendiculo recedat, perpendicularem esse non posse planum est. doceamus, ne in meridiano quidem; nec, ut ipse scribit, cum Sole conjunctam esse potuisse; quod longitudine tantum, & hora meridiana fiat oportet. id autem ex Varrone intelligi potest, qui, ut Plutarch. scribit, L. Taruntium Firmanum nobilem mathematicum jussit Urbis & conditoris diem & horam natalem, si fieri posset, describeret. igitur diligenti siderum peruestigatione comperit Urbis fundamenta jacta fuisse anno tertio sextæ Olympiadis, in quo Dionysius & Varro consentiunt, quinto Idus Pharmuti mensis, sive XI Cal. Maji, qui dies Palilia vocatur, Mense Aprilis, hora fere tertia post meridiem, Iove in Piscibus, Saturno, Venere, Marte in Scorpione, Sole Taurum, Luna Libram decurrente, anno Romuli duodevigesimo. Illud etiam didicit Plutarchus ex Antimacho Lyrio. Ursæ majoris nusquam meminerunt. erat autem ea stella in duodecatemorii Leonis parte XVIII, scrupulo LXI, ut perspicuum sit ex ipsius Copernici Tabulis, & accuratissima motuum doctrina. his verò temporibus in XX parte Virginis scrupulo L. quæ cum ita sint, quomodo fieri potuit ut Romæ nascenti verticalis esset, cum pars duodecima Geminae cor cæli teneret? ab eo enim Leonis pars XVII quinquaginta quatuor partibus abest: quanto minus Soli conjungi potuit, qui Taurum

rum percurrerebat. extrema verò Vrsæ Leonem? aberat igitur xc partes in longitudinem, xlv in latitudinem, quo minus Soli conjungeretur ullo modo. hoc verò ineptius, quod Byzantio verticalem dixit, cùm imperium illuc à Romanis translatum est; cum tamen Vrbs illa prius esset condita, quam Romulus natus. ut ex Polybio constat: multo magis absurdum, quod è Græcia in Galliæ verticem defiliit, hinc in Germaniam contra naturam sui motus & inclinationis. sed hæc risu magis quàm confutatione digna videntur. cur enim Scandi & Livones, qui non modo caudam, sed etiam totam Vrsam perpendicularem Soli habent, nullum unquam imperium eo pertraxerunt, sed contrà, pateant incursionibus & imperiis finitimorum? Aut si perpendiculares stellæ imperia tribuant, cur illæ quæ illustres ac regiæ à veteribus dicuntur? Regulus, inquam, Palilicium, Virgilæ, Antare: cur illæ xv, quas ipse Cardanus Regias vocat; cur Spica, Fidicula, Arcturus, atque adeo planetæ omnes, qui penè soli Africæ perpendiculares sunt, illuc imperia non transtulerunt? nam Europæ & Asiæ legionibus semper Afri cesserunt. Aliter Copernicus, qui imperiorum conversiones ad centrum eccentrici parvi circuli, ejusque motum pertinere judicavit, ut ejus discipuli scripserunt. parvus autem circulus non Solis est, quem immobilem ipse judicavit, sed ipsius terræ, quam motu cieri voluit. nemo tamen inscitiz tantæ fuit unquam, ut à centris circulorum cælestium, multo minus terrestrium, vim ullam influere putaret: neque id Copernicus scribere ausus est, sed ejus discipuli somnium illud præ certa & explorata tradiderunt: quæ cum ex historia falsa comperiantur, nec motus centri eccentrici, siue Solis, cum imperiorum conversionibus ullo modo congruat, satendum est ab immortali Deo totum illud pendere: aut si ad causas consequentes conversionem imperii cujusque referamus, Deo sideribus velut instrumentis utente, ad insignes illos siderum concursus, de

quibus superiori capite diximus, pertinere iudicandum erit: sed quia veteres illud animadvertere non potuerunt propter ignotos cælestium orbium motus: posterius verò penitus neglexerunt: nulla facilius ratio visa mihi est, quam illud ex numeris quodammodo colligere: ab radice cuiusque imperii (quam Ptolemæus *ἡ ἀρχὴ*, Alfonso Eram, id est radicem Hispanico verbo appellat) initio ducto: velut in febricitantibus solemus ex ipsis decretoriis diebus salutem aut *παροξυσμὸν* augurari: ita ut dies una & eadem, si plures variis temporibus laborare cœperint, aliis quidem salutaris sit; aliis extrema: interdum tamen siderum ac maleficæ trajectionis tanta vis est, ut sine discrimine dierum, plures uno hauriat & eodem momento: ita suis etiam morbis imperia laborant, ut Polybius scribit: & ut violentos interdum, ita naturæ quoque congruentes exitus habent, certis quibusdam ac decretoriis numeris comprehensos. nec me movet, quod Aristotel. lib. v. de Repub. & extrem. *Ο τῶν μετὰ τὰ φύσ.* nihil omnino in numeris momenti esse putavit: cur ergo septimus masculus scrophulis medetur? cur partus septimo ac nono mense vivunt, octavo nunquam? cur septem planetæ novem orbēs? cur illorum ad hominis longitudinem ratio septuplex? id enim Ambrosius Pareus Regius chirurgus mihi confirmavit. cur dies septimus inedia necat? hoc equidem Plinius diuturna experientia cōgnitum scribit. cur Lunæ mirabiles conversiones septenariis omnino constant? cur septem nervorum paria? cur philomelā septem dies, totidemque noctes assidue novem discrimina vocum ingeminat? cuius miraculi admonuit Iac. Boius Præses curiæ Armoriorum, vir optimè à natura, uberius etiam à doctrina politiore informatus: cur denique septenarius Euripi fluxus ac refluxus Aristotelem, ut quidam prodiderunt, ad furorem; ut alij, ad præcipitium adegit? quia non ceperat Aristoteles Euripum, Euripus Aristotelem dicitur cēpisse. at sapientissimus Moses

& Prophetæ , omnia pene oracula septenariis concluderunt : celebritates septimo die, septima hebdomade , septimo mense indictæ : septimo anno agrorum quies , ac servorum manumissio : post annum vero septies septimum , magnus Iubilæus , & liberatio omnium debitorum, agrorumque ad pristinos dominos reuersio. hinc septenarius ab Hebræis sacer numerus est appellatus. atque hæc significant res humanas non temere ac fortuito ferri, ut Epicurei jactant ; nec inviolabili fato, ut Stoici : sed prudentia divina : quæ tametsi res omnes , admirabili ordine, motu, numero, concentu , figura colligavit, nihilominus eas voluntate , arbitrioque suo interdum mutat : ut Iesaias de Ezechia scribit , cui precanti Deus vitam protraxit, & solem retrogressum ostendit. interdum verò tempus maturare dicitur in Scriptura Sacra , propter scelerum ultionem , vel commiserationem, ut Paulus de oraculo Helix scribit . argumento sint eluviones aquarum, quæ Dei jussu citius factæ sunt, quam numerus magnus ordini naturæ congruens expleri potuisset, id est anno conditi orbis MDCLVI. cui numero sic addantur octo novenarii , scilicet LVII. conflatur cubus ille magni duodenarii : ut homines intelligant nullis numeris , aut ulla necessitate obligari Deum , sed naturæ legibus solutum; non à Senatu aut populo, sed à seipso : nam cum naturæ leges ipse jusserit , nec ab alio quam à se ipso Imperium habeat, consentaneum est suis legibus esse solutum, & aliter atque aliter decernere de rebus hisdem. sic enim Ambrosius scribit , non semper improborum scelera vindicari , ne putent inferorum nullas esse pœnas , nulla præmia bonorum : neque tamen flagitiosos omnes impune vivere, ne illud jactent, Mortalia nulli sunt curata Deo: ita quoque de bonorum & impiorum Republ. judicandum est, ne fatis aut fortunæ quicquam tribuere cogamur. Hæc breviter sunt à me de conversionibus imperiorum ex intima Philosophia disputata, tum ut eruditos ad pulcerrimarum earum re-

rum contemplationem excitarem ; tum etiam, ut in imperiorum mutationibus ne nos ipsos affligeremus ; quod magnis sæpe viris, accidit. etenim nulla re Pompejus clade Pharsalica dilapsus ac Reipub. casum acerbissime lugens leniri potuit, quam Secundi Philosophi oratione, qua persuasus est certos esse à Deo immortali ambitus imperiorum constitutos.

*Conver-
siones im-
perii Ro-
mani.*

Nunc ab historia conversiones & exitus Rerumpub. quæ olim magis claruerunt, cum nostris comparemus, ut ex utrisque veritas magis elucescat. Omnium autem clarissima fertur esse Romanorum, quæ cum aliquamdiu sub regibus floruisset, in tyrannidem prolapsa Tarquiniorum: deinde his exclusis in optimatum ac patriciorum potestatem sæpius repugnante plebe, post in factionem decemviro- rum, quibus cæsis, ac prostratis populus aliquamdiu legitimè ac temperanter imperat, quousque in homines incidere rerum novandarum cupidos: hinc ochlocratia, vel potius anarchia turbulentæ plebis à seditione Gracchana usque ad Marium & Syllam, qui urbem civili sanguine crudelissimè scædant: sexto denique ac trigesimo post anno, à Cæsare & Pompejo partium ducibus miserrime jactata fuit Respublica, quousque legitimo unius Augusti dominatu gubernaretur: hinc variè ab optimis principibus, mox etiam à tyrannis suscepta, tandem aliquando dignitatem amisit, cum Imp. Constantinus magnam partem Senatus, ac sedem imperii Byzantium transtulisset. postremo in Gothorum, Græcorum, Gallorum, Germanorum, Hispanorum potestatem pervenit, & alienis imperiis aut Pontificum libidini ad hæc usque tempora servivit. Iisdem fere procellis jactati sunt Athenienses.

*Conver-
siones
imperii
Atheni-
ensium.*

Cum enim Cecrops Atticorum XII oppida fortiter ab hostium incursione prohiberet, regnum adeptus esse dicitur, ab eoque regnatum est usque ad Æschylum annos circiter DCCC. post Æschyli mortem qui perpetuum imperium tenebat, optimates magistratum quali Dictato-
rem

rem decennalem crearunt: sed cùm is magistratus nimia potestate abuteretur, anno definierunt. primus Creon annuus magistratus, qui *ἔκρυς* à Græcis, iudex à Latinis dicebatur, electus est. eoque magistratu tantisper usi sunt, dum Pisistratus eodem modo, quo Dionysius ad corporis securitatem impetrata cohorte adversus Alemæonidas, perpetuam potestatem invasit. tum Hyparchus & Hippias Pisistratidæ, imperium annos septuaginta, ut Aristoteles scribit, vi tenuerunt, quousque alter cæsus est; altero mortuo secuta est popularis potestas à Solone prius instituta, sed legitima tamen ac iustam quinta classis, id est infinita plebs, & populi pars longe maxima, lege Solonis ab honoribus & imperiis arcebatur. primus Aristides legem illam abrogavit. postremo Pericles statum popularem in turbulentam ochlocratiam mutavit; cum Areopagitarum sublata, aut valde imminuta potestate, qua Reipublicæ salus & dignitas continebatur, ad plebem infimam omnia iudicia, consilia, totiusque Reipublicæ gubernationem, propositis præmiis ac largitionibus, quasi escam imperii detulisset. eo mortuo, deinde ejecto Alcibiade, cæso Nicia cum exercitu, imperium ad optimates ccc delatum est: paulò post tamen Thrasyli factione plebi restitutum, tandem amissa classe ad Ægospotamos, Athenienses cum sociis omnibus in Lacedæmoniorum potestatem venerunt. à quibus optimatum potestas est ubique pro populari constituta: hinc xxx delecti optimates Atheniensium Rempublicam gubernarunt: qui statim evaserunt factiosi tyranni: his igitur paulò post à Thrasybulo cæsis ac prostratis, summa potestas rursus ad populum rediit, ac tamdiu stetit, quoad Antipater Lamiaco bello, popolare imperium paucis optimatibus qui sua iussa exequiebantur, permisit; inter quos princeps erat Demetrius Phalereus. sed quarto ac decimo post anno Demetrius Poliorceres ejecto Phalereo, specieque proposita libertatis tyrannidem

invasit : eo tamen ab hostibus capto , Athenienses rursus popularem libertatem usque ad Syllæ tempora retinuerunt. is enim urbem Michridati faventem expugnavit, tamque hostiliter , tantaque cum civium strage diripuit , ut rivi sanguinis tota urbe decurrisse ferantur . antea quidem populi Romani beneficio libertate fruebantur, quam postea quoque eodem beneficio recuperarunt, ut Plinius scribit : nihil tamen præter umbram libertatis habuerunt, cum tyrannorum ac magistratum libidini servirent. sed animadversione dignum est, quod imperium Græciæ annos dumtaxat septuaginta tenuerunt , ut Appianus scribit. tametsi Demosthenes Olynthiaca III dumtaxat annos XLV Athenienses imperasse putet.

Conversiones imperii Lacedæmoniorum.

Imperium Lacedæmoniorum à regibus (qui annos circiter ccc ab Eurysthene usque Lycurgum regnarunt) in tyrannidem , ut Plutarchus tradit, converti cœperat , cum Lycurgus popularem potentiam instituit, sed valde moderatam, ut antea docuimus. anno post xxiv Theopompus ac Polydorus optimatum imperium omnino stabilierunt , atque in eo statu floruerunt annos DLXXVI, usque ad Nabyda tyrannum , quem Achæi duce Philopœmene imperio spoliarunt, sublataque Lycurgi disciplina, ex Achæorum institutis Lacedæmonios vivere coegerunt. tandem Achæi quoque à Romanis fracti sunt, & utrique Romanorum imperio accesserunt . & quoniam methodum scribentem decet universa non singula complecti, ac veluti digitos ad fontes intendere unde illa hauriantur , prætermittimus Respublicas obscuriores , Thebanorum, Corinthiorum, Messeniorum, Siculorum, Sicyoniorum, Argivorum, Cretensium , Corcyræorum , quarum conversiones tradidit Pausanias accurate , si quis subtilius inquirere velit. quibus plane perspectis, similes in Italia Rerumpublicarum exitus reperiemus.

Conversiones im-

Posteaquam enim Gallorum imperio pulsus Longobardis accrevisset Italia , tum etiam Germa-

mania, Saxonia, Pannonia & Hispaniæ bona pars, *perii ac-*
 imperium inter liberos Ludovici Pii divisum *cidentia-*
 est: Carolo Calvo primogenito Francia imperii *lis.*
 caput: Lothario Italia primum, deinde Lothar-
 ringia: Pipino Aquitania: Ludovico Germania
 cessit: sed ita, ut alii aliorum imperio minimè
 tenerentur. deinde vario bellorum eventu, in
 idem Germaniæ & Italiæ regnum coaluit: quo-
 usque intermorta Caroli Magni stirpe, Germa-
 niæ reges de principum consensu crearentur:
 qui per legatos & vicarios Italiam & Helve-
 tiam; per seipsos Germaniam regebant. cum ve-
 rò in tyrannides lapsi fuissent, Germani excussa
 servitute, imperium optimatum: Helvetii popu-
 lare: Itali Pontificum & imperatorum odiis in
 partes Guelforum ac Gibellinorum distracti, ex
 legatis Pontificum & Imperatorum partim re-
 ges nati sunt, partim tyrannos. reliqui popula-
 res & optimatum status probarunt. ut enim
 Pontifex Urbanus regnum Neapolitanum & Si-
 ciliam Gallis: sic Ludovicus Imp. urbes Eccle-
 siæ Romanæ præfectis dono dedit: plures et-
 iam pertæsæ servitutem peregrinorum, imperia
 domestica subire maluerunt. Ita Mediolanum &
 magnam Insubriæ partem, Comites Angleriæ
 gentis occuparunt: Veronam Scaligeri: Pata-
 vium Ecelini: Mantuam Bonacolfii: tum his ex-
 pulsas gens Gonzagarum: Bononiam Bentivoli:
 Faventiam Manfredi: Ariminum Malatestæ:
 Perusiam Baleones: deinde his ejectis Otho-
 nes: Tifernum Vitellii: Ferrariam, Rhegium,
 Mutinam Atestini: Camertium Veranii: Vrbi-
 narium Feltrii: Pisaurum, Forolivium, Foro-
 cornelium, Sfortiæ: Picenum agrum, Vmbriam,
 Flaminiam, Æmiliam; Latium, cum maxima
 Hetruriæ parte, Pontifices tenebant. Interim
 Veneti, qui à Carolo Magno & Nicephoro li-
 bertatem impetrarant, Istriam primum, deinde
 Liburniam (Insulas omitto) Tarvisium, Vice-
 tiam, post etiam Patavium, Veronam, Bergo-
 mum, Brixiam, Cremonam, Novocomum, Ra-
 vennam aliis sensim ademerunt. Florentini

quoque empta libertate à Germanis, Pisanos, Volaterranos, Pistorios, Aretinos & finitima oppida subegerunt. Lucenses, Senenses, Genuenses, se quoque in libertatem iisdem temporibus vindicarunt. hæc tam multa oppida, tot urbes ac multo plures, imperiis & finibus divisæ, à regibus in tyrannos: hinc in optimates: mox in factiones & populares status, interdum etiam in puram anarchiam inciderunt. neque enim ulla pars orbis terrarum plures habuit Rerumpublicarum conversiones. postremo res omnes publicæ, quarum memoriam ullam habemus, in monarchias relapsæ fuerunt, præter Venetos, Lucenses, Genuenses, Rhagusios, Helvetios, Germanos. de Venetis ac Germanis antea dictum est. aliarum quoque status & conversiones, quam brevissime complectamur.

Helvetiorum status & conversiones.

Helvetii quidem cùm Imperatorum Legatos & Vicarios, Comitesque Habsburgenses, qui postea Duces Austriæ fuerunt, diu pertulissent; tyrannidis evertendæ causa, societatem inierunt anno M C C C X V. primum Suici, Vrani, Vndervaldii: deinde Lucernates, Tugiani, Tigurini, Bernates: post etiam accessit Basilea, sed non tanta necessitudine conjuncta: tandem Lepontii, Veragri, Rheti, Seduni, Sangalli, Mulhusiani, Rotuillenses; postremo Geneva: quas urbes imperiis esse ac finibus divisas antea docuimus. omnium autem status popularis est, sed quinque minores pagi, qui Montani vocantur, nescio quid habent magis popolare quam Bernates, Tigurini, Basilienses, & qui ab imperio Germanorum postremi defecerunt. utuntur etiam in ferendis suffragiis veteri consuetudine, cùm populus simul cogitur in unum locum. hoc igitur omnium commune est, quod magistratus annui sunt, contra quàm plerique putant: sed interdum re bene gesta in biennium, aut triennium imperium prorogatur: montani quidem, summum magistratum unum habent, qui Man appellatur; huic adjungitur legatus seu Cancellarius: tum Camerlingus, quasi Tribu-

nus ærarii: postea consiliarii duodecim. atque hi omnino xv viri omnis domesticæ militarisque disciplinæ curam gerunt. sunt præterea provinciales, seu municipiorum magistratus ac iudices, à quibus ad xv viros provocatur. Bernates summum magistratum, Basilienses ac reliqui fere Burgomagistros: præter Genevates, qui Syndicos appellant, quibus imperium majus dederunt. Sed in eo plerique falluntur, qui Bernates, quorum imperium latissimè patet (habent enim oppida circiter xxxx.) tum etiam Basilienses, Tigurinos, Genevates, & eos qui à Germanis defecerunt, optimatum imperio gubernari putant: quod Senatum vident trecentorum virorum, alibi quadringentorum de Reipublica consilium. capere. at eorum decreta, si ad statum Reipublicæ pertinent, rata non sunt, nisi populus jusserit. id autem fit convocatis collegiis & corporibus opificum in sua quæque comitia, quæ *Schaffe* vulgo appellantur, ab eo qui princeps est omnium collegiorum. deinde collegii cujusque Syndicus ac Tribunus populi jussa refert in Senatu majore. est enim triplex ubique fere Senatus, quadruplex etiam Basiliensis: in quibus sane versatur Reipubl. salus: propterea quod rerum omnium curam gerunt, nec quicquam fertur ad populum inconsulto Senatu: nec ad Senatum majorem, nisi decretum fuerit in minore Senatu: nusquam verò gentium leges majorem vim habent: neque enim ad populi voluntatem mutantur, nec impunè violantur. quemadmodum autem de quinque generibus popularis imperii, quæ ab Aristotele traduntur, nullum perniciosius est quam si populi voluntas legibus superior sit, ac pro lege habeatur, ut de Atheniensibus Xenophon scribit: ita nullum moderatius ac laudabilius esse potest, quàm si legum vinculis plebs indomita coërceatur. non mirum igitur si jam annos ccl in summa rerum gestarum gloria floruerunt. duabus etiam rebus imperium illud populare conservatur; æquabilitate juris, & frequen-

frequentia conviviorum : nobiles enim , qui popularem statum apud Megarenſes , Romanos , Florentinos , Senenſes , Genuenſes , ſæpius labe-
factarunt ; nulli ſunt apud Helvetios : aut ſi qui plebis furorem olim evaſerunt , qui pauci ſunt admodum , ejurata nobilitate cum infima plebe verſantur , nec fere ſummos magistratus , quibus laniones ac cerdones fruuntur ; adipiſci poſſunt , conviviis autem , quæ in Schaffis perpetua ſunt , non modo contentiones & odia prohibentur , verumetiam incredibili amore inter ſe cives & cum Republica conjunguntur. hic autem finis eſt legum omnium humanarum. ac tametſi Bernates , Tigurini , Baſilienſes mutata religione , computationes illas tollere conarentur , non potuerunt tamen. Genevates qui minus populares ſunt , ab ejuſmodi moribus abhorrent. nullis enim conviviis publicis utuntur præterquam ſacris, quæ tertio quoque menſe religioſiſſimè coluntur. illas vero perpotationes Helvetiorum , privatis rebus ac publicis , tum etiam religionibus ac virtutibus inimicas eſſe putant. habent utrique ſui conſilii cauſam probabilem , nec magnorum virorum auctoritas & exempla deſunt . nullæ tamen apud Helvetios ſimultates . Genevates vero privatis occultis odiis laborare dicuntur , ac metu magis in officio quàm amore contineri. nihil autem quod metu fiat , diuturnum eſſe poteſt. argumento ſit illa conjuratio , quæ ſuperioribus annis pene Rempub. oppreſſit. fortasſe tamen civium animi à peregrinis abalienati cauſam conjurationi præbuerunt. ſed illud Genevates laudabile , ſi quid uſquam gentium , quodque Rempubl. efficit , ſi non opibus & imperii magnitudine , certe virtutibus ac pietate florentem : illa ſcilicet Pontificum cenſura , qua nihil majus ac divinius cogitari potuit ad coërcendas hominum cupiditates , & ea vitia quæ legibus humanis ac judiciis emendari nullo modo poſſunt. hæc tamen coërtio ad Chriſti normam dirigitur , latenter primum & amicè : deinde paulo acerbius : tum

niſi

nisi pareas, sequitur interdictio sacrorum gra-
vis & efficax: interdictionem animadversio ma-
gistratuum. ridiculum est enim, ut ait Seneca,
ad legem bonum esse. ita fit ut quæ legibus nus-
quam vindicantur, illic sine vi ac tumultu coër-
ceantur ab iis censoribus, qui summam virtu-
tis opinionem de se ipsi excitarunt. igitur nulla
meretricia, nullæ ebrietates, nullæ saltationes,
nulli mendici, nulli otiosi, in ea civitate repe-
riuntur.

Genuenses populi rerum quondam gestarum
gloria, & maris imperio clari, cùm Venetis do-
minatum & urbem ipsam pene ademissent, tan-
dem ab illis fracti, se ipsos primum Carolo sex-
to Gallorum regi; deinde Medionali Comitibus
sponte dediderunt. quibus temporibus cùm
Fregosii & Adurnii Rempublicam in partes dis-
traherent, plebs arreptis armis patricios omnes
eiecit: Tribunosplesbis octo creavit: præsidia
Gallorum expulit: arcem vi recepit: ducem
Fullonem creavit, quem postea Ludovicus XII.
egit in crucem, & urbe expugnata cives gravis-
simè mulctavit. sed cùm Insubria Carolo V. Im-
peratori cecidisset, Andreas Dorius, à Gallis ad
Carolus se recipiens, Rempublicam omni bel-
lorum ac tyrannidis metu liberatam, quasi Ara-
tus aut Lycurgus alter, optimis legibus ac in-
stitutis informavit; optimatum imperium quod
antè populare fuerat, vel potius plebejum, ex
generis antiquitate, opibus ac splendore insti-
tuit, & in tribus octo ac xx divisit, sublati-
partium nominibus, quæ Rempublicam pertur-
barant: ea lege ut singulis annis decem optima-
tes ex plebejis crearentur, uti quisque virtute vel
opibus præstaret: quæ tamen lex antiquatur;
ut à Genuensibus accepi, & pauci ad jus hono-
rum admittuntur: collegium optimatum civibus
cccc implevit, quorum summa potestas esset,
ut optimates omnes, qui fere sunt mille ac du-
centi, vicissim imperarent. civium autem nu-
merus octoginta millium esse putatur: neque
enim certo scire potuit, optimatibus igitur sum-

*Genuen-
sium sta-
tus &
conversio-
nes.*

mum imperium permittit, puta legum, belli, pacis, summæ provocationis, ac magistratuum omnium creationem; in primisque Senatus, cuius etiam annua potestas est. Ducis autem imperium, quod antea perpetuum erat, biennio definit, adjecto præsidio militum Germanorum D. atque hic solus optimates & Senatum convocare potest. exacto magistratu, in numerum procuratorum (hi summam habent in consiliis de Republica suscipiendis auctoritatem) cooptatur, posteaquam suæ integritatis ac innocentiae testimonium Syndici tulerunt. Ducis autem eligendi formam valde perplexam omitto: ejusmodi tamen est, ut nemo nisi summæ integritatis & patriæ nobilitatis (cùm ante plebeji duntaxat veteri lege crearentur) eum magistratum capere possit. nullus enim forti locus est. huic adjunguntur octoviri semestres, eadem potestate qua septemviri apud Venetos. ut quinqueviri Syndici fere parem cum decemviris Venetorum auctoritatem habent. hi Reipublicæ curam gerunt. sequitur magistratus, qui universæ jurisdictioni præest, quem Potestatem vocant. solet autem ex peregrinis honesto præmio in urbem acciri, cum tribus legatis. ab eo provocatur ad Senatum in capitalibus causis. deinde septemviri semestres, qui extraordinarii vocantur, quod lites arbitrato suo dirimendi ac tutores dandi jus habent. præterea quinqueviri causarum civilium peregrini homines, quorum potestas biennio definitur: vulgo Rotam appellant. postremi sunt Censores qui collegiorum Præfectos cogunt, ne quis mercatura, ponderibus, mensuris, opificiis abutatur: militares autem magistratus singulis annis creantur XL centuriones, quibus imperator unus præficitur. Ærarii verdè cura defertur ad collegium Georgianum, tantopere ab omnibus laudatum, quod centumviris & octo Tribunis ærarii constat, unde incredibiles urbis opes & utilitates, quæ ex portoriis & vectigalibus prædiorum publicorum & oppignoratorum constantur.

Est etiam Lucensium status in optimatum potestate. cum enim censa fuerint in civitate non ita pridem xxxiv. hominum millia. duo circiter imperio præfunt vicissim: etenim annuum collegium ex optimatibus Lx conflatur, penes quos summa Reipubl. potestas est, ab his decemviri creantur cum imperio trienniali, quorum maximus Vexillifer appellatur. his capitale est urbem deseruisse. creatur etiam Senatus octodecim virorum, qui una cum decemviris de Republica consilium capit. sequuntur minores magistratus; Rota triumviralis, ex uno Præture ac duobus Assessores: quorum alter publica judicia disceptat, alter privata: omnes tamen peregrini. post etiam novem viri, cum Præture peregrino, iudices mercatorum, tum Præfecti annonæ, salis, commeatus, præterea octoviri, qui peregrinorum curam gerunt. postremò sex ærarii; totidem militum Tribuni. Sed nihil præclarius collegio Censorum, qui homines improbos, & licentius vitiis indulgentes sæpius notatos de magni concilii sententia trienniali exilio puniunt. Neque tamen Lucenses, neque Genuenses plane liberi sunt, sed Hispanorum regi acceptam ferunt data pecunia libertatem. Genuenses quoque ut insula Chio fruerentur, Turcarum principi xxx aureorum millia, ut Veneti xii. Rhagusi xiii tributum nomine pendebant antea, ut liberi essent à vectigalibus & portoriis: sed nuper omnes insulæ, paucis admodum exceptis, in Turcarum potestatem venerunt.

*Status
Lucen-
sium.*

Est etiam imperium apud Rhagusios ex optimatibus constitutum. adhuc enim gentes antiquæ nobilitatis xxiv restant, ex quibus constat optimatum collegium: sed omnes, ut apud Venetos, simul coguntur. ab his creatur Senatus Lx virorum: postea decemviri, quibus Rector quasi dux civitatis præesse consuevit: deinde quinqueviri eadem fere potestate qua Venetorum decemviri: tum sex viri consulares cíviliū, quinque viri criminalium causarum iudices,

*Status
Rhag-
siorum.*

mum imperium permittit, puta legum, belli, pacis, summæ provocationis, ac magistratuum omnium creationem; in primisque Senatus, cuius etiam annua potestas est. Ducis autem imperium, quod antea perpetuum erat, biennio definit, adjecto præsidio militum Germanorum d. atque hic solus optimates & Senatum convocare potest. exacto magistratu, in numerum procuratorum (hi summam habent in consiliis de Republica suscipiendis auctoritatem) cooptatur, posteaquam suæ integritatis ac innocentiae testimonium Syndici tulerunt. Ducis autem eligendi formam valde perplexam omitto: ejusmodi tamen est, ut nemo nisi summæ integritatis & patriæ nobilitatis (cùm ante plebeji duntaxat veteri lege crearentur) eum magistratum capere possit. nullus enim sorti locus est. huic adjunguntur octoviri semestres, eadem potestate qua septemviri apud Venetos. ut quinqueviri Syndici fere parem cum decemviris Venetorum auctoritatem habent. hi Reipublicæ curam gerunt. sequitur magistratus, qui universæ jurisdictioni præest, quem Potestatem vocant. solet autem ex peregrinis honesto præmio in urbem acciri, cum tribus legatis. ab eo provocatur ad Senatum in capitalibus causis. deinde septemviri semestres, qui extraordinarii vocantur, quod lites arbitrato suo dirimendi ac tutores dandi jus habent. præterea quinqueviri causarum civilium peregrini homines, quorum potestas biennio definitur: vulgo Rotam appellant. postremi sunt Censores qui collegiorum Præfectos cogunt, ne quis mercatura, ponderibus, mensuris, opificiis abutatur: militares autem magistratus singulis annis creantur XL centuriones, quibus imperator unus præficitur. Ærarii verò cura defertur ad collegium Georgianum, tantopere ab omnibus laudatum, quod centumviris & octo Tribunis ærarii constat, unde incredibiles urbis opes & utilitates, quæ ex portoriis & vectigalibus prædiorum publicorum & oppignoratorum constantur.

Est etiam Lucensium status in optimatum po-
testate. cū enim censa fuerint in civitate non
ita pridem xxxiv. hominum millia. duo circi-
ter imperio præsunt vicissim: etenim annum
collegium ex optimatibus lx conflat, penes
quos summa Reipubl. potestas est, ab his de-
cemviri creantur cum imperio triennali, quo-
rum maximus Vexillifer appellatur. his capi-
tale est urbem deseruisse. creatur etiam Sena-
tus octodecim virorum, qui una cum decem-
viris de Republica consilium capit. sequuntur
minores magistratus; Rota triumviralis, ex
uno Prætore ac duobus Assessoribus: quorum
alter publica judicia disceptat, alter privata:
omnes tamen peregrini. post etiam novem viri,
cum Prætore peregrino, iudices mercatorum,
tum Præfecti annonæ, salis, commeatus, præter-
ea octoviri, qui peregrinorum curam gerunt.
postremò sex ærarii; totidem militum Tribuni.
Sed nihil præclarius collegio Censorum, qui ho-
mines improbos, & licentius vitiis indulgen-
tes sæpius notatos de magni concilii sententia
triennali exilio puniunt. Neque tamen Lucenses,
neque Genuenses plane liberi sunt, sed Hispano-
rum regi acceptam ferunt data pecunia liberta-
tem. Genuenses quoque ut insula Chio frueren-
tur, Turcarum principi xxx aureorum millia,
ut Veneti xii. Rhagusii xiii tributi nomine
pendebant antea, ut liberi essent à vectigalibus
& portoriis: sed nuper omnes insulæ, paucis
admodum exceptis, in Turcarum potestatem
venerunt.

*Status
Lucen-
sium.*

Est etiam imperium apud Rhagusios ex opti-
matibus constitutum. adhuc enim gentes anti-
quæ nobilitatis xxiv restant, ex quibus con-
stat optimatum collegium: sed omnes, ut apud
Venetos, simul coguntur. ab his creatur Sena-
tus lx virorum: postea decemviri, quibus
Rector quasi dux civitatis præesse consuevit:
deinde quinqueviri eadem fere potestate qua
Venetorum decemviri: cum sex viri consulares
civilium, quinque viri criminalium causarum
iudices,

*Status
Rhagu-
siorum.*

judices, à quibus ad curiam triginta virorum provocatur: sex viri nocturni, reliqui sine imperio creantur, ut triumviri ærario curando: quatuor Quæstores: duumviri monetales: curatores urbis, annonæ, salis: postremò Præfectus arcis, qui quotidie mutatur. ut olim apud Athenienses, qui Senatui præerat, arcis & ærarii claves habebat. habent autem magnam cum Venetis Reipubl. gubernandæ rationem. hoc tamen valde diversum, quod prætorianas cohortes ex Pannoniis, ut Genuenses ex Helvetiis ac Germanis conscribunt, ad imperium exequendum. Sed rerum omnium publicarum, quæ unquam extiterunt, nulla tam brevi tempore magis incredibiles conversiones pertulit, quàm Respublica Florentinorum, id est, cccxxxi annis. ac perutile visum mihi est, ea quæ tum à Florentinis, tum ab ipsorum historicis, Poggio, inquam, Machiavello, Antonino & Guicciardino didici, breviter explicare: ut ex ea varietate Rerum publicarum, de optimo statu verius ac melius judicare queamus.

*Status &
conversio
imperii
Florenti-
norum.*

Cum igitur Pontifices ac Imperatores de imperio Italiæ contenderent, ut antea diximus; Florentini se ipsos in libertatem vindicarunt. anno M cc xv, & coacto civium cœtu magistratus XII, quos antiquos appellabant, duos Prætores, urbanum ac peregrinum cum annua potestate crearunt. sed cum omne imperium ad paucos detulissent, repente in factionem inciderunt. his itaque abrogato imperio, xxxvi viros Reipubl. constituendæ, quos reformatores vocabant, elegerunt; qui opificum collegia stabilierunt, eisque magistratus quasi Tribunos dederunt, sed cum potentiores Gibellinorum partibus faverent, ejectis omnibus Gibellinis, xii viros elegerunt, quos bonos appellabant, rati nomine mutato mores immutari, deinde octoginta senatores consiliis de Republica capiendis: summum verò imperium totius Reipublicæ optimatibus clxxx permiserunt, qui magistratuum ac legum summam potestatem haberent:

berent : atque in eo statu annos fere triginta acquieverunt : postea in oligarchiam conversi , nobilibus factiosis imperium à populo abrogatum est : deinde triumviri creati , quos priores appellarent, una cum vexillifero, cui legionem prætoriam ad Reipublicæ præsidium dederunt, præter quatuor legiones urbanorum & rusticorum , si ab hostibus urgerentur. & quia vexillifer maximus popularis erat, nobiles ab honorum petitione ac sortitione summovit. postea secutæ sunt gravissimæ seditiones nobilium , à quibus populus in varias partes distractus est : & cum civili sanguine diu se ipsos fœdassent, communi consensu petierunt à Pontifice maximo, ut regiæ stirpis hominem mitteret, cui libenter parerent. itaque Carolum Valesium Siciliæ regem , qui tum Romam venerat , Florentiam misit. is igitur aliquandiu tumultus composuit , exules & oppressos armis civilibus restituit. sed à suis ipse revocatus , nondum urbe quieta discessit. hinc majores quàm antea tumultus ac cædes , adeo ut omnes pene Lucenses vicinorum calamitate permoti , & ad seditiones componendas effusi ex urbe Florentinam venerint : non prius tamen quieverunt , quàm bellis externis cogerentur. Itaque anno MCCC IV. formam Reipublicæ mutarunt , ac pro uno vexillifero tres crearunt, quos Pannonieros vocabant; cum summa & planè dictatoria potestate. igitur coacto civium omnium cœtu scrutinia instituerunt, quibus postea semper usi sunt , id est delectum quendam civium habuerunt, qui ad magistratus & honores capiendos idonei essent : atque eorum nomina in urnas , sive crumenas conjecerunt , ut singulis annis sorte ducerentur. atque hic delectus decimo quoque anno renovabatur: interdum sæpius octoviros sorte duxerunt , qui bimestri potestate cum annuo vexillifero Reipubl. præessent. consilii verò capiendi causa Senatium elegerunt CCL virorum , partim nobilium, partim popularium. optimatum verò collegium ex civibus trecentis constituerunt. sed

ne

ne in eo quidem statu, propter civiles discordias & odia intestina, diutius acquieverunt. itaque cum communi consensu acciverunt Galtherum Brennonem ducem Athenarum, cum qui postea magister militum clade Pictaviensi cæsus est ab Anglis, cui optimates annum imperium permiserunt: sed plebs acclamatione gratissima, perpetuum principem esse iussit. hic igitur CCC milites ad vim imperii retinendam sibi adjunxit. sed cum nimis imperiosè se gerere videretur, vix decem menses imperium retinere potuit, quin ab omnibus ordinibus ex urbe cum magna clade suorum eiceretur. rursus vexilliferum & octoviros, una cum Tribunis plebis sive collegiorum ducibus creaverunt, & nobiles quos ab honoribus antea prohibuerant, restituerunt. hinc factio nobilium potentior, populares & plebejos opprimere cœpit: hinc tenuium & popularium querelæ; quod unius eversa tyrannide, plures Rempublicam invasissent: & eousque discordiæ creverunt, quoad nobiles magna ex parte cæsi, aut fracti, aut exilio pulsi popularibus cessissent, & ab honorum petitione omnino summoventur. igitur imperio plane populari constituto, anno MCCCCLIV, cum nullæ adversus nobiles discordiæ intercedere possent, populares inter se de imperio certare cœperunt. quemadmodum Budelmonti cum Vbertis, deinde Donati cum Cerchiis, omnes patricii, Rempublicam diuissimè perturbant: deinde patricii à popularibus ejecti fuerant; ita Riccii & Albizii populares homines, Guelphorum & Gibellinorum sectas renovarunt. inde cædes & exilia secuta, quousque plebeji opifices accepta occasione adversus populares arma ceperunt, ac dirissimi cujusque domum diripuerunt & incenderunt. ita populari potestate omnino sublata, secuta est ochlocratia seditiosæ plebis, vel potius anarchia. nam toto triennio, latrocinia, cædes, incendia, in media vrbe flagrarunt. ad extremum, plebi seditiosè furentes inter se quoque

que crudelissimè pro imperio dimicarunt. tandem lassati potius & fracti quàm satiati, proposita amnestia magistratus veteri more crearunt, ac xx annos, sine bello civili exegerunt, cum scilicet nulli omnino magistratus affectarent, & oblatos timidè caperent, justeque imperarent. postea diuturnæ quietis impatientes, Cosmum Medicem eum, qui patriæ parens usurpatur, nulla de causa damnarunt: idem tamen postea vi & armis civilibus est ab exilio revocatus: & adversarii ejus magno numero ejecti. ex quo gens Medicea summam in Republ. auctoritatem sine imperio adepta est, cum scilicet prudentes ac viros bonos sibi adjungeret, quorum ope Respublica & magistratuum sortitio regebatur. sed mortuo Cosmo, qui Reipublicæ gubernacula tenebat, ad cædes & exilia prolapsi sunt, quoad factiosis quibusque pulsis, Medicei auctoritatem recuperarent: quam annos circiter triginta retinuerunt, tamen Paccii conjuratione facta, Iulianum Medicem ante aras mactarunt, ac Laurentium fratrem graviter vulnerarunt. hinc conjuratorum supplicia, cædes, exilia. altera ex parte exules Sixtum Pontificem & Alphonsum, cum legionibus acciverunt, ut patriam in qua regnare non poterant, hostium subjicerent potestati. tandem liberata gravissimo bello Republica, Senatum Lxx virorum stabiliierunt, cujus consiliis tandiu Respublica stetit, quoad Petr. Medices, mortuo patre Laurentio, non contentus auctoritate, monarchiam invadere conatus est. ex quo majores quàm antea seditiones abortæ: quæ non prius exitum reperire potuerunt, quàm potentiores urbe penitus ejecti essent. itaque contigit anno MCCCCXCIV, ut plebs huc illuc quasi pecus sine pastore vagaretur, hominum insidias metuens ac ferarum: sic enim Machiavollus tradit. tandem Senatu ægrè coacto, diu certatum est de confirmando Reipublicæ statu; cum alii optimates, alii populum mallent; ad extremum seditiosis Savanorolæ ac Soderini concionibus persuasi, popularem statum acceperunt:

perunt : ea lege ut summus in Republica magistratus , qui apud eos Consalonerius dicitur , perpetuus esset , ac ne rogationes ad populum (semota fece plebis) ullæ fieri possent , præterquam de legibus & magistratibus , deque pecunia publica. non multo post Petri Soderini , deinde Fr. Valorii potentia oppressi , rursus arma ceperunt , ac potentiores vi & armis de imperio deturbarunt ipsumque Valorium in Prætorio & in summo magistratu trucidarunt , cum provocationem ad populum impediret. Rursus anno M D X I I . summum magistratum annum fecerunt , & Senatum octoginta virorum semestrem : paulò post tamen Leo Pont. Max. princeps Mediceæ gentis , simulans se velle Rempublicam in eum statum restituere , quo fuerat ante annum M C C C C X C I V . contulit imperium populare quinquaginta viris , vulgo Balam vocabant : ac perpetuam potestatem erepta populo libertate stabiliit : nihilominus tamen capto Clemente Pontifice Max. qui alter princeps erat Mediceorum , Respublica in pristinum statum rediit. tandem res ad unum delapsa est. nam Caroli Imperatoris legionibus coacti Florentini, Alexandrum Medicem cum præsidio militum in urbem receperunt. is igitur Clearchum Heracleotarum tyrannum imitatus , sui nominis hostes ac potentiores occidit , proscripsit , exegit . tandem à Laurentio Medice occisus , imperii successorem habuit Cosmum : qui cum incredibili prudentia , conjuratorum manus sæpius evasit. hoc igitur in illa Republica vitiosum erat, quod populare imperium quam optimatum maluerunt : deinde quod octoviris bimestribus & vexillifero permiserunt Reipublicæ totius imperium : nec Senatum ullum habuerunt , nisi extremis temporibus , & nullius pene auctoritatis : quod perinde est ac si corpus mente careret. nam in Senatu salus Reipubl. versatur. jam verò x v i viros collegiorum & opificum duces , veluti Tribunos plebis nullo interjecto medio , majoribus magistratibus ita

opposuerunt, ut necesse fuerit perpetuis dis-
fidiis Rempubicam turbari. postremò plebejos,
& ex peregrinis in urbe natos ad honores sor-
te admiserunt, quo Respublica magis esset
popularis. Sed ab externis ad domestica venia-
mus.

Majores nostrī sub regibus primum diutissi-
mè floruerunt, ut Cæsar libro VI, Livius libro V
testantur. quibus temporibus universam pene
Europam & Asiam minorem armis domuerunt,
colonias deduxerunt, urbes condiderunt, victis
regionibus gentilia Celtarum & Gallorum no-
mina dederunt. inde Celtiberia, Celtoscythia,
Portogallia, Gallicia, Galatia, Gallia Transal-
pina, Gallia Britannorum: hinc multæ à Bojis
& Helvetiis, quos Tacitus Gallos vocat, regio-
nes subactæ, quæ quod ab aliis explicata sunt,
omitto.

*Status &
conversio-
nes impe-
rii Gallo-
rum.*

Cùm autem reges impotenter dominaren-
tur, optimates imperium susceperunt: id quod
Massiliensium, qui à Phocensibus coloniam in
litis Celticum deduxerant, exemplo fecisse vi-
dentur; quia Massiliensium sexcenti optimates
Reipublicæ præerant, ex his quindecim ma-
gistratus singulis annis creabantur, inter quos
tres viri quasi Præsides, majus imperium habe-
bant, ut Strabo scribit: igitur reliqui eorum ex-
emplo populum in tres ordines naturæ con-
gruentes, hoc est ad rationis, iræ, ac libidinis
formam distribuerunt. Druidæ à militia vaca-
tionem perpetuam, & omnium munerum im-
munitatem habuerunt, ut Cæsar scribit: dome-
sticum verò imperium, sacra, leges, summamque
judiciorum potestatem tenebant: equites rem
militarem una cum Ambactis & Solduriis cu-
rabant: plebs agros & opificia. ex his tribus or-
dinibus, comitia collecta universæ Reipubli-
cæ summum jus habuerunt. Druidarum verò
tanta fuisse dicitur sapientia, tanta vis ac maje-
stas imperandi, ut cùm haberent annua comi-
tia, solo religionis metu ac sacrorum interdi-
ctione, quasi acerbissima omnium poena, sine
vi,

*Massi-
liensium
status.*

vi, potentissimos quosque suis edictis ac decretis parere cogerent, & in suo quenque officio continerent. ex quo intelligitur id quod scribit Cæsar, quantus antiquæ religionis cultus esset. at ubi numinis metus est. illic pietatem, justitiam, virtutes omnes florere oportet. omitto summam rerum cælestium ac naturalium cognitionem, quæ illis tribuitur omnium scriptorum consensu. de Republica duntaxat disputo: quam optimatum fuisse ex eo colligimus, quod cum duæ factiones essent potentissimæ Heduarum & Arvernorum inter Celtas: Belgarum urbes imperio divisæ optimatum habebant conventus, iisdemque imperiis & legibus comitorum ac judiciis curiæ Druidarum obligabantur: tametsi plurimi essent ubique reguli. præterea urbis fere cujusque sua fuit Aristocratia, ut Germanorum civitatibus, quæ imperii legibus obligantur. ac si quis tyrannidem affectasset. vivum cremari mos erat: quam poenam ut effugeret Orgetorix reus tyrannidis affectatæ, mortem sibi conscivit, ut Cæsar ipse in Commentariis scripsit. jam verò suæ quisque familiæ princeps erat: neque in servos tantum, sed etiam in uxores & liberos jus vitæ ac necis habebat, ut idem Cæsar testatur. falluntur enim cum Iustiniano plerique, qui in cap. de patria potestate nullos populos exceptis Romanis, tantum juris in filios habuisse tradunt, cum id quoque Persarum & Hebræorum commune fuisse constet ex Aristotele & legibus Moysi. intelligebant tantum esse parentum erga filios amorem, ut abuti potestate si maximè velint, non possint: nihil autem majus esse ad virtutem, & cultum liberorum erga parentes. quod verò singulæ urbes statum optimatum tenuerunt: ex eo colligitur, quod plebs ab honoribus & consiliis prohiberetur, & summi magistratus singulis annis non sine magnis contentionibus crearentur. quod Cæsar cum ab incolis didicisset, Gentile est, inquit, factiones in Gallia feri: idque vetus est, temerè institutum, ut tu-

ta plebs esset à potentiorum injuriis : nusquam gentium plebs alioqui contemptior : quippe quæ olim servitii loco pene haberetur , omnis consilii publici expers. hoc ille quasi arcanum imperii veteris testatum reliquit. sed miror cur Cæsar factiones illas , quæ Reipublicæ exitium attulerunt , plebi salutare fuisse pater. fateor quidem tutum esse id quod Aristoteles tradit, magistratus in Republica discrepantes creari, nequemadmodum in familia , servi nimis inter se conspirantes rem familiarem ; illi publicam diripiant ; cum verò se mutuis odiis appetunt , sua scelera deregunt : ita plebs à rapinis magistratuum inter se dissidentiam , tutior est. sed factiones principum , sine magno plebis incommodo nequeunt excitari. Quicquid enim delinquunt reges , ut ait ille, plectuntur Achivi nisi princeps unus multo potentior existat , qui partium duces cum velit , coercere possit sine gratia cujusquam. nam si alios in aliorum perniciem tueri velit, metuendum est ne imperium amittat : ut Henrico VI, regi Angliæ contigit, cum partes Lancastrorum adversus Yorchos tuendas suscepisset. ab his enim fractus est , & in carcere cæsus. nihil tamen contra Cæsaris sententiam affirmare velim. illud modo , Rerum-publicarum fere omnium interitus à principum factionibus initium habuisse : idque certius unicuique esse, quàm ut res exemplis egere videatur. atque id de majoribus nostris Cæsar testatur ; apud Heduos principum factiones Reipublicæ perniciem attulisse , cum alii Germanorum , alii Romanorum copias evocarent. ad extremum Respublica diuturno Cæsaris bello fracta , Romanis cessit : sed ea lege ut magna pars civitatem suo jure ac libertate uteretur, ut Plinius lib. VII. tradit. quadringentesimo post anno Romanis , Gothis , & Hungaris dissidentibus, paulatim Franci, coloni veteres Gallorum, universam Galliam invaserunt, & hanc regis potestatis formam ita stabilierunt, ut militari disciplina pauci, domestica nulli diutius flo-

ruerint. de militari quidem constat Gallos Carolo Magno duce, magnam Germaniam, Pannonias, Saxoniam, Italiam, & Hispaniæ partem cum imperio totius Galliæ conjunxisse: Syriam utramque & Cyprum crudelissima servitute liberatam, annos xc. gubernasse: Longobardorum imperium fregisse: Pontificibus Romanis bonam Italiæ partem dono dedisse: Venetis Cretam & Peloponnesum concessisse, cum imperium Græcorum invasissent, cui annos l. præfuerunt: quæ sane militaris disciplinæ magna sunt argumenta. domesticæ verò nullum majus est, quàm quod reges ac principes exteri ab extremis Germaniæ, Italiæ, & Hispaniæ oris, ad Gallorum Senatum, velut ad sacrum æquitatis asylum magno concursu confluebant. M cc XLIV. ut Fridericus II. Imp. controversias quæ illi cum Innocentio IV. intercesserunt de regno Neapoleos, ad hunc Senatum detulit. M ccc XII. & comes Namurcensis causam egit in hoc Senatu adversus Carolum Valesium, pro comitatu Namurcensi, non veritus gratiam tanti principis, quem iudicio superavit. M ccc xx. consimiliter Philippus Tarenti princeps Burgundiæ ducem in hoc Senatu vicit, cum ageretur de sumptibus factis pro imperio Græcorum recuperando. idem tamen alio iudicio multatus est. M cc XLII. pari voluntate dux Lotharingus & Vidus Castillionæus ejus sororius, familiæ herciscundæ iudicium in hoc Senatu acceperunt M ccc xc. quinetiam Delphinus & Comes Sabaudia, cum de Marchionatu Saluciarum inter se contenderent, & sua se voluntate huc contulissent, Comes iudicio victus est, ac rursus alio iudicio fractus & omnem causam restituere damnatus M cccc. post etiam Cameracenses liberi populi in jus vocati, ut rebus à Senatu judicatis acquiescerent, se iudicio stiterunt, satisque fecerunt, M cccc III. sed exemplum illustrius nullum est, quàm quod reges Castellæ & Lusitaniæ percussis inter se fœderibus, ea non prius vim habitura judicarunt, quàm ab hoc ordine

dine sancirentur, & parentibus portis promulgarentur. Infinitum sit omnia persequi. Rex autem æque ac privati legibus & judiciis acquiescit. lex autem imperii omnium antiquissima dicitur esse Salica, ut videre est in legibus Saliorum: quæ feminas summovent à regni successione; quanquam dubium est lata fuerit, nec ne. ut ut sit, inepte sane Baldus ac plerique Iurisconsulti, qui in Salica lege interpretanda, cum imperii maiestate successionum jura confuderunt, quasi de prædiis & bonorum possessione ageretur. neque verò hujus imperii propria est, sed communis Assyriorum, Persarum, Hebræorum, Ægyptiorum, Græcorum, Romanorum, Abyssinorum, Pænorum, Germanorum, Scytharum; qui feminas ab imperio longè repulerunt, nec ita pridem Arrogonii Petronillam, Castilli Isabellam, Mantuanam Mathildem, Neapolitani Ioannam utranque, Norvegi Margaretam, deinde Navarri & Lotharingi ad feminas quoque summum imperium detulerunt: tametsi Roderichus historiarum scriptor, apertè scribit, lege antiqua Hispanorum imperium feminis ademptum, ac propterea populi graves sæpe querelas auditas esse, quod Isabellæ splendor & gratia leges, violasset: id quod etiamnum Guicciardinus testatum, reliquit. postremò Britannii, qui antea semper abhorruerant à *γυναικικαῖς*, nuper Mariam ejusque sororem regnare permiserunt; in quo sane violantur non modo divinæ leges, quæ feminas imperio virorum disertè subjecerunt, sed etiam ipsius naturæ, quæ masculis imperandi, judicandi, concionandi, belligerandi potestatem dedit, feminis ademit. neque solum naturæ jura convelluntur, sed etiam omnium gentium, quæ nunquam feminas regnare permiserunt. Zenobia quidem cum xxx. tyrannis Palmyrenem invasit, sed paulo momento de imperio dejecta est ab Aureliano: ipsaque Irene à Nicephoro in monasterium pulsa, cum Græcorum imperium suscepisset: Tomyris, Semiramis ac Thalestris

filiorum nomine imperarunt. Tenetur etiam princeps Agraria lege, qua publicos agros alienare prohibetur sine ordinum consensu: & ut maximè velit alienare, nullo modo possit; quin regius procurator mortuo rege perpetuam habeat manus injectionem. itaque cum principes legem illam perumpere sæpe sint conati, non potuerunt tamen. altero capite legis Agrariæ prohibetur princeps agros vacantes, aut ulla peregrinorum, vel damnatorum prædia sibi vindicare, nisi proximè pendeant à prædiis dominicis, ne privatorum fortunis, velut esca malorum illectus, ad crudelitates & rapinas feratur. at in plerisque Galliarum locis bona damnatorum legitimis hæredibus relinquuntur: alibi princeps ea donare, aut constatam pecuniam in ærarium publicum inferre tenetur: quemadmodum lege Valesia Francisco patre lata cautum erat. ex omnibus tamen imperii legibus nulla sanctior est, quàm quæ vetat principum rescriptis ullam rationem haberi, nisi æquitati perinde ac veritati consentanea sint: quo fit ut pleræque à magistratibus respuantur: nec impetrata venia profit sceleratis. sæpe enim audita vox est magistratuum; Nihil posse principem contra leges. & quidem Henricus ejus pater, cum Italum servum in carcerem duci iussisset, non adjecta causa, judices hominem liberarunt, prius tamen admonito rege, qui iussit illum condemnari, quum diceret se hominem in scelere turpissimo deprehendisse, quod evulgari nollit: judices nihilominus reum damnare noluerunt, tametsi princeps optimus religiosè ac sanctè juraret in scelere à se deprehensum, ac iudicibus succenseret, quod sibi affirmanti fidem non haberent, liberatus est tamen à iudicibus, & carceribus ereptus: sed postea iussu regis in flumen Sequanam noctu demersus, ne insolentia facti populum perturbaret. tametsi putant Jurisconsulti principem ex animi conscientia judicare posse, ad l. illicitus parag. veritas. de officio præsidis. atque ea re commotum Paulum

lum III. Pont. Max. supplicio affecisse nobilissimum virum qui ei confessus erat, dum adhuc Cardinalis esset, homicidium se perpetrasse. nec verò curiæ superiores ullam habent legum rationem, nisi quas sua promulgatione comprobant; nec se cogi posse ajunt: tamen lapsa consuetudo sensim de via desleat. atque utinam majorum virtutem imitemur: illi de vita quàm de sententia decedere maluerunt: posteri Rempubl. & famam quàm magistratum perdere malunt. cùm enim Ludovicus XI (is qui primus reges servitute liberasse dicitur) exitium curiæ Parisiorum intentaret, nisi leges à se latas promulgaret: patres re intellecta, purpurati regem adeunt: tum ille; Quæ causa vos huc impulit? ut mortem, inquit Lavacrius, potius optemus, quàm leges iniquas ferri patiamur. Rex oratione Præsidis, & mirabili constantia magistratuum perterritus, eos humaniter accepit; & leges quas promulgari jusserat, coram lacerari mandavit, juratus se nihil posthac nisi quod æquitati congrueret edicturum. ejus pater Carolus VII judicio Senatus silvam urbi proximam cedere, ac precio dicto sententia Senatus vendere jussus est, nec jussa recusavit. Alia quoque lege, vel potius jure constituto, Rex obligatur; ne scilicet magistratum aut imperium cuiquam initio abrogare possit, nisi sceleris convictus, ac publico judicio damnatus fuerit: quamvis in renunciatione magistratuum à principe usurpari soleat formula vetus, QVOD AD NOBIS VIDEBITVR; quæ lex inviolabiliter servatur, & in usum abiit, tamen annuum illud jusjurandum, quod judices præstare solebant pridie Idus Novemb satis indicet, non ita pridem annuos fuisse magistratus, ut Budæus quoque tradit. quem morem Philip. Pulcer, atque his temporibus multi ac magni viri renovandum putant: sed Ludovicus XI legem de perpetuis magistratibus tulit, ne postea cuiquam imperium nisi morte, aut libera cessione, aut publico judicio abrogaretur. at Henricus II,

cum in Senatum una cum magistro militum aliquando venisset ; promulgandæ legis causa , quam curia improbarat , nescio cujus oratione impulsus , dixisse fertur ; curiam Parisiorum legē agere non posse , nisi ipse juberet mandata jurisdictione in singulos annos ad Idus Novembres. utrum verò præstabilius sit perpetuum imperium dari , an verò tempore definiri , cum magnæ dijudicationis sit , plane definire non aulim. tamen opinor , ad tuendum populare & optimatum imperium , magistratus ad breve tempus tribui oportere , ut Aristoteli visum est ; sed in regno aliter sentiendum putem. quid enim contra principum vim ac libidinem audeant magistratus , qui sibi honores adimi meruent ? quis tenues à servitute vindicabit ? quis populi commoda tuebitur , si exacto magistratu pateant injuriis potentiorum ? præterea magistratus imperium nullius fere est auctoritatis , quod ad breve tempus tribuitur : neque facile paremus iis , neque cum dignitate imperant , quos vitæ socios habuimus & qui postea privati sunt futuri. quem verò populus de imperio sine scelere deturbari non posse intelligit. hunc ab improbis metui , principe coli , & virum bonum evadere necesse est , vel cogente pudore , vel etiam pœnæ metu , ne simul cum fama vitam , caput & fortunas amittat : quippe censores & exploratores habet omnium actionum. Est autem puerile quod Alexander , alioqui bonus auctor ad l. principalibus de rebus credit. ait , imperium seu officium privato tributum , cum hac clausula , quoad nobis videbitur , perpetuum censi : id quæ fieri puta ex l. Iurisperitos , de excusat. tut. & ex l. sufficit. de rebus creditis. sed *μὴν πρὸς τὸν* hoc verò majoris est ponderis ac momenti , hujus imperii arcanum salutare , quod regiæ potestati plurimum detrahitur , cum honores magistratibus perpetui tribuuntur. nihil enim ad tyrannidem principis coercendam efficacius esse potest. contra verò in frequenti magistratuum mutatione , principis

potestas omnium maximè augetur, ut Aristoteles scribit: aucta tyrannis evadit. at quo plus detraxeris imperio principis (neque verò in eam partem peccari potest) eo justius est imperium ac stabilius futurum, ut Theopompus rex Ephoris potestate concessa dixisse fertur. qui verò malis artibus principis imperium augere se putant, non recte putant: quia regis & regni everfionem moliuntur. & quidem majus imperio est, ut Theodosius August. rescriptit, legibus submittere principatum. itaque fallitur Machiavellus qui Regem nostrum ærarii dominum esse tradit. certus est enim modus in largiendo legibus definitus, ultra quem si progrediatur sine Senatus decreto, non paretur, nec rationum judices Quæstoribus sine gravi causa acceptum ferunt. Etenim lata lex est Carolo VIII. ad d. Cal. Sept. anno MCCCXCII. ne principis largitiones ac dona ullam vim haberent, nisi rationum magistris donationis tabulæ probarentur. excepta sunt exigua dona centum libellarum, non tamen aliter valitura, nisi cum Tribunorum ærarii assensione. hanc legem ex archetypis descriptam habeo, quæ diu inviolabilis extitit. Illud etiam hujus imperii magnum est arcanum, quòd princeps omnium in Republ. præmiorum arbiter est, nec tamen ulla infligit pœnas: sed hæc magistratibus velut odiosa, permittit. quo fit ut omnium amore, nullius odio dignus habeatur: nec potentiores à judicibus damnati, causam habent cur illi irascantur, propterea quòd nullam suscipit cognitionem: sed rebus judicatis omnes acquiescunt: aut si quis potentia fretus imperium recuset, provinciarum gubernatores sic præfecti Marescallorum, armis parere cogunt, & omnes in unum arman- tur: contra quam fit apud Germanos. apud quos Imperialis curiæ decreta nullam fere vim habent, si adversus potentiores judicatum sit, propterea quòd gubernatores, provinciarum armis tentare nolunt, quod exequi se posse diffidunt. nihil apud nos frustra decernitur, quod non fa-

cile executioni mandari possit . sic igitur curiæ superiores, quæ magna sui parte ex plebejis constantur , nobilium ac potentiorum vim iustissimis decretis coërcent , ac veluti summos cum infimis incredibili concordia tuentur : qui verò earum dignitatem labefactare sunt conati , profecto Reipublicæ interitum quæsierunt : cùm in illis posita sit domesticæ disciplinæ, legum, morum, totiusque Reipub. salus. sunt autem ejusmodi curiæ septem, quarum quæ maxima est, iudicibus centum & quadraginta constat, à quibus provocare non licet ; nec sine gravi multa principi temerè supplicare. Aliud quoque huius imperii vinculum magnum est in nobilium clientelis. cum enim in omnibus Græcorum Rebuspublicis , tenues & plebeji à patriciis opprimerentur : aut patricii à plebejis impetu facti sæpius ejicerentur , ac perpetuo inter se dissiderent; divina quadam bonitate factum est, ut promulgatis feudorum legibus nobiles infimos veluti clientes ab injuria tueantur. atque hæc una fortasse ratio est , cur imperia sint apud eos diuturna, qui his legibus utuntur. Sed hoc amplius habemus , quod nobiles primogeniti apud nos, ut etiam apud Britannos , magnam capiant partem totius hæreditatis , ac perpetua majorum successione avitas hæreditates tuentur, ne in plures distractis prædiis , decus nobilitatis, quæ militarem disciplinam tuetur , intereat. atque illud est quod Lycurgus primum apud Spartiatas , deinde Plato in utraque Republica tantopere commendat. sed hic portiones hæreditarias, IV. M. XL. ille IX. M. statuit : nos certum numerum nullum habemus. ac si morem majorum teneremus , quem soli Germani modicus retinuerunt, id est, ut feminæ à feudis omnino repellerentur, proximis agnatis Salica terra (sic enim in veteri quodam testamento apud Burdegalenses feudum appellari proditum est ab eo qui primus libellum de lege Salica scripsit) nec Lycurgi , nec Platonis leges de successione desiderarem. sed primus Capetus apud nos,

COR.

concesso Ducibus & Comitibus provinciarum dominio, legis violandæ præbuit occasionem. post enim facile impetratum est à parentibus, ut feminis Salicam terram capere liceret. Quod si ita apud nos imperium est constitutum, profecto capitalis est Iovius, qui ridiculè Gallos insectatur, quod divinum quendam animi vigorem regibus inesse putent. quid si Anglos vidisset ante sedem regiam, tametsi vacuam, prætereuntes aperire caput? ac majore contumelia dignus est ipse, qui toto vitæ decursu, domini sui pedes plusquam serviliter osculari non erubuit: quod adorationis genus, non modo Persarum aut Turcarum reges, sed etiam superbissimi Caliphæ Arabum semper abhorrerunt. est igitur, ac semper fuit (atque utinam perpetua sit futura) principis & populi Gallici tanta conspirationis fides & consensus, ut nusquam populus majori obsequio principem, nec princeps amore tanto populum complectatur: populus autem quantum divinitatis in principe esse putet, aut quanta libertate fruatur, ex eo intelligi potest, quod non ita pridem Ludovicus XII in scenis ac theatris, antiquæ comœdiæ morem renovari permisit, & facietis dièterius vitia cuiusque notari, quod ubique ac præsertim Venetiis semper capitale fuit; ac ne sibi quidem parci voluit, cum diceret, Rerum gestarum fidem non aliter à principibus haberi posse. ô principem excelsum & orbis imperio dignum, qui vitæ integritate ac innocentia fretus, maledicta non extimuit improborum! jam verò ante Henrici tempus inaudita vox erat majestatis apud nos in rege appellando. quæ idcirco à me cōmemorantur, quod ab Italis & peregrinis multa de nostris moribus & imperio aliter quàm decuit prodita fuere. Iam verò incredibile videatur, verum tamen sit, nullum omnino populi conjuratione cæsum. unus uxoris adulteræ dolo necatus est. Carolus verò Simplex ab Heriberto Veromanduo, tametsi hoste acerrimo captus, nulla vi, sed morbo ac senio periit: ejus

tamen filius Ludovicus, Heribertum in crucem egit. Neque verò Reipubl. inviolabilis argumentum majus extitit quàm nuper bello Sacro, quo Gallia tota conflagravit. cùm enim partium duces cædibus ac incendiis omnia miscerent; curiarum tamen & urbium maximarum splendor ac dignitas mirabilem in modum affulsit: deinde paulo momento tot bella tantique tumultus, optimi Regis edicto quasi apum examina pulveris exigui jactu compressa, quierunt: ac Princeps injuriarum omnium oblitus est. tantæ naturæ bonitas est insita in genere Valesiorum. neque id novum, sed à majoribus acceptum institutum. Nam Carolus VII. imperio plane spoliatus, & indignus omnino judicatus in curia Parisiorum. tandem Atrebatico fœdere in spem meliorem erectus, Anglos qui dominatum tenebant, fudit ac prostravit. plerique putabant illum animi dolores ulturum: sed ab ultione tantum abfuit, ut Cæsaris clementiam imitatus, Senatum populumque Parisiorum in fidem humaniter receperit. Hæc faciunt imperia diuturna, cùm principes alienas injurias vindicant acerrimè; suarum verò penitus obliviscuntur. neque verò ullum imperium diutius in eodem statu floruisse reperimus, præterquàm Assyriorum. jam enim ducentessimus circiter ac millesimus labitur annus ab hujus imperii primordio, quod cœpit ab Waramundi familia, deinde ad Meroeos, tum ad Carolum Magnum, postremò ad Capeti gentem delatum est: neque tamen bellis civilibus potuit. neque externis violari. at reges Ægypti, si Iosippo credimus, vix annum millesimum attigerunt. omitto quàm fabulosè multa dicuntur de Assyriis & Ægyptiis, quamque facile fuit imperium illis temporibus stabilire ac retinere, quibus nulli hostes regnare prohiberent. Illa verò quæ feruntur antiquissima regna, Lydorum, Tyriorum, Archivorum, Corinthiorum, Lacedæmoniorum, Atheniensium, mœnibus urbium circumscripta, Plutarchus in Thesco ac Diodorus, magna sui parte fabu-

lofa fuisse affirmant : & ut vera sint , quæ ta-
men diutius steterunt , annos DCCC non supe-
rarunt.

Chaldæi quidem post aquarum eluviones an-
nis CCXLIX. in summa quiete vixerunt : quod
seculum aureum à Catone in Originibus, si mo-
do ejus libri auctor est , appellatur . deinde Ni-
nus armis Asiam minorem invasit , à quo trigin-
ta septem reges annos MCCXX. usque ad Sarda-
napali exitum imperarunt. ejus imperium Ar-
baci & Belocho præfectis cessit. itaque imperio
bisariam diviso, Medos inter & Assyrios trecen-
tis ferè annis dimicatum est, quoad Persæ impe-
rium arripuerunt. hinc gubernacula tenuerunt
usque ad Alexandrum , qui Persarum imperium
ab India usque in Hellespontum latè patens
longius propagavit. Alexandro mortuo , Seleu-
cus Asiam majorem , Antipater minorem , Pto-
lemæus Ægyptum, Antipater Macedoniam: Ly-
simachus Thraciam diviso imperio acceperunt.
dein gravissimis bellis attriti , mutuisque odiis
ardentes , ducentesimo circiter post anno in Ro-
manorum potestatem pervenerunt. Asia ma-
jor Parthis cessit , post Alexandri mortem anno
CLXXII. atque ita imperium ab Arsace usque
ad Artabanum cum magna gloria militaris disci-
plinæ, floruit annos circiter D. hinc Artaxerxes
Persa cæso Artabano regnum suscepit : idque
Persæ tenuerunt annos amplius CCCC. quousque
Homarus princeps Arabum Persiam & Syriam
invasit.

*Conver-
siones im-
perii
Chaldaeo-
rum, As-
syriorum,
Persa-
rum, Par-
thorum.*

Cætera consequentia ætatis imperia videamus : id est , ab Iustiniano ; qui erepta Vandalis
Africa , Gothis Italia , Parthorum quoque re-
pressis incursionibus imperii dignitatem sum-
ma cum militaris ac domesticæ disciplinæ glo-
ria restituit. Hispaniam Gothis , Galliam Fran-
cis , Britanniam ac Germaniam superiorem in-
colis relinquens , imperii Græci limites, Danu-
bio , Alpibus , Euphrate & Africæ patentibus
oris circumscripsit, in eo statu floruit imperium
annos fere centum ac viginti , hoc est ad Con-

*Conver-
siones im-
perii Gra-
corum.*

stantem Heraclii nepotem, cuius temporibus Arabes Ægyptum, Syriam, ac Ciliciam; pòst etiam Africam Romanis ademerunt: & in Italiam usque exercitus & colonias transmiserunt. ex altera parte. Sclavi Pannonias & Illyricum invaserunt. antea Longobardi sedes in Insubria posuerant, & bonam Italiæ partem occuparant. secuta sunt bella civilia pro imperio Græcorum, cùm alius à militibus, alius à Senatu imperator eligeretur. nam Leotius, Iustinianum minorem in exilium egit: Absimarum Leontium naribus truncatum in carcerem compulit: Iustinianus, barbarorum ope restitutus, adversarios de imperio deturbavit: hunc Philippicus excepit, qui ab Artemio crudelissimè est excæcatus: nec tamen diuturnum fuit huius imperium. paulò pòst à Leone Tiberius Imperator electus truncatur. major etiam Constantini IV crudelitas, qui expugnata Constantinopoli, Artabasdam una cum filiis excæcavit: sed maxima clade à Bulgaris accepta, miserè interiit. ex quo imperium ab Irene susceptum est, quæ filio excæcato Caroli Magni nuptias appetens, in monasterium à Nicephoro traditur: ipse Imperator factus à Bulgaris, postea cæsus est. successit Michael uterque, quorum postremus à Basilio crudeliter occiditur. quibus temporibus imperium Græcorum angustis regionibus definiebatur, cum Illyricum & Italiam penitus amisissent, & bonam Asiæ partem Turcæ & Arabes occuparent: ipsi verò Græcorum principes, mutuis odiis ac bellis civilibus tamdiu jactati sunt, quousque Gallorum armis imperium occuparetur: his tamen sexto & quinquagesimo pòst anno pulsus, Græci rursus imperarunt, sed Palæologi & Cantacuzeni dissidentes, Turcas Asiæ dominos evocarunt, à quibus sunt paulò pòst de imperio dejecti.

*Conver-
siones im-
perii A-
rabisi.*

Arabum quoque imperia languere cœperant, cùm Turcæ in Europam exercitus transmiserunt. Cùm enim à Græcis defecissent, anno salutis circiter DCL, brevè Syriam, Ægyptum, Persiam,

Afri-

Africam, usque ad Oceanum, post etiam Hispanias, Cretam, Siciliam, Peloponnesum, & Italiae partem occuparunt, tanta victoriarum celeritate, ut tot ac tam multas regiones ante domuisse, quam peragrasse videantur. ac tametsi obscura est eorum, & fabulis confusa historia, quam nostri literis mandarunt; facile tamen intelligi potest ex Leone Afro, & Gulielmo Tyrriorum episcopo, qui antiquitates illorum ac regiones penitus inspexerunt, nullum fere imperium excepto Romano majus antea extitisse. Ipsi Pontifices, qui Caliphæ dicebantur, sola religionis opinione tantum valuerunt, ut leges omnes divinas & humanas arbitrato suo moderarentur. ab his enim Imperatores & exercitus, velut à diis pendebant, reliqui principes vitam illis, caput, fortunas, imperium denique acceptum ferebant. sed cum de religione inter se disceptare coepissent, propter Hali cædem, Pontifices quoque Ægypti, cum Babylonis ac Damascenis gravissima bella gesserunt: deinde Gallorum viribus de Hispania ulteriore, post etiam de Italia, Cypro ac Syria decedere coacti: tandem à Persis quoque, Tartaris, ac Turcis repulsi, vires in Ægypto & Africa collegerunt, anno salutis centesimo circiter ac millesimo. hinc Tunetani reges à prima incursione Arabum in Africa, regnum ad hæc usque tempora gubernarunt, id est, ut Muleasses coram Paulo Pont. Max. jactabat, annos 900. Sultani vero Ægyptum à Saladino usque ad Tomombejum, quem Selimus Turcarum Princeps in crucem egit, annos 336 obtinuerunt. sed tantis odiis ac cædibus exarserunt cum Mauris Tunetani reges, & inter se Mauri, post etiam Sultani, ut Hispanorum ac Turcarum fracti viribus, nunc servire consue-
scent.

Iisdem fere temporibus quibus Ægyptum Saladinus occupavit, duo potentissima imperia paulatim adoleverunt; Tartarorum scilicet ac Turcarum. scribit enim Hayro, Cangiusscanum Tartarorum, qui olim Scythæ diceban-

*Conver-
siones im-
perii
Turca-
rum.*

tur, Principem, imperium in Asia majore longè late propagasse : & ex eadem gente Turcarum unam legionem, quæ Persis auxilio venerat, accepta religione Arabum, in Asia minore conquievissè : ac sensim Arabum & Græcorum discordia in tantam potentiam crevisse, ut ex quo Selimus homo privatus, Cappadociæ principatum arripuit anno M C I V. ad Selimum hujus patrem, omnia non modo Græcorum & Arabum imperia, sed etiam provincias omnes à Danubio usque ad Borysthenem, hominum ferocissimorum, & utramque Pannoniam atque Illyricum occuparint : tametsi Persarum, Christianorum ac Tartarorum maximis bellis implicarentur. Sed quoniam de Republica Turcarum multi multa scripserunt, mihi satis est ea leviter attingere. Hoc tamen ab illo quod maximum erat, prætermisum est. Sic enim Ioannes Huraldus sacri consilii Senator, & Ludovicus Martinus, uterque diuturnis legationibus, & rerum gerendarum usu clarissimus, mihi narrauerunt, omnia prædia, paucissimis admodum exceptis, militibus, quos ipsi Timariotas, τῆς τιμαρίας, ut opinor, vocant, cæteri censuales sunt, qui militibus agrorum vectigalia dependere solent, ab decimo quoque anno censualia prædia conducere. mortuo Timariota, Principis beneficio tribuitur militia ex casu, ut olim feuda seu beneficia dari consueverant. si bellum indicitur, præsto sunt sine stipendiis Timariotæ. Prætorianæ vero legiones circiter septem, stipendia ferunt ex ærario publico, quod ex capitatione conflatur. Hæc disciplina invictam Rempub. facit. eadem lege usus est Carolus V. Imp. adversus Indos, excepta duntaxat capitatione, unde infinita vis auri (nam levia sunt vectigalia, quæ ex portoriis coguntur) ad ærarium deferretur.

Interea Poloni à Germanis imperio divisi regnum à Pyasto duce conditum, anno salutis D C C C feliciter administrabant. neque enim ante hoc tempus certa narratio ab historicis colligi potest. ex eo tamen Polonorum gesta lu-

cent, quodd cum Turcis , Germanis, ac Moscho-
vitis gravissima bella diu gesserint , sui tamen
imperii dignitatem hactenus conservarunt , ac
Prussiam Germanis ademerunt. seque ipsos ad-
versus Turcarum opes etiamnum fortissimè tu-
entur . crevit autem imperium illud tum maxi-
me, cum Pyasti gens in Hedwige regina desis-
set . tum enim Iagello Lithuaniz rex accepta
religione Christiana, reginam Poloniz duxit u-
xorem , anno M C C C L X X X V I . ab hoc Ia-
gellonum gens imperium legitimo jure susco-
pit, quorum postremus restat , is qui nunc im-
perat Sigismundus . nam Marchio Brandeburgi-
cus & Vaiyoda Transilvaniz ex feminis Iagel-
lorum originem traxerunt..

Eodem tempore quo Pyastus in Polonia, Ca-
rolus Magnus in Gallia, Nicephorus in Græcia,
imperium inierunt: simul quoque Gorricus Da-
niz regnum armis ac legibus stabiliit , ab eo-
que ad Nubam regnatum est annos 140. tum
Henricus Auceps Imp. Germanorum , regnum
illud in provinciz formam redegit. sed cum ab
imperio postea Dani descivissent , rursus ab O-
thone victi sunt, atque iterum rebellant Sue-
none rege, qui à Waldemaro fratre dejectus
est: à quo regnum successionem delatum est, anno
post 211 ad Margaretam , quæ Daniz , Sue-
ciz ac Norvegiz præfuit imperiis, & quæ Po-
meraniz Ducem adoptavit. trigesimo quinto
post anno Engelbertus à Danis deficiens, Sueciz
regnum invasit, quod postea civili seditione co-
actus reliquit. rursus triplex illud regnum u-
nius imperio Bavari paruit. post hunc Christia-
nus electus est, à quo cæteri consequentes ad
hæc usque tempora imperarunt. regnum tamen
Sueciz Gostavus Christiano I I. non ita pri-
dem ademit, ex quo maxima bella inter Danos
ac Suecos oborta , nondum conquierunt: licet
Henricus Sueciz rex à suis captus est ac impe-
rio spoliatus, conspiratione fratris junioris cum
civibus Stocholmiz, eo ipso die (res admiratio-
ne digna, quo Carolus I X, rex armis suorum

*Conver-
siones im-
perii Da-
nia &
Suecia.*

pene oppressus est in agro Meldensi, id est, anno MDLXVII. ad III Cal. Octob. Illud autem animadversione dignum est, quod ab Holstero Sueco accepi, ex pluribus liberis jus esse principibus eligendi, quem velint. id quoque fertur commune esse Polonis, Lithuanis, Hungaris & Abyssinis. Ac re vera dici potest Aristocratia Danorum & Polonorum, apud quos nobilitas legum, pacis, armorum, vitæ ac necis jus habet: Princeps electus nihil horum per se ipse efficere potest: at ne nobilis quidem ullus à Principe aut ab alio magistratu, quam ab optimatibus judicari potest, ubi agitur de illius capite, vita vel fama.

*Conuer-
siones
imperii
Britan-
nici.*

Sequuntur Britanni, qui regiam potestatem initio, ut omnes fere populi, pertulerunt. Polydorus enim reges octo & sexaginta, ex antiquis seu veris, seu fabulosis scriptoribus, mille circiter annos ante Cæsarem, Britannis imperasse scribit: Romanis verò, postea quàm à Cæsare victi sunt, annos quingentos paruisse, id est ad Theodosium usque juniorem: quibus temporibus cum à Scotis & Pictis gravissime premerentur, ac de Romanorum auxiliis desperare cœpissent, Anglorum & Saxonum opes à Germania evocarunt: hi pulsas Britannis, imperium facile occuparunt: sed ita ut septem reges divisim imperiis dominarentur, ac perpetuis bellis in seipsos grassarentur: quod Egbertus post annos circiter 300. quùm Angli Britannos in Galliam expulerant, id est, anno salutis 800 pene solus imperavit: postea Dani ac Scoti mox victores, Insulam more prædonum annos fere CL diripuerunt, usque ad Eduardum majorem, qui Danis pulsus imperium recepit. centesimo post anno bellis intestinis flagrantibus, Guilielmum Normannum evocarunt. is Haraldo cæso, ac Republica constituta, regnum successionem ad suos detulit, qui annis fere centum ac decem fortiter imperarunt. secutus est Stephanus Comes Blesensis genere Gallus, qui regnum legibus ac domestica disciplina humani-

ter informavit, anno salutis 1136. post Henricus II, genere quoque Gallus, & Stephani, ut plerique ajunt, filius, paterno jure Comes Andium, Cenomanorum, ac Turonum: Stephani adoptione & materna successione, Angliam, & Normanniam: uxoris dote Aquitaniam & Pictaviam consecutus, maximum imperium diutissime rexit, ac deinceps ejus posterii florens illud regnum, ac bellicis laudibus abundans, annos 400 ita gubernarunt, ut universam pene Galliam, partim legitimo jure, partim vi, partim fraudibus, cum civili bello Galli premerentur, occuparint. tandem aliquando conspirantes Galli, & victoriarum incredibili celeritate usi, Anglos de tota Galliae possessione dejecerunt. hi vero cum hostili bello carerent, civilia cum tanta crudelitate gesserunt, ut ludicra videantur, quae de tragica Thebanorum feritate prodita sunt. praeter his quae à Polydoro narrantur: qui tamen in gentis gratiam multa scripsisse fertur. nec mirum videri debet, si Philippus Cominius scripserit, annis fere 30, quibus bella civilia gesta sunt, sua aetate caesos esse regiae stirpis homines amplius 80. omitto reges duodecim, qui populi seditione ac principum conjuratione caesi, aut imperio spoliati fuere.

Restat ut de Hispanis quoque brevissime dicamus. Nullum autem apud eos imperium antiquius videmus, quam Carthaginensium, nisi fortasse Celtas & Gallos magnam Hispaniae partem ante Carthaginenses domuisse, ac regioni nomen dedisse putemus, id quod Hispani fatentur. sed quoniam haec certa historia non sunt comprehensa, ducendum est à Carthaginensibus initium, qui duce Meseo magnam partem Hispaniae occuparunt, ut ex Iustino & Orosio intelligi potest. atque Imperium tantisper tenuerunt, dum à Romanis penitus ejicerentur. non tamen domita erat omnino Hispania Scipionis aetate, cum ulterior suos principes Caesaris quoque, temporibus haberet. à Scipione Africano ad Gondericum regem (qui primus è gente Vandalarum

Conversiones regni Hispanici.

rum Hispanias invasit) numerantur anni 660, postea Vandalis in Africam trajicientibus , successit Alaricus Pannonius de gente Balthorum, qui tunc Gothorum dux erat. ab eo Gothi 300 annos in Hispania regnarunt , id est , usque ad Rodericum, cujus temporibus Arabes ac Pœni universam Hispaniam , præter Cantabros & Astures in suam potestatem redegerunt. id autem contigit anno salutis 717, imperii Roderici anno septimo, ut Tarapha scribit. huic conversioni causam dedit Celtiberiæ princeps , qui ut illatum uxori stuprum à Roderico vindicaret, Pœnos in Hispaniam evocavit. Postea Galli Carolo Magno primum, deinde Ludovico filio magnam Hispaniæ partem ab Arabum servitute vindicarunt, ac per legatos tamdiu gubernarunt , quoad Ludovicus Pius , Iamfredo legato liberum imperium permisisset. Post Hispani recuperatis viribus , duce Alfonso quinto, Arabes ex omni fere Hispania exegerunt. cum autem in Vermundo Alfonsi filio, Gothorum legitima proles defecisset , Ferdinandus primus Arragoniæ rex imperium suscepit. postea distractis in quatuor, mox etiam in quinque partes Hispaniæ imperiis, crudelissimæ cædes , non modo principum inter ipsos consecutæ sunt , sed etiam fratrum, parentum ac liberorum. nam Alfonsus I I Asturiæ & Galliciæ princeps, omnes fratres oculis orbavit , unus etiam cæsus est , cum partem imperii occuparet . consimiliter Alfonsus I I I, à Raymiro fratre oculis est orbatus. Petrus item Alfonsi X filius legitimus, ab Henrico fratre spurio dejectus est ac cæsus. Garcias itidem à fratre Sanctio ; hic à Vellido: aliquanto post Alfonsus V I I I, genere Gallus Raymundi Tolosatis filius , tria imperia cum uno & eodem conjunxit. rursus Mauri magna classe Hispanias invaserunt , & bonam partem ad Ferdinandum usque Philippi proavum maternum tenuerunt. sic tandem imperium partim vi & armis ; partim etiam legitima successione magnopere augmentum , nunc summa cum utriusque disciplinæ gloria

gloria floret : ac jam annos 852 à Pelagio regnatum est. hoc etiam gloriosius, quod in Africam usque & Americam leges & arma non sine uberrima & quæstuosissima mercatura, Christi que religionis amplificandæ studio protulerunt, ac longius prolaturi sunt, cum nullum sit imperium tam late patens ex omnibus, quæ unius dominatu reguntur, in quo minus Principi tributum sit : quod imperii bene constituti magnum est argumentum. Cætera Tartarorum, Moschovitarum, Indorum & Æthiopum imperia, quæ non sunt ex historia plane comperta, prætermitto. ex iis tamen quæ habemus explorata, perspicuum fit, nullum imperium magis diuturnum fuisse quam Gallorum, nec bellis civilibus minus opportunum : multa quidem in moribus, legibus, institutis, judiciis, egent emendatione : status verò Reipublicæ tanta diuturnitate probatus, sine gravissimo Reipublicæ periculo mutari non potest. hæc enim optima cautio est Aristotelis, ut nihil in ea Republica mutetur, quæ diu floruit in eodem statu. Sed quoniam plerique hujus ætatis, graves & eruditi viri, optimatum status ; nonnulli etiam populares magis probant, unum hoc restat, ut eorum sententia repudiata, de optimo statu breviter dicamus. Iam enim Polybii & eorum qui ab ejus schola profecti sunt, sententiam confutavimus argumentis, uti opinor, necessariis ad assentiendum.

Itaque cum triplex sit omnino Reipubl. status, unius scilicet ; plurium, & omnium : danda est opera, ut non solum vitiosos fugiamus, sed etiam inter laudabiles optimum quemque sequamur. perniciofa tyrannis est unius : pejor etiam tyrannis plurium, quæ dicitur Oligarchia : pessima denique omnium & lege soluta potestas, quæ Græcis *ἀρχαρχία*. Ciceroni quoque tyrannis appellatur : quæ anarchiæ proxima est, in qua nullus paret, nullus imperat : nulla præmia recte factis, nulla supplicia peccatis. igitur si hæc rejiciamus, necesse est statum eligere

*Optimus
Reipub.
status.*

gere popularem aut optimatum, aut regnum. de populari nihil scribendum putarem, nisi multorum quoque sententiis probaretur. etenim N. Machiavellus argumentis ac rationibus præstantissimum esse persuasum habet. sed in eo genere minus illi credendum puto, præsertim cum evertat suæ disputationis fundamenta. nam in Principis institutione, statim initio duos dumtaxat posuit imperii status; monarchiam & Rempublicam. idem ad Livium, Venetorum Rempublicam omnium præstantissimam esse affirmat; quam tamen putat esse popularem; cum lib. 111. status populares semper laudabiliores fuisse scripserit: contra philosophorum & historicorum, contraque omnium magnorum virorum probatam opinionem. ut enim alios omit- tam, Xenophon bonus idem Imperator ac Philosophus, popularem potentiam virtutibus omnino inimicam esse testatur: nec aliter stabiliri aut retineri posse, quam bonis omnia eiectionis. id quod Seneca tribus verbis complexus est; Quis enim, inquit, placere potest populo, cui placet virtus? idem quoque Aristoteli visum est, eo loco præsertim ubi alios ad imperium, alios ad obsequium natos maximis argumentis confirmat. sed omnis à Platone manavit error, qui imperio populari constituto, perniciosam æquationem invexit. tum Academicus qui ab ejus schola profecti sunt, rationes illius amplificaverunt. posuerunt enim societatem concordia servari: concordiam æquabilitate juris: æquabilitatem populari statu. deinde summa paritate ac similitudine cives omnes unum & idem effici: atque hunc finem esse humanæ societatis. Aristoteles Platonis hypothesein non confutat, sed in eo Platonem labi existimat, quod civitatem maximè unam & eandem efficere conatur. atque isto modo civitatem everti, & familiam evadere. quæ sane ratio frigere mihi videtur. ego verò hypothesein non solum absurdam, ut voluit Aristoteles, sed plane falsam esse judico. nam si ad naturam,

quæ

quæ rerum princeps est, omnia revocemus, per-
 spicuum sit. mundum hunc, quo nihil pulcrius
 est ab immortali Deo coagmentatum, ex inæ-
 qualibus partibus, & maximè sibi repugnantibus
 elementis, orbiumque agitationibus contrariis
 ita sibi constare, ut sublata illa congruenti
 discordia interiturus sit: non aliter optima Res-
 publica, si naturam imitetur, id quod necesse
 est. imperantibus ac subditis, servis ac dominis,
 potentibus & egenis, probis & improbis, robu-
 stis ac imbecillis; quasi temperata repugnan-
 tium inter se animorum societate, stabilis & in-
 concussa retinetur; & quemadmodum in fidibus
 & cantu ipso concentum æqualem, quem uni-
 sonum vocant, aures eruditæ ferre non possunt:
 contra verò dissimilimis inter se vocibus, tum
 gravibus, tum acutis, moderatione quadam
 inter se confusis, harmonia concors efficitur:
 ita quoque æqualitatem, vel potius parita-
 tem illam popularem in Republ. nemo sanus
 ferre possit: sed ex summis & infimis interje-
 ctis inter virosque mediis ordinibus moderata
 ratione civitas, mirabiliter sibi congruit dissimi-
 lium consensu. Sed inde pestis rerum omnium
 publicarum, quod qui pares sunt quadam ex
 parte, omnino se impares esse arbitrantur: qui
 autem quodammodo impares, omnino se pares
 esse putant. si igitur tanta est hominum inter
 ipsos, tanta ingeniorum imparitas, quis ex æ-
 quo partietur imperium, opes, honores, magi-
 stratus? perinde est ac si victus & vestitus pue-
 ris, adultis, senibus, ægris, athleticis, idem
 tribuatur, & ista ratione æqualitatem serva-
 ri putent. & quoniam Plato in Republica bono-
 rum æquationem vetuit (conscripsit enim qua-
 tuor civium classes vario censu) & qui postea
 secuti sunt Academici, quique Respublicas po-
 pulares instituerunt, æquationem bonorum
 semper sustulerunt, ne labefactarent fundamen-
 ta Rerumpublicarum, quæ maximè ob eam
 causam constitutæ sunt, ut sua tuerentur: cur
 non etiam imperii tollunt æquationem? est e-
 nim

nim popularis status nihil aliud, quam imperii summi æquatio. non tam absurdum erat omnes omnium opes, quam imperium æquare. propterea quod opibus quisque frui potest: imperandi verò prudentia paucissimis est à natura tributa. quid enim plebe stultius? quid intemperantius? & cùm in bonos exarserit, quid furiosius? recte Livius; Multitudinis eam esse naturam ut humiliter serviat, aut superbe dominetur. neque enim opus est exemplis, quæ utinam tam multa non extarent. nam qui populare imperium Romanorum laudant, illorum historias non legisse videntur. quid enim miserius quàm plebem à patriciis toties discedere? quid indignius quàm cives cum civibus toties in urbe media, in foro, in campo, in comitiis, in Senatu, in templo Iovis Capitolini, lapidibus, fascibus, gladiis inter se dimicare? lapidationes, inquit Tullius, in foro sæpe vidimus: non sæpe; sed tamen nimis sæpe, gladios. scribit enim Appianus, Appulejum Saturninum Tribunum plebis stipatum opificibus & armata manu leges tulisse, consulem creatum in comitiis interfecisse. cives à civibus è campo scdissima lapidatione pulsos. quanquam ulitatum erat, ut competitores armati sub toga iusto pene cum exercitu ad comitia venirent. omitto rupta fraude comitia, largitiones, obtruncationes, & populi frequens ab agris & necessariis negotiis in urbem evocationes. omitto innumerabiles legum rogationes, abrogationes, derogationes, subrogationes, obrogationes: tot ac tam multa plebiscita, senatusconsulta sibi contraria, & paulo momemto ad plebis voluntatem mutabilia. nec Romæ tantum, sed etiam Athenis contigerunt: apud quos Reipublicæ consilia, quibus nihil sanctius esse debet, à plebe petebantur: id est, ab infano ac furioso prudentia: ut præclare dixerit Anacharsis, sapientes Athenis in concionibus sententiam ferre, stultos verò judicare. Itaque cùm Philippus in Atticam irrupisset, populus accepto nuntio in theatrum sub auroram convenit, ut est apud

Demosthenem, à nullo magistratu vocatus : ac tantus omnium stupor consecutus est, ut nemo ad populi verba facere auderet. Idem Demosthenes in oratione de Republica tradit, oratores Reipublicæ principes fuisse : his subditos Imperatores, & trecentorum circiter civium suffragio leges ac decreta facta, reliquos cives his attributos fuisse. consimiliter apud Florentinos, eum sæpe ab hostibus obsidione cingerentur, à plebe consilia petebantur. itaque quod aliquamdiu stetit utraque Respublica (quamquam in miserrimo statu) tribuendum est Aristidi, Pericli, Cononi, Cosmo ac Laurentio Medicibus, qui tamen à suis ejecti. aut male mulctati sunt. ac nescio cur Machiavellus homo Florentinus populare imperium tantopere laudet, cum ejus historia perspicuum sit, rerum omnium publicarum nullam Florentina, quamdiu fuit popularis, calamitosiorem extitisse.

Cum igitur Respublica popularis, magnorum virorum consensu repudiata sit, restat ut videamus, an beator sit optimatum quam regia potestas. sunt qui Platonem optimatibus imperium tribuisse putent, sed valde falluntur. nam quæ in imperio summa esse docuimus, ipse ad populum, id est ad civium omnium multitudinem detulit : legum inquam ferendarum, magistratum creandorum, ac Senatus quoque legendi potestatem : postremo jus vitæ ac necis : quin etiam omnia publica judicia populo dedit, propterea quod universus populus offensionem accipit : qua ratione oporteret cum qui injuriam accepit, & in sua quemque causa judicem esse. privatorum quoque judiciorum cives omnes voluit participes fieri, tum subjecit rationem; ne si à judiciis excludantur, se non putent esse cives. Platonis interpretes, hoc temperamentum popularis status esse putarunt : sed hoc antea confutatum à nobis est: qui tamen ab ejus schola profecti sunt, optimatum imperium magis probant, quod inter populare & regium medium sit : sed in eo labuntur, quod virtutem

*Regia potestas
melior
quam optimatum.*

in medio rei vel numeri, non in medio rationis collocare videntur. quod quidem si vetum sit, nec bonus quisquam Princeps erit, nec ulla factiosorum oligarchia: propterea quod unum inter & multa, paucorum veluti medium virtutis posuerunt. si quid tamen in numeris laudabile est, profecto unitas est omnium maximè laudanda, ut ipse Plato in libro de Ente & Vno divinissimè scripsit. at quanto melius Aristoteles, qui tres legitimos Rerumpublicarum status opposuit tribus vitiosis, reges tyrannis, optimates factiosis, populum turbulentæ plebi? ad extremum regiam potestatem reliquis præstabiliorem esse affirmat, neque tamen Platonis dictum illud à multis usurpatum, à Contareno jactatum refellit, scilicet difficilimum esse, ut unus aliquis integer ac summæ virtutis homo reperiatur. nec certe refutatione digna est objectio, quæ à seipsa refutatur: cum difficilius sit viros bonos multos invenire, quam unum. & cum in multitudine optimatum pauciores boni sint, multorum suffragio cedunt, quia in optimatum ac populi Republica sententiæ numerantur, non ponderantur. quod si metuendus est tyrannus, quanto magis tyrannorum metuenda multitudo? sed his omisus, quæ probabilia videri possunt: cur non in Republica stabilienda, ut in rebus omnibus, naturam imitemur?

*Regis potestas non
universa
naturæ
congrua
est.*

Nam si naturam propius inspiciamus, monarchiam ubique intueri licebit. videmus enim, ut à minimis auspicer, in apibus regem, in armentis ducem, in gregibus hircum aut arietem sectarium (ut inter grues ipsas unam reliquæ sequuntur) & in singulis rerum naturis unum aliquid excellere: sic adamantem inter gemmas, aurum inter metalla, solem inter sidera; denique Deum unum mundi principem & auctorem: quinetiam inter malos genios, unum aliquem eminere ajunt. sed ne longius progrediamur, quid est aliud familia, quam vera Republicæ imago? hæc tamen uniùs imperio continetur, qui non fictam, ut Venetorum dux, sed

veram

veram Regis imaginem refert. convertat igitur Plato rerum naturam, & plures in eadem familia dominos, plura in eodem corpore capita, plures in nave gubernatores, plures denique in apibus, in gregibus, in armentis (si modo rustici patiantur) duces constituat: postremo plures deos imperii societate conjungat: tum ego illi assentiar optimatum imperium regno præstabilius esse. sin tota rerum natura reclamatur, ratio dissentit, experientia diuturna reluctatur, non video cur Platonem aut quemquam alium sequi; naturam violare debeamus. nam quod Homerus dixit *ὁ ἀγαθὸν πολυκοιρανίῃ, εἰς κοίραν ὅς τις βασιλεύς*, idem Euripides: *εἰς δὲ δύναμις ἀνά τε μέλη καὶ τὰ πόλιν*. Vnde Sibylla carminibus augurata dicitur, Reipublicæ Romanæ salutem in regno positam esse; scilicet cives aliter servari non posse, quam si regem haberent. Id exemplo memorabili planum fecit Solimanus anno MDLII. Cum enim Mustapha filius major fractis Persarum opibus, ad patrem accepta fide sine comitatu rediisset, tanto exercitus clamore tantaque gratulatione exceptus est, ut mortalium antea nemo. Pater istam gloriam ferre non potuit: sed filium subinde strangulâri mandavit in cubiculo interiore: & eodem momento coram exercitu projici: tum præconem altissima voce promulgare iussit; unum in cœlo Deum, in terris unum Solimanum Imperatorem esse oportere. totus exercitus terrore attonitus obmutuit. Iunior natu biduo post venenosus sublatu est, quod de fratris interitu ingemuisse. tertius metu patris ad regem Persarum confugerat. statim per legatos revocatus est, ac securi percussus. hic Selimus restabat, cui pater minas intentavit nisi solus restaret. atque id usitatum est in gente Othomanorum: quia spes imperii ad omnes, exitus ad unum recasurus est. neque enim solum saluberrimum, ut Tacitus scribit, sed etiam necessarium, in magnarum rerum administratione imperium penes unum esse. & quidem tres Tribuni potestate Con-

fulari documento fuere, ut Livius tradit, quam plurimum imperium bello inatile esset. consimiliter L. Paulus ac Terentius Varro adversus Annibalem: Christiani principes adversus Turcarum regem: Græcorum duces adversus Philip-pum: nec ita pridem Germanorum principes adversus Carolum V magno suo damno experti sunt, nihil à pluribus recte imperari posse. Itaque Græci & Romani, cum grave bellum aut seditio civilis Rempublicam perturbaret, ad unius Dictatoris aut Archi, aut Harmostæ imperium velut ad sacram anchoram confugiebatur: ut sæpe Florentini, Genuenses, ac Veneti extremis Reipublicæ temporibus summum imperium belli ac pacis uni Imperatori permis-erunt; quanquam quid argumenter cum innu-merabilibus seculis compertum sit, populares & optimatum status hominum generi pernicio-
 sos esse? magnum est imperium Turcarum, Persarum, Indorum, Tartarorum: majus etiam Abyssinorum & Hispanorum, qui novum terra-
 rum orbem suis legibus subjecerunt. late quo-
 que patent regna Pœnorum, Gallorum, Mosco-
 vitarum, Polonorum, Gothorum, Britannorum,
 qui optimatum imperium ignorant; populare detestantur. quineriam Americi populi regiam potestatem ab extrema memoria semper reti-
 nuerunt: id quod faciunt non docti, sed imbuti;
 non ab Aristotele instituti, sed ab ipsa duce na-
 tura informati. cum autem audiunt in Italiæ aut Germaniæ quibusdam angulis optimatum im-
 peria latere, mirantur id fieri posse. Ita nostro-
 rum hominum plerique Rempublicam Veneto-
 rum tandiu, id est annos circiter DCCC steteris-
 se mirantur, quia id fit repugnante natura: quan-
 quam Gianotus Donatus qui omnium accura-
 tissime de Republ. Venetorum scripsit, sum-
 mam potestatem in Ducibus fuisse tradit, & pla-
 ne regium statum usque ad tempora Sebastiani
 Ciani ducis, id est usque ad annum MCLXXV,
 quo tempore magnum concilium in Republica
 stabilitum est, ut ipse scribit. quo fit ut trecen-
 tes

tos & sexaginta circiter annos duntaxat floruerit eo in statu. regnum verò Gallorum non angustis paludibus contentum, sed longe late patens, cum incredibili rerum gestarum gloria M C C annis floruisse non mirantur; quia nihil nature congruens mirum debet videri. Atque illud est, ni fallor, cur Contarenius, Manutius, Machiavellus, ac plerique alii, Rempublicam Venetorum præstantissimam omnium esse ajunt: & quidem Michael Surianus Venetus, summæ vir eruditionis ac virtutis, cum Lutetiæ legatum ageret. pro sua erga me benevolentia, sæpe me de nostra, ego illum de sua Republica humanissimè percontatus, differere maluit, ut prudenter omnia, quam judicare: nec ego de re tam ardua judicium mihi sumo: sed quoniam unius imperium suscepimus, nobis ipsis repugnare videremur, si optimatum illud imperium probaremus. Aut igitur præstantia Venetorum est in bellica virtute, aut in legum æquitate, aut in imperii magnitudine & opibus, aut in artium varietate. bellica laude omnibus fere populis inferiores sunt, imperii magnitudine paucis admodum superiores: arte gubernandi & quæstiosa mercatura, cedunt Hispanis: artium varietate Germanis: quam quisque religionem privatim colant non magnopere curant, & Pontificibus quæstiones impietatis ademerunt. restat legum præstantia, quæ qualis sit, ex moribus civium intelligitur. Plato Spartiatis fortes ac temperantes vocat, injustos tamen: Romani fortes ac justi habiti sunt: Hebræi religiosi: Massilienses justî ac temperantes: Athenienses artibus: alii virtutibus aliis floruerunt. Veneti si qua virtute, profecto consiliis & prudentiâ præstant: aliarum virtutum laudem nec illis eripere, nec concedere velim majorem quam aliis. Sed qui Venetorum opes extollunt, vehementer falluntur. nam ærarii publici magna est inopia. argumento sit triplicis montis ratio, quæ usuris etiam quincuncibus publica vectigalia exhaurit, ut Gianotus Donatus confitetur. Sane leges anti-

quas suæ civitatis magno studio colunt: in
 quò non minima laus inest. antiquitatìs enim
 tanta species est ac majestas, ut non immerito
 dubitarit Aristoteles, utrum legi antiquæ nova
 melior debeat anteferri, nec quæstionem sibi
 definiendam putarit. hoc etiam magna laude
 dignum est, quod socios & inquilinos, summa
 juris æquabilitate fovent: peregrinos quoque
 summa prosequuntur humanitate: ac si qui præ-
 stant magnis opibus, illorum affinitatem quæ-
 runt, ut nobilitate nulla dos major videatur.
 nam verò in consiliis de Republica capiendis,
 atque omnino in bellis suscipiendis, in percuti-
 endis fœderibus, in tuenda pace, magna pruden-
 tia utuntur quæ cum maxima sint, majus tamen
 est ad imperium retinendum, quod loci oppor-
 tunitas aditus omnes facillime prohibere potest.
 nam Genuenses olim, & non ita pridem Ludo-
 vicus XII, Gallorum rex imperium illis planè
 ademerat, si urbem obsidere potuisset. itaq; ni-
 hil urbi metuendum ab hoste. bellis autem ci-
 vilibus hoc tempore jactari aut res novas moliri
 non magnopere possunt ii, qui armorum usu ac
 militari disciplina carent. Romani contra bellis
 civilibus ardebant, cum ab externis conquie-
 rant. itaque cum civitas bene constituta milita-
 ri ac domestica disciplina; nec legibus tantum,
 verum etiam armis contineri debeat, alteram
 summa cum laude tuentur, alteram omnino de-
 seruerunt ut Contarenius ipse fatetur. itaq; cum
 ingruit hostis, non modo militibus, sed etiam im-
 peratoribus externis uti coguntur, quam pru-
 denter, nescio: illud tamen omnium imperato-
 rum consentiens opinio jampridem improbavit:
 nec certe plures civitatum interitus, quam ea de
 causa memorantur. quare Bartholomæus Colco-
 nus, cui pro Republica bene gesta ut imperato-
 ri, statuam auream Veneti crexerunt, eos coar-
 guisse dicitur, quod seipsos Remq; publicam ho-
 mini peregrino non satis prudenter credidissent.
 nam Corinthus non alia de causa in tyrannidem
 incidit, quàm quòd Timophanem imperatorem
 pere-

peregrinum evocasset . similiter Britanni ab Anglis, Hispani à Mauris, Græci à Turcis, quos ad præsidium evocarant, de imperio dejecti fuere. Contarenius domesticæ disciplinæ ac pacis tuendæ causa militarem jacere scribit verendum tamen est, ne cùm alteram negligunt, utramque amittant. illud quoq; ad Respublicæ quietem non parum facit, quod optimates secum ipsi, & cum Republica conspirant, ne inquilinorum multitudine si dissideant facile opprimantur. concors enim potentia paucorum, inquit Aristoteles, non facile labefactatur . & ut concordia stabiliior sit, publicis ac solennibus conviviiis sæpius epulantur : more veteri Cretensium & Lacedæmoniorum ; ad eaque convivia paranda Dux obligatur : ac suos cives muneribus inter se & cum Republica conjugare. hoc etiam non parum confert , quòd magnæ civitates minus opportunæ sunt seditioni , ut Aristoteles tradit , propterea quod magnam mediocrium hominum multitudinem habent. qui summos cum infimis eadem societate conjungunt: sed nullum tuendæ optimatum Respublicæ majus præsidium est , quàm quod nulla imperia perpetua sunt, nec sine collega tribuuntur: sed bimestri , aut trimestri , aut semestri spacio , vel ad summum anno definiuntur. quorum verò perpetui sunt & maximi honores, nullum est imperium; ut Ducis, Procuratorum D. Marci, Cancellarii . quòd si quis summa virtute, vel opibus, vel gratia reliquis præstet, vix admittitur ad summos honores; ne virtutis splendore suorum civium oculos præstringat: idque arcanum imperii, quod imprudenter Athenienses & Ephesi ostracismo detegebant, ac nimis aperte virtuti bellum indicebant, intellectū esse in morte Lauredani illius, qui cives mutuis cædibus grassantes in seipsos, solo nutu sic terruit, ut projectis armis discederent, quos tamen nulla vis magistratum potuerat coercere. tamen hominis privati virtutem, qui Rempublicam gravissima clade liberarat, ferre non potuerunt : sed ut ab Italis plerisque proditum est,

eum veneno necarunt: at neque id affirmare velim, nec persuadere mihi possum. ducem tamen quem exarmatum catenisque aureis vinctum domi tenent; nec strenuum admodum, nec gloriæ cupidum, sed bonum ac simplicem legere consueverunt: veriti ne idem illis eveniat, quod ranis palustribus ab Iove regem petentibus: quibus cum stipitem dedisset, ut *Æsopus* scribit, illæ indignari: Iuppiter ardeam ranivoram mittere. postremum est, quod imperiis vicissim & summa libertate fruuntur, pro qua tuenda cives ac peregrini pacem libenter colunt. atque hæc præcipua ratio est, cur *Rempubicam Venetorum* maxime laudant, propterea quod summa libertate illic vivitur. at libertatis causa non sunt *Respublicæ* constitutæ, sed bene vivendi, vix est autem ut ullus virtuti sit in ea civitate locus, in qua suis quisque moribus ac libidini tam effusè blanditur. nam si hominis felicitatem, opibus, honoribus, imperiis, voluptate, summaque libertate metimur, beata sit *Respublica* quæ his omnibus abundat: si virtutem potiorrem ducimus, non video cur *Veneta Rerumpublicarum* præstantissima sit. nullum enim *Reipublicæ* male constitutæ argumentum *Platoni* majus videatur, quam magistratum & medicorum multitudo, quæ nusquam major fuit quam olim apud *Athenienses*, & his temporibus apud *Venetos*: ut mirum videri non debeat, si majorem anni partem in creandis magistratibus consumere solent. hæc autem magistratum multitudo, vel ad honorem & imperandi cupiditatem inexplẽbilem, vel ad fraudes & scelera coercenda, vel ad utrumque pertinent. at *Lycurgi* *Respublica* quæ omnium sermone laudatur, præter *Senatum xxx virorum*, qui perpetui fuerunt, nullos habuit initio magistratus. nam magnus *Pœdonomus* juventutis magister imperio carebat: falluntur enim qui putant magistratum multitudine virtutis amorem civibus ingenerari, cum nulla re magis dominandi & opum quærendarum cupiditates augeantur. nam qui

semel

semel imperii dulcedinem gustarunt, non modo parere dediscunt, sed etiam imperium ultro affectant, atque ægre deponunt. quare prudenter apud nos, de consensu omnium ordinum nuper lata lex est, ut illa magistratuum multitudo, quæ sub Henrico rege malis quorundam artibus excreverat in infinitum, ad pristinam formam redigeretur: nam quid attulit hæc magistratuum multitudo, nisi furta, sordes, corruptelas, luxum, dominandi libidinem, ac litium propagationem? nunquam certe scelerum & flagitiorum extitit impunitas major. satis est igitur paucos esse magistratus, modo virtute quærantur: nam ea ratione cives omnes ad virtutem & honestatem inflammari necesse est, ut eos adipiscantur honores, quasi præmium, cujus spes ad omnes, exitus ad paucos recasurus sit. non igitur imperia, magistratus, honores, beatos cives efficiunt: multo minus libertas nimia, quæ civitati bene constitutæ exitium affert. ac turpis est servitus: licentia tamen peccandi turpior. quanquam si regis imperium ferre servile est, debet quoque servile videri parentibus obedire. ac sæpe mirum mihi visum est, cur Veneti qui tam sapienter omnia, non etiam Censores, ut olim Romani, & his quoque temporibus Lucenses ac Genuenses, creari patiuntur. hoc verò commodè fieri poterat à procuratoribus D. Marci, qui per omnes honorum gradus eo conscenderunt. nam Pontifices, quorum munus hoc proprium est, quique religionis opinione Principes olim in officio continebant, gravissimis Censoribus egent. est enim censuræ tam grave, tamque necessarium in Republica munus, ut nulla re magis floruisse Romani videantur: quod intellectum est sublata censura: nam eo ipso tempore Reipubl. splendor & majestas una cum virtute majorum interiit. Hoc etiam Respublica Venetorum habet incommodi, quod cum peregrinorum & inquilinorum infinitam multitudinem admittant, metuendum est ne ab illis de imperio deturbari possint: neque verò

eius rei exempla desunt. ob id enim Achæi Træzenios, Samii Zancleas, Chalcidenses Amphipolitas, à quibus erant in urbem sine honoribus admissi, ejecerunt; ut Pausanias & Aristoteles tradunt. eoque magis metuendum, si dissideant inter se optimates. ut Cnidi cum soli honoribus fruerentur, postea quam dissidere cœperunt, ejecti sunt ab inquilinis & plebe, id quod etiam contigit apud Mitylenæos, Hostienses, Phocenses, & non ita pridem apud Senenses, Genuenses, Genevenses: qui cum de honoribus inter se contenderent, à plebejis sunt de imperio depulsi. Corcyræi crudelius, qui omnes in carcerem conjectos acerbissimis suppliciis affecerunt, ut Thucydides scribit. Agrippinenses inquilini pari furore optimatum bonam partem occiderunt, quod soli honores consequerentur, & tributa graviora imperarent. consimiliter Lindaviorum inquilini cæsis optimatibus, Tribunosplesbis crearunt. hoc igitur Venetis metuendum est. nam cum census haberetur anno M D L V totius civitatis, censa sunt inquilinorum extra patricios C L I X, millia C C C C L I X. Feminas & pueros majores sex annis eo numero complectuntur. his imperant mille & quingenti circiter patricii. nam juniores annis xxv, ad imperium & comitia non admittuntur, nisi pauci admodum extra ordinem. nec prudenter fecisse videntur populum numerando: primum, quia lege divina vetitum est: deinde, cum peregrini ac tenues numerum suorum ac robur intellexerint, valde periculosum est, ne adversus optimates novum aliquid moliantur. nam cum Senatus Romanorum olim decrevisset, servos cultu ac vestitu dividere ab ingenuis; periculum, inquit Seneca, apparuit, si servi se numerare cœpissent. quantus autem fuerit sociorum & inquilinorum erga Venetos amor, indicarunt bella Cretensia; tum Patavii, Veronæ aliarumque urbium Gallis factæ deditiones: quo tempore optimates omnibus tributis & vectigalibus socias urbes levarent, ut Bembus auctor est, à quibus tum maxi-

me iuvari debuissent. quod satis erat argumen-
 ti, magis illos metui quam amari. nos vero ac-
 cepta clade, tum maxime fortunas omnes ac
 sanguinem fundimus pro Regis ac Reipublicæ
 salute. Ac ne omnia differantur, nullum magis
 est optimæ ac præstantis Reipublicæ indicium,
 quam hostes fortiter arcere, & in summa tran-
 quillitate cives continere. Veneti ab hostibus fa-
 cile vinci consueverunt: nec cives ita continere
 potuerunt, quin duces octodecim supplicio, vel
 exilio affecerint: tot enim Sabellicus tradit, ex
 quo statum optimatum instituerunt. At etiam
 Lauredani Ducis hæredes MD aureos fisco de-
 pendere iudicio coacti sunt, quod Lauredanus
 non satis erga cives magnificus extitisset: ut
 Gianotus Donatus scribit. omitto bella civilia
 quæ in media urbe sæpius gesta sunt, cum mili-
 tarem colerent disciplinam. omitto conjuratio-
 nes Bochonianas, Falerianas, Tepulianas, Baja-
 montanas, quæ obsessis Senatoribus & crude-
 lissima civium strage, Rempublicam miserè la-
 cerarunt. prætermitto tam graves tamque diu-
 ternas Iustinianorum, Scævolarum, Seliorum,
 Bassæorum seditiones, exilia, cædes; non aliam
 ob causam, quam quod nulla fides regni so-
 ciis. ac sæpius idem evenit, quod in navi à gu-
 bernatore destituta: hoc enim Polybius utitur
 exemplo. nam cum alius clavum torquere, alius
 vela facere, alius contrahere conatur, vectores
 cum tot gubernatoribus misere periclitantur, ac
 tandem in portu spectantibus turpe sui nau-
 fragium edunt. quis autem non vidit Ger-
 maniam, Turcarum, Helvetiorum, Hispano-
 rum, Gallorum denique & Italarum, postre-
 mo suorum civium armis sædiissimè vastari,
 quæ cum regia potestate gubernaretur, popu-
 los omnes suis armis ac viribus facile supera-
 bat. Ex quibus intelligitur, regnum longe præ-
 stantius esse optimatum potestate. refellenda est
 igitur Iosippi ac eorum opinio, qui Deum pu-
 tant regnum ih sacris literis execrari, & opti-
 matum imperium apud Hebræos constituisse.

sic enim tradit Iosippus lib. vi. cap. 6. Antiqu. Quamquam Philo Hebræus in libro de creatione Principis, unius Principis dominatum Dei iussu stabilitum esse docet. Iosippi tamen opinionem refellamus. quod igitur attinet ad verba Samuelis, non regnum ab eo, sed tyrannis describitur: contra quam putat Melanchthon. quis enim mediocriter in Hebræa lingua versatus, ignorat מלך regem æquè ac tyrannum significare? sic enim dicitur Abraham reversus à cæde regum. vox autem מלך non iuxta regis significat eo loco, sed morem & consuetudinem, ut optimi quique interpretes ajunt. ac nisi tyrannus describeretur, cur Moses Deut. decimoseptimo, juberet Regem singula præcepta legis condiscere, populumque ex lege divina moderari? nam ex eo capite non solum popularis & optimatum potestas rejicitur, sed etiam regia probatur. tum etiam illud; Principi populi non maledices, unius imperium capit. & in lib. Sanedrim c. 2. regia majestas, quæ fuit apud Hebræos copiosè describitur. Mosem verò plane regiam habuisse ex eo colligitur, quod injussu populi & optimatum, leges juberet, Senatuum cooptaret, magistratus eligeret, Pontifices crearet, seditiosorum civium amplius quadraginta millia sine iudicibus eodem momento capite plecterent: denique Iosua Principem. quo nihil majus fieri potuit per sese renuntiaret. eo mortuo Senatores Othonielem, deinde Ajoda ducem elegerunt itaq; P. Martyr rectè scripsit, aristocratiam cœpisse cum dux Othoniel est à Senatoribus creatus. quamquam placet interpretibus non humanis consiliis, sed iussu divino duces creatos. Itaque Gedeon dux electus: Non dominabor, inquit, vestri, nec filius meus, sed dominabitur vestri Dominus. postremò cum filii Eli ac Samuelis intemperanter se gerent, & optimatum potentia in factionem degeneraret, plebs irritata Regem petiit. tunc enim seditiones conquierunt. quare Moses Ægyptius scribit, templum lege divina prohibi-

*Status
& con-
versiones
imperii
Hebræo-
rum.*

tum ædificari quoad Regem haberent, qui tumultus imperandi potestate prohiberet. sunt hæc illius scripta lib. 3. c. 47 perplexorum. ex quibus regiam potestatem Deo placuisse constat: tyrannidem displicuisse: igitur Rege creato, Senatores non ad summum imperium, sed ad consilium, ut Moses constituerat, admitti cœperunt. quod enim Romulus causas leviores à Senatu, graviores à se judicari voluit, ut est apud Dionysium: idem quoque Moses statuit in creando Senatu, quemadmodum scribitur Num. cap. 2. quare quoddam Chaldaeus interpres in Hieremiam, Senatum unius & septuaginta viro- rum (quos Hebræi דִּבְרֵי הַמִּשְׁפָּטִים, ipse Græca voce corrupta Sanedrim appellat) scribit habuisse legis sancientiæ, ac judicandi summam potestatem, etiam sub regibus ipsis; ad legis promulgationem & judicia spectat, ut apud nos curiæ superiores habent legum promulgationem, quam imperiti sanctionem esse arbitrantur, quæ solius Principis est. idem Chaldaeus interpres subjicit, judicia de tribu, de Pontifice maximo, de majestate, de falso propheta, non nisi à Senatu explicari potuisse. Moses verò Maymo libro tertio perplexorum cap. postremo scribit, gladii potestatem habuisse Senatum ab eodem Senatu xxiii viros capitales, qui רִבֵּי נַפְשׁוֹת, id est animarum judices, & septem viros judices pecuniarum ac bonorum, id est רִבֵּי מַמְדָּנֹת, in singulis urbibus constitutos: quorum tres judicia instituebant: quinque primam appellationem disceptabant: septem de secunda provocatione decernebant. præterea decem judices rerum venalium quasi Ædiles creabantur, quorum unus erat sacerdos. ad hæc arbitri recepti tres: quorum uterque litigator unum eligebat: electi duo tertium optabant. quæ omnia in Pandectis Hebræorum, titulo Sanedrim, capite 1, 2, 3. copiosè explicantur. postremo Senatores sublegi solitos constat ab ipso Senatu, cujus fuit perpetua potestas: quæ tamen omnia jussu regum sanciebantur, ut præter

decreta nihil haberet. Senatus. quod videre est in iudicio Herodis, qui cædis impuberum postulatus, in Senatu Hebræorum causam dixit: sed tamen Hircano rege ac Pont. Max. iubente, à quo etiam absolutus est, non à Senatu. quemadmodum scribit Iosip. lib. xiv. cap. 16. nam cum antea mortuo Salomone filius ejus tyrannidem usurparet, divisus est populus, ac duo regna, vel potius duæ tyrannides constitutæ, una ex tribu Iudæ & Benjamin, altera ex reliquis, ut tantum auctoritatis Senatus haberet, quantum à regibus vel tyrannis permetteretur: quemadmodum Imperatores Romani pro sua quisque voluntate Senatu detraxerunt. & quemadmodum Senatus Romanus quosdam Imperatores hostes judicavit, aut capitis damnavit, ut Neronem & Maximinum: ita quoque Senatus Hebræorum de Herode adhuc adolescente judicavit, quem damnaisset nefariæ cædis, nisi ab Hircano rege prohiberetur. Sed Herodes major factus ac imperio potitus, regem Hircanum ac Senatores omnes interfecit excepto Samea, quem tamen adversarium omnium maximum habebat: nominis tamen virtuti pepercit, ut est apud Iosippum lib. 14. Ex hac igitur Reipubl. forma constat, imperium Hebræorum ab ortu sui principio sub regibus 140 annos floruisse: deinde optimates annos c c x l i v pertulisse: tum regiam potestatem (quæ non multo post in duplicem tyrannidem divisa est) annos 496, ac tandem ab Assyriis eversam: prius tamen reges Samariæ, ac decem tribus in Chaldæam abductas; deinde reges Hierosolymorum cum reliquo populo: qui cum annos lxx exulasset, postliminio reversus in patriam. sub regibus iisdem & pontificibus tamdiu floruit, quoad intestinis seditionibus & bellis finitimorum, nunc in Ægyptiorum, nunc in Græcorum, postremo in Idumæorum potestatem veniret. ad extremum redacta Iudæa in provinciæ formam ab Augusto, pertulit imperium Romanorum, à quibus centesimo post anno descivit: quibus

quibus temporibus Hierosolyma expugnata, & funditus eversa, tanta populi strages tum in Asia tum in Africa secuta est, conspirantibus finitimis omnibus ad unius populi eversionem, ut gens illa penitus interiisse crederetur. profecto cæsorū numerus à Iosippo relatus superat myriades triginta. reliqui in miseram servitūtem abducti, adhuc toto terrarum orbe dispersi vagantur.

Cū igitur regia potestas à natura sit, id est à Deo naturæ parente instituta: Magis Persarum singulari iudicio delecta: ab Homero, Xenophonte, Aristotele, Plutarcho, Dione, Apollonio, Hieronymo, Cypriano laudata: denique ab Augusto post anxias Mæcenatis & Agrippæ disputationes suscepta: postremo populorum omnium aut maximè illustrium summa consensione, & experientia diuturna comprobata; quid amplius de optimo statu Reipublicæ disputandum?

Reliquum est ut Regis electionem necessariis argumentis refellamus. putat Aristoteles perniciosum ac planè barbaricum esse reges à stirpe duci: nam reliqui nihil definierunt: & libro III, ad extremum, Lacedæmonios Carthaginensibus inferiores putat, quòd hi reges eligerent, illi ab Hercule ducerent. barbari sunt igitur Ægyptii, Assyrii, Persæ, Macedones, Pœni, Æthiopes, Abyssini, Turcæ, Indi, Tartari, Moschovitæ, Poloni, Dani, Sueci, Britanni, Itali, Galli, Hispani, Americi: denique omnes ubique terrarum populi; excipio Germanos, Helvetios cum fœderatis, Venetos, Rhagusios, Lucenses, Genuenses, qui optimatum, aut populari potestate reguntur. quod si tot populi barbari sunt, propterea quòd reges à stirpe ducunt, ubinam erit humanitati locus? quod verò perniciosum putat, multo mihi absurdus videtur. primum enim interregnum valde periculosum est, quâ Respublica veluti navis sine gubernatore seditionum fluctibus jactatur, ac sæpe mergitur. id quod accidit post occasum Friderici II, Imp.

Regia potestas præstantissima.

In monarchia fugienda est electio.

nam Respublica velut anarchia quædam annos duodeviginti caruit Imperatore, propter intestina Principum bella. quid autem miserius quàm in interregno Sultanorum Ægypti plebem à Memmelacis impunè diripi? quid sceleratius quàm in interregno Pontificum Romanorum omnia cædibus ac stupris impunitate proposita misceri? Principis autem eligendi ratio planè inexplicabilis est non n. ab universo populo, id quod Aristoteles voluit, recte fieri potest, cum ratione ac prudentia destituatur. ergo à paucis & optimis id fiat oportet, sed renitetur populus, repugnabunt legiones. hinc illæ tam graves ac diuturnæ inter Senatum Romanum & Prætorianos discordiæ. quisquis enim placuerat Senatui, legionibus displicebat ac sæpe legiones variis in locis; & plures eodem momento Imperatores creabant, ut uno tempore xxx facti sint. hinc bella civilia, cædes, bonorum proscriptiones, & imperii totius miseranda distractio. Illud etiam perniciosius, quod sceleratissimus quisque imperium invadit: boni tantum onus sponte repudiant. ac si forte Princeps ea prudentia fuerit, ut successorem imperii virum bonum renunciare velit, quod sapienter est à Nerva, Trajano, Adriano, & Antonino Pio factum; barbarum id existimabunt regum electores. jam verò cum spes imperii ad omnes, exitus ad unum spectet, necesse est ut latronibus ac veneficis pateat imperii aditus, cæso gubernatore. & cum Reipublicæ fundamentum nullum majus sit quàm in obsequio subditorum erga Principem, qui fieri potest ut ejus imperia non respuant, quem obscuro loco natum, aut aliquando socium fuisse; aut sceleri vel opibus imperium quæsisse putabunt? nihil enim usitatius quàm imperatores Rom. pecudum in morem à suis necari: neque enim pauciores triginta numerantur. nec magis quieta fuit Respublica, quàm cum filius patris imperium exceperat, id quod Aristoteles metuendum putavit. nec prius inter Germanorum

rum Principes bella pro imperio geri defierunt, quàm pater filium Cæsarem designaret. ut Henricus III filium adhuc puerum curavit eligendum, à quo nepos est adoptatus. & Carolus IV. filium habuit successorem : hic fratrem Sigismundum, qui sibi generum adoptavit. Fridericus Maximilianum; hic nepotem : cæteri magna ex parte conjuratione aut veneno interierunt; Rudolphus, Albertus, Henricus VII, Fridericus III, Ludovicus Bavarus, Carolus Henrici nepos, Guntherus. illa verò regum Poloniæ & Hungariæ comitia, quæ ipsi Caros appellant, fiunt in armis, ex quibus sæpius civilia bella exoriuntur: ac nisi gens Iagellorum jure sanguinis suffragia consecuta fuisset, pridem imperium illud interiisset. Ex Ægypti Sultanis qui non plures xxv creati sunt, septem à Memmelucis, à quibus eligebantur, cæsi numerantur: puta Turquemenius, Melaschala, Corhos, Bandocader, Muhamedes, Cercassius, Giapalatus. Sephadinus verò Saladini frater electus à suis, decem fratris filios crudelissimè necavit, ut tuto regnaret. nec aliter Turcæ, qui spem imperii posuerunt in electione Prætorianorum, quàm mutuis cædibus imperium adipiscuntur. postremò Romanos Pontifices, quamvis senio fracti eligantur, ne diutius regnare possint, veneno necari translatitium est. interim qui Præfecturis aut Provinciis præsent, de imperio deturbati nolunt; ut apud Germanos duces & comites, perinde ut apud nos, Provincias imperii hac ratione usurparunt cum primum Regem suo quodammodo jure creaverunt, ut Iulius Pflugus episcopus & Æmilius consentiant. hoc enim Hugo Capetus ut regnaret, pactus est suas quæque Præfectum Provincias dominii jure habiturum. ita paulatim feuda, imperia, jurisdictiones successionis jure deferri cœperunt. Extat enim in Bibliotheca Bellovisia regis initian-di, & eligendi à populo forma vetus, qua dicitur Henricus I. apud nos electus esse. sed nec superiorum, nec consequentium regum quæquam

quam electione video creatum : nec certe tamdiu staret, si ad suffragia delaberemur. ita quoque Germanis accidit. nam Saxonia provincia Henrico I concessa est hunc in modum, anno MCXIII aliam alius adeptus est, ac paulatim etiam urbes, ut facilius imperium adipiscerentur, vestigalibus liberarunt; ut Noviomagum: quasdam accepta pecunia suæ libertati omnino restituerunt, ut Rudolphus omnes Hetruriæ urbes, anno MCCXXX Lucenses XII, Florentini sex aureorum millibus libertatem redemerunt. post etiam Rupertus tres urbes Imperiales filio concessit, Carolus IV Mediolanum Præfecto vendidit : Otto Isniam, Ludovicus Egram, Fridericus Norimbergam : Ulma seipsam libertati asseruit, ut aliæ complures. idem contigit Rom. Pontificibus, ut eorum Præfecti tyrannidem Provinciarum usurparent, ut antea docuimus. at cum regni certa spes est ac legitima successio. Provinciæ distrahi non possunt. Quanto igitur beatiores Assyrii, Persæ, Ægyptii, Macedones, Galli, qui tot ætatibus ac seculis in summa tranquillitate floruerunt, non aliam ob causam, quàm quod reges à stirpe sibi quæsierunt? ut enim omnia quæramus, nullum profecto reperiemus bene constitutæ Reipublicæ majus argumentum, quàm diuturnitatem ipsius. jam verò Abyssini, qui annos DCCC imperium totius Africæ maximum tenent, reges ab una & eadem gente semper quæsierunt : ac ne gens aliquando deficiat, neve plures imperandi cupiditate populum in varias partes distrahant, ut apud Turcas & Persas sæpe contigit : aut parricidiis se polluant, ut Dejotarus qui numerosam sobolem uno excepto interfecit, quo tutius ille regnaret: gentiles regis (quos Ismaelitarum filios vocant) simul educantur, in arce fortissima & excelso monte Anga. ut Alvaresius tradit, quo nisi per abrupta & angustissima loca perveniri non potest, eaque validissimo præsidio muniuntur. mortuo rege non proximus agnatus, sed qui magis idoneus optimatibus & custodibus

vide-

videtur, renunciari consuevit: qui mos etiam apud Danos, Suecos, & Hungaros inolevit, ut ex pluribus liberis arbitrato suo quemvis cooptent: hunc igitur Abyssini educentes ex arce, veluti deum aliquem cælo delapsum, maximis honoribus & obsequiis prosequuntur. ac tametsi Provinciæ quinquaginta unius imperio gubernantur, nullæ tamen sunt urbes mœnibus septæ, nullæ arces: ne vel propugnaculis potius quàm populi benevolentia confidere, vel seditiosis rebellandi occasionem præbere videantur. quid autem imperia Parthorum & Turcarum ad tantam gloriam euexit, nisi quod hi Ottomannorum, illi Arfacidarum sanguine ac fiducia freti, populum in sui admirationem & obsequium traxerunt? fallitur enim Machiavel-
lus, qui existimat cæso Principe Turcarum una cum liberis, imperium illud collapsum iri: quodd nulli sint Principes ad quos imperium jure pervenire possit. restant enim quatuor gentes, quæ generis splendore ac vetustate Ottomannis se jampridem æquarunt; Michalogli, Ebrenes, Turacanii, Maloconii, qui ab eadem qua Ottomanni stirpe ducuntur, hi tamen ab aditu Principis & Republica prudenter summoventur, ne res novas moliri possint. nec verò alia ratione Pœni, Persæ, Galli, Britanni, Hispani, commodius imperium tueri possunt, quàm successorio edicto. qui etiam Florentini accepta libertate cùm civili sanguine urbem ac se ipsos diu fœdassent, nec ullum exitum reperirent, uno consensu per legatos à Pont. max. quæsierunt, ut regię stirpis hominem mitteret, ad quem jus imperii deferrent: eo Carolus Valesium misit, cujus præsentia seditiones repente conquierunt. tantum valet sanguinis ac generis opinio ad homines mutuis obsequiis & amicitia conjungendos: qui sane finis est Rerum omnium publicarum. neque tantum proximis agnatis, sed etiam primogenitis imperium lege deferendum: alioqui cædes inter liberos, ac bella civilia sæpe futura sunt, & qui-
dem

dem tantò graviora quàm inter peregrinos ,
quantò graviore sunt fratrum inter ipsos of-
fensiones. argumento sunt Turcarum crudeli-
fima parricidia, quæ tandem illi Reipublicæ rui-
nam sunt allatura : quod cùm metueret Selimus
huius pater , postea quam Solymantum filium
suscepisset , omnem curam procreandorum li-
berorum abiecit. hic verò Dejotarum imitatus
non prius quievit , quàm filios omnes præter
unum interemptos vidit. ac si primogenitus spem
imperii solus haberet , cæteri hunc sibi colen-
dum præponerent : ut videre est apud nos , ubi
nulla fratrum parricidia contigisse memoran-
tur. Est igitur regia potestas hoc modo consti-
tuta , omnium , ut quidem mihi videtur , præ-
stantissima , civitatibusque maximè salutaris , ac
velut harmonia suavi moderata concentu. Nam
quod Plato voluit Respublicas geometrica ra-
tione gubernari : subtiliter ac ingeniosè Aristo-
teles illud solum ad præmia pertinere judica-
vit ; ac rationes Arithmeticas ad terum contra-
ctarum fidem & pœnas adjunxit , quàm verè ,
non disputo : sed de harmonica ratione nihil
uterque. hanc tamen velut omnium pulcerri-
mam , ad imperii optimi statum pertinere pu-
to. primum quòd sola ex arithmetica geome-
tricaque ratione constat , utrique tamen dis-
similis. nec potest ad pœnas aut præmia , neque
ad pacta pertinere : cum in his æqualitas arith-
metica insit ; in illis geometrica æquabilis si-
militudo : in harmonia superantis & superati
sola ratio inest. & quemadmodum primum in-
tervallum , scilicet ab uno ad binarium in du-
pla ratione concentus omnes amplectitur : sic
in uno & eodem principe summum est impe-
rium , & ab eo fluit ad omnes magistratus. al-
terum intervallum duorum aut trium ratione
sesquialtera diapente , tertium diatessaron com-
plectitur , & utrumque primo intervallo com-
prehensum est ; quartum nullum efficit con-
centum. consequentia intervalla vehementer dis-
crepant : ac tonus deinceps in partes innume-
rabiles

rabiles distribuitur. nam quo numerorum multitudo magis ac magis augetur; eo magis imminuitur toni potestas, quousque ad ectomen perveniatur: ut perspicuum sit tam abhorrere à natura ut imperium pluribus tribuatur, quàm concentus numerorum multitudini, si perpetuam numerorum seriem sequamur. illud autem quod musicæ rationis proprium est; scilicet ut suis partibus numeri superent, & secum ipsi ratione conversa bene concinant, soli monarchiæ congruit, in qua quidem imperium ad magistratus sensim ita defertur, ut quemadmodum inferioribus imperant, ita superioribus pareant vicissim: quousque ad principum unitatem perveniatur, à qua velut à fonte perenni manat imperii totius majestas: ac propterea segregatur unitas à numeris, & extra ordinem collocatur. utrum verò potestatibus & imperiis congruant harmonicæ rationes, aliorum in re tam obscura iudicium esse malo, quàm id primum affirmare: hæc tamen ratio triplex, Arithmetica, Geometrica, & Harmonica, tres mihi Themidos filias ut Poëtæ fingunt, significare videntur, *ἡνωμένη, δίκην καὶ δικαιοσύνην*, quarum quæ media est, alteras suo complexu foyet; ipsi æquitatem vel rectam legislationem, justitiam, & pacem interpretantur. est enim pax, harmonicæ rationi mirum in modum congruens, imperiorum ac Rerumpublicarum præstantissimus atque optimus finis. nec aliud, opinor, efficere sunt conati veteres illi legumlatores, cum suos cives mutuis inter se conviviiis conciliarent. hinc Minua convivia Cretensium, quæ ipsi *ἄνδρεια* vocarunt: Lycurgus *φαιδία* vel *φιλικία*, Plato *συμπόσια*. Moses *συνεπτήγισ*, & magnum πρὸς quod Græci corrupte *παρχα* dixerunt, festis epulis coli iussit: quem secuti Christiani veteres *ἀγάπης* instituerunt, ut videre est apud Clementem epistol. IV. ad ecclesiam Hierosolymitanam. huc quoque pertinent Atheniensium *ἐσιώτης* in Prytaneo, tum etiam epulæ in Panathenæis ac Thesmophoriis: hinc Romanorum Caristia inter proximos, &

G. 1. 2.

4. 8.

H. 2. 3.

4. 6.

A. 3. 4.

5. 6.

cœnæ in Capitolio & in publicis sacrificiis, ad idque creati Epulones; quorum exemplo Veneti quatuor publica convivia instituerunt: quinetiam legislatores Helvetiorum mutuas illas computationes in Schaffis, quæ propter ebrietates nunc edictis prohibentur, usurpari voluerunt, ut non modo cives agrestes ac rudes ad humanitatem & honestatem, sed etiam ab odio, vindicta, litibus; ad pacem, amorem ac benevolentiam revocarent, quæ omnia pertinent ad eam, quæ de cœlo delapsa est regula, quæque à Christo in sacris epulis toties usurpatur; ut scilicet amemus inter nos. Cætera quæ de optimis Rerumpublicarum legibus dici possunt, alterius sunt disputationis ac loci. neque enim de optima Republica, sed de optimo imperii statu hic agimus; quanquam leges omnes de optima Republica, diriguntur ad optimam Principis institutionem. nihil enim ab oraculo divinius dici potuit, quàm quod à Platone dictum est: Quales in Republ. Principes fuerint, tales fore cives. id enim experientia diuturna plus satis compertum habemus. nec longius exempla petenda sunt, quàm à Francisco I, rege Gallorum, qui utprimum literas, à quibus sui majores semper abhorruerant, amare cœpit, statim secuta nobilitas est: deinde reliqui ordines tanto studio bonas artes conquieserunt, ut nusquam literatorum extiterit copia major. Sed cum difficile sit ut paucos optimates, qui aliquando Reipubl. Principes futuri sint, virtutibus informare; multos etiam difficilior; cives omnes difficillimum, consequens est, ad unius Principis institutionem optimi sapientiæ magistri ac moderatores, maximis propositis præmiis conquirantur: non qui peregrina lingua, id quod ineptè ac perniciosè antea factum vidimus, sed qui religione vera molles Principis animos leniter imbuant. nam omnium quæ de legibus & Republ. disputantur, nihil majus est, aut majore studio dignum, quàm ut princeps intelligat, se ad verum Dei cultum in hanc

lucem

lucem venisse. in eo solo versatur Reipublicæ
 ac legum omnium suprema salus. qui enim Prin-
 ceptis à disciplina sic erit informatus, ut sua-
 rum omnium actionum iudicem ac spectatorem
 Deum esse cogitet, nihil impiè, nihil sceleratè
 faciet, nihil turpe cogitabit. hunc unum sui ci-
 ves amabunt, metuent, ac ejus exemplo vitam,
 moresque suos informabunt, ut fertur de Lu-
 dovico IX, & Eduardo I, regibus, qui propter
 vitæ summam integritatem inter divos haben-
 tur. nam eorum legibus ac optimis vitæ insti-
 tutis Gallorum & Anglorum imperia diutissi-
 mè steterunt, ac sæpe reges Anglorum de impe-
 rio depulsi fuere. cum populum leges D. Eduar-
 di petentem aspernarentur. hoc igitur regni fun-
 damentum est, sine quo frustra leges in Prin-
 cipem ferantur; propterea quod improbos ab
 injuriosa facinorosaque vita magistratuum me-
 tus, non religio deterret: Principem verò quis
 magistratus, quæ leges, quæ imperia coërce-
 bunt, nisi religionis tanta vis est ac majestas, ut
 per se non modo vitiorum sit expultrix, & vir-
 tutum omnium conciliatrix, in quo vertitur sum-
 mum hominis extremumque bonum: verum et-
 iam Principi adeo necessaria, ut nulla re magis
 imperium retineatur? quod etiamnum Aristo-
 teles primum, deinde Polybius & Epicurus nu-
 minis divini contemptores fatentur: ac pro-
 pterea libros Trebatius Epicureus de religione
 scribendos sibi putavit. sed quoniam Principum
 cupiditates quamplurimæ existunt, quæ restin-
 gui facile non possunt; alterum Principis insti-
 tuendi momentum erit, ut solida veraque lau-
 de pascatur, in eaque sensim adolescat. Sic enim
 D. Thomas ex Aristotelis opinione Principem
 instituendum putavit: qui si gloria non erit con-
 tentus, in tyrannum evadet, quæret enim opes
 ac voluptates: hinc ad rapinas & stupra conver-
 tetur. id quod accidit Dionysio juniore, quem pa-
 ter in otio ac deliciis ita educarat, ut neque ex
 ergastulo in lucem prodiret, neque ullis omnino
 disciplinis imbueretur, nec veræ laudis gustum
 ullum

ullum haberet : itaque cum adulatoribus perniciosissimis tantisper voluptatibus indulset , dum ex illa tyrannide , velut ex arce deturbaretur. qui autem gloriæ cupidus erit , non modo infamiam ac vitæ turpitudinem fugiet , sed etiam intelliget verum decus in sola virtutis actione versari , qua quidem regat improbos , tueatur bonos , factaque fortium & sapientum laudibus ac præmiis , cum improborum ignominia sempiterna prosequatur.

Confutatio eorum qui quatuor monarchias aureaque secula statuunt.

C A P. V I I.

INveteratus error de quatuor imperiis , ac magnorum virorum opinione pervulgatus tam altè radices egit , ut vix evelli posse videatur. habet enim propè infinitos bibliorum interpretes : habet è junioribus Martinum , Melanchthonem , Sleidanum , Lucidum , Funccium , Onuphrium , rerum divinarum & antiquitatis homines valde peritos : quorum auctoritate fractus aliquando minimè dubitandum esse putabam. movebar etiam oraculo Danielis , cuius fidem elevare , scelus ; auctoritatem infringere , nefas est , postea tamen verba Danielis obscura & ambigua in varios sensus torqueri posse intellexi : & in oraculis interpretandis , malui iudiciorum illam formulam , **N O N L I Q V E T** , usurpare , quàm temerè ex aliorum opinione non intellecta cuiquam assentiri. ac valde mihi probatur Calvinì non minus urbana quàm prudens oratio ; qui de libro Apocalypseos sententiam rogatus , ingenuè respondit , se penitus ignorare quid velit tam obscurus scriptor : qui qualisque fuerit nondum constat inter eruditos : ita non video quemadmodum beluas & statuam Danielis ad ea , quæ nunc ubique florent , quæque tot seculis floruerunt imperia traducamus. Principi-

piò monarchia nobis est imperii ac regionis quibusdam finibus constituenda, vel principis aut populi origine clara, ut intelligatur quid sit illud quod monarchiam vocant: quod cum hujus disceptationis caput esset, non satis aptè definirunt interpretes oraculorum. posuerunt enim ex illa visione quatuor beluarum ac statuarum, totidem imperia significari: puta Assyriorum, Persarum, Græcorum ac Romanorum; nec plura fore augurantur: Germanos autem Romanorum imperio præesse. quod cum ita à Germanis scriberetur, ad sui nominis & imperii gloriam scriptum esse judicavi. est enim ab interpretatione Danielis omnino alienum. placet igitur suis ipsos rationibus confutare. Ac primum illud quod ait Philippus Melanchthon, monarchiam sibi videri summam unius Reipublicæ potentiam, quæ aliarum opes & copias superare possit. utendum erat igitur imperii verbo, cum monarchia de populari Romanorum statu dici non possit. si tamen omissa verborum subtilitate rem teneamus, profectò Germani non satis ad id quod volunt accommodatè monarchiam Romanorum usurpant, quum vix centesimam partem orbis terrarum sua ditione teneant, & Hispaniarum princeps imperium habeat Germanico majus, tum populorum multitudine, tum amplitudine regionum; ut omittam regiones Americas (quibus ex magnà parte dominatur) Europa triplo majores. at ne regi quidem Lusitanix pares sunt, si regionum longitudine imperium definiamus. nam is universam pene oram Africæ armis occupavit, ac fortissimis propugnaculis barbarorum impetus sæpe repressit. heic dicet aliquis, non hominum multitudinem, aut latifundia nobis, sed vim ac robur spectandum esse: quod equidem illis assentior: non tamen video quomodo Germania Hispanorum ac Italorum legionibus, duce Carolo v, resistere potuit; qui nisi Gallorum virtute revocatus esset, Imperium illud in provinciæ formam redegerat, ut Germani clarissimis ac sempiternis monumentis

numentis testatum reliquerunt : nobisque parem gratiam retulerunt. sed ad exteros veniamus. quid habet Germania quod principi Turcarum opponat ? aut quis merito major monarcha dici potest ? patet hoc quidem omnium oculis. si enim est usquam terrarum ulla majestas imperii ac veræ monarchiæ , in eo profecto elucet. occupat enim opulentissimas Asiæ , Africæ, & Europæ partes , totoque mari mediterraneo & insulis omnibus , excēptis admodum paucis , latè regnat. armis autem ac viribus tantus est , ut unus omnibus fere Principibus par esse possit ; cū Persarum ac Moschovitarum copias extra fines imperii longè repellat. Christianorum verò provincias & imperium Græcorum armis occupavit , atque etiam Germanorum agros populatur. omitto Æthiopix principem. qui à suis Iochan Bellul , id est gemma pretiosa dicitur ; cujus imperium paulo minus est universa Europa. quid Tartarorum Imperator ? qui gentes immanitate barbaras , multitudine innumera- biles , viribus indomitas habet , quibuscum si Germaniam compares, muscam elephanto. Absurdum est igitur quod Germani monarchiam, id est , ut Philippus interpretatur , Rerum omnium publicarum potentissimam : absurdius etiam quòd imperium Romanorum se tenere putant ; quod omnibus valde ridiculum videatur, qui orbis descriptionem animo penitus comprehensam habent. Fuit enim Romanorum imperium sub Trajano florentissimum , neque antea majus extitit, & postea semper est imminutum, ut videre est ex Appiano & Sext. Rufo, qui Trajani temporibus scripserunt, Danubio quidem & Orcadibus à Septentrione : Gadibus ab Occasu : Euphrate ab ortu : Oenopoli verò à Meridie terminabatur , cū Trajanus lapideo ponte supra Danubium extructo Daciam imperio adjecit, ac de rege Decebalo triumphavit. deinde fufis Parthorum legionibus, Euphratem transmisit ac Mesopotamiam , magnamque Arabiæ felicis partem cum imperio majorum conjun-

xit: quod antea Pompejus tentare noluerat, tam-
 et si roganti Parthorum regi ut pateretur Eu-
 phratem imperii Romani ac Parthici terminum
 esse, respondit, Romanorum imperium non
 fluminibus, sed iustitia terminari: at Germani
 nullam imperii Romani partem, præter Nori-
 cam & Vindeliciam occupant. Germania qui-
 dem Rheno, Danubio, Vistula, Carpatho &
 Oceano continetur, sed omne imperium claudi-
 tur radicibus Alpium à Meridie: Rheno & pau-
 cis quibusdam citra Rhenum urbibus ab Oc-
 casu: Silesia verò ab Ortù: Balticis regionibus
 à Septentrione. quanto verius est de Turcarum
 rege, qui Byzantium Imperii caput, Christianis:
 Babylonis regionem, qua de agitur apud Danie-
 lem, Persis ademir, & magnam suæ dominatio-
 nis partem ultra Danubium, usque ad Borysthe-
 nis ostia, veteribus Romanorum provinciis con-
 junxit? Sive igitur armorum vi, sive opum ma-
 gnitudine, sive fertilitate regionum, sive nume-
 ro victoriarum, sive multitudine populorum,
 sive nominis etymologia, sive patria Danielis,
 sive imperii Babylonici sede, sive ditionis am-
 plitudine monarchiam definiamus; profectò Da-
 nielis oraculum de principe Turcarum inter-
 pretari æquius erit. Quanquam sunt adhuc ac
 fuerunt non quatuor modo, sed prope infinita
 imperia Babylónico majora. omittunt enim im-
 perium Chaldæorum, qui primi Babylonis fun-
 damenta jecerunt. omittunt imperium Medo-
 rum, qui Assyrios depulerunt. & certe Nabu-
 chodonosor genere Medus fuit, non Assyrius.
 obliviscuntur quoque imperii Parthorum, qui
 Græcos deturbarunt, & Romanorum potentiam
 sæpe fregerunt, captivos Imperatores sæpe ab-
 duxerunt, sæpius eorum provincias invaserunt.
 præmittunt Arabes, qui Babylonicum im-
 perium occuparunt, & magnam Asiæ, Africæ
 & Europæ partem armis domuerunt. quod si
 Chaldæos, Medos, Assyrios, Parthos eadem im-
 perii appellatione complectuntur, cur non Per-
 sas quoque illis finitimos adjungunt: præsertim
 cum

cùm Medi longè fuerint remotiores ; Parthi verò remotissimi in Babylone , quam tamen occuparunt. nam si mutatio principum à Medis ad Persas imperii varietatem affert , id est unius Cyri dominatus genere ac moribus cum Medis conjunctissimi , cur non idem de Chaldæis, Parthis, Medis, Arabibus judicandum erit ? qua igitur ratione Cyrus Persa novam monarchiam constituit , eadem illi monarchias quoque efficiant ; & Trajanus Hispanus monarchiam Hispanicam ; Caracalla , Carnus , Carinus , Antoninus natione Galli , monarchiam Gallicam. idem iudicium erit de Alexandro & Heliogabalo Syriis : de Philippo Arabe : deque Totila , Vitige, Theodato, Alarico, Gothis, qui non tantùm provincias , sed etiam ipsius imperii Romani caput invaserunt , Italiam oppresserunt , Urbem denique ferro ac flamma vastarunt ; postremò vi & armis Italiam annos LXX tenuerunt , cùm Alexander Magnus, qui Persarum opes fregit , vix annos duodecim imperarit , sed quasi fulgur còruscans in varias partes dissiliit : ita suum imperium ad principes quatuor delatum paulo post evanuit. Illud verò ineptius visum est, quod Carolum Magnum (qui quam Monarchiam vocant primus occupavit) natione Gallum , in Gallia natum , lingua quoque , moribus & institutis Gallorum una cum suis maioribus educatum , modo Germanum , modo Alemanum vocant. tametsi enim à Francis veterum Gallorum colonis originem plerique traxisse putent , non tamen negant quin Gallorum armis ac legionibus Germaniam , Italiam & magnam Hispaniæ partem cum imperio Gallorum conjunxerit , ac primogenitis Galliam , velut imperii sedem , alias aliis regiones ab hoc imperio avulsas dederit, quousque Henricus Auceps natione Germanus, Regem se ferens, Germaniam hujus imperii partem occupavit. multo verius igitur ac iustius Gallica monarchia dici debet, quæ prius virtute Gallorum parta est, quàm Germani monarchiæ verbum audissent. Quis autem negare

potest quin Britanni suam quoque monarchiam multo verius quàm Germani sub Constantino Magno stabilierint : cum enim fuerit natione Britannus (tametsi Romano patre satus) genere nothus : contraque Senatus & populi Romani voluntatem ab ultimis oris in Italiam venit, Romanos imperatores armis fregit, religiones ac instituta majorum abolevit, Christi nomen colendum proposuit, imperii sedem Byzantium transtulit, Romanis omnem dignitatem ademit, denique Urbem ipsam de suo nomine appellavit. quod si Persarum monarchiam facit origo Cyri sanguine patriaque Assyriis finitimi, cur monarchiam non efficiet hoc tam novum, tamque insolens Constantini imperium, quod generis, locorum, legum ac religionum tantam conversionem attulit ? Sed mirum cur Arabum monarchiam omittunt, qui universam pene Africam, Asiæ quoque magnam partem non tantum armis ac legibus, sed etiam religionibus ac lingua uti coëgerunt : Persarumque copias fregerunt, & in tantam servitutem redegerunt, ut eos à literis & disciplinis omnibus omnino prohiberent. Mirum quoque videri debet, cur Tartarorum imperii penitus obliviscantur, cum reliquis omnibus æquari possit. an, quia longè abest à Babylone ? at longius absunt Germani, qui imperii Babylonici nullam partem habent. Tartari verò Bactriam & Sogdianam vastarunt, latissimas ejus imperii provincias occuparunt, ipsamque Babylonem duce Alao funditus everterunt, ut scribit Paulus Venerius. ac mihi diutius cogitanti quid Propheta innuere vellet, nihil commodius occurrit, quàm interpretari de Babylone, quæ in potestatem Medorum, Persarum, Græcorum & Parthorum pervenit, quæque sæpius vastata est, ac tandem aliquando deleta. neque enim ea quæ vulgò Baldac appellatur, eadem est cum antiqua Babylone, sed potius Susa vetus, ut Paulus Venetus interpretatur. quod si ita est, non irritum fuit oraculum de Babylonis statu, conversione, exitu ; præfer-

tim cùm Danielis & omnium Prophetarum voces in Christum ac ejus tempora velut in scopum dirigantur. argumento est petra illa (qua quidem Christum significari disertè Paulus inquit his verbis; Petra autem erat Christus) de vertice montis excisa, quæ statuam confregit. cùm verò interpret. ipse Daniel sui oraculi plures belluas, plura quoque belluarum cornua interpretatur, quid verat, quo minus ad Alexandri Magni successores, & ea quæ illic floruerunt imperia referantur? nihil tamen in rebus tam abditis & obscuris affirmare ausim. illud tantum; verba Danielis ad id quod volunt interpretes, accommodari nullo modo posse. Iosippus Hebræus optimus, Danielis interpret, scribit; Medos, Persas & Græcos à Daniele ad imperium Babylonis vocari. de Romanis, à quibus ipse nomen Flaviæ gentis, civitatem & statuam adeptus erat, nihil à Daniele scriptum reliquit. sed hinc error manavit, quod Danielis sacras sortes ad suam quisque opinionem, non ad historiæ fidem rerulit. hinc putarunt quinque duntaxat reges Persarum esse oportere, quod Daniel quinque duntaxat futuros esse diceret: at omnium scriptorum consentiens auctoritas octo posuit: nonnulli decem, propter seditiones ac civilia bella. Consimili errore ex eadem statua Danielis (cujus caput aureum, thorax argenteus, crura ænea, tibiæ ferreæ, pedes fictiles, malè cum ferro coagmentati fuisse feruntur) quatuor, aut etiam plures ætates statuunt: fuisse quondam aurea secula, post argentea, deinde ænea, tum ferrea, tandem lutea successisse. sed minuenda hæc opinio est: nam si quis historicorum, non poetarum excutiat intelligentiam, profecto judicabit parem esse in rebus humanis, atque in omnium rerum natura conversionem: nec aliquid sub sole, ut ait ille sapientiæ magister, novum esse. nam ætas illa quam auream vocant, si ad nostram conferatur ferrea videri possit. quis enim dubitat, quin eluvium terrarum divinitus contigerit propter hominum

scelera,

scelera
ipso
igitur
sunt
Poë
gin
num
Cam
verò
verò
lere
temp
milli
bala
defin
qui p
infig
sunt
dus
cond
lignu
quid
quo
nes a
sen
quid
an in
quasi
se v
quid
eject
etiam
tatu
que
lum
bus
intu
bare
tur.
ri ne
nos
Poë

scelera, quæ tot ac tanta fuerunt, ut Deum ipsum poenituerit hominis creati? videamus igitur illa tempora quæ diluvium consecuta sunt, quæque aurea vocantur, non solum à Poëtis, sed etiam ab ipso Catone in libris Originum: quibus temporibus Camefen & Saturnum floruisse tradit. at nemini dubium est quin Camefes, ab Hebræis Nohæ filius: Saturnus verò Nimerodus omnium consensu vocetur. hinc verò filius Iupiter Belus, auream ætatem valere iussit. ex quo planum est aureum illud tempus breve momentum videri, si annorum sex millium ratio habeatur. nam Cato Poëtarum fabulas secutus, annis ducentis & quinquaginta definiit. quæ autem innocentia fuit in Camefe, qui parentis optimi pudorem nova quadam & insigni contumelia violavit? nam ex eo secutæ sunt patris execrationes. qualis item Nimerodus Camefis ex filio nepos, quem aurei seculi conditorem vocant, satis ex ipso nomine intelligitur, quod Hebræis significat rebellem. & quidem à Mose robustus venator appellatur; quo verbo latrones ubique & sceleratos homines appellavit. ut etiam Aristoteles latrocinium, seu *λυσίαν* posuit inter genera venationis. Sequitur Iupiter Belus, qui maiore dicam audacia an impietate, patrem senio fractum de imperio, quasi de ponte dejecit. alios quoque Ioves fuisse video (nam trecentos coluit antiquitas) sed quisquis ille est, quem Poëtæ patrem de regno ejecisse ajunt, non tantum parricidio, verum etiam stupris omnibus ac sororis incestu nobilitatus est. eisdem temporibus tyrannidem quisque Iovi eripere conabatur: hinc conjurati cælum rescindere fratres, qui turribus & aggeribus extructis, immortalī Deo nefarium bellum intulerunt, eumque de cælo præcipitem deturbare sunt conati, nisi tum fulmine prohiberentur. vel ipsa linguarum confusione, unde turri nomen Babylon ab inscitia loquendi, quam nos quoque Babil appellamus. sane Mose cum Poëtis (qui rei veritatem fabulis confuderunt)

quodammodo convenit. quid est autem aliud gigantes diis bellum inferre, quàm naturæ, ut ait Cicero, repugnare? hæc igitur est illa aurea ætas, quæ talia monstra nobis educavit. idem iudico de Hercule, quem Manetho piratarum maximum fuisse tradit: quique Theseum ac Pirithoum scelerum societate sibi conciliavit, qui cùm Helenam rapuissent, ac Molossi regis filiam patri eripere conarentur, ab eo sunt in carcerem coniecti: alter quidem à Cerbereis canibus laceratus, alter brevi lacerandus, nisi Herculis precibus quasi ab inferis revocaretur, vel potius ad crudeliora supplicia servaretur. quis autem ad omne genus libidinum Hercule robustior dicam an fœdior? Sed ne videantur hæc fabulis similia, Thucydidi verissimo historiæ parenti assentiamur. is enim testatum reliquit pauld ante sua tempora tantam fuisse hominum in ipsa Græcia barbariem ac feritatem, ut terra marique latrocinia palam exercerentur, & sine ulla contumelia quæri à prætereuntibus consueverit, utrum latrones, utrum piratæ essent necne? cùm verò nullis adhuc mœnibus cingerentur, nec essent ulla propugnacula, jus in armis fuisse positum, veteresque colonos subinde à novis de possessione dejectos, qui mos in Græcia paulatim inolevit. quæ autem nationes ab humanitate longius aberant, in eâ barbarie diutissimè vixerunt: ut de Germanis scribit Cæsar; Latrocinia, inquit, nullam habent apud Germanos infamiam, quæ extra fines cujusque civitatis fiunt, atque ea juventutis exercendæ, ac desidiæ minuendæ causa fieri prædicant. ex quo factum est, opinor, ut prædones, qui *Brigantes* vulgo appellantur, à populis Brigantinis, qui lacum Podamicum seu Brigantium tenent, dicti sint: ut Assassini ab ea Persarum gente, quæ latronum & sicariorum infamia diutissimè laboravit. at Lacedæmonii non in furto eduliorum, sed in furti sola deprehensione scelus inesse putabant. utraque sane opinio tantò plus habet in se ipsa flagitii quàm latrocinium, quan-
tò mi-

tō miserius est ac turpius impunè legibus quic-
 quā licere, quod ipsa natura nefarium sit. hæc
 fuerunt aurea & argentea secula, quibus homi-
 nes ferarum more in agris ac silvis dispersi, tan-
 tum haberent, quantum per vim & nefas reti-
 nere possent, quousque paulatim ab illa feritate
 ac barbarie sunt ad hanc, quam videmus, mo-
 rum humanitatem ac legitimam societatem re-
 vocati. nam furta quæ olim civili tantum judi-
 cio, non modo Hebræorum, sed etiam Græco-
 rum & Latinorum legibus, nunc ubique gen-
 tium capite puniuntur. Quod si res humanæ in
 deterius prolaberentur, jampridem in extremo
 vitiorum ac improbitatis gradu constitissemus:
 quo quidem antea peruentum esse opinor. sed
 cum flagitiosi homines nec ulterius progredi,
 nec eodem loco stare diutius possent, sensim re-
 gredi necesse habuerunt, vel cogente pudore,
 qui hominibus inest à natura; vel necessitate,
 quod in tantis sceleribus societas nullo modo
 cōli poterat; vel etiam, quod verius est, impel-
 lente Dei bonitate. quod quidem perspicuum
 fit ex annalium libris ac monumentis majorum,
 in quibus tot actam execranda flagitia prodi-
 ta sunt (neque tamen omnia) ut quid maximum
 sit, non facile dici possit. testes sunt Tranquil-
 lus, Tacitus, Lampridius, Athenæus. quid enim
 magis nefarium cogitari potest, quā scēdissi-
 ma quæque vitia virtutis habere loco? id qui-
 dem videre est non modo in depravatis civita-
 tibus, sed etiam in ea Republica, quæ Lycur-
 gi floruit institutis, quæque omnium scripto-
 rum consensione laudatissima putatur. sed ut
 impuras illorum libidines omittamus (quæ uti-
 nam æterna oblivione sepeliantur) quid tam
 impium est, quā homines tum in funeribus,
 tum in sacris crudelissimè mactari? at usitatum
 illud fuit apud omnes pene populos. quid cru-
 delius quā innocentissimos quosque servitu-
 tis specie, in spectaculis publicis à belluis la-
 cerari, aut mutuis vulneribus ad populi volu-
 ptatem trucidari? nihil tamen usitatus apud

Romanos, qui in summa iustitiæ opinione floruerunt, ut divina quadam ultione hominum quinquaginta millia Fidenis in munere gladiatorio, unius theatri casu obruta sint. ac certe nostri homines multo sapientius quàm Romani (quod bona illorum venia dictum sit) cædes hominum inter ipsos, & ferarum cruenta spectacula de Christiana Republica sustulerunt, ac fructuosum & utile de omnibus disciplinis disputandi genus stabilierunt. quanto melius est igitur ad bonas artes & verum decus, quàm ad palæstram informari? nec propterea tamen honestas corporum exercitationes omisimus, nec militarem negleximus disciplinam, habent etiam nostra monumenta, ut alios omittam, suos Cato- nes, Fabricios, Camillos, Alexandros: neque illis de meliore luto finxit præcordia Titan, quàm nobis ipsis. ubi enim militaris gloria major in Alexandro, quàm in Carolo Magno? ille quidem magnus, sed tamen adversus molles Asiaticos, ut Cæsar de Pompejo nostrorum hominum vim expertus dicere solebat; hic noster ferocissimas Europæ nationes perdomuit. ubi par extitit pietas in Antonino atque in Ludovico Pio? quis autem ex omni principum vetustate D. Ludovico regi opponi potest? ut enim leges ab eo latas, quibus stat hoc imperium, omittam, nullius profecto tanta Principis adversus Deum religio, fides in patriam, amor erga subditos, iustitia in omnes fuisse memoratur. Neque solum virtutes in nostris hominibus, sed etiam disciplinae pares, atque in veteribus extiterunt. est enim literarum sua quoque vicissitudo, ut primum quibusdam in locis ingeniosorum hominum experientia & labore artes oriantur, deinde incrementa suscipiant, pòst aliquantum in statu vigeant, tandem sua vetustate langueant, denique sensim emoriantur, & oblivione diuturna sepeliantur; vel bellorum diuturna calamitate; vel, quodd nimia copia (malum his temporibus valde metuendum) societatem levissimo cuique afferre soleat: vel quodd iustas

Deus

Deus pœnas expetit ab iis qui scientias salutares, in hominum perniciem convertunt. Nam cum disciplinæ apud Græcos sensim adolevis-
sent, ut ad summum pervenisse crederentur, tanta mutatio postea secuta est, ut ne ipsa quidem Græcia ubi nunc est unquam extitisse videatur. quid Latini? apud quos tanta fuit ingeniorum ubertas, ut iisdem pene temporibus bellica laude, ac disciplinarum omnium præstantia populos omnes superarent? attamen consimili casu in pristinam barbariem tum relabi cœperunt, cum influentes in Italiam Scytharum copię, bibliothecas refertissimas, & omnia vetustatis monumenta, ubique fere incenderunt. quod immane factum tantas in omnibus disciplinis ruinas edidit, ut prostratæ mille circiter annos sine ullo pretio jacuerint ac jam interituræ viderentur; nisi Mensor Africæ & Hispaniæ princeps, Arabum ingenia magis propositis præmiis ad literarum instaurationem excitasset. omitto quàm multos philosophos, geometras, astrologos pepererit Ægyptus, India, Æthiopia; quam multi apud Chaldæos nobiles Mathematici antè fuerint, quàm ullæ essent in Græcia literæ. ad nostra tempora relabor, quibus multò post quàm literæ toto pene terrarum orbe conquierant, tantus subito scientiarum omnium splendor affulsit, tanta fertilitas exstitit ingeniorum, ut nullis unquam ætatibus major. at ne Gothis quidem ipsis lætissima nuper ingenia defuerunt. Testis est Olaus Magnus, testis Holsterus, testes alii plerique: quasi decrevisset natura scientiarum vulnera nunc ab iis ipsis, à quibus olim erant illata, sanari. cum enim superiori adhuc ætate morem majorum retinerent, ac literatos homines voce præconis de Senatu exire juberent (sic enim in illorum historia testatum habemus) nunc undique literas accire consueverunt. hæc illa est rerum omnium tam certa conversio, ut dubitare nemo debeat, quin idem in hominum ingeniis quod in agris eveniat, qui majori ubertate gratiam

quietis referre solent. At veteres illi, dicet aliquis, artium inventores fuere: illis gloria debetur. profectò permultas invenere: atque in primis rerum cœlestium vim: ratos orbium cursus, non tamen omnes: stellarum inerrantium, & earum quæ vagæ dicuntur, mirabiles trajectoryes: tum naturæ obscuritatem diligenter notarunt, & accuratè multa explicarunt: pleraque tamen ex iis imperfecta reliquerunt, quæ à nostris consummata posteris traduntur. ac nemini dubium esse potest, in eam rem penitus intuenti, quin inventa nostrorum cum majorum inventis conferri, pleraque debeant anteferri. cum enim magnete nihil sit admirabilius in tota rerum natura, usum tamen ejus plane divinum antiqui ignorarunt: & cum illi sese alveo mediterraneo continerent, nostri quotannis terrarum orbem crebris navigationibus obeunt, & in alium orbem, ut ita dicam, colonias deducunt, jam ut intimos Indiæ recessus apertos habeamus: ex quo non modo mercatura (quæ antea sordida vel non satis erat cognita) abundans & quæstuosa evasit, verum etiam omnes homines secum ipsi, & cum Republica mundana, velut in una eademque civitate mirabiliter conspirant. quantum verò incrementi acceperit una de pulcerrimis artibus Geographia, ex eo intelligitur, quod quæ de India fabulosa plerisque videbantur (nam Lactantius & Augustinus insanire ajunt, qui antichthonas esse opinantur) comperta nobis sint: tum etiam motus inerrantium siderum, ac magni orbis trepidatio. quid autem admirabilius est illa formarum à materia (ut sic dicam) abstractione & ἀσχεσία? hinc occulta naturæ arcana recluduntur: hinc salutare medicinæ indies eruuntur: omitto longitudinis cœlestis investigandæ modum ex horis æqualibus, quæ ex veteribus ex eclipseos norma sine magno errore judicari non poterat: omitto catapulta veterum & antiqua belli tormenta, quæ si cum nostris conferantur, sane puerilia quædam ludicra videri possint.

possint : omitto denique artes infinitas , tum fabriles , tum lanificias , quibus hominum vita mirabilem in modum adjuvatur . una typographia cum omnibus omnium veterum inventis certare facile potest . Itaque non minus peccant qui à veteribus ajunt omnia comprehensa , quàm qui illos de veteri multarum artium possessione deturbant . habet natura scientiarum thesauros innumerabiles , qui nullis ætatibus exhauriri possunt . Quæ cùm ita sint , & cum æterna quadam lege naturæ , conversio rerum omnium velut in orbem redire videatur , ut æque vitia virtutibus , ignoratio scientiæ , turpe honesto consequens sit , atque tenebræ luci ; falluntur qui genus hominum semper deterius seipso evadere putant . & cùm in eo sint errore senes , credibile est hoc illis contingere , quod florem ætatis , quæ per seipsam lætitiâ ac jucunditatem spirat , amissum meminerunt : cumque se ab omni voluptatum genere deserui vident , ac pro deliciis acerbissimos dolores , pro sensibus integerrimis membrorum omnium imbecillitatem sentiunt , fit ut tristissimis obruantur cogitationibus , & falsa rerum imagine decepti fidem & amicitiam hominum inter homines interiisse putent : ac velut ex longinqua navigatione profecti aurea secula , auream ætatem adolescentibus narrent : sed perinde illis accidit , ut iis , qui cùm à portu evehantur in altum , domos urbesque à se discedere existimant : sic illi oblectationem , humanitatem , justitiam in cælum evolare , ac terras deserere opinantur .

De temporis universi ratione.

C A P. VIII.

QVi sine ratione temporum historias intelligere se posse putant , perinde falluntur , ut si labyrinthi errores evadere sine duce possint . hi enim vagantur huc illuc , nec ullum er-

roris exitum reperire possunt : illi verò inter historiarum innumerabiles anfractus æquè incerti feruntur , nec intelligunt unde cœperint , quoque recurrant. ac temporum doctrina , omnium dux historiarum , velut Ariadne cæca regens filo vestigia , non modo nos errare non finit , sed etiam efficit ut aberrantes historicos in rectam viam sæpe deducamus. itaque videmus lectissimos quosque scriptores temporis tam magnam habere rationem , ut non solum annos , sed etiam anni singulas partes complectantur : alii nemenses quidem ipsos ac dies , dierumque momenta , quibus quicquam gestum est,omittant : quod intelligunt sine temporum ratione vix ullos ab historia decerpi fructus. cum igitur historiarum potissima pars in temporum disciplina posita sit , temporis universi rationem huic methodo quam tractamus necessariam esse existimavi : tum propter summam ejus utilitatem, tum etiam propter eam quæ inter historicos versatur , de temporum antiquitate ac serie discrepantiam : ut huic quoque disputationi lucis aliquid afferrem. Prius igitur temporis originem , sine qua inanis hæc disputatio futura sit, non tam auctoritate , quæ nihil valet apud eos qui ratione duci volunt , quàm necessariis argumentis doceamus. quanquam si ex Hebræorum sacris fontibus ac divinæ legis oraculis testatum habemus , mundum hunc originis suæ principium habuisse , amplius quærere , scelus ; dubitare, nefas esse videtur. ac tanti est apud me Mosis unius auctoritas , ut omnibus omnium philosophorum scriptis ac sententiis longè anteponam. is enim capitali pœnæ subjecit eos qui Sabbathum violarent , ea potissimum de causa , quod mundi creationem Sabbathi violatione in dubium revocare viderentur , ut Rabi Moses Ægyptius scribit. sed quoniam improbi ejus auctoritate se vinci non patiuntur , & oracula divina temerè calumniantur , necesse est eorum argumenta consimilibus argumentis refellere ac debilitare. nam si philosophorum

ponderibus , ac rationum momentis plane intelligatur, mundum nec sempiternum , & à Deo immortali certo tempore conditum fuisse, majore fiducia sacras historias amplectemur : deinde mundi conditio , quæ tam præclaræ originis opinione nititur , augebit in nobis singularem Dei admirationem & amorem. Hæc igitur doctrina non modo Hebræorum est , sed etiam Chaldæorum, Pythagoreorum, Stoicorum, Academicorum, Arabum ; denique multorum fraternis comprobata & confirmata sententiis : quin etiam Epicurus ipse , ut est apud Plutarchum, in eadem fuit opinione . inter Latinos verò, quamvis admodum pauci philosophiam serio tractarint , M. Varro , qui omnium Latinorum & Græcorum doctissimus est à Tullio appellatus , idem judicavit in libro, quem de interitu mundi scripsisse fertur. atque hæc omnium in eadem disciplina consentiens auctoritas , etiam apud philosophos non parvi debet esse ponderis ac momenti. cum igitur primus omnium Aristoteles, tum à majoribus , tum à magistro Platone dissentiens , mundum æternum statuere ausus sit , adversus eum omnis hæc suscepta disputatio est : cujus quidem rationes Galenus uno verbo refutans , veri quidem similes , non tamen necessarias videri scribit . quin etiam Aristoteles in libris de Cælo , rationes , ait, aliorum cum suis comparatas rem efficere certiorum, cum nulli sint aditus demonstrationis adipiscendæ . quæ verba sunt non physicorum aut geometrarum , sed de re proposita dubitantium dialecticorum : ut Rabi Moses Ægyptius , is qui dubiorum interpret usurpatur , argutè animadvertit. demonstrationes enim neminem dubitare patiuntur , sed sua luce tam perspicuæ sunt , ut velut adhibita quæstione ab invitis extorqueant assensionem. quare si Epicurus & Galenus minimè religiosi homines, negant, Aristotelis argumenta vim ullam habere : Origenes , Aben-
sellunt.

fellunt : satis intelligitur probabilia tantum & incerta, non necessaria esse. sed ad Platonem venio, qui Deum post operis tanti molitionem ad res genitas orationem convertere fingit: quas ob id interituras affirmat, quod ortum haberent, sua tamen voluntate fore perpetuas. hîc Aristoteles verba Platonis excipiens; Si mundus, inquit, non est interiturus, igitur ne ortum quidem habet: propterea quod quæ ortum habuerunt, aliquando sunt casura, quæque intereunt orta fuisse necesse est. quæ à Platone didicerat in Phædro ac Timæo : ubi propterea mentes originem habuisse negavit, quemadmodum scribit Augustinus lib. 10. de Civit. Dei, ne aliquando interituræ essent : mundi verò statum eundem semper fore jussu divino. uter igitur in Philosophia gravius labitur: alter qui præpotenti Deo liberam de rebus suis statuendi facultatem relinquit: alter, qui, quem universi moderatorem esse confitetur, & quidem causam efficientem, ei omnem adimit operis mutandi potestatem, ut si mundum quaterere velit, non possit? hoc Aristoteles argumento, temerè dicam an impiè, de mundi æternitate statuens, non modo philosophiæ naturalis decreta, verum etiam divinæ majestatis vim penitus enervare ac debilitare conatur. at in omni disputatione quæ præsertim de rebus tam arduis & à sensu remotis suscipitur, providendum est, ut ne quid omnino adversus Dei majestatem contumeliosè dicatur, quod Aristoteles prætermisit. cùm enim rationum ponderibus undique premeretur, necesseque haberet confiteri, mundum originis initium habuisse, si Deo plenam tribueret statuendi voluntatem: necessitate mundum; non voluntate regi affirmavit. huc enim omnia revolvuntur argumenta. idem tamen contra Stoicos disputans, qui fatalem in rebus omnibus necessitatem posuerunt, multis argumentis docuit necessitate quædam, alia voluntate, multa fortuito, plurima casu fieri: fortunam etiam & casus trifariam divisit, in rebus necessariis, divinas actiones ac

naturam collocavit: ex quo intelligitur ea quæ disputarat, in libris de cælo, quod fatalem saperent necessitatem, in libris de Interpretatione sic temperasse, ut homini quidem arbitrium daret omni necessitate solutum; Deum verò ac naturam necessitate obligaret. quid autem magis impium, magis arrogans, magis denique furiosum, quàm sibi liberam tribuere voluntatem; Deo adimere velle? consequens est enim, ut neque Deus Solis cursum sistere, nec cælestium siderum vim prohibere, nec quicquam in universa natura convertere; at ne hominis quidem impetus ac voluntates quo velit, impellere possit. quæ cum absurda sint, & impietatis plena, sequitur ut illam de mundo tollamus necessitatem, qua sublata relinquitur Deum nulla vi obligari, sed pura voluntate omnia gubernare. at cum Aristotelem sui ipsius puderet; hoc est, homini concedere, Deo eripere voluntatem, verbo quidem voluntatem tribuit, re vera tamen necessitate coactam: id quod Moses Ægyptius animadvertit: permittit enim voluntatem, sed ea lege ut mutari non possit: & ut Iupiter in fabulis Adrastix legibus teneatur: cum tamen in libris De moribus eam esse docuerit voluntatis vim & naturam, ut nisi mutari possit, voluntatis nomen amittat. itaque cum multa variè contingere in natura perspiceret: modo in hanc, modo in illam partem, eo delapsus est, ut fortunam & casum ex opinione plebis statuere mallet, quam adscribere Deo voluntatem aliud alio modo agendi. quid autem indignius est philosopho quam putare sine causa quicquam fieri, hoc est fortunæ & casibus quicquam permittere? illa sunt ex quibus se expedire nullo modo Peripatetici potuerunt: itaque à Plutarcho in libro de fortuna, tum etiam à Lactantio efficacissimis argumentis refelluntur: videamus cætera cuiusmodi sint, aut certe præcipua: infinitum esset omnia persequi. posuerunt enim ex nihilo nihil gigni, tanquam totius disputationis fundamentum; quod omnium errorum præbuit occasionem: sed illis aqua hæret, cum hoc proban-

bandum relinquitur. tum illi subirascuntur, quod sua principia negari fas esse non putent, sed quæ tandem ista principia sunt, quæ consequentibus obscuriora videntur? nullus unquam geometriæ postulata negavit, quod sua luce perspicua sunt; at hæc si perspicua viderentur, cur tot philosophorum scholæ tam constanter ea negarent? cur Philoponus falsum esse perspicuè demonstraret? quid autem ineptius quàm illud ponere, quod quidem si verbo negatum fuerit, ulterius progredi non possint? sed tamen præclarum illud principium refellamus si placet, id quod à nostris omissum esse miror, qui tantopere in hac disputatione se exercuerunt. nam Phil. Melanchthon, ac Theologi distinctionem adhibent, atque id verum esse ajunt in natura ordinata: sed illud est τὸ ἐξ ἀρχῆς, ut ajunt Dialectici. quæ enim natura fingi potest incondita? hæc enim aut integra partibusque omnibus coagmentata, materia scilicet ac forma, aut nusquam existet. certioribus igitur argumentis utamur. Id autem à formarum præstantia facile intelligemus: est enim forma generosa, & ut Aristot. scribit, divinum quiddam habens essentia, ipsiusque naturæ præcipua pars: quod ejus beneficio res omnes existant: hæc autem non à materia ducitur; ut planum faciam: nec à seipsa; cum formæ avulsæ à materia penitus intereant, nec per se existere possint, ut Aristot. in Metaph. tradit: nec Dei particula sit cùm de pura sempiternaque mente corpus non oriatur. quod Maurus quidam sapiens innuit, cùm diceret, Deum cœlestes orbes de luce vestimenti sui condidisse. consequens est igitur ex nihilo in materia ingenerari. itaque Aristot. lib. 2. De natura, formam naturalem ipsius naturæ finem, & efficientem, & formam esse scribit. Deum verò à naturæ principiis sejunxit, & inanem privationem, quæ nec essentia sit, nec verum accidens; inter principia mediam collocavit. sed cum formæ singulares perpetuo quodam fluxu oriantur, & occidant, ut lib. 1. De natura c. 9. fa-

teretur:

retur: posterioribus Peripateticis magnam dubitationem attulit, undenam oriuntur. ad extremum de materiæ sinu ac potestate duci voluerunt, quod nunquam Aristoteli venit in mentem. ex eo enim sequitur materiam primam non potestate, sed ipso actu formas habere sibi concretas, ac temerè informem; aut formam *ἄυλον* appellari: tum etiam id quod informe est, seipsum informare; formas item materiæ temperatione constare, augeri denique ac intendi; quæ falsa esse docet Aristoteles lib. 8. *τῶν μὲν τὰ εὖς*. tum etiam lib. 1. c. 3. De Anima: denique formam non esse principium, sed ab ipsa materia sui ortus initium habere: nec principium simplex, sed concretum & compositum esse: postremo materiam dare ipsis rebus existentiam, id est, *τὸ εἶναι*. quæ si probabilia non sunt ex Aristotelis ipsius doctrina, ne illa quidem unde hæc manant, probanda sunt; scilicet de materiæ gremio formas educi. quare extrinsecus advenire statuendum est; id quod negavit Aristoteles lib. 11, cap. 3. De animalium ortu, præterquam de hominis forma, quam ipse *θύραθεν ἐπασιέναι* constitetur: illud igitur ab eo extorquebimus, formam hominis ex nihilo in materia ingenerari: atque idem in formis omnibus iudicandum relinquitur: cum re vera nullam habeat materia vim formatricem. ac profecto tam ineptum est existimare de materiæ gremio formas educi, quam de stipite Mercurii figuram; cum ab artificis mente, opera, idea proficiscatur. igitur falsum est illud quod posuerunt; De nihilo nihil derivari: eoque disputationis concusso fundamento, cætera ruinam minantur. sic enim Philoponus adversus Aristotelem disputat: si non videtur absurdum è privatione pura manare formas, cur absurdum videatur de privatione quoque materiam primam fluxisse? At Theophrastus ipse cum videret plantas non modo in terra, sed etiam in saxis sine semine nasci, nihil aliud afferre potuit lib. 1. cap. 5. de causis stirpium, quam cœli vim ac proprietatem: videamus

mus cætera. Simile est illud; quod nihil in cælo sibi contrarium esse ajunt: ac proinde nihil ab interitu metuendum, nec sperandum ab ortu. undenam igitur elementorum inter se discrepantium contrariæ vires? hæc enim superiorum vi & agitatione influere, & ab illis causis contrarias affectiones cieri fatentur. at cum unius & simplicis causæ sit effectus, contrarium contrarii: discrepantes in cælo causas inesse confitendum erit, non effectione tantum, ut magno errore putant, sed habitu naturæ, id est, ut ipsi loquuntur, formaliter. Quod etiam motum orbis æternum ex eo colligunt, quod tempus sine motu consistere non possit: æque veteratorum est ac sophisticum, ut si quis dicat ante horologium horas non extitisse; aut eo sublato nullas fore. itaque Plotinus lib. 8. Picus Mirandula lib. 6. de vanitate gentium, quæstionem Aristotelis lib. 4. de natura jampridem irriferunt; utrum scilicet animo numerante sublato, tempus esse desinat. Basilius verò, Ambrosius, Augustinus ac Moses Ægyptius, ut inanes illas argutias effugerent, tempus ab æternitate penitus sejunxerunt. Vnum tamen est ab Aristotelis interpretibus inductum argumentum, quod Mosem valde conturbavit; Mundi, ajunt, existentia fuit aut necessaria, aut possibilis, aut impossibilis. si impossibilis, nunquam mundus extitisset; si necessaria, semper extitit: si possibilis, antequam existeret, potestas existendi, vel, ut eorum verbis utar, possibilitas illa fuit in aliquo ente: igitur erat aliquid quod de potentia in actum exiret. at ego totum illud concedam, & illam, quam quærunť possibilitatem, in ente collocabo, id est, in causa effectrice sempiterna: nec video quid contradici possit. quod si potestatem in subjecta quoque materia esse oportere putant, magis captiosum erit quàm necessarium argumentum. perinde ut illud; Si primus opifex à privatione pura pervenit ad actum, fuit aliquid quod illum ad agendum eliceret atque incitaret, ego à seipso incitatum ajo, velut architectum

tectum qui nec materiam , nec aream habet ad
 ædificandum , à seipſo tamen excitari ad ædifi-
 candi cogitationem : ſed multo magis rationi re-
 pugnat ac veritati, neceſſario mundum extitiſſe :
 quia velit nolit opifex, obligatur fati neceſ-
 ſitate . Hæc præcipua ſunt Peripateticorum &
 Abenrois argumenta. Tria ſunt Proculi qui à
 magiſtro Platone diſcedens , mundum æternum
 eſſe putavit , idque Platonem voluiſſe ſcripſit,
 tum etiam Simplicius, Plotinus , Marinus , Sy-
 rianus , Apulejus , Iamblichus : atque inter ju-
 niores Beſſario Cardinalis, & Foxius: qui, ut A-
 riſtoteli cum Platone conveniret , mundi ortum
 in ejus ſalute tuenda, quæ Deo ſemper curæ eſt,
 poſuerunt : alii Platonem ex hypotheſi locutum
 arbitrantur , quos Plutarchus & Philo refutant:
 Proculum verò Philoponus libris 18. ſed tota
 illa diſputatio his tribus argumentis eſt , ut opi-
 nor, comprehenſa; Deus, inquit Proculus, mun-
 dum ſempiternum efficere potuit; voluit igitur. ſi
 voluit, confecta res eſt. voluiſſe planū fit ex eo,
 quod malevoli eſt nolle bene agere cū poſſit,
 & ejus qui bonis alterius invidet, malis gratu-
 letur. hoc in Deum cadere non poteſt: ergo nec
 illud. jam vero ab otio ad negotium; ab eo quod
 nolis , ad voluntatem ferri, mutationem habet
 ac varietatem, à natura divina, quæ ſimplex eſt
 ac ſemper ſui ſimilis , valde alienam : id autem
 conſequens erit, ſi demus innumerabilibus ſe-
 culis ignaviter quieviſſe Deum , ac nuper de
 mundi conditione cogitaſſe. Poſtremò ſi mun-
 dus interitum non ſentit, nec ortum habuiſſe
 conſtat : verum illud , hoc igitur. nam omnis
 interitus, inquit, ab externa vi aut interiore pen-
 det : nulla vis interior afferri poteſt: extra nihil
 eſt metuendum. igitur nullo temporis decurſu
 interibit . cætera Proculi argumenta facile à ſe-
 iſſis refutantur. Primum illud falſum eſt, ut bo-
 na quæcunque Deus efficere poſſit, ea quoque
 velit. poteſt enim omnes homines ad virtutis a-
 ctionem ita dirigere, ut ſi velint , labi non poſ-
 ſint : quo ſane bono, nullum Proculo majus , aut
 ma-

magis optandum videatur . quin etiam potuit mundum hunc ita coagmentare , ut nec in mentibus ullis, nec in materia aut forma peccati labes , aut malorum semen ullum inesset , noluit tamen . igitur si non propterea Deum immortalem ullius sceleris inculsat Proculus , quod ea mala quæ prohibere possit, nolit : multo minus si mundum cum potuit, non ab æterno creavit. Alterum magis urget , quod ab otio ad negotium ferri, mutationem habet, id est, ut ipse loquitur *ἀλλοίωσιν* , quæ ab illa sempiterna mente longissime abest. sed illud falsum, quod ab otio ad negotium; à quiete ad laborem Deus feratur , cum mundum condere cœpit , & quidem labitur Proculus in naturæ principiis, cum Deo tribuit quietem, quæ aliud nihil est quam privatio motus . Igitur si Deus moveri non potest, nec quiescere quoque. est enim Aristotelis demonstratione lib. 6. De natura, non tantum immobilis in orbium conversione , sed etiam immutabilis; in tuenda mundi salute: non alius igitur quam ante mundi conditionem . persuasum autem habuit Aristoteles , Dominum esse omnium rerum ac moderatorem Deum ; huiusque mundi causam non modo effectricem, sed etiam conservatricem : neque solum immobilem , verum etiam omni sollicitudine ac labore vacuum, sua potentia & virtute gaudere . idem quoque scribit non mutari sapientem cum sapit , aut architectum cum ædificat, quanto minus in Deum mutatio cadet, cum in mundi procuratione versetur: itaque non minus ineptè quam impiè quidam minuti theologi Deum sordidissimis quibusque occupationibus implicari putant : quod sane præbuit occasionem Epicuro , ut diceret se bajulum esse malle quam Deum, ut enim Christus in perspecta summi patris erga se benevolentia totus acquievit , ita 12 legiones angelorum si velit præsidio sibi futuras dixit . ex quo innuere voluit , mundum hunc plenum esse animorum immortalium , quorum ministerio veluti servorum Deus utatur , hæc autem argu-
menta

menta Proculi confimilia sunt his Epicureorum maledictis; Si mundus originem habuit, aut casurus est, quid antea Deus egit, aut quid tandem facturus est? his ego impuris hominibus, qui à Deo rationem temporis antea acti reposcunt, nihil aliud reponam, quam quod Spiridion in Concilio Niceno respondit ad ejusmodi quæstionem; Æterna scilicet suppliciorum loca tam euriolis hominibus, ne nihil ageret condidisse. quæ ratio non solum urbana, sed etiam salutaris visa mihi est, si tamen philosophorum omnium constans opinio est, summam hominis felicitatem in contemplatione positam, & sapientem à Platone αὐτοδαιμόνα vocari, ab Aristotele seipso contentum, id est, αὐταρκῆ, propterea quod in desertissima solitudine constitutus, beatus est tamen præclara illa mentis agitatione, qua res humanas infra se despicit, divinas intuetur. quanto magis Deus seipso contentus est, ac sui unius contemplatione felix? nihil autem seipso majus ac melius contemplari potest. itaque Aristoteles libro decimoquarto τῶν μὲν τὰ φυσ. Deum eodem modo dixit αὐτ᾽αρκέσαντον, quo Hebræi יְיָ, id est, ut Moses Ægyptius interpretatur, eum qui seipso contentus est. quod quidem si Origenes attentius providisset, non arbitraretur Deum mundos consecutione innumerabiles condidisse; sic enim scribit in libris περὶ ἀρχῶν, veritus opinor, ne vel Deus inertia langueret: vel quod Plato metuit, ne hominum genere penitus sublato, sacrificiis ac laudationibus careret, quamquam sic arbitrari æquius est, quàm mundum vitæ cum Deo sempiternum extitisse. & quidem in illa opinione Hebræi plerique fuerunt, ut Moses scribit, & nostra ætate Leo Hebræus. Sed utrique in maximis erroribus versantur: alteri quod divinam felicitatem, mundi existentia; alteri quod ejus gloriam hominum sacrificiis ac rebus caducis metiuntur. nulli tamen perniciosius, quàm qui Deum ulla mundi contagione violari, aut in ejus procreatione ac salute defatigari putant, Repudiata igitur

igitur Proculi ac Peripateticorum opinione, relinquitur mundum originem habuisse: ex quo sequitur ejus occasus; si Aristotelis doctrinæ assentiamur. Cum enim triplex opinio sit in disputatione, quæ de mundo habetur: una eorum qui nec initium habuisse, nec exitum putent habiturum: alteri utrumque affirmant: tertium genus exitit eorum qui feriendo medium, originem habuisse dicerent, nunquam tamen occasurum, in qua sententia fuerunt Panætius, Possidonius, Boëthius, & Seneca inter Stoicos; Thomas Aquinas inter Theologos; Philo inter Hebræos: tum etiam princeps Academiae Plato hujus auctor opinionis: Philo Moysis & Salomonis sententia suam tuetur: quibus tamen Iesaias, Esdras, ac Petrus aperte reclamant: ut ex eorum verbis de interitu mundi dubitare nemo possit. & in ea quoque sententia fuit Epicurus, ut est apud Plutarchum, ejusque discipulus Luccretius his versibus:

*Vna dies dabit exitio, multosque per annos
Sustentata ruet moles & machina mundi.*

Sed quoniam Theologi Scripturæ sacræ locos in varias sententias distrahunt: ac Moses Ægyptius, & Thomas Aquinas Philonis interpretationi contrariam afferunt, placet rationibus uti; quarum nulla mihi visa certior est, quam quæ ex Avicennæ dictis & Alexandri Aphrodisæi colligi potest. hic enim propterea mundum sempiternum affirmat, quod à Deo moveatur: sit autem infinitæ ac sempiternæ mentis actio infinita, contra verò Avicenna primum orbem à Deo moveri negavit. quod quidem si verum est, uti est, occasus mundi necessario consequetur: quia finitæ mentis actio finita sit oportet. si autem primi motoris actio finita est, mundus interibit, cujus salus ex Aristotelis sententia pendet à motu: à quo rerum omnium origines derivantur. quod autem primus orbis à Deo non moveatur, planum sit ex eo, quod finito corpori, ut mundus est, infinitum motorem copulare sit absurdum;

dum : cum finiti ad infinitum nulla sit ratio, vel
 cohærentia, vel habitudo. quid enim absur-
 dius est, quam quod Aristoteles & Abenroes,
 Deum, quem actu infinitum appellant, eundem
 mundo, id est corpusculo finito sic conjugare, ut
 ab eo divelli non possit? quid autem minus
 philosopho dignum, quam efficientem causam,
 quæ sit infinita, cum effectu finito sic colligare,
 ut uno existente alterum existere sit necesse? sic
 enim Aristoteles philosophatur de mundo ac
 Deo, ut de calore & igne; de sole ac luce, quo-
 rum alterum alterius sit efficiens causa, sed ei
 tamen ita cohæreat, ut avelli ne cogitatione qui-
 dem possit. at oportuit in eo genere mundum
 mentem esse, aut Deum corpoream habere na-
 turam, si causa ejusmodi esset ut ab effectu mi-
 nime divelleretur. ex quo sequeretur illud,
 Deum Aristotelis, quem mundo veluti spon-
 giam lapidi affigit, ac perpetuo motu fatigat,
 non modo infinitum non esse, sed plane mun-
 do concretum & finitum, ut lux soli. at
 ipse fatetur in libris τὸν καὶ τὸ φῶς. mentes
 omnes ab omni concretionem corporum liberas
 esse ac solutas. non est igitur Deus ejusmodi
 causa, ut sine effectu consistere non possit: &
 cum actus sit infinitus, non potest ulla ratione fi-
 nito & exiguo corpori, siue origine, siue statu,
 siue motu conferri. ac tamen certa ratio est exi-
 guæ seminis ad mundum universum, ut demon-
 strat Archimedes, ubi arenam numero comple-
 cti docuit, propterea quod utrumque corpus est
 regione ac termino definitum, mundi tamen ad
 id quod est infinitum, nulla ratio cogitari po-
 test. quæ ratio facit, ut Deus efficere Deum ne-
 queat: quia infinitum ab infinito fluere non po-
 test: ita mundum, quem exiguo quodam or-
 bis ambitu cinxit, non magis æterno motu,
 quam magnitudine infinita potuit ornare. quare
 nec Philoponi argumentum Abenroes dissolvere
 potuit; si mundus est finitus potestatem habet
 finitam. ut igitur Proculus argumentatur adver-
 sus Anaxagoram & Metrodorum, qui loca ma-
 gnitu-

gnitudine infinita mundosque innumerabiles potuerunt; ἀναιμία, inquit, τοῦ θ' οὐκ ἀναιμία, id est, infinitas tollit Deum: sic ex iisdem fontibus argumentum illud hauriemus; Si locorum vel corporum infinitas tollit Deum, igitur motu sempiterno, vel temporum, quæ à motu pendeant, infinitate posita Deus tollatur necesse est, cum motus sempiternus complectatur infinitatem seculorum, ex quibus si fluxerint annorum sexcenta millia, ne momentum quidem erit infiniti ratione. atque in eo fallitur Scaliger, qui Philoponum coarguens, negat tempus actu infinitum existere, sed sola successione, ut formæ singulares. non enim prospicit, infinitæ menti ac sempiterno illi Deo, nihil prius aut posterius esse: sed totum illud tempus quod sempiternum ponit, actu infinitum perinde ut præsens ac instans, quo finitur tempus, haberi: alioqui non esset actu mens infinita. recte igitur Augustinus scribit, nihil in rebus aut locis aut temporibus, aut motu infinitum esse, præter Deum. Illud etiam non minus absurdum, si Deum primi orbis motorem fingamus, futurum est ut illum redigamus in ordinem earum quæ dicuntur intelligentiarum minorum, ac numen illud præstantissimæ mentis iisdem actionibus impediamus, quibus inferiores orbium mentes; quod sine scelere ne cogitari quidem potest. cum igitur Dei maiestas ab ordine animorum longissimè ablit, sequitur primi orbis motorem non esse, ac proinde si mens inferior motrix est, officio quoque, potestate, actione, finita sit oportet. præterea rerum ordo, series, ac dignitas postulat, ut quædam moveantur tantum, veluti impuræ materiæ concreta: quædam moveantur ac moveant, ut orbis cælestes, qui ab intelligentiis moventur, & vicissim hæc inferiora movent: quædam moveant duntaxat, nec moveantur, ut mentes quæ cælos ac sidera circumagunt: sunt enim ipsæ immobiles, ut Aristoteles lib. 6. De natura, demonstrat: extremum est, ut sit aliquid quod nec moveat nec moveatur; id

autem Deus est. Ex quo intelligitur primum orbem ab alia mente quam à Deo moveri, à quo velut à fonte perenni ortum habuerunt mentes inferiores, à quibus orbes moveri cœperunt ac desinent, cum sint finitæ, contra quàm putat Ficinus, qui mentem hominis infinitam esse scribit. nam ista ratione cum à Deo proficiscatur secunda mens, infinitum ab infinito manaret; quod naturę principiis omnino maximeque repugnat. Quid autem absurdius est, quam ea quæ sensu prædita sunt & corporea, cum intelligentiis; bona cum malis, infinita cum finitis, incorrupta cum caducis, denique tota ratione secum discrepantia, planeque contraria, eodem naturæ sempiternæ vinculo copulare? ut sit finiti ac infiniti, boni ac mali, Dei & cacodæmonis idem nexus? Illud quoque non leve est argumentum Scaligeri, quodd motus omnis vergit ad quietem, ut videre est in singulis rerum naturis. igitur orbes quoque cœlestes ad quietem inclinabunt: quod sine mundi obitu fieri non posse constat. hoc argumento mundum interiturum conclusit. sed de populari obitu intelligendum est: quoniam quies est privatio motus in eo quod rursus moveri potest. ita quoque intellexit Leo Hebræus, Lactantius, ac veteres illi qui ante mundi hujus ordinem, statum, figuram, putarunt omnia fuisse in rudi Materia confusa. atque huc pertinet argumentum illud, quod Theophrastum conturbavit, ut videre est apud Philonem in libro quem inscribit, Mundum non esse interiturum. est autem ejusmodi; Partium ac totius eadem ratio sit oportet: igitur si mundi partes labuntur ac disfluunt, totū occidere necesse est. aliquando, saltem occasu populari: ut cum animantia, plantæ, stirpes, ab igne absumuntur, & vilissimam subeunt cineris naturam amissa nobiliore forma: idem quoque de cœlo judicandum. Proculus cum in easdem angustias delapsus effugere non posset, hæc elementa, quæque ex his constantur corpora, mundi partem esse negavit, sed apotelesma duntaxat, & velut

appendicem, ut est apud Philoponum. sed hæc opinio tam absurda, refutatione minus eget. videtur tamen Theophrastus ita dissolvere, ut occasum mundi futurum concedat, si, quemadmodum singularia vicissim; ita quoque universa simul obirent: præciso enim digito, inquit Philo, nihil vetat quo minus vivi possit. at non quaeritur utrum membris quibusdam captus homo vivere; sed an pars ulla corporis vitam amittere possit. nam ex eo iudicatur corporis totius fluxa natura; quemadmodum ex aquæ guttula, sapor fontis. neque enim partes homogeneas ab heterogeneis Theophrastus in illa conclusione distinxit. alioqui fatendum erit, ejusdem animalis (est autem Academicorum omnium ac ipsius Theophrasti consensu mundus hic animal) alteram partem, & quidem corpoream, ita coagmentatam, ut partim intereat, partim interitus sit expers. quæ tam ridicula mihi videntur, quam quæ Aristoteles ex avorum memoria disputans, neminem ait interitus cœli meminisse. at isto modo aurum, vel adamantem, vel amanthon adamante durior, aut etiam ferrum illud quod in Dariæ nullis ignibus liquefcere fertur, sempiternum affirmare, cum nullus meminerit hæc à seipsis interitum sensisse. Ex omnibus tamen omnium argumentis nullum majus visum est argumento Philonis, quod ex abditis & sacris Hebræorum fontibus manavit. Non est, inquit, Deus auctor æternitatis, & confusio- nis, sed ordinis. si ergo mundi procurationem gerit, non patietur labi ac interire. eadem causa Mosem Ægyptium impulit, ut diceret Deum nulla individua præter hominem immortalem curare. idque Aristotelis & Alexandri doctrinæ congruit, qui non putant id interiturum quod immortalis Deo curæ sit; ex eoque fieri, ut formas quidem universas Deus tueatur, singulares, fluxas & caducas negligat. eadem ratio Manichæos impulit, ut duo pari potestate principia statuerent, unum bonorum omnium & ordinis, alterum malorum, interitus & confusio-

nis auctorem . quod ut Moses Ægyptius & Augustinus effugerent, interitum, mala, confusionem non in habitu, sed in pura privatione boni collocarunt. si tamen ex Aristotelis doctrina malorum habitus statuamus, ut Theologi plerique, non video quid absurdum consequatur, cum Deus non propterea mali ac interitus causa sit per sese, sed κατὰ συμβεβηκός tantum : ut cum scelerati curam omittit : aut etiam viri boni, ut de Iobe fertur: idem principi tenebrarum permittit, qui sceleratum & nefarium hominem male perire faciat. hæc Mosi Ægyptii opinio est. idem quoque de interitu mundi ac omnium rerum judicandum videtur, quarum curam simulac deseruerit, collapsuræ sunt . ac ne quis ea de re dubitaret, ipse Pharaonem, quem Hebræi principem tenebrarum interpretantur, sibi excitasse dicitur, ut in eo suam gloriam ostentaret ; ut quæ hic labefactaret & corrumpere, ipse instauraret. Sed placet Philonem Hebræum ac Platonem Leonis Hebræi argumento efficacissimo convincere . ajunt illi cælum ac sidera, quæque creata sunt, ob id interitura, quod ortus sui principium habuerunt. igitur Deus sibi ipse repugnaret, qui corruptibile aliquid fecisset, quod tamen corrumpi nollet. quod si verum est ex igne & aqua cælum esse concretum, ut Philoponus ex Academicorum sententia disputat, ac Hebræi sapientissimi naturæ interpretes affirmant (id enim voce ipsa אֵשׁ, id est, אֵשׁ וָמַי, vel ut alii, אֵשׁ וָמַי ignis & aquæ rationem completantur) quis dubitet cælum quoque interiturum? id quod Aristot. ne fateri cogeretur, quintam cælo tribuit naturam, quæ qualisque sit nusquam explicat . non debuit igitur ignota cæli natura sempiternum affirmare. Sit igitur hoc postremum, ne omnia differantur, quod qua ratione dissolvi possit, non video : Si mundus naturale corpus est, ex materia formaque constat, ut omnes Physici tradunt: ac proinde concretus; nihil autem concretum & partibus coagmentatum à seipso effici potuit, ex ipsius Ari-

stotelis disciplina. igitur causam habet sui effici-
 cientem. illud quoque Aristoteles confitetur;
 quem Cardanus parum affecutus, Deum mundi
 causam efficientem esse negavit: quod nec Phi-
 losophum decuit, nec Christianum: at ex his con-
 sequens est ut mundi causa prior sit effectui,
 non solum ipsa natura, sed etiam tempore: alio-
 qui naturale corpus, & quidem ex heteroge-
 neis, sui que dissimilibus partibus constari po-
 terit sine tempore, ac ipso momento, quod na-
 turæ principiis & Aristotelis doctrinæ repugnat.
 igitur consentaneum est non solum mundo prio-
 rem esse Deum natura, verum etiam tempore;
 tum etiam mundum ex ipsa natura concreti
 corporis interiturum. Sed audire iuvat quid re-
 spondeat cum ab illis quæritur, ubi tot annorum
 millibus Respublicæ ac imperia latuerunt. ubi
 tot seculis rerum memoria gestarum: ad hæc;
 incendiis, ajunt, & eluvionibus in orbem sæpe
 recurrentibus homines obire: ac vicissim è terra
 novo calore ac semine grava renasci. hanc o-
 pinionem ab Ægyptiis acceptam Solon in Græ-
 cia disseminavit, quam deinde Anaxagoras, tum
 Plato in Menexeno ac Timæo: post Aristoteles
 in Problematis: deinde Abensina in libro De di-
 luvii confirmavit. tandem hæc Aristoteli displi-
 cuisse videtur opinio lib. 1. Metaph. & Abenrei
 lib. 3. De animo; ubi negant ulla tanta fuisse di-
 luvia, quæ terras omnes inundarent. hac opinor
 ratione ducti, quod nulli hoc tempore sativi gi-
 gantes, at ne exigui quidem Myrmidones, ut o-
 lim, è terra prodirent. an quia non satis pingue
 solum? negabit Aristides, qui in Panathenæis so-
 los Athenienses de generis nobilitate jure glo-
 riarum putat, quod soli sint indigenæ terræ paren-
 tis, id est *αὐτοχθόνες*, quamvis Attico solo nullum
 magis sterile videatur. at in Ægypto ubi sunt a-
 quarum uberes inundationes, ac tellus, ut ait
 Poëta, sine nube ferax, id nunquam contigisse
 proditum est. an quia sol decrepitu est, aut
 tellus efforta? quoties igitur mundum hunc
 velut animal hydropisi, aut acuta febre corripi

putant? cū incendiis, & eluvionibus labefactatur, profecto materiam vetustate; mundum senio interituum confitentur. atque id uniuersa natura perspicue demonstrat. Plinius l. 7 tradit, omnes scriptores conqueri, genus hominum nec multitudine, nec magnitudine, nec robore, cum veteribus posse comparari. quo fit ut fabulosa nostris Imperatoribus videantur, cum audiunt Xerxis innumerabiles exercitus, aut Alexandrum Magnum ac Cæsarem mox trecenta, mox etiam quadraginta millia hominum uno prælio fregisse: quæ tamen sacris literis consentanea sunt. Creta verò quæ ab Homero *ἑκατόμυρσις* dicebatur, (Centum, inquit ille, urbes habitant magnas) vix hac ætate tripolis dici potest. quinetiam Diodorus scribit, olim in Ægypto decem & octo millia civitatum illustrium in sacris libris comprehensa: postea Ptolomæi Lagi temporibus tria millia exstitisse; hac vero ætate vix in Ægypto & Asia tot restare feruntur. sane magnitudo incredibilis ossium, quæ etiamnum his temporibus integra servantur, certissima sunt miræ magnitudinis hominum argumenta. Sed ex omnibus nihil admirabilius est, quam quod ad sempiternam posteritatis memoriam, Copernicus in libris Revolutionum, deinde Reinholdus, post etiam Stadius, mathematici nobiles, perspicuis demonstrationibus docuerunt, Solis apside terris esse propiorem, quam Ptolomæi ætate (floruit autem Adriano principe) duodecim partibus, id est uno ac triginta terræ semidiametris: vel, ut Germani suis spatiis metiuntur, x x v i millibus sexcentis & sexaginta milliaribus Germanicis, quæ Gallicis altero tanto maiora feruntur. id autem cum usu frequenti & explorata demonstratione compertum haberet Philippus Melanchthon, ad cœlestium terrestriumque corporum tabescentem naturam referendum putavit: ut hæc elementa solis calore commodius foveantur. quod Scaliger cum audisset, flagris dignos putavit qui talia scribunt. ipse flagris indi-

gnus erat, quod earum rerum ignorantia, sæpe & quidem pueriliter, lapsus est. Cum igitur fluxa sit & caduca materia cœlestis, efficitur illud quoque, ut torta fuerit, & aliquando sit interitura. Quæ cum ita sint, tempora suas origines & exitus habere constat. id autem est quod quærebamus.

*Temporis
series.*

Nunc temporum ratio nobis est ab orbe condito ex historiarum monumentis haurienda; quod ex aridis fontibus Græcorum fieri nullo modo potest. cum enim historia Trojana nullam habeat antiquiorem, quam tamen Thucydides magna sui parte fabulosam esse tradit. & cum Homerus ipse post Orpheum & Linum antiquissimus scriptor, ducentis annis à bello Trojano claruerit, consentaneum est vulgi errores ac fabulas pro vera historia tradidisse. utut sit, Plutarchus à Theseo principum vitas anspicatus, superiora fabulis confusa esse affirmat multisque erroribus referta. Fertur autem Theseus ante Romulum annos circiter quingentos claruisse, Abimelecho Hebræorum ducē: qui annus est ab orbe condito bis millesimus ac septingentesimus supra quadragesimum. ab aliis igitur quàm Græcis temporum vetustatem exquisamus. at ex omnibus aliarum gentium scriptoribus antiquiorem Mose video neminem. Herodotus antiquiss. Ctesias, Hellenicus, Xenoph. temporibus æquales, annis mille octoginta Mose juniores sunt. Herodotum proxime sequitur Thucydides. deinde Berosus Chaldæus Herodoto junior annis ducentis. Berosum excepit Manetho Ægyptius; tum Metasthenes Persa, temporibus Alexandri Magni: horum tamen exigua fragmenta restant, si modo ab his scripta sunt. de Metasthene & Ctesia minus ambigitur, nisi quod hic à Diodoro lib. 3. reprehenditur, in regibus Assyriorum: laudatur ab eodem in historia Persarum; contra quam Eusebius, qui recte Assyriorum, negligenter Persarum tempora collegit. itaque ad Iosippum Hebræum Mathatiæ non Gorionis filium (quem Munsterus eundem esse putat,

putat, cum ex bello Iudaico aperte refellatur)
 recurrendum nobis erit. hic enim duobus libris
 adversus Apionem, antiquissimos historicos, qui
 tum in manibus tenebantur, cum Mose contulit,
 & justis ponderibus examinavit. ex quibus illud
 primum intelligitur. falsum esse quod Apio &
 Timæo Platonis arripuerat; Ægyptios scilicet
 annorum octo millium historias in monumen-
 tis habere consignatas: absurdus etiam quod
 Herodotus tredecim annorum millibus apud Æ-
 gyptios regnatum iudicet: absurdissimum
 quod Cicero in libris De divinatione à Chaldæis
 jactatum scribit; se in periclitandis hominum
 ingeniis, annorum cccc lxx millia posuisse.
 Diodorus adscripsit, cccc iv. lib. 3. sed id fabu-
 losum esse affirmat. Iosippus verò certissima
 temporum ratione collecta ex historia Phœni-
 cum & Manethonis, qui Ægyptiorum arcana li-
 teris sacris comprehensa pervulgarat, Ægyptio-
 rum & Græcorum fabulas inanes aperte confu-
 tat, descriptis ætatibus regum Ægyptiorum ac
 Phœnicum. quanquam Diodorus ante Iosippi æ-
 tatem in Ægyptum profectus; ut populi antiqui-
 tates penitus intelligeret, comperit omnem, quæ
 de Ægyptiis haberi poterat, historiam tribus an-
 norum millibus ac septingentis comprehensam.
 idque testatus est lib. 2. ubi refutat Ægyptio-
 rum mendacia, qui ut generis antiquitate cæte-
 ris præstare viderentur, trium ac triginta mil-
 lium annorum antiquitates se habere prædica-
 bant. ego Diodori tempus illud de arcanis Ægy-
 ptiorū verissime expressum contuli cum historia
 Philonis, quam doctissimi quique sequuntur: ab
 eoque ducentis circiter annis discrepare intelle-
 xi, detracto temporis spacio, quod inter Philo-
 nem ac Diodorum intercedit, id est centum
 paulo minus annis. nam ab orbe condito ad Phi-
 lonem (qui legatus ad Caligulam missus est ab
 Hebræis) numerantur annorum quatuor millia.
 majus etiam argumentum ex Simplicio collegi.
 is enim tametsi Hebræorum & Christianorum
 se acerrimū hostem præbet, præsertim ubi Pro-
 culum

culum adversus Christianos tueretur; nihilominus in commentariis libri primi De cælo testatum reliquit, Aristotelem literas ad Calisthenem dedisse, ut tantisper Chaldæorum antiquitates ac monimenta conquireret, dum alii prædæ intenti Babylonem diriperent. tum Calisthenem rescripsisse, conquesta diligenter à se Chaldæorum monimenta, seque reperisse historiam annorum M D C C C I I I; qui numerus ad unguem congruit cum sacra historia Moïsis & Philonis, si ab Alexandro Magno regrediamur ad illud tempus, quo primum dispersos tradit Nohæ filios in orbem terrarum ac Semi gentem in terra Sennaar, ad orientem Armeniæ, in qua navis illa salutaris constiterat, sedes quæsisse. est autem Armeniæ orientalis, Chaldæa paulum ad meridiem vergens. Hoc igitur in primis animadversione non minus quam admiratione dignum est, quod Calistheni ac Moïsi, qui è purissimis fontibus veritatem hausserunt, convenit, quod attinet ad universam temporis rationem. id quoque proxime Diodoro congruit, si tempus ab orbe condito repetamus ad suam usque ætatem. nec minor est Xenophontis de æquivocis. & Archilochi de temporibus (si modo fragmenta illa scripserunt) congruentia cum Moïse. nam uterque Ninum imperasse scribit, post diluvia c c l annos: & alter quidem id colligit ex epitaphio Nini, quod ei Semiramis inciderat in columna. id vero tempus rationibus Philonis & Hebræorum plane respondet. At hæc Metasthenes Persa, ex ipsius Berosi Chaldæi testimonio, ejus, inquam, qui tum integer & incorruptus extabat, temporum seriem ab extrema regum memoria repetens, paululum admodum discrepat ab Hebræis. sed illud memoratu dignum est, quod Iosippus adversus Apionem docet; Eluviones Berosi scriptis comprehensas fuisse, & navim illam, quæ animantium ac generis humani seminarium conservarat, in monte Cordæo conquiesse, ut etiamnum Alexandri temporibus adhuc fragmenta restarent, unde bitumen ad expia-

piationes colligi solebat. atque hæc Hieronymi quoque Ægyptii ac Mnasæ Damasceni auctoritate confirmat. quanquam I. Buteo Delphinæ geometrica demonstratione perspicuum fecit, navis illius magnitudinem longe capacissimam ad alimenta omniumque animantium salutem extitisse. Omitto quod veteres Poëtæ rei veritatem à majoribus acceptam ad fabulas inanes transtulerunt. nam Ianus ab illis est appellatus, quod vinum *jain* Hebræis dictum, invenisse diceretur. ut illud quod S. Scripturæ de Chamo, qui patris pudenda revelavit, ad Iovem traduxerunt: alii ad Saturnum. quod alteruter patris genitalia execuisset. at Hebræorum plerique interpretes de Chamo idipsum prodiderunt, ut scribit Rabi Levi ad Genes. c. ix. consimilis est historia Gigantum, & Androgyni, quam omnes Hebræorum interpretes, verissimum esse ajunt. Plato ad fabulas detorsit. Nullum autem ad sacram temporum historiam confirmandam, certius argumentum improbis opponi potest (neque enim talibus argumentis egent boni) quam quod Berossus Chaldæus ab ipso Noha usq; ad Sardana-palum, hinc Metasthenes ex historia Susiana usque ad Alexandrum, quinetiam Ctesias antiquissimus ab Herodoto, quique ab ipsa regia Persarum annales in Græciam detulit, teste Diodoro: postremo ipsius Manethonis Ægyptii tempora cum sacris literis, & cum Calisthenis historia ita conspirant, ut Chaldæorum & Hebræorum cum Ægyptiis discrimen omne, non majus trecentorum sit annorum; quod tamen mirum videri debet, in tanta scriptorum multitudine ac varietate annorum. nam Iolippus ex antiquissima historia Phœnicum (è quibus Græci scribere ac loqui didicerunt, ut ipsi consentunt) planum facit, templum à Salomone conditum annos ante Carthaginem fundatam cxi; idque collectis regum singulorum ætatibus: deinde Danaum Ramesis Ægyptii fratrem vetustissimū Græcorum principem ex Ægypto in Græciam profugisse. anno cccxciii; post occupatam ab Hebræis Palestina.

Iestnam, & ante excidium Trojanum annos ccc.
 idem quoque docet, Cadmum Thebarum con-
 ditorem, literas in Græciâ detulisse iisdem tem-
 poribus, quibus floruit apud Ægyptios Phara-
 Menophis; apud Hebræos Othoniel dux à Mose
 tertius. regum verò æras ex Manethonis Ægy-
 ptii fontibus & historia Phœnicum se hausisse,
 Apioni adversario restatur. neque enim talis tan-
 tusque vir in historia ipsi Apioni comperta men-
 tiri vellet. Herodotus, qui Manethone antiquior
 est annis fere 100, ac Diodorus Herodoto junior
 annis 1000, eosdem fere principes Ægypti
 complectuntur, quos Hieremias, cujus histo-
 riam Herodotus ad verbum sequi videtur post
 Apryem, quem Hieremias Ophrea vocat, cujus
 temporibus floruit. postea persequitur Herodo-
 tus consequentium regum ætates usq; ad Psam-
 menitum, qui à Cambyse rege Persarum captus
 est, ac regno spoliatus. deinceps Ægyptum tenu-
 erunt Persæ. desinit autem Herodotus in fuga
 Xerxis, quæ contigit anno mundi ter millesimo
 cccclxxxvi. cœperat autem à Gyge prin-
 cipe Lydorum, qui eodem quo Manastes tem-
 pore imperavit. sed cum Ægyptiacæ historiæ
 tempus sibi breve videretur, præ illa quæ fere-
 batur annorum octo millium historia, illud scri-
 bit, Ægyptios jactare se ante Menam, qui pri-
 mus ab eo rex Ægypti appellatur, adhuc xxx
 regum historias habere sacris literis consignat-
 as, nec tamen ullius nomen ab iis vel acta
 commemorantur. sed cum multis argumentis
 hujusmodi fabulæ refelli possint, tum vero nul-
 lum majus est, quam quod Cl. Ptolemæus ho-
 mo Ægyptius, siderum inerrantium radices &
 ἀρχὴς a Nabonassare velut ab ultimo principio
 & antiquissima Chaldæorum observatione repe-
 tit. claruit autem Nabonassar, qui Salmanassar
 appellatur in libris Regum, anno mundi ter
 millesimo; ante Ptolemæum dcccclxxx, ut
 ipse in libris magnæ constructionis scribit. cæ-
 tera quæ ab Hipparcho, Methone, Eudoxo, & Æ-
 gyptiis didicerat, his temporum curriculum sunt

comprehensa. quod si Ægyptii aut Chaldæi motus cœlestes annorum 470 millium in tabulis notassent, cur Ptolemæus Ægyptius Chaldæis proximus, annorum duntaxat octingentorum motus collegisset? hoc enim ad eas, quas susceperat demonstrationes maxime necessarium fuisset. at ignotos inerrantium siderum & trepidationis motus reliquit: ut Arabes primum, deinde Regiomontanus & Copernicus perspicue demonstrarunt. ne Solis quidem motus omnes assequi potuit; cum negarit Solis apsida moveri, quæ tamen post ætatem Ptolemæi, id est, annis mille trecentis sexaginta signum integrum percurrisse deprehenditur. Sed non desunt qui calumniantur ea quæ de hominum ætatibus à Mose scripta feruntur, quanquam Moses seipsum ab illorum calumnia facile vindicabit: nihilominus tamen Iosippus lib. I. cap. 3. Antiquitatum decem historicos laudat, qui vitam hominum tradunt modo sexcentos, modo nongentos annos superasse: Manethonem, inquam, Berosum, Mochum Hæstiazum: Hieronymum qui Phœnicum veteres historias collegit; Hesiodum, Hellenicum, Acusilaum Ephorum. his etiam addemus Xenophontem, cujus auctoritate Plinius ac Valerius utuntur. is enim regum maritimorum ætates aliquot complexus, unum quidem vixisse tradit annos DC, alterum DCCC. quis igitur tot ac tam multis scriptoribus fidem derogabit? quod si quis putet annos menstruos fuisse, ut plerique pueriliter putant, quid mirum videri debuit Xenophonti, regem maritimum annos menstruos DC vixisse, qui Solis annos efficiunt quinquaginta? nam ipse Xenophon nonaginta superavit. quinetiam senescente hac mundi ætate multorum scriptorum consensu proditum est Ioannem, qui de temporibus est appellatus, annos CCC implexisse. Plinius quidem ex certissimis tabulis Censorum, quosdam annos CL vixisse refert. quod si menstrui anni fuissent, oporteret homines apud Mosem, qui annos trigesimo liberos sustulerunt, bimos ac trimos

genuisse: sed eo nos errore liberavit Moses qui 7. cap. libri Originum dies cccclxv annua conversione complectitur. itaque Plutarchus eos irridet, qui putant ante Numam Romanos annum decem mensibus circumscripsisse, propterea quod populi omnes duodecim mensibus annum semper definierunt, quamvis dies exemptiles numerandi rationem redderent incertam. Iam origine mundi temporumque finibus constitutis quæ ex Ægyptiorum, Chaldæorum, Phœnicum, & Hebræorum consensu annorum quinque millibus & septingentis ad summum definiuntur, restat ut illam annorum circiter ducentorum aut ccc discrepantiam quæ Metastheni cum Hebræis, tum etiam Hebræis inter ipsos, post etiam Eusebio cum reliquis intercedit, quoad ejus fieri potest, excutiamus: tametsi Lucidus, Funccius, & Onuphrius multa diligenter in eo genere animadverterunt, multa sunt tamen quæ adhuc restant explicanda. Erroris autem origo multiplex est; eaque perspecta facilius error emendatur. Primum enim Persæ aliter atque Græci: & Hebræi aliter quam utrique Persarum & Assyriorum principes appellarunt: ab iis etiam Ægyptii discrepant, ut sui quisque idiomatis vim ac puritatem retineret. interdum etiam nomina detorserunt: hinc natae sunt illæ quæstiones de regibus Assyriorum, Persarum, & Ægyptiorum: à quibus ratio temporum ducebatur. Alius etiam error inde manavit, quod Græci & Latini, Hebræorum & Ægyptiorum antiquitates & linguam ignorarunt. Eusebius Græcorum bibliorum interpretes secutus, ducentos ac mille amplius annos quàm Hebræi complexus est ab orbis condicione ad Christum: & cum Moses ab orbe condito ad diluvium posuerit annos 1656: Eusebius bis mille c c x l i; propterea quod septuaginta interpretes vel potius librarii, quinto capite Geneseos vitam hominum ducentis interdum ac trecentis annis longiorem fecerunt, quam Hebræorum scriptura patiatur. erroris etiam non

minima causa videri potest, quod Græci, annos
 ab æstivo solstitio incoeperunt: Latini ab hiber-
 no: cæteri qui ad occasum à verna sectione: Ara-
 bes, ab ingressu Solis in Leonem, ut Solinus &
 Firmicus libro III tradit: Orientales verò, id
 est Chaldæi, Persæ, Indi, Ægyptii, Hebræi ab
 autumnino: quo tempore mundus est à Deo crea-
 tus, ut Iosippus libro I Antiquitatum, cap. III
 scribit, & Rabi Eleazar in Genesin; בראשית,
 hoc est initio, בתשרי, id est mense Septembri
 arcanum mensis eadem literarum conversione
 complecti putat. id etiam confirmat Rabi Abra-
 ham, in cap. VIII Danielis: tametsi Moses Ni-
 san, qui Xanticus Macedonibus, Latinis verò
 Aprilis dicitur, ordine primum posuerit, quod
 Deus eo mense populum liberasset, nihil tamen
 in reliquis immutavit, ut Iosippus testatur. atque
 id intelligi potest ex eo, quod jubet Moses Exod.
 cap. XXI: Diem festum coles, inquit, in exitu
 anni, cum fruges in horrea congregaveris. quare
 fallit Garcæus, qui Hebræos à sectione verna
 coepisse tradit, quod mundum eo tempore crea-
 tum putarent, ut Rabi Iosue: quem refellit Ra-
 bi Eleazar. Plutarchus in Symposiacis quæstio-
 nem illam disputat: sed omissa disputatione, si
 Veris initio fruges inchoatæ non maturæ fuif-
 sent, eodem modo animantia imperfecta aut
 lactentia Deus fecisset, ac nutrices adhibuisset.
 Non minus labitur Mercator, qui mundo na-
 scente Solem in Leone fuisse putat, eoque fun-
 damento male jacto, cætera quæ de siderum
 motu ad historiæ fidem retulit, ruinam minan-
 tur. omitto leves oleæ conjecturas post eluvio-
 nes: & cætera id genus quæ leviora sunt, quàm
 ut refelli mereantur. Fides igitur sit penes Mo-
 sem, penes Hebræos, qui in privatis ac publi-
 cis negotiis à Septembri mense incipiunt, ut
 etiam Græci, quod planum sit etiam ex ἡρόδο-
 τῳ Mitylenensi. Hanc quoque causam erroris
 fuisse constat, quod Ægyptii, Persæ ac He-
 bræi, certam ἀρχήν, seu radicem temporum
 nullam haberent, sed regum ætatibus tempora

definirent. Græci ac Latini melius : alteri ad Olympiades : alteri ad Urbis conditionem tempora retulerunt. Christiani quoque, quanquam sero admodum, id est, anno Christi sexcentesimo, temporum rationem à partu Virginis ordiri cœperunt. Arabes ab Hegira, id est, ab expeditione Muhamedis, quæ cœpit anno Christi D XCII, & hoc anno MDLXV numerant annum DCCCCLXXXVIII, nec alia radice utuntur, ut videre est in historia Leonis Afri, qui uno tantum loco libri tertii, Hegiram ad annos Christi accommodavit; & ex eorum edictis, quæ promulgata vidimus. Ex quo intelligitur, eos labi ac decipi, qui Hegiram ab anno Christi ccccxi, vel, ut Genebrardus, ab anno DCXXI auspiciantur. Hispani verò non ita pridem, id est, ante Ferdinandum, qui Catholicus est appellatus, anno M CCCXC, temporum originem ac veluti radicem, quam ipsi æram vocant, ab anno imperii Augusti xvi, quo promulgatum est edictum Taracone, ut describeretur universus orbis. census tamen factus anno imperii xlii. ex quo intelligitur xxvi annis ante Christi nativitatem incœpisse, ut scribit Gerundensis. Rodericus verò Toletanus cap. ult. xxviii annorum discrimen facit. Sed concilia quæ habita sunt in Hispania, Gothis imperantibus, sumunt exordia temporum ab anno, quo edictum promulgatum est. post Ferdinandi tempora, rationem annorum Christi secuti sunt. post etiam Hebræi in actis publicis & privatis temporum rationem ab orbe condito usurpare cœperunt. Est autem quinquies millesimus trecentessimus ac vigesimus quintus, anno Christi MDLXV. qui Philonem sequuntur, ducentos ac duos annos adjiciunt, ut sit annus mundi, quinquies millesimus trecentessimus & xxv; Olympiadis verò CCLIX annus quartus, diluvii ter millesimus octingentesimus septuagesimus secundus: Hegiræ millesimus ac decimus quartus: Indictionis octogesima quartæ annus decimus. his enim numeris in historia universitatis utendum

est, ut tempora sint ubique certiora. est autem Indictio tributi genus apud Asconium & Plinium juniorem, nec temporis cursum significare cœpit ante Constantinum Magnum. cœpit autem anno Christi CCCXIII, ante diem VIII Calend. Octobr. Constantino II, & Licinio II Aug. Coss. idque in Fastis Græcorum scriptum est his verbis: **ΙΝΔΙΚΤΙΟΝΩΝ ΚΑΝΣΤΑΝΤΙΝΙΑΝΩΝ ΕΝΤΕΥΘΕΝ ΑΡΧΗ.** quo die Maxentius Augustus à Constantino Magno cæsus est, & pax ecclesiæ Christianæ restituta. Itaque decretum est in concilio Niceno, ut diplomatibus Indictiones adscriberentur, ut scribit Beda: propterea quod nondum anno Christi utebantur, sed annis Imperatorum; qui quod identidem mutarentur, plane incertam reddebant rationem temporum. decretum est etiam ut circulus Indictionum caperet xxv annos, ut Olympias una quatuor. Sed errandi causa nulla major fuit, quàm ex ignoto solis ac lunæ cursu: in quo tametsi omnis antiquitas se valde torfit, efficere non potuit, ut certam annorum ac mensium rationem haberemus. nam Leostrati *ἑκτοῦ ἡλίου* mendosæ reperiuntur, nec usum ullum præbuerunt: & aurea quæ dicitur regula Methonis novendecim annorum, fallax; adeo ut anno post CCCXVIII, dies unus ac fere XVIII horæ superarent, quo solis cursus lunam anteibat. fallax etiam Calippi annus: mendosæ Hipparchi regulæ trecentesimo quarto post anno unius horæ errorem indicarunt: nec multo certior Philolai ac Democriti *ἡμερολογιοί*. postremo Cæsaris annus hoc habet incommodi, quod lunares sustulit, & nunc plenus est erroris. nam paulatim æstivæ feriæ ad hibernos menles regrediuntur. cum igitur in tantis erroribus cœlestium motuum, Græci Solis annum haberent, sed annis lunaribus uterentur dierum CCCIV, quos tamen altero quoque ac tercio anno intercalarent, uno die superante; præter mensem intercalarem, qui nunc tertio, nunc quarto quoque anno inferebatur, nec æqui-

æquinoctiorum, nec solstitiorum ulla ratio haberi poterat, cum menses per totum annum vagarentur spatio annorum xxxiiii. Romani verò multo gravius in eo genere peccarunt, qui primo annum diebus quatuor ac ecc constituerunt, ut quidam putant (quod tamen negat unus Plutarchus) deinde adiectis à Numa duobus mensibus lunares anni facti sunt: sed intercalarium tanta exitit varietas & confusio, ut ratio Fastorum mox hibernis, mox etiam æstivis mensibus immutaretur, auctore Tranquillo. Hebræi quidem lunaribus utebantur, sed tertio quoque anno mensem intercalarem inferebant, qui ab illis Vaadar dicebatur, id est geminatus Adar. quare Garcæus in eo labitur, quod Hebræos æque ac Ægyptios annis solaribus usos scribit. nam Ægyptii annum æqualem habuerunt dierum cccxv, sed tamen is qui superabat quadrans, efficiebat ut annis mille cccclx, totius anni conversio in orbem rediret, & annus canicularis integer intercalaretur. quamquam magni errores consequerentur, quodd integrum diei quadrantem caperent: qui tamen ab integro deficiebat, ut postea docuit eventus. Quæ cum ita sint, non mirum si in tanta annorum discrepantia, certa ratio temporis iniri non posset. ac Theodorus Gaza vehementer fallit in libello De mensibus Atticis, tum etiam Græcorum ac Latinorum interpretes, cum hi suos cum illorum mensibus comparari posse putant, qui tam instabiles fuerunt, ut semper incerti vagarentur. idque argumento sit, quod annus lege Julia definitus, qui omnium certissimus habetur, solstitiorum & æquinoctiorum sedes antevertit à Cæsaris ætate diebus circiter xlv, & frustra in motu exæquando laboratur: sunt enim meo iudicio motus coelestes ineffabiles & ἀέθροι: vel, ut mathematici loquuntur, surdi: quia nullis numeris comprehendi possunt, quin semper aliquid relinquatur numerandum, idque videre est in singulis conversionibus planetarum. quæ igitur certitudo esse potuit ante legem

Iuliam in tanta dierum ac mensium interjectione? Illud tamen animadversione dignum, quod ab orbe condito una fuit & eadem apud Hebræos & Chaldæos anni observatio, qua nunc etiam Arabes vtuntur: scilicet dierum **CCCLIV**, collectis tertio quoque anno diebus epactarum, idque ex sacris literis facile constat. consimiliter Ægyptii anno caniculari superantes dies semper inferebant. quo fit ut ab illis in universo temporum & annorum numero, qui ab orbe condito fluxerunt, nihil admodum peccari potuerit: quamvis in singularibus principum actionibus, victoriis, aut initio aut exitu imperii cuiusque à Græcis dissideant, & utrique à Latinis. atque hinc illa tam diuturna, quæque nullum exitum reperire potest, scriptorum inter se disceptatio de Christi morte. alius quidem ante diem **VI** Calend. Apr. alius **A. D. VII**, ut Onuphrius: plerique **A. D. IV**, ut Lucidus, qui disputationem ea de re instituit. neque solum de die, verumetiam de anno discrepant inter se plurimum. nam Beda, Chrysostomus, Nicetas, Gauricus, Albertus Magnus, Bernardus Mutinensis, Onuphrius, anno trecentesimoquarto passum fuisse: Apollinaris, Lucidus, Lyranus, Marianus Scotus, Paulus Burgenlis **XXXIII**: Tertullianus, Irenæus **XXXI**. Non minor est quæstio inter Græcos & Latinos; tum etiam Latinis inter ipsos de anno Urbis conditæ. quod cum planè definiri non potuerit, Onuphrius in Fastis, ex omnibus sententiis duas verilimiliores collegit, & utramque Fastis adjunxit, ut quam quisque vellet sequeretur, unius anni discrimine relicto. in cæteris quidem principum actionibus & rebus memoratu dignis tempora minus diligenter notare leve est: sed quum in imperiorum initiis, aut in Æra, seu temporum radice peccatur, infiniti errores ex eo consequuntur. omnes tamen quoad ejus fieri poterit, emendari debent ex Hebræorum & Chaldæorum disciplinis, quæ nihil aut certe parum admodum discrepant à Philone, nam Talmudici suæ sectæ nimium ad-

dicti,

dicti, ut divinas sortes & oracula suo iudicio interpretarentur, ducentos annos de mundi ætate detraxerunt, ne cum Christianis convenirent. argumento est quoddam Rabbi Nasso quoties Christi meminit, contumelia capitali vocat הַחֲלוּי, & Christianos בְּלֹוֹעֵי. hæc autem discrepantia nulla est inter ipsos ante mundi annum bis millesimum ducentesium 39, qui annus est profectionis Iacob in Ægyptum. sed hinc ad exitum numerantur anni 430. idque diserte traditur Exod. 12. Galat. 3. quo loco Iosipp. libr. II. cap. 6. tum etiam Philo ac Rabbi Levi Gersonis filius, tempus illud annorum 430, incipere ajunt à profectione ipsius Abraham in Ægyptum, cum natus esset annos 76. ex quo in Ægyptum venit una cum familia usque ad exitum, numerant annos 210. atque in eo fere omnes Hebræi consentiunt; quos Philip. Melanchthon, ac eruditus quisque sequitur: excipio Genebrardum, eruditione ac pietate præstantem virum. is enim verba scripturæ mordicus tenet: Funccius errorem irrepsisse putat in verbo *reversus* pro *temporibus*, ut etiam Theodor. Beza. id quidem in epistola Galatarum & Actorum, quæ Græcè scriptæ sunt, fieri potuit: sed locus Exodi Hebraicè scriptus, hunc errorem non admittit. in hac igitur disputatione tutius est Hebræorum interpretationes tueri, præsertim cum Metastheni fere congruant. idem quoque in reliquis faciendum puto, quod & Philo proximè fecisse videtur. huic ergo magis assentior, cum ab exitu Hebræorum ad templi conditionem annos enumeret 920, Iosippus verò 1062. libr. x. cap. 12. ille à templo condito ad ejus conversionem 440; hic 470: juniores Hebræi 419: Philo medium ferit. idem ab orbe condito ad excidium templi, complectitur annos ter mille 373: Iosippus ter mille 513. ille à diluvio ad everisionem templi 1718; hic verò 1913: interpretes Hebræi multo pauciores utroque; sed tamen Philo mediam rationem secutus est. ut igitur inter se conciliari possint, rejiciamus primum Alphon-

phonfi tempus ab orbe condito, ad hoc usque tempus, id est anno Christi M D Lxv, octo millium & 549 annorum, cum suæ opinionis nullam afferat rationem: ut nec Eusebius, cujus testimonio sex annorum millia 760, ab orbe condito fluxerunt: ex August. sex millia 916 ex Beda sex millia 893: ex Hieronymo sex millia 605: ex Theophilo Antiocheno sex millia 831: ex Isidoro octo millia 171. Hebræos, Chaldæos & Persas amplectamur, ex quorum historia nondum ab orbe condito fluxerunt annorum quinque millia 730, sive Metasthenem, sive Ctesiam, sive Herodotum, sive Berosum, cum Hebræis jungamus. Inter Hebræos, Baal Seder ab orbe condito ad hoc usque tempus complectitur annorum quinque millia 133: Rabbi Nasso quinque millia 172: Rab. Gerfo & Kimhi quinque millia 301: Hebræi juniores quinque millia 349: Philo quinque millia 628: Iosippus quinque millia 720. discrimen igitur est inter Iosippum & Philonem certissimos scriptores, annorum circiter ducentorum, idque contigit propter eum quem dixi locum Exodi cap. 12. quem Iosippus ad vivum refecat: sed cum cæteri bibliorum interpretes tempus illud annorum 430, incipiant à profectione Abrahæ in Ægyptum usque ad Mosem: cum etiam Ctesiar ratio cum Philone proximè consentiat: Philo verò medium feriat inter Iosippum & Talmudicos scriptores (hos enim superat annis 200, ac totidem à Iosippo superatur) consequens est hunc cæteris omnibus esse veriorum. nimis enim pertinaciter Hebræi juniores tempora Danielis depravarunt, ut contra omnium scriptorum fidem, enumerent quinque duntaxat Imperatores Persarum, cum Metasthenes, Ctesias, Græci denique decem fuisse tradant, collecta cujusque principis ætate. sed ita fecerunt, ne ab oraculis Prophetæ peperam intellectis recedere viderentur. hos igitur refellere necesse est, tum Iosippi ac Philonis auctoritate; tum etiam orbium cœlestium motu, cujus certa radix est
apud

apud Ptolemæum in libris magnæ constructio-
nis, à Nabonassaris dominatu, unde Astrologi,
cùm nihil habeant in suis observationibus anti-
quius, incipere consueverunt. Hoc igitur anim-
adversione dignum est, quod ex illa motuum
radice, universi temporis ordo ac ratio pulcher-
rime congruit Hebræis, Chaldæis, Græcis, ac
Latinis; ab anno conditi orbis ter millesimo du-
centesimo decimo octavo; quo imperium susce-
pit Nabonassar. hoc verò ita colligitur. Omnes
historici fatentur Alexandrum Magnum mor-
tuum esse Olympiadis 114 anno primo: at Pro-
lemæus à Nabonassare usque ad Alexandri mor-
tem legit annos 424, id est Olympiades 106:
quo fit, ut Nabonassar imperium acceperit
Olympiadis octavæ anno primo: qui annus erat
duodecimus imperii Achas regis Iudæorum,
ut scribitur lib. iv. Regum: Urbis autem con-
ditæ sextus. quippe jacta sunt Urbis fundamen-
ta, ut Varroni ac Dionysio placet, anno quar-
to sextæ Olympiadis. hæc igitur norma tempo-
ris universi neminem fallere potest; quamvis
in singularibus actionibus sæpe dissideant alii
ab aliis. tempora deinceps à Nabonassare us-
que ad Adrianum (sub quo floruit Ptolemæus)
certissima ex ipsius tabulis colliguntur. is enim
lib. iv, cap. 2. complectitur annos 853, ab
anno secundo Mardocempedi (quem Hieremias
Merodachum appellat) usque ad annum Adria-
ni 19. Quod autem Nabonassar idem sit qui Sal-
manassar in sacris literis, planum fit ex eo,
quod ab everfione Samariæ usque ad excidium
templi, anni sunt 133, ex facta Scriptura: un-
de colligitur, Ezechiam imperasse annos 23,
Manassem 4, Amonem 2, Iosiam 33, Ioachimum
11, Sedechiam 11. expugnata Hierosolyma ca-
ptus est. at Ptolemæus ab initio Nabonassaris,
qui Samariam cepit, ad excidium templi com-
prehendit annos 140. ait enim lib. v, cap. 14.
quintum annum Nabopolassar (qui Nabucho-
donosor in Scriptura vocatur) esse centesimum
ac 27. Nabonassaris igitur si addas annos 13,
ejus

ejus imperii usque ad Urbis expugnationem
 (capta est autem anno 18 Nabuchodonosaris)
 constantur anni 140. qui numerus septem an-
 nis minor est eo, quo utitur Scriptura sacra:
 sed excipiendi sunt anni Nabonassaris imperii
 usque ad captivitatem. Ad hanc igitur regulam
 cœlestium conversionum, si universitatis hi-
 storiam exigamus; planum fiet, Metasthenem
 tempora breviora complecti: id quod accidit
 propter interregna, cùm inter se Principes As-
 syriorum & Chaldæorum mutua bella crude-
 lissimè gererent, & mox alius alium deturba-
 ret, nec interim annorum ac temporis decur-
 rentis ratio haberetur. argumento est etiam
 quodd nec Berosus, nec Metasthenes ullius inter-
 regnum aut menses complectuntur, sed annos
 duntaxat imperii cujusque, sine ulla certa radi-
 ce motus. Ctesias scriptor diligens, menses &
 interregna non omisit: sed nihil habemus præ-
 ter exigua fragmenta, hunc tamen Diodorus ac
 reliqui sequuntur; quinetiam Plutarchus (qui
 Ctesiam mendacissimum appellat in Artaxer-
 xe), illi, quodd ad temporum rationem attinet,
 credendum putat: præsertim cùm Herodotum
 mendacii coarguat, & ab ipso Xenophonte (cu-
 jus temporibus floruit) à Strabone, Athenæo
 ac Diodoro laudetur. Manetho ac Dios in Phœ-
 nicum historia, menses & interregna college-
 rant, ut videre est apud Iosippum, sed historia
 Phœnicum penitus interiit: Manetho verò de-
 siit in Olympiade quinta, quinque annis ante
 Urbem conditam, duodecim ante Salmanaassa-
 rem: post everfionem Trojæ 325; cui Sempro-
 nii Romani tabulæ congruunt. Hæc verò dis-
 crepantia nulla est apud Græcos & Latinos in
 ratione ejus temporis quod ab Olympiade cœ-
 pit, cum Urbis conditio secuta sit Olympiade
 6. ex quo facile est Romanorum Fastos cum
 Olympiade comparare, usque ad Gothorum
 invasionem, quæ sub Odoacre contigit, anno
 Christi 351. tum ab Æra Christi certissima tem-
 pora huc usque colliguntur. Restat igitur ut ab
 univer-

universa illa temporum ratione regum ætates
 ac imperia deducamus, optimi cujusque scrip-
 toris habito delectu. Illud etiam admonendi
 sumus, in historia legenda bissextilis anni habendam
 esse rationem, si usquam occurrat, ut præteritos
 aut consequentes annos certius ac facilius colligamus.
 ut quod Marcellinus scribit libro xxvi, Valentinianum
 apud Ancyram mortuo loviniano, Imperatorem creatum vii Cal. Martii,
 neque die sequenti, quod bissextilis dies fortè tum
 esset, imperii insignia suscipere voluisse, bissexti diem
 tanquam infastum metuentem. ex Marcellini loco, Fasti
 Romanorum seditionibus ac interregnis conturbati,
 emendantur ac restituantur: cùm quarto quoque anno
 recurrat bissextilis. itaque collectis annis à Cæsare ad
 Valentinianum relinquuntur anni ccccviii. à 4 Consu-
 latu Cæsaris Dictatoris, qui bissextilem annum instituit:
 ab Vrbe verò condita mille 116. Hic verò Marcellinus,
 quem dixi, Ammianus nominatur, & Iuliani Augusti
 ætate vixit. alter Marcellinus comes V. C. Iustiniano
 principe Chronica auspicatus est ab anno Urbis conditæ
 1130, eaque Indictione & consulatu diligenter distinxit,
 quanquam Consules eo tempore esse desierunt. sed nomen
 in Imperatoribus resedit. ultimus omnium fuit Fl.
 Basilii Junior V. C. Consul Orientalis, anno Christi 541,
 cujus sæpe meminit Procopius in libris de bello Gothorum.
 Hæc de ratione universi temporis ac origine mundi,
 cujus exitus quando futurus sit, ne angelis quidem;
 certe mortalium nemini scitum est: nisi fortasse conjecturis
 Helix & Catina Rabinorum assentiamur. ii enim in
 libris Talmudicis, titulo Sanderim, cap. Helec, tum
 etiam in titulo idololatria, cap. Libye, sex annorum
 millibus mundi ætatem definiunt ex opificio mundi
 sex dierum: quam conjecturam multi velut oraculum
 acceperunt, cùm Heliam Prophetam esse arbitrentur.
 certe R. Isaac in cap. 1. Genes. & cum Augustino libro 11.
 de Civit. Dei, illud va-
 ticinium

ticinium quasi cœlo delapsum amplexantur. Hoc amplius etiam Leo Hebræus, quod perpetua sex annorum millium vicissitudine, mundi elementaris conversionem, ac septimo quoque millesimo quietem fore opinatur: quousque quadraginta novem millibus annorum elapsis, quinquagesimus orbium quoque cœlestium interitus sit & quietem magni Iubilei allaturus. Sed hæc subtilius inquirere, quæ nec humano ingenio capi, nec ratione possunt, nec divinis oraculis probari, non minus ineptum quam impium videtur.

Qua ratione populorum origines haberi possint

C A P. I X.

NVlla quæstio magis exercuit historiarum scriptores, quam quæ habetur de origine populorum: nec plures interitus Rerum publicarum, aut bella civilia sæpius gesta memorantur, quam pro generis claritate ac splendore: cum alii opibus, aut scelere, aut majorum virtutibus parta nobilitate seipsum ab aliis sponte divellerent, & eorum affinitatem repudiarent. extremum fuit arrogantia genus eorum qui humanæ conditionis obliti, se à diis ortos esse prædicarent, quod non modo imprudentibus ac stultis contigit, sed etiam iis, qui in summa sapientia ac virtutis opinione floruerunt. neque enim erubuit C. Cæsar in concione populi Romani jactare se materno genere à regibus; paterno verò à diis ortum traxisse. quinetiam Aristoteles ad Æsculapium & Apollinem retulit suum genus. hinc opinio divinitatis eorum qui cum homines esse desiissent, se deos fore arbitrarentur; atque hæc superbia potentiorum, ad infimos usque manavit: qui, quod suæ originis initia nescirent, aut peregrinorum odio dissimularent; se indigenas terræ parentis, hoc est.

est. αὐτοχθόνες & γηγενῆς appellarunt. sic enim Aristides in Panathenæis, supremæ nobilitatis decus Atheniensibus tribuit, quod non aliunde profecti genus ab ipsa terra deorum matre traxissent. atque hic error non modo veterum scriptorum, sed etiam juniorum adeo communis est, ut Polydorus, prudens alioqui scriptor, Britannos in mediterraneis sitos, nec aliunde advenisse & indigenas esse affirmet; Cæsarem opinor secutus. Altamerus quoque ad Tacitum scribit, Germanos in ipsa Germania genitos, nec ab ulla gente derivatos: atque ejus rei se fidem dare non dubitat, fretus auctoritate Taciti, Sabellici, ac Sipontini, quo quid ineptius, dicam, an magis impium fingi potest? veteres sane quodammodo venia digni sunt: hi verò vel magno errore, vel scelere obligantur, tum quod ea quæ Moses in sacris libris de originibus testata reliquit, aperte oppugnant (quanquam nulla subiecta ratione) tum etiam quod nulla gentibus illis origine quàm à patrio solo tributa eas ab aliarum societate & amicitia omnino divellunt. cum enim multa divinitus ad origines scribendas Mosem impulerunt, tum illud etiam, opinor, ut omnes homines ad quos ea fama pervenisset, plane intelligerent, se esse consanguineos, & eadem generis conjunctione sociatos. qua persuasione haud scio an ad hominum voluntates & amicitias stabiliendas ac retinendas ulla major esse videatur. neque enim Diomedes & Glaucus duntaxat, verum etiam innumerabiles sæpe exercitus in mutuam perniciem armati, sola cognationis ac gentilitatis specie inimicitias diremerunt. qui verò se indigenas & sativos esse jactant, quid aliud quam humanæ societatis vinculum abruptunt? Hinc illæ capitales ac pestiferæ voces Ægyptiorū adversus Hebræos: Græcorum adversus Latinos, quibus alii alios insigni quadam contumelia barbaros appellant. hinc hostes olim à Romanis appellati peregrini: à Germanis etiamnum majori contumelia Valchi. non ea vox est hospitalitatis majorum, quæ tantam illis glo-

riam peperit. hinc denique famosi libri adversus exteros, ab iis qui non Musarum aut Minervæ, sed Martis sacerdotes verius appellari debent, qui tædas ardentes inter medias acies vibrant, & eos quos amore mutuo conciliare debuerant, injuriarum facibus ad odium inflammant. neque enim necesse est à me nominari quemquam, nec ea commemorare quæ in nos scripta sunt, ab iis qui majore infamia seipso quam nos affecerunt. at quanto æquius erat se cum peregrinis eodem sanguinis ac propinquitatis vinculo colligare, quam arroganter ab illa communi cognatione cum verborum contumelia discedere. Quare nec Lycurgi, nec Platonis leges eas probare possum, qui suos cives à commercio peregrinorum omnino sejunxerunt: tum etiam domesticarum rerum ad exteros evectionem, aut invectionem peregrinarum ad suos prohibuerunt. nam quid hoc aliud est quam tollere de rebus humanis hominum societatem? si meliores illi, peregrinos suis virtutibus informare ac beare, non arcere debuerunt. sane Moses non minore benevolentia peregrinum quam civem prosequendum putavit: & peregrinorum injurias gravius quam civium vindicari, mandavit. Iam verò summa quadam immortalis Dei sapientia factum videmus, ut nullius regionis tanta fecunditas sit, quæ non magnopere alterius egeat ope. *India*, inquit ille, *mittit ebur, molles sua thura Sabas, At Chalybes nudi ferrum.* tum paulo post; *Continuo has leges æternaque fœdera certis Imposuit natura locis.* cur tandem, nisi ut res simul rationesque populi contraherent inter se mutuis commerciis, pacem, amicitiam firmarent? sic enim existimo divina ultione factum esse, ut Græci Latinis (quos barbaros appellabant) ac vicissim Latini Gothis & Scythis (à quibus antea semper velut à bestiis abhorruerant) tandem aliquando servirent, tum etiam colaniarum multitudine populi omnes confusi se consanguineos esse agnoscerent.

*Tria ve-
ta origi-
nis argu-
menta.*

Tria sunt igitur argumenta quibus origines haberi, & ab historicis traditæ judicari possunt; primum in spectata fide scriptoris; alterum in linguæ vestigiis; tertium in regionis situ ac descriptione. de historicorum delectu antea dictum à nobis est, & quantum scriptori de suis civibus aut hostibus scribenti credendum sit. Nam Conradus Peutingerus, Irenicus, Hermannus Nuenarius, Lupoldus Bambergensis, Iacobus Wimselingius, Andreas Altamerus, Wolfgangus Lazius, Paulus Iovius, Ant. Sabellicus, & inter nostros, Rupertus Cenalis tam ambitiose de suis civibus scripserunt, ut nec quicquam aliis tribuant, nec sibi deos pares esse putent. verior Beatus Rhenanus ac Tritemius Abbas: reliqui ad sui nominis commendationem multa scripsere, quæ ut vera sint; potuerunt tamen sine aliorum contumelia moderatius scribi. Francos à Germanis originem traxisse demus. quid enim ad nostri nominis famam præclarius, aut ad societates & amicitias contrahendas illustrius, aut ad utriusque Imperii salutem utilius esse potest, quam ad fortissimam & generosiss. Germanorum gentem Francorum origines referre? Adhibeamus tamen ad ejusmodi quæstiones ea quæ dixi argumenta, ut omnium populorum certas ac minime dubias origines habeamus. Constat enim Chaldæos omnium populorum antiquissimos fuisse, non solum Mosis gravissimo testimonio, sed etiam Metasthenis, Herodoti, Cresiæ, Xenophontis; quibus assentiuntur juniores, Diogenes Laertius, Philo, Porphyrius in epistola quadam ad Boëthum, Clemens Alexandrinus in Stromatis, Eusebius de Evangelica demonstratione, Theodoretus lib. primo De Græcarum affectionum curatione, Rabbi Moses Maymonis filius, libro tertio, capite trigesimo Perplexorum, ac reliqui quoque interpretes Hebræorum. hi omnes humanitatem, literas, artes, omniumque magnarum scientiarum laudem Chaldæis acceptam ferunt. hinc Prometheus genere Chaldæum, quod homines ab

agresti incultaque vita ad humaniorem impulisset, rarosque siderum cursus, trajectiones erraticum, totamque naturæ obscuritatem hominum generi tradidisset, finxerunt ferula Palladis sacros ignes de cælo detraxisse, & hominem è luto coagmentatum anima cœlesti afflavisse. est igitur omittenda vox indigenarum, & Chaldæis omnium populorum origo petenda, cum in ea regione, aut certe illi finitima, navis illa quæ humani generis seminarium servarat, conquievisset, inde homines huc illuc dispersi, suum genus eo modo propagarunt, quo verissime est à Mose & Hebræorum magistris abunde disputatum. sed id prætermitto, quod cuique in promptu est ex iisdem libris conquirere. illud tantum, quod nostri originum scriptores non satis aperuerunt, scilicet linguarum vestigia, in quibus præcipuum est originis argumentum, deinde locorum situs explicabo. nam ut proxima quæque fertilissima regio fuit, modo incolis vacua, sic à finitimis quibusque est occupata. postea verò quam hominum multitudo redundare cœpisset, coloniæ in solitudines extremas & loca sterilia deductæ sunt. quis enim Asia vel Italia relicta colonias in Gothiam nisi cogente necessitate deduceret? quare non amplius dubitandum est utri vetustiores sint, Ægyptii an Scythæ, Græci an Latini: id quod anxie quæsitum est à veteribus, ut videre est apud Diodorum, Iustinum, Catonem, Dionysium Halicarnassæum. qui enim Arabiæ ac Libyæ deserta vel Æthiopiam occuparunt, tamen si Græcis ac Latinis antiquiores sunt, nihilominus in illis sedibus acquieverunt, quo aditus in Asiam & Europam nulli paterent. argumento sit quod Arabes ac Pœni cum primum armis confidere cœperunt, in Asiam & Europam colonias & exercitus deduxerunt. scribit enim Læo Afer, Pontificem Babylonis Arabes in suis finibus tantisper continuissè metu religionis, quoad ducentesimo circiter Hegiræ anno, Nili aditum infinitis legionibus patere voluit, ut rebellantes Africæ principes ul-

cisceretur. Sed illud est admiratione dignissimum, quo Epicurei, & qui sativos homines fuisse putant, refelli facile possunt, quod populorum origines quæ à Mose traditæ sunt, Chaldaicæ & Hebraicæ linguæ, quæ sola dialecto differunt, ea vestigia retinent, quæ nunquam potuerunt in tanta linguarum varietate aboleri. est enim prima illa lingua quæ ab Abrahamo Chaldæo suæ genti data est. prius enim quàm Græcæ ac Latinæ linguæ ulla imago extitisset, populi ac regiones Hebraicis appellationibus utebantur. est enim Iapetus Nohæ filius, ab hoc Europæi propagati feruntur, idque non modo Hebræi, sed etiam Græci ac Latini confitentur. Audax, inquit ille, Iapeti genus: quod ab Homero & Æschylo sumptum est. at in huius vocis etymologia mirum quam Græci se frustra torquent. alius *παρὰ τὴν λᾶναι*, id est lædere: alius *παρὰ τὴν ἰσθμῶν*, id est mederi: nonnulli *παρὰ τὴν ἰσθμῶν καὶ μέγιστον* duci voluerunt: cum Hebraicè dilatationem significet. ita Iudæos Tacitus quasi Idæos à Creta oriundos facit, ut mons est Ida: hinc illos in Mauritaniam, postremo in Palæstinam circumagit: cum tamen ea voce laudatores Hebræis appellentur. consimili errore Strabo & Livius Germanos quasi fratres Gallorum dici putant, quæ vox ut Alemanus quoque tutum hominem sive strenuum patria lingua significat, ut docuit Altamerus. eodem errore Ion, vel ut Homerus, Iaon à flore Græci derivarunt, quod Hebraicè defraudatorem significat. ab hoc Iones in Asia & Græcia propagati. Hinc Daniel Alexandrum Magnum regem *יון*, id est Iaon, vel Ion vel Iavan in Assyria imperaturum prædixit. illa quidem Græci, quasi sua depravare sunt conati: hæc verò nulla ratione potuerunt, quæ nihil omnino Græcis significant aut Latinis: & omnium vetustissima sunt nomina. unde populi appellationem acceperunt, solis Hebræis notam: scilicet Danaus, quod Chaldaicè iudicem significat: à quo Danai; & Dardania iudicum habitatio: est enim

enim *dar* habitare: hinc Dardani dicti: & Ianus, id est vinosus, quem Dionysius Halicarnasseus Oenotrium eadem significatione appellat eum, qui primus colonias in Italiam transtulit. est enim Iain Hebræis vinum, Achæis dolor, Ægyptiis angustia. Nimrod, rebellis: male Philip-
 pus Melanchthon, amarum dominatorem interpretatur. est enim *marad*, rebellavit. Ninus, filius: Ninive, Nini domus: Solon, pacificus, pro Solom, quia Græci literam *m*, non admittunt in fine. nihil autem Græcis significat. consimiliter Cadmus Thebanorum conditor, ac literarum, quibus utuntur Græci, parens appellatur, Orientalem & antiquum significat. Medi, admensi: Armenii, sublimes: Chananæi, mercatores: Hebræi, transeuntes: Dodonæi, dominantes: Chusitæ, nigri, quos Græci Æthiopes eodem sensu vocarunt: Moschovitæ, extensi: Riphæi, gigantes: Persæ, divisi: Assyrii, beati: Libyes, inflammati: Græci Africam dixerunt frigore vacuum: Emathii veraces: neque enim duci potest *ἐν τῷ ἑματι*, cum Græcæ linguæ ratio non patiat: Misrim, angusti: male Philip-
 pus Melanchthon rebellem interpretatur: sic Ægyptii dicuntur, & his quoque temporibus veterem retinent appellationem: Scythæ, percussores; à Cethim Iapeti filio: sic enim veterior est etymologia, quam quæ est à Melanchthone de Macedonibus allata, quos Macethim vocat. at illud *mem*, originis alterius propositio est: Heneti, Hebræis vagabundi, Nomades Græcis appellantur. Homerus *ἱωνῆς* appellat, & in Paphlagonia collocat. hi Germaniam inferiorem occuparunt. inde sinus Venedicus. tum etiam in Italia & Gallia sedes posuerunt. Cim-
 bros quoque à Cimbris Chersonesi, & Danos à Danais ortos esse ipsa nominis appellatio docet: Elam, adolescens, quo nomine Persas Hebræi vocant: hinc tribus Elamidos apud Xenophontem, ubi de Persis agit. Lydii, nati: Sarmatæ, duces alterius: Secani, habitatores: sic primi Siciliæ incolæ dicebantur, & qui Burgundiæ tractum oc-
 cupa-

cuparunt: Thraces, everfores à Tiras filio Iapeti. hinc fluvius ejusdem appellationis in Thracia: Phut, cardo; filius Camelis. quo nomine Mauri appellantur à Ptolemæo, & fluvius ejusdem nominis: etiam Phutis urbs in Mauritania, quod fit in cardine Africæ. omitto ea quæ sunt à Philippo Melanchthone explicata: in quibus tamen illud probare non possum, quod Æscanazim (quo nomine Germani ab Hebræis vocantur) ab אש & כהן quasi sacerdotes ignis dici putant. non enim patitur Hebr. lingua ut radicalis elidatur & ה quiescat in *Cohen*. verius est habitatores dispersos à facan & naza significari. hinc etiam Ascania regio Asiæ minoris, & Sicania. Hæ igitur appellationes Chaldaicæ & Hebraicæ, quæ nihil Græcis aut Latinis significant, primas origines omnium gentium illis à quibus idiomatica fluxerunt, tribuendas esse docent: & omnium gentium antiquissimos esse Chaldæos, Armenios, Ægyptios, Hebræos, Arabes (quorum lingua parum ab Hebraica differt) Phœnices, Iones, Asiaticos, Persas, Indos, Medos, Æthiopes, Sabæos. neque absurdum quod sacerdos Ægyptius Soloni objecit, Græcos infantes sibi videri, quod nihil vetusti haberent. melius etiam Christianus ille qui Græcis objecit, Mosem legislatores diis Græcorum antiquiorem esse. nihil enim fere antiquius habet Græcia ipso Danao & Cadmo; quorum alter gentis conditor, alter literarum repertor appellatur. quibus tamen temporibus in summa rerum gestarum gloria floruerant Hebræi: Chaldæorum verò ac Ægyptiorum imperia pene consenuisse videbantur. quanto igitur Chaldæi, Ægyptii, & Hebræi Græcis; tanto hi reliquis antiquiores sunt: idque perspicuum fit ex illa triplici ratione qua utebatur, scriptorum, inquam, fide perfecta, linguae vestigiis, & regionis situ. Nam Pausanias & Strabo Græcos omnes, aut Iones, aut Æoles, aut Dores fuisse ajunt. Iones quidem ab Asia in Græciam venisse antea dicebamus magnorum virorum auctoritate adducti: quibus consen-

taneum est id quod Hecataeus testatur apud Strabonem, primos incolas Græciæ à barbaris regionibus venisse. Itaque Plinius Meandrum fluvium, qui bonam minoris Asiæ partem aluit, Ioniam alluere scribit, tum etiam Athenienses Græcorum antiquissimi (soli enim *ἰωνοὶ* dicebantur) Iones ab omnibus scriptoribus appellantur. sed in eo fallunt Pausanias & Strabo, quod Atticam, veterem Ioniam appellant, cum prius Asia culta fuisset ab iis unde nomen illud fluxerat. tamen enim Atheniensium duodecim coloniae in Asiam deductæ fuissent, ut Strabo ac Pausanias tradunt, quas postea Plinius ad octoginta usque crevisse auctor est: non propterea tamen sequitur Athenienses Asiaticis fuisse priores: nam ista ratione Galli Græcis & Asiaticis antiquiores essent, & Græci Chaldæis, cum hi in Chaldæam, illi in Asiam & Græciam colonias sæpe deduxerint. Æoles verò, id est varii ac mixti, quod ab Ionibus, ut opinor, Ægyptiis ac Phœnicibus stirpem traxissent. nam omnes populi extra Isthmum, præter Athenienses ac Megarenses, Æoles dicebantur, ut Strabo scribit. Danaï verò classis ad littus Achajæ appulit: ipse Argivorum, qui inter Æoles clarissimi fuerunt, imperium adeptus est. idem postea colonias in Peloponnesum misit. Cadmus Phœnix coloniam quoque Thebanorum in Bœotiam deduxit. Dores autem initio non alios fuisse quam Æoles, planum fit ex ipso Pindaro, qui suum Poëma Dorice scriptum *ᾠλίδης μολπήν* appellat: sed Dori principis appellatio nomen potuit, non originem mutare. quod si quis scire velit, quæ cujusque populi sit origo in Græcia, copiose Pausanias & Strabo id explicant, quæ singula persequi non est ejus qui methodum scribit. illud tantum, Græcos ab Asia, Ægypto & Phœnicia oriundos in Europa primum coaluisse: tum ab illis colonias in Italiam deductas fuisse, testantur Fabii, Catones, Pisones, Gellii, Sempronii, Varrones, ac Dionysius ipse Halicarnassæus, qui horum au-

etoritate sæpe usus est. ex quo refelli potest eorum error, qui putant Catonem horum fragmentorum quæ habemus, scriptorem fuisse: quem Dionysius tradit de Græcis ita sentire, ut à Græcis Itali sint oriundi. at in illis fragmentis impudentiæ Græci coarguuntur, quod se Italorum auctores esse affirmarent. sed ejus originis majus est argumentum, quod Italia fertilitate ac cæli temperatione præstantissima, Græciæ finitima est, brevissimusque in eam trajectus. postremum est quod Græcæ linguæ vestigia non potuerunt aboleri. atque his argumentis Cæsar Britannos maritimos à Belgis Gallis originem traxisse argumentatur: primum, quod finitima sit Belgis insula: deinde, quod iisdem nominibus civitatum appellarentur Britannicæ urbes, quibus Belgicæ: postremum est quod illud didicerat ab incolis utriusque regionis. Ita quoque Tacitus ut doceat Gothinos, à quibus Gothi fluxisse putantur, à Gallis originem accepisse; Gothinos, inquit, arguit lingua Gallica non esse Germanos. consimiliter Italos arguit lingua Græca stirpem à Græcis duxisse: est enim à Græcis veteribus Oenotria dicta, ab Oenotrio Arcade, alii Ianum fuisse putant, quod idem Hebræis significat, ut Oenotrus Græcis, vinitor Latinis. Hesperia verò junioribus Græcis, Græco verbo, quod ad occasum Græciæ posita sit: putat Dionysius antea Ausoniam fuisse appellatam: id quoque Græcum est, *οὐρανὸς τὸ εὐ-
ρου ἢ καὶ οὐρανὸς ἢ τὸ εὐρου*: postremo Italiam appellatam propter boum magnitudinem, ut Hellenicus auctor est; nam Italus Græcis vitulum seu bovem significat, ut Herodotus ac Timæus scripserunt; quam etymologiam Varro quoque secutus est. quin etiam Cicero; Regnante, inquit, meo gentili, hoc est Servio Tullio, venit Pythagoras in Italiam, quæ tum Græcia magna dicebatur. erat autem omnibus prope Italidis Dorica lingua communis, ut ex illorum scriptis testatum habemus. præterea Italiæ regiones magna sui parte Græcam retinent ap-
pella-

pellationem; cuiusmodi sunt hæ, Lucania, Umbria, Cumæ, Phlegræus campus, Elæa, Pandosia, Pandataria, Neapolis, Peuceria. Sed mutationes linguarum tribus potissimum de causis (ommitto eam quæ est à Mose allata, quæ simul ac semel contigit) fieri consueverunt. una est in ipso decursu temporum, quibus non modo linguæ, sed etiam res omnes immutantur ac tota rerum natura senescit. ita Polybius scribit, anno minus quinquagesimo quam ictum fœdus erat inter Pœnos & Romanos, verba fœderis, quæ ipse antiqua vocat, vix intelligi potuisse: carmina verò quæ in sacris ex vetere formula canebantur, à paucissimis intellecta. sic videmus paulatim omnes omnium populorum linguas aliter atque aliter mutari. Altera causa est in coloniarum ac populorum inter ipsos confusione. argumento sit Italia & Græcia, quæ tot sæculis puritatem Græci ac Latini sermonis tenuerunt, totoque terrarum orbe disseminarunt: postea quam Scythæ & Gothi utranque invaserunt, tanta mutatio consecuta est, ut nec Latium, nec Attica ubi nunc sunt unquam extitisse videantur; ita quoque coloniæ Tuscorum, qui ex Italia pulsi erant à Gallis, & Gallorum qui in Germaniam olim desertam migrabant, tertium loquendi genus ab utrisque diversum conflaverunt. Anglorum quoque in Britanniam, & Saxonum in Belgicam à Carolo Magno deductæ coloniæ, tum etiam Gallorum in Saxoniam sermonis varietatem pepererunt. Consimiliter Parthi Persicum, Arabes Punicum, Turcæ, Tartari, Sclavi Græcum, Latini Gallicum & Hispanicum sermonem depravarunt. postrema linguæ mutandæ causa in ipsa regionis natura versatur. proprium est enim omnium populorum qui magis inclinant ad Septentrionem, voces consonantibus asperrime collisis, sine vocalibus ex intimo pectore, & crebras aspirationes efferre: idque propter summam spirituum vim & impetum caloris. nam Saxones & accollæ Baltici maris ubique fere medias pro tenuibus.

bus, & aspiratas pro mediis pronunciant, cuiusmodi sunt hæc; *Per theum ferum pibimus ponum finum*. Australes verò, quibus temperatus est calor & spiritus debilis, lenissime pronunciant; lenius etiam fœminæ, quod viris spiritum & calorem habent debiliorem. idque facile intelligitur in colonia Saxonum, quam Carolus Magnus in Belgas deduxit. cum enim Saxones equum vocent *Pfert*: Flammingi cœlo mitiore educati, *Pert* pronunciant. omitto loci cuiusque propriam & insitam ex aquis naturam, quæ voces ac linguas immutant: ut in agro Labdano Galliæ Narbonensis, omnes Labdacismo balbutiunt: & in Valedoca Taurinorum. ita quoque Sabini veteres *fædum* pro hædo, *fircum* pro hirco dicebant, quemadmodum Varro scribit: ut apud nos Vascōnes *hocum* pro foco, *hilsium* pro filio: ita quoque Parisii & Aurelii veterum Hetruscorum more, *Valesium* & *Fusium*, pro Furio & Valerio usurpant. Ex his ergo tribus potissimum causis, tot linguarum dissimilitudines oriuntur: neque tamen ita possunt aboleri, ut non expressa veteris linguæ vestigia perpetuo hæreant. ut Celtica lingua vetus, magna sui parte Græca fuit, quod ab illis originem maiores nostri traxissent. Bovillus, Picardus, ac Perionius infinita prope verba, nec tamen omnia, non ægre aut violenter, quemadmodum in sua lingua Lazius, sed facillima, interdum etiam nulla conversione à Græcorum fontibus expresserunt: in quibus tamen non tantum mihi videtur esse ponderis ac momenti, quantum in ipsis locutionibus, quæ nobis cum Græcis communes sunt; tum etiam in elegantiori participiorum, infinitivorum, & articulorum usu, quæ satis arguunt, Gallorum originem Trojanis aut Græcis aut utrisque deberi; cum utrique Ionica lingua uterentur. Ammianus quidem Marcellinus libr. xv. scribit, se in Gallorum monumentis legisse, & ab incolis accepisse, Gallorum origines Trojanis deberi, tametsi fama esset à Doriensibus profectos. Iosippus

sippus à Gomero primogenito Iapeti , qui natus major erat, stirpem deducit. sed hoc ad Gomeri nepotes referendum opinor. Lucanus Arvernos scribit Romanorum se dicere fratres, eosque vocat sanguine ab Iliaco populos. certe apud nos extant duæ Paridis urbes , una Trojæ : sic enim effertur ab incolis ea quam Tricassium vel Trecensem vocant. Præterea Venetos Celtarum populos à Venetis Paphlagoniæ stirpem traxisse perspicuum est : eos verò qui sinum Adriaticum tenent , à Venetis Celtarum derivat Strabo libr. v. tametsi Livius aliter sentiat. postremò Celtarum appellatio , quam nostræ antiquitatis interpretes omiserunt, ab Homero, Pindaro , ac priscis scriptoribus semper usurpatur pro equitibus. Appianus à Celto filio Polyphemi tam ridiculè deducit , quàm nostri Francos à Francione Hectoris filio, qui nunquam exiit. magis etiam absurde Layius , qui à Galatis derivari affirmat. est enim Galatarum nomen veteribus plane inusitatum. κίλης autem equus est ὁ ἄζυξ, quem Latini sellarium vocant : κελητίζην verò & κεληκῶν , apud Homerum & Pindarum nihil aliud est , quam equis ἄζυκτοῖς ἐποχῶσθαι , ut scribit Eustathius. inde κεληταί, & κελταί per syncopen. cur autem Galli primum Celtæ sunt appellati , ratio est , quod omnium maximè valerent equitatu. ac tametsi laudantur à veteribus Mauri, quod equitatu longe præstarent , & Annibali de Romanis (quorum præcipua vis erat , ut scribit Cæsar, in pedite) illustres victorias peperissent : præstantior tamen fuit Gallorum equitatus , quo Cæsar in bellis civilibus semper usus est. sic enim Hirtius ; Accidit , inquit, bello Africano res incredibilis , ut equites minus triginta Galli , Maurorum equitum duo millia fugarent. idem bello Hispaniensi ; Cum magna manu , inquit , parvas Cæsarianorum copias Afranius aggrederetur , celeriter se Galli equites expediunt, & prælio commisso magnum hostium numerum pauci sustinere. quinetiam Plutarchus in Antonio scribit , Parthos non aliter

ter coërceri aut frangi potuisse, quàm Gallo-
rum equitatu, cum exercitus Antonii undique
premeretur. cuius me loci admonuit Christo-
phorus Augerius collega meus, & historiarum
& juris peritissimus. æque consentaneum est
quod Plinius scribit; Hipporediam Galliarum To-
gatæ Urbem, sic appellari ab optimis domitori-
bus equorum. quare Cæsar cum Gallos in tres
ordines distribueret; Druidas, equites, & agrico-
las: equitibus tribuit disciplinam militarem. &
quoniam Celtarum appellatio multorum com-
munis videbatur, Cæsar initio libri primi Celtas
eos verè ac propriè dici tradit, qui inter Sequa-
nanæ & Garumnæ continentur, qui à Latinis
Galli, sua tamen lingua Cretæ vocarentur. Plu-
tarchus ne quid confunderet, καλτορίης in Camillo
appellavit: id autem fere populis omnibus acci-
dit: ut aliter à peregrinis quàm à suis nomina-
rentur: Itali à Græcis Hesperii, Hellenes à Lati-
nis Græci, Libyes à Græcis Afri: cum tamen ne-
que Itali Hesperiorum, neque Hellenes Græco-
rum, nec Libyes Afrorum nomen usurparent. con-
similiter Scoti Anglos appellant Saxonas: ita quo-
que hi quos Turcas appellamus, ab hac appella-
tione vehementer abhorrent, & Saraceni vox, in
Asia & Africa inaudita est. Græci tamen majores
nostros, ob linguæ, vel originis, vel utriusque
affinitatem, vel coloniarum frequentes deductio-
nes, sua eademque Celtica lingua Celtas appel-
larunt: Galli verò nomen unde fluxerit, aut
quid significet, nemo, quod sciam, explicavit. ri-
diculum est enim ab undis ereptos interpretari,
ut Rabbi Samuel. verius est ab eundo & pere-
grinando nomen deduci. Ouallones enim à Bel-
gis appellantur, quod Gallis veteribus contigit,
quum orbem terrarum peragrarent, ac mutuo
interrogantes quærerent, *ou allions nous*, id est
quonam proficiscimur? ex eo credibile est
Ouallones appellatos quod Latini sua lingua
nunquam efferunt, sed G littera utuntur. est au-
tem propriè Gallia fertilissimus ager in finibus
Parisiorum sic dictus, & Oualesia: nisi ab *Wal*
dedu-

deducamus quod Celtica lingua silvam significat, qua voce utuntur Germani, ut sint idem Wali qui Druidæ. ut igitur Celtæ intra Sequanam & Garumnam, ita Galli ultra Sequanam. Strabo verò Pyrenæis, Alpibus, Rheno, & utroque Mari, Celtas concludit. itaque non satis apte Lazius, Peutingerus, Altamerus, Xylander, Celtas de omnibus Germaniæ & Galliæ populis dici voluerunt, adducti auctoritate Herodoti, à quo ipsi facile refelluntur: is enim Celtas ad fontes Istri (quem ipse à Pyrenæis derivat) collocavit. quo quid magis est alienum à geographia? quodd si Celtarum nomen propriè de Germanis diceretur, cur Strabo ex veterum opinione in quatuor mundi cardines distribuisset; Indos in ortu, Celtas in occasu, Æthiopes in Austro, Scythas in Septentrione? est enim Gallia ad extremam occasus plagam sita: Germania verò Galliæ Orientalis: alibi Strabo, Celtas & Hiberos ad occasum, Nomades Scythas ad Aquilonem collocavit: postea verò quam Galli Germaniam, Italiam, Hispaniam, Britanniam, Græciam, Asiam minorem, & extremam quoque Scythiam coloniis impleverunt, urbes fundarunt, regiones coluerunt, leges stabilierunt, tantam sui nominis famam apud omnes populos excitarunt, ut à Celtis nobilitatem ac generis splendorem omnes Europæ gentes velut à Trojanis deducere gloriarentur: sic enim Plutarchus in Mario, terras omnes Europæ ad Aquilonem & Occasum conversas Celticam appellat. ipsi verò Græci, disciplinarum ac rerum gestarum gloria florentes, exempla fortitudinis non aliunde quàm à Celtis petere conlueverunt: ut videre est apud Aristotelem in libris De moribus & Republica, tum etiam apud Ælianum in libro De varia historia. quid Germani scriptores? sane Peutingerus & Nuenarius (alios omitto) cum sibi Celticum nomen vindicarent, ac maioribus nostris adimerent, Galliam triumphis omnibus spoliata, etiam verborum contumelia, quoad ejus fieri potuit, lacerarunt. sed

cum politiore doctrina eruditi homines, & omnis antiquitas aperte reclamaret; Lazius aliud consilium iniit, ac repudiata suorum opinione, Gallos maximis laudibus cumulavit: ea tamen lege, ut Germanos fuisse affirmet, qui primum Tuiscones, & Teutones: deinde Galatæ: post Germani, Alimanive, Celtæ Gallive sunt appellati. sic enim in præmio scribit: age verò Lazi: sic enim Gallicum nomen à vestris hominibus imprudenter ac temere violatum ab ista labe vindicabis: ac magna me spes habet fore, ut cum Germani & Galli persuasum habuerint, se esse consanguineos & fratres (ut Strabo magis vere, quam ad id quod vellet accommodatè scripsit) perpetuo se fœdere atque amicitia complectantur. hoc igitur duntaxat nobis relinquatur disputandum, utrum maiores nostri à Germanis suæ originis primordia ducant? ait Lazius: negat Polybius, Cæsar, Livius, Plinius, Strabo, Plutarchus, Athenæus, Iosippus, Tacitus, Iustinus, Berosus, Pausanias, Diodorus. ut ut sit, tanta est, ac tam multorum vocibus & libris testata gentis utriusque laus, ut neque Germanos debeat, neque Gallos alterutrius originis pœnitere. Quod igitur Herodotus, deinde Diodorus, Celticam ab occasu in Scythiam extremam; Plutarchus etiam in Pontum usque protulit, satis perspicuum fecerunt, Celtas undecunque originem haberent, coloniarum multitudine universam Europam implevisse. hoc enim præcipuum est originis argumentum, quod propagatis imperii finibus, ac victis populis gentilia nomina velut expressa vestigia ad sempiternam posteritatis memoriam, ut omnes fere populi reliquerunt. sunt igitur à Celtis Celto-scythæ, & Celtiberi, quos Livius Hispaniæ robur appellat, à gente vetusta Gallorum Celtæ miscentes nomen Hiberis. quod enim Cæsar de Gallis scribit lib. 6. idem Valerius lib. 2. de Celtiberis confirmat; Nefas semper apud illos fuisse prælio superesse, cum is occubuisset, pro cuius salute spiritum devovissent, ab iisdem Celtis

Celtis qui postea Galli sunt à Latinis, Galatæ à Græcis appellati, Gallicia & Portugallia Hispaniæ: Northwalia, Suedwalia, Cornwalia Britannæ: Gallovidia Scotiæ: Westwalia Germaniæ: Gallia Italiæ, & Galatia Asiæ minoris nomen habuerunt: tum etiam Ruteni Germaniæ populi à Rutenis Gallis: Carni quoque Germaniæ, à Carnis & Carnutibus, & Langobardi à Langonibus, quos Galliæ populos Livius appellat, & Bardis poëtis, idque planius est quam ut testibus res egere videatur. de Thracia in qua Galli diutissime regnarunt, ut Polybius tradit, item de Byzantio ac Syria cujus imperium non ita pridem tenuerunt, nulla vestigia restant, neque nomen patrium regionibus victis inviderunt. Boëmia quidem à Bojis Galliæ populis, gentilitium Galliæ nomen, inquit Tacitus, adhuc retinet. regiones verò Scordiscorum, Taniscorum & Helvetiorum, quos Plinius, Cæsar, ac Tacitus, Gallos appellant, nulla veteris appellationis habent vestigia: denique Gallia togata, quam veteres Galli ab Vsfente flumine usque ad Alpes & Athesim pulsus Tuscorum populis invaserunt, ut est apud Livium libro 48, gentilitium nomen amisit: tametsi Mediolanum (extant adhuc ejus appellationis duo apud nos oppida) Comum, Vicentia, Verona, Brixia. tum multæ urbes Insubrum, Ligurum, & Hetruscorum, quas Bellajus recenset, à majoribus nostris conditæ feruntur. ab Olbia verò Tectosagum urbe, quinque clarissimæ urbes derivatæ sunt, ut videre est apud Plinium & Strabonem. una quidem Bithyniæ, altera Pamphilæ: tertia Ciliciæ: quarta Celtoscythiæ ad Borysthenis fauces: quinta cis Rhenum quæ Tolbiacum pro τὸ δολιχόν appellatur. quatuor quidem Asiæ ab Olbiacis Tectosagis conditas fuisse nullum majus est argumentum, quam quod Tectosages totam illam Asiæ regionem omnium fertilissimam occuparunt, ut Trogus Pompejus ac Livius testantur. atque hinc Albionem insulam, quæ postea Britannia dicta est, nomen

nomen habuisse credibile est : sed hæc , dicit Lazijs , à Gallis sive Celtis (quos enim Polybius Celtas, Livius ubique Gallos appellat Germaniæ populis gesta sunt. quid Cæsar? non Gallus fuit aut Germanus, quanquā acerrimus Gallorum hostis; Ac fuit, inquit, antea tempus , cum Germanos virtute superarent, & ultro bella inferrent : ac propter hominum multitudinem, agrique inopiam trans Rhenum colonias mitterent. itaque ea quæ sunt fertilissima Germaniæ loca circum Hercyniam silvam, Volcæ Tectosages occuparunt, atque ibi confederunt. hæc Cæsar, quæ Tacitus confirmat: quibus consentanea Livius scribit; scilicet Ambigatum Celtarum regem, quod in ejus imperio Gallia hominum adeo fertilis fuisset , ut abundans multitudo vix regi posse videretur , Bellonesum ac Segonesum sororis filios , in quas dii dedissent sedes misisse ; Segonesoque datos Hercynios saltus, Belloneso Italiam . Pausanias quoque scribit, Celtas in Pannoniam & Græciam movisse , ab iisque Alpes Celticas appellatas. Athenæus consimiliter tradit lib. 5. Celtas qui in Græciam transmiserant , in Pannoniam sedes mutasse. idem plane confirmat Strabo lib. 5. Plin. lib. 4. denique Polyb. lib. 2. refert Bojos, Eganæs, Senones, Ananæs è Gallia in Germaniam migrasse. lib. 3. Celtas in Thraciam usq; Brenno duce penetrasse, ac regnum illud usque ad Clyari tempora tenuisse . Itaque Beatus Rhenanus merito irridet quosdam Germaniæ scriptores, qui Brennum & Senones à Germanis oriundos fuisse putant. at Polydorus Brennum Britannum fuisse affirmat, quod antea nemo scribere ausus est. eadem reprehensione dignus est Lazijs , qui Cymbros tradit una cum Brenno profectos in Italiam & Græciam: idem Bojarios, quos origine Gallos fuisse omnibus compertum est, solus ex Armenia in Germaniam deducit. hoc verò animadversione dignum est, quod ubique Latini Gallos appellant, quos Græci *καλται* in eadem rerum gestarum narratione. Nam Livius libro 48. sate-

tur Gallos (non Cimbros , aut Germanos , aut
 Tuiscones appellat , quos à Gallis semper distin-
 guit) Italiam , Illyricum , Pannoniam , Græciam ,
 Macedoniam , Thraciam , Asiam suis coloniis il-
 lustrasse , atque omnem regionem citra Taurum
 & Halym flumen , ipsosque Syriæ reges vesti-
 gales fecisse . ubi verò de Germanis scribit , gen-
 tili appellatione complectitur . ut Iosippus in o-
 ratione Agrippæ ad Iudæos , Possidonius apud
 Athenæum in convivio Celtarum , tum in con-
 vivio Germanorum , γεμανὲς & κελτὲς accommo-
 datè ac propriis appellationibus distinguunt .
 Iam verò Iustinus ex Trogo Pompejo planum
 facit memorabilem illam Gallorum migratio-
 nem , quum Italiæ majorem ac meliorem par-
 tem Tuscis ejectis occuparunt , Tarquinii Prisci
 temporibus contigisse : Tuscos verò in Rhetiam
 & Vindelicam Germaniæ superioris migrasse .
 altera ex parte , & iisdem temporibus Bellone-
 sus Germaniæ inferioris fertilissima quæque
 (auctore Livio) loca occupavit . Ex quo intelli-
 gitur , Germaniam eo tempore possessoribus
 vacuum fuisse . nec credibile est Septentrionis
 incolas , qui robore & animi magnitudine Au-
 stralibus præstant , Italos & Gallos admissu-
 ros fuisse ; quos latissima Rheni fossa vel Al-
 pium verticibus ab Italiæ aditu prohibere
 nullo negotio possent . sic igitur statuo , Tu-
 scos Italiæ populos (quod Wolphius & Fuch-
 sius consentunt) & Gallos originem dedisse
 occiduis Germanis . ridiculum est enim quod ab
 Hercule , vel Turiscone filio Herculis origi-
 nem exquirunt , extremam vero Scythiæ o-
 ram . Heneti & Cimbri ab Henetis Paphlago-
 nia & Cimmeriis Tauricæ Chersonnesi populis ,
 quorum meminit Homerus , occuparunt . hinc
 Balticum mare Venedicum appellatur . atque
 illud est quod Plinius scribit , omnes Germa-
 niæ populos ingevones appellari (quos Peuce-
 rus indigenas interpretatur , qui re vera sunt
 antiqui Heneti ac Cimbri) aut Istævones ad
 Rhenum Gallorum propagines . Hermiones
 circa

circa Danubium, qui à Gallis quoque stirpem traxerunt, ut antea docuimus: aut Vandalos, id est peregrinos Germaniæ linguæ, qui à Scandia ad littus Balticum appulerunt: nunc Vindelici: postremò Bastarnas ac Peucinos prope Daciam à Scythia in Germaniam migrasse, ac tametsi auctoritas antiquorum deficeret, nihilominus ipsa loci natura nos eo deducit. Vt enim Tacitus doceret Germanos in ipsa Germania natos (id quod absurdum & impium esse constat) ab ipsa Germaniæ descriptione trahit argumentum. Qui enim sedes mutare quærebant, inquit, classibus advehebantur, & immensus Oceanus rarior ab orbe nostro classibus aditur. Quis autem propter periculum horridi & ignoti maris Asia, aut Africa, aut Italia relicta Germaniam peteret, informem terris, asperam cœlo, tristem cultu aspectuque, nisi patria sit? & paulò post; Nullas Germanorum urbes habitari satis notum est, ne pati quidem inter se junctas ædes: colunt discreti, ut campus, ut fons, ut nemus placuit: suam quisque domum spatio circumdat, sive adversus casus ignis, sive inscitia ædificandi: nec cæmentorum quidem apud eos aut regularum usus: materia ad omnia utuntur informi, & citra speciem aut delectationem. Hæc Tacitus suo tempore, id est, anno Christi 120. quo tempore, si Germania forarum potius quam hominum domicilium ei visum est, sine urbibus, sine oppidis, sine castris, sine cohærentibus ædificiis, qualem fuisse putemus Tarquinio Prisco regnante, hoc est, ante Tacitum annos circiter octingentos? at illis temporibus Galliam hominum adeo fertilem fuisse Livius scribit, ut in Germaniam & universam Europam colonias deduceret. non igitur Galli, aut Celtæ à Germanis; qui tum nulli erant, originem duxerunt: sed Germani à Gallis, Tuscis, Scythis & Hænetis. Quare cum quæritur de origine Francorum, qui postremi Galliarum imperium invaserunt, non ego illos à Trojanis, ut Greg. Turogensis, & Abbas Urspergentis: aut à Phrygiis,

ut noster Bellajus: aut à Cimbris, vel Phrysiis, ut Lazijs: sed ab incolis Franconiæ Orientalis ultra Rhenum, Galliis finitimæ, ubi sunt ea quæ Cæsar dicit, fertilissima Germaniæ loca Gallorum coloniis occupata circa Hercyniam silvam, quæ nunc ab incolis *Schwartzwald*/ id est, silva nigra circa Danubii fontes, Neccarum, & Mœnum, ubi Beatus Rhenanus ad Tacitum scribit, duas esse valles, Belloacensem, à Belloacis, & eam quæ *Andegaust* ab Andegavis meis popularibus appellatur: tum fluvius ipse Mœnus qui Andegavum alluit, idem est cum Meno Hercyniæ silvæ: *Mœn* vocant & detracto: quanquam duæ quoque urbes non procul à Basilea ultra Rhenum gentili nomine *Angers* & *Brissac* appellantur: tum etiam Senonis nemus à Gallis Senonibus quos Polybius in Germaniam quoque colonias deduxisse auctor est lib. 3. Illa verò quæ dicitur Westvalia Germaniæ, id est, Occidentalis Gallia, quæ inter Veserim & Rhenum interjacet, quæque Regiones Franconiæ & Sicambros ad Eurum complectitur, satis indicat ortum versus Ostwaliam fuisse, id est Orientalem Galliam ultra Veserim à Gallis subactam. atque his argumentis non video, quomodo satis à Lazio fieri possit: hæc Francorum origines, hæc initia fuerunt. nomen verò ipsum plane Celticum est, Germanis inusitatum, ut ab illis accepi. est autem Francus lingua Gallica (non Latina, aut Græca, multo minus Hebraica) nihil aliud quam liber & immunis. ex quo non modo verisimile, sed etiam perspicuum fit, Galliæ populos servitutis Romanorum impatientes, trans Rhenum ad veteres illas Gallorum colonias migrasse; & cum primū potuerant, excusso Romanorum iugo, in patriam remigrasse, accepta Francorum, id est, liberorum hominum appellatione. argumento est quod Tacitus, qui populos innumerabiles Germanorum enumerat, non meminit Francorum. omitto ridiculam *Βριγυῶν* Pannoniæ conjecturam, quam ex Ptolemæo nonnulli attulerunt: quamquam

Pannonēs origine Gallos eſſe, ſatis ex ſuperioribus conſtat. ab illis ergo regionibus ultra Rhenum Galliaē finitimis, id eſt, à Franconia Franci (ut Ammianus, Agathias, Vopiſcus, Procopius tradunt) Aureliano Principe in Galliam effuſi tantum armis ac viribus profecerunt, ut Romanos ſæpe debellarent, Hunnos auxilio Romanorum depellerent, deinde Gothos fugarent, ac tandem Romanos ipſos de Galliaē poſſeſſione deturbarent, quibus exactis Burgundiones primum, deinde Alemanos poſt cladem Tolbiacam ſervire coegerunt, Rhenoque tranſmiſſo Rhetiam & Vindeliciam: poſtremo Sueviam, Carniam, Pannoniam & Saxoniam ſuis imperiis ac legibus ſubjecerunt. Poſtremum ejus rei argumentum eſt in linguæ veſtigiiſ, ut planum ſit Germanos à Gallis, non Gallos à Germanis originem traxiſſe. hoc verò perſpicuum ſit ex ipliſ Germanorum, & veterum Latinorum ſcriptis, ut ad linguæ veſtigia, in quibus magnum eſt originis argumentum, veniamus. ut enim Latini à Græcis oriundi ſunt; & Latina lingua ex vocibus Græcis pene conſtata eſt, non tamen eadem: ſic quoque Gallica origo Græcis debetur, contra quam noſtri ſcripſerunt; Græcam eſſe Gallorum diſciplinam. nam cum multa veſtigia Græcorum habemus, ac prope infinita, non tamen eadem ſuit Celtica cum Græca lingua, ut Lazius affirmat, ex eo quod Cæſar ſcribit, Gallos in publicis ac privatis actis uti literis Græcorum, ac numerum Helvetiorum, qui domo exierant, literis Græcis comprehenſum fuiſſe: quod perinde eſt, ac ſi quis putet Germanos populari ſermone Latinam linguam uſurpare, cum in publicis ac privatis rationibus literis utantur Latinis. nam Cæſar literas ad Q. Ciceronem legatum Græca lingua ſcripſit, quo minus interceptæ ab hoſtibus intelligerentur. præterea Divitiacum Heduum non niſi per interpretem intelligere potuit: quod ſatis eſt argumenti Divitiacum Græcæ linguæ (cujus Cæſar peritiſſimus erat) ignarum fuiſſe. Maſſilienſes quidem

quidem Græce loquebantur, ut est apud Strabonem, cum esset incorrupta, minimeque confusa Gallis Phocensium colonia. Druidas quoque Græca lingua instructos fuisse credibile est, cum Cæsar eos iisdem religionibus ac disciplinis imbutos fuisse scribat, quibus Græci. & Lucianus Gallum Græcis disciplinis valde peritum, de statua illa Herculis Celtici disputantem se audiisse scribit. lingua quoque Germanorum à Celtica plurimum differebat; tamen si Lazius eodem errore scripsit Celticam & Germanicam unam fuisse. cur enim Tacitus Gothinos origine Gallos esse diceret, non Germanos, quod Gallica lingua uterentur? cur D. Hieronymus Galatas Asiæ minoris, eadem lingua qua Treveri (quos Tacitus Gallos appellat) locutos scripsit, non Germanica? neque enim tantus vir terrarum orbem pervagatus illud discrimen ignoravit. cur denique Ariovistus Germanus propter diuturnam annorum 14 consuetudinem, quam habuerat in Gallia, Gallice loqui didicisset? sed tamen non minus Germanicæ linguæ Celtica congruebat, quàm Gallicæ. ut enim omittamus illam, quam dixi Græcarum vocum multitudinem ab aliis collectam, & locutiones ab iis qui eo de genere scripserunt omissas, tum etiam nomina in *on* Græco more cadentia, ut *Platon*, *Caton*, *Hogueton*, id est *ὁ γίγν*, in quibus Græcæ linguæ simulachrum penitus expressum intuemur (nam Latini, Plato, Cato, Deo, Melanchthon, dicere solent) nullum majus argumentum quam in propria vetustaque locorum appellatione, quam nostri penitus neglexerunt, reperiemus. igitur pauca de multis afferam. Rhodonii montes à rosis; Pyrenæi ab inflammatione, ut Berosi vulgata fragmenta docent: Brenni vero, quasi extincti appellantur. Sic enim incolæ vocant eum montem qui à Strabone Cemenus dicitur. deinde mons Pelius. Tholosa lutulentam, ut est agri natura, vel rectam innuit. Olbia quam Dorico more Albiam vocamus, beatam significat, cujus Urbis & etymologiæ, me admonuit Hic.

Hieronymus Chando secretarius regius, non minus eruditione quam generis splendore clarus. Limogæa terra famis, vel ut scæminæ, Limosæa γᾶν δῖαν κατ' ἰσχυρίσιν Doræ usurpant. est enim regio vehementer sterilis, & plane infrugifera; ne quis pestiferam ex ambiguitate vocis λειμὸν & λιμὸν interpretetur: Vrbs autem antiqua *Lan*, sic enim Dorice λᾶν nostri efferunt: incolæ tamen λῖον Æolicè pronunciant, à rupibus vel populis nomen habet. Antipolis, quod Niceæ sit ex adverso posita: Stœchades insulæ ab ordine: Alexandria verò Mandubiorum, à securitate: Aphrodisium promontorium à Venere: Tectosages, ab armorum opificibus: Rhodanus παρὰ τῇ ῥοδανίζῃ, propter cataraclas Græcis appellatur. Μακὰ autem urbs est in finibus Burgundionum, quæ sic dicitur, quod in longitudinem extensa sit. cuius me Urbis & etymologiæ admonuit Philibertus Bariotus Prætor Maconensis, vir summa integritate ac eruditione clarus: imperite verò Matisconem vocant. sunt enim in finibus Carnutum oppida duo finitima, quorum alteram ex alterum appellatur ἑχόμεν, & urbs ea quæ Euris nomine Græco dicitur: tum etiam Bœotia nostra. omitto Druidarum nomen quod plane Græcum est, & Semnotheorum Galliæ sapientum: tametsi Schamotas alii dictos arbitrantur, quasi cœlestes Hebraica voce. sed in eo genere, multa suo quisque ingenio conquirere potest. ex his enim propriis locorum appellationibus origines verius ac melius iudicantur. Est autem lingua Celtica Romanorum consuetudine ac frequentibus coloniis pene amissa: præsertim in Gallia Narbonensi & Aquitania, ubi vulgus non procul abest à Latino sermone. fuerunt enim in Galliam plures deductæ coloniæ, quam quæ ab historicis enumerantur: idque argumento est, quod Lectoria urbs Aquitaniæ, tum ex appellatione, tum ex antiquis inscriptionibus urbis, colonia Romanorum iudicatur: eam tamen nullus scriptor, quod sciam, inter colonias retulit. Nota est colonia Narbonensis, antiquissima, colonia

Lugdunensis, Agrippina, Valentina, Nemaufensis, Gratianopolitana, Arelatensis, & ea, quæ in finibus Sequanorum Coloniacum nomen retinet. cum autem legiones Romanorum assidue in Gallia excubarent; fieri non potuit, quin patriæ linguæ penitus obliuiscerentur, Latinam acciperent. in Germaniam verò nullas fere colonias Romani præter Augustam & Constantiam deduxerunt. quo fit ut Germani linguæ Celticæ quam à nobis, ob coloniarum & commerciorum usum didicerant, plura quam nos ipsi vestigia retinuisse videantur. Vt enim pauca de multis colligamus, constat ex ipso Cæsare Vergobretum Celticum verbum esse, quod summum executorem interpretatur Glareanus, eoque Germanos & Helvetios uti. ac rhedam, quam vocem Cæsar Gallis pro curru tribuit, Germanis in eadem significatione usurpari. Illud autem à Græcis initium habet, qui currum appellant *πίδιον*, ut est apud Hesychium. nos adhuc Alaudam retinemus. Pausanias equum à Celtis *Marc* appellari scribit, inde *Marquis*, & Marcoman, id est eques. nam Marca limitem significat; *Marche* forum: Germanis æque ac nobis ipsis. sed *Marquis*, dignitatem habet equestri maiorem. Padus à Pades Gallica voce, quæ Piceam significat, quod circa fontem Padi multa sit, ut Metrodorus scripsit: sed verius est Gallice profundum significare, inquit Plinius: nam Ligures profundum Bodinum appellant: argumento est, inquit, urbs antiqua Bodin Comagum, qua fluvius altior exurgit. sic quoque lacus Acronius Bodin ab incolis: sinus item magnus interioris Gothiæ Bodin appellatur in eadem significatione, & populi Bodini qui Pannoniæ metropolim incolunt. propria quidem & gentilia ejus appellationis nomina tenemus (sunt enim ejus in Gallia nominis prope infiniti) significationem non tenemus, sed Latino verbo utimur. ex eo tamen conjectura consequi possumus, à veteribus Celtis ad Germanos hæc nomina cum origine populorum migrasse. Duni vox quid esset, multis

multi sane quæsierunt, explicat Athenæus, ac Dounos à Celtis appellari dominos scribit. hanc vocem Hispani magna sui parte à Gallis oriundi, ac Siculi eodem sensu retinent: nostri vero monachis eam vocem reliquerunt. inde tamen antiqua nomina Lugdunum, Virodunum, Isodunum, Noviodunum. nisi dicamus dunè locum editiorem seu monticulum significare, nostri dunes, apellant *levées*. Magnum quoque quid esset, neque Germani, neque nostri aperuerunt: id quod tamen ex Plinio docemur, ubi Bodinogomagus urbem profundam interpretatur. omitto inanes de Mago interpretationes. hinc igitur Noviomagus, Rhotomagus, Neomagus: qua voce Germani carent, cum olim urbibus carent, ipsi Purgum, quod plane Græcum est, à nobis: nos villam & castrum accepimus à Latinis. *Berg* Celticum vetus, quod montem significat; quo etiamnum utuntur Germani, nos Latina voce: inde *berger*, id est vetere lingua montanus, quo nomine pastores appellamus. nam rustici Latina verba difficiliter acceperunt. hinc apud Germanos urbium & castrorum, quæ in montibus posita sunt, compositæ voces: Bamberg, Hildeberg, Clarberg: nos Claromontem dicimus. Consimiliter Bardi nomen, quod Germanis hoc tempore sacerdotem significat, à maioribus nostris acceperunt. scribit enim Cæsar, Germanos, nec disciplinas, nec sacrificia, nec religiones habuisse. Bardos verò Gallorum poetas olim à Gallis appellatos esse, & Bardum Celtica lingua, cantorem significare docet Sulpicius ad Lucanum; tum etiam Ammianus ac Diodorus: sed quia ejusmodi poëtæ inepti ac barbari Latinis videbantur, impositos ac stultos Bardos appellarunt. hinc Dagobard, heroicus cantor vel poëta: Sigebard, victor poëta: Albard strenuus poëta: Robard, rubeus poeta. atque hinc Lambardi & Langobardi: Germani heroicum sacerdotem, rubeum sacerdotem interpretantur. sunt enim Langones & Bardi finitimi populi. *Hard* quoque Celticum est, quod Ger-

Germanis robustum significat, nobis audacem adjecta vocali quam è fine dictionum Germani sapius eximunt, ut cohortem appellant *band*, nos *bande*, regionem incultam *Land*, nos *Landè*: ita quoque ipsi *hardimant*, nos *hardiment*. hinc etiam *hard* ramum vocamus contortum; quo nihil fortius: & pœnam *hard*, id est laquei, quo veteres pro funibus utebantur. hæc autem composita *Bernard*, ex Germanica *Bern*, & Celtica *hard*, id est, Vrsi potens: *Leonard*, id est, populi robur, ex Græca & Celtica voce conflatum: Græci *λεοσθένη* ac *δημοσθένη* dicerent, ut aliud quoque *Cænomani* gentile nomen, quod ex Celtico *Man*, Germanis, Scythiis, Turcis ac Tartaris usitatissimo (nos enim Latina voce utimur hominem appellantes) & Græco conflatum est. ex quo verisimile sit Cænomanos, id est novos homines; aliunde in Galliam venisse ante Tarquinii tempora, cum postea in Insubriam coloniarum quoque Cænomanorum à veteribus Celtis deductæ sint, qui quidem Italiae Cænomani appellantur. est etiam vetus Celticum *reix*, id est Rex, Germani efferunt *reich*. Cæsar in morem veterum Gallorum *rix* scripsit. unde composita nomina: Dumnorix, Rex dominantium: Ombiorix, Rex hospitum: Orgetorix, Græco-celticum, id est Rex insanorum: est enim *δεργῆ* furor, & *δεργῆλεις* Gallice *orgueilleux*, quod vitium proprium est insanorum: *Fridrich*, idem quod rex pacis: & apud Livium Lonnorix & Lutharius Celtica sunt: proprie Cæsar scripsisset Lonnorix. Germani non satis apte, meo iudicio, divitem interpretantur, ut divitem insanarum, divitem hospitalitatis: quamvis utrique & Germani & Galli *rich* divitem appellent, Galli quidem adjecta *e* fœminea, quam Germani detrahunt, sed tamen elegantia tropi, quod divitiarum sint regum propriarum; argumento sit quod Germani *Frauckreich* regnum Franciarum vocant: tum *Ostreich* & *Westreich* (quæ corrupte Austriam & Neustriam appellamus) pro regno Orientis & Occidentis apud Germanos

usurpatur . nam dictio Hunig, quæ Germanis Regem significat, Gothorum est & Sclavorum. *Mar* quoque verus Celticum, quod Germanis æque ac nobis ipsis commune est : illi *Mair*, nos *Maire* enunciamus , pro maximo civitatis magistratu. hinc illa vetera Viridomarus , Suemerus, Condomarus: id est Condomi magister, &c. ut Latini Dictatorem populi magistrum appellant. ultimus autem Sueciæ ac Daniæ rex antiquæ stirpis Margaretæ pater Waldemarum vocabatur. infinita sunt Celtica vetera quibus Germani nunc etiam utuntur, ut *platç, robes, sot, froit, seu, foyer, mantel*: pleraque tamen ab illis anxie detorta videntur, ut cum Lazius Francos à Phrygia repetit, primum Phrygios , deinde Erisios, postea Francos, tum *Σείρυς*, & Friancos, postremo Francos appellatos esse tradit:& Cimbro primus Gomerus , deinde Gimros , tum Cimros , post etiam Cimbros , postremo Sicambros. idem *beccus* illud Herodoti Phrygia lingua panem significare tradit , cum tamen caprea vox sit ab infante prolata , qui nihil aliud auditu perceperat. magis plausibile est quod P. Ronsardus meus civis (est enim Vindocini oppidum, in Andium agro situm) in Franciade Astynacta Francum à veteribus quasi *Σείρυς* appellari scribit : quæ verò Germanica sunt , & in Germanico solo nata , non modo significationem, sed etiam pronunciationem habent à Gallis alienam, ut *Bald* Germanis significat levem & celerem nos Celtico verbo *Liger* utimur. quo nomine fluvium Galliæ maximum olim appellatum fuisse testatur Cæsar. particulam verò *Bald* nunquam enunciamus, sed diphthongo *au* : ut quod illi Gerbaldum, Theobaldum, Widbaldum , pos ita ; *Gerbaud, Thibaud, Widebaud*. *Land* vetus Celticum est, quo Germani pro regione utuntur, nobis enim *Lande* significat religionem incultam , qualis erat olim universa Germania : hinc apud illos nomina regionum, *Friesland / Giotland* , &c. quæ etiam apud Germanos *in ther* desinant, plane Celtica sunt ;

at Deither/ Luther/ Deiotarus, Lutharius, quos Galatorum reges fuisse constat ex historia Latiorum. consimiliter ventorum cardines & appellationes, quæ à nautis usurpantur, scilicet, **Ost, West/ Nord/ Sud** / ex quibus cætera componuntur, Celtica esse ex eo apparet, quod ubicunque Galli sedes fixerunt, his vocibus loca distincta reperiuntur: ut Northwallia & Sudwallia Britanniae: Westwallia Germaniae. neque enim Westgermania, vel Westbritannia reperitur. præterea Latinorum appellationibus utimur, Orientis scilicet, Occidentis, Meridiei ac Septentrionis, ut appareat illa plane vetera fuisse. infinita sunt id genus quæ suo quisque iudicio ac ingenio exquirere potest: ex his tamen quæ attulimus verborum exemplis, ex Athenæo, Pausania, Cæsare, Plinio, Diodoro, perspicuum esse opinor, Germanicam linguam, magna sui parte è purissimis Celtarum fontibus derivari. quod si ita est, sequitur illud quoque, originem, arma, leges, humanitatem denique Gallis deberi: ac vehementer labi Lazium, qui majores nostros à Germanis oriundos esse affirmat. hoc autem de linguæ vestigiis argumentum, satis etiam indicat, Britones Armoricos à Britannis ortum habere: propterea quod ii qui apud Britannos Walliæ angusta regione circumscribuntur, soli capiunt sermonem Britonum, ut ab Anglis accepi. accedit præterea consentiens omnium historicorum fides. Sed unde illi Walli, nisi à Gallis? ex eo plerique putant, veterum Celtarum eam linguam esse: quod affirmare non ausim: cum plane mihi sit ignota ejusmodi lingua. & quoniam Cæsaris temporibus, fama jam inde à majoribus perculgata erat; incolas qui intimos Britanniae recessus tenebant, non à Gallis oriundos, sed in ipsa insula natos & indigenas esse, dubitavi an ex linguæ vestigiis intelligi posset. Si enim demus ab Albiis Gallis Albionem primum appellatam; consequens est Britanniam (sic enim Aristoteles appellat) ab aliis quibusdam advenis,

veteribus incolis expulsis cognominatam. est autem *Breta* verbum Cantabricum, quod terram significat: hinc Alphonſus ſeptimus Abreta dictus, quod humi ſemper procumberet ac terram contrectaret, ut ſcribit Tarapha Hiſpanus. quo mihi fit verifiſimile, Bretannos à Cantabris originem habuiſſe, qui primum Inſulam conſpicati Bretanniā (ut nautæ ſolent viſa terra) nominarunt, quanquam Hiſpani vocem illam ignorant. poſtea verò quam Saxones Bretannos expulerunt, linguam quoque immutarunt. appellant enim terram eodem nomine quo Germani, Gothi, ac Septentrionales populi, hoc eſt Hebraica vocat עֶרֶץ *Eretz*. quanquam Barath Hebræis agrum quoque ſignificat. ut autem à Cantabris oriundos putem, facit tum linguæ veſtigium illud, tum breuiſſimus maris tractus, poſtremo incolarum Hiberniæ finitimæ vetus opinio: ajunt enim Hiberos, id eſt Hiſpanos, majores habuiſſe. Hiberia verò videtur ab Afris Hiſpaniæ finitimis, aut certè ab Hiberis Aſiæ primum culta fuiſſe, quorum vetus lingua parum admodum ab Hebraica differebat, ut in ea lingua eruditi homines ſcripſere. primum vox ipſa Hebræorum quæ nihil Græcis aut Latinis ſignificat. itaque Græci eos Hebraica voce Heberos, Latini Græca voce Hiſpanos, id eſt raros, quod hominum inopia olim laboraret: tametiſi populofam ſuis temporibus Cicero appellavit. præterea flumen illud Hiſpaniæ maximum, quod Hebro incolæ vocant, Latini Hiberum, & Bèthis ex ipſa Palæſtina fluere mihi videntur. Poſtremo Secanōs (quæ à Græcis & Latinis Sicani dicuntur) ab Hiſpanis in Siciliam veniſſe, ac de ſuo nomine appellatſe tradunt omnes hiſtoriæ ſcriptores, nihil autem Secani Græca lingua vel Latina ſignificat; Hebraica tamen habitatores dicuntur. atque hinc puto populos Sequanorum, qui Burgundiam incoluerunt, & Sucanam (ſic enim dictus ab incolis Cæſar appellavit) ab iſdē populis nomen habere, quod enim à Iubal Lamechi filio Hiſpanos originem traxiſſe putat Iſoſip-

pus,

pus, valde remotum est à probabili conjectura: nisi ad ejus infinitam potestatem hoc referatur. quamquam ab Hebro Semi nepote qui attavius fuit attavi Iacob Hebræorum parentis, & ab ejus stirpe alios quoque ramos innumerabiles oriri potuisse planum est, sed ejus tantum populi, quem Deus unice complectebatur, origines in scripturis explicantur; aliorum non item. idque intelligi potest ex ipsius Ismaëlis stirpe, unde duodecim tribus ab Hebræorum interpretibus derivantur. inde Arabes, qui Iudæorum in morem sui generis antiquitates incorruptas, ac tribus quoque certis originibus ac nominibus comprehensas habent, ut videre est apud Leonem Afrum. Quanquam satis, opinor, constat, populos omnes coloniarum multitudine, bellis, servitute, peragrationibus jam pridem ita confusos, ut nulli præter Hebræos, se ab aliorum populorum confusione liberare potuerint. idque intellectu facile est. si quis meminerit Vandalos & Gothos ab extrema Septentrionis plaga in Africam; Arabes in Persidem Syriam, Africam, Italiam & Hispaniam; Hispanos in Americam & Indiam; Gallos & Italos in Asiam & Scythiam usque colonias deduxisse. Est autem coloniarum deducendarum ratio quadruplex; aut enim incolæ viribus hostium expulsi sedes alias quæerunt: ut Trojani post urbis everisionem in Latium; Hetrusci, qui & Tusci dicti sunt, à Gallis de Italia dejecti in Rhetiam colonias deduxerunt, unde appellatio prima Germanis Tuscorum. ita quoque Ægyptiorum colonia duce Danao in Græciam: Normanni in Galliam: Britanni ab Anglis pulsi, ad littus Celticum Phocenses tyrannide Præfecti regis Persarum afflicti, in Celticam sedes mutarunt, ut Iustinus scribit; & omnium quæ unquam extiterunt, florentissimam Rempublicam, ut Tullius affirmat, instituerunt. Chananæi ex agro Palæstino ab Hebræis ejecti, in Illyricum & Pannoniam navigarunt, ut Rabbi David Kimhi ad finem Abdiæ testatur. Vandali Francorum artibus

coacti, in Hispaniam; hinc à Gothis pulsi in Africam transmiserunt. nec ita pridem Rhodii à Turcis fracti in Cretam migrarunt. atque ejus migrationis infinita sunt apud Pausaniam & Strabonem exempla. alterum coloniarum genus deducitur abundante multitudine, vel propter inopiam agrorum, aut intemperiem cæli, Miletus D & Lxx populos in diversa effudit ut Seneca scribit in libro De consolatione ad Albinam. Idem Atheniensis in Asia turba est. totum Italiæ latus quod inferiori mari alluitur, major Græcia fuit. Tuscos Asia sibi vindicat: Tyrii Africam incolunt: in Hispania Pœni: Græci se in Galliam immiserunt; in Græciam Galli. Pyrenæus Germanorum transitus non inhibuit. alii longo errore jactati non judicio elegerunt locum, inquit, sed lassitudine proximum occupaverunt. alii armis sibi jus in aliena terra fecerunt, alios excidia urbium suarum: alios domestica seditio: alios superfluentis populi frequentia ad exonerandas vires emisit: alios pestilentia, aut frequentes terrarum hiatus, aut intoleranda soli vitia ejecerunt; alios alia causa excivit domibus suis. quidam ibi confederunt, ubi illos rerum inopia deposuit. quasdam gentes cum ignota peterent, mare hausit. & paulo post: quid referam Antenorem Patavii conditorem: Euandrum in ripa Tiberis regna collocantem? quot populus Romanus colonias in omnes provincias misit? ubique enim Romanus habitabat. ad hanc cōmutationem libenter nomina locis dabant. vix ullam terram invenies quam nunc indigenæ colant. Postremo sic concludit Seneca: Illud igitur manifestum est, nihil eodem loco mansisse quo genitum est. assiduus humani generis discursus est, quotidie nova urbium fundamenta jaciuntur, nova gentium nomina prioribus extinctis aut in occasum conversis oriuntur. video tamen Scythas fere semper ab Aquilone in medias regiones cum infinitis legionibus concessisse. Nam Cimbri, & Cimbrorum reliquæ, Aduatici, Nemetes, Vbii, Tungri, Vangiones, Sicambri,

cambri, Saxones. Gothi, Longobardi, Gepidæ, Vandali, Pictones, Normanni, addit etiam Olaus, Getas, Alanos, Herulos, Hunnos, Turcilinguos, Winulos, Rugios, Suecos, qui nunc Suisſi vocantur, à Scandia in Europam inuaſiſſe. Quinetiam Procopius & Albertus Cranzius tradunt, Sclavos ex eadem Scandia Iuſtiniani temporibus in Pannoniam irrupiſſe. poſtea gens illa ſui nominis ac linguæ ſama Europam univerſam implevit. ſic enim audio Polonos, Bohemos, Ruſſios, Lithuanos, Moſchovitas, Boſlinids, Bulgaros, Seruios, Croatios, Dalmatas, Wandalos eadem Sclavorum uti lingua, quæ in Scandia uſurpatur, ac ſola dialecto differre. conſimiliter ab Aſiaticis Scythæ populis, Parthi, Turcæ, Tartari origines traxerunt. tertium genus coloniarum, imperii propagandi ac tuendi cauſa ſuſceptum eſt, quo potiffimum uſi ſunt Romani, tum ut civitatem domeſtica ſeditione liberarent, tum etiam ut victos populos in fide & obſequio retinerent. atque hæc una cauſa eſt, cur imperium illud tam longe lateque propagarunt. Ita quoque Genuenſes in Tauricam Cherſonneſum coloniam Theodoſiam quæ Capha dicitur, Veneti in Inſulas; Hiſpani in Americam & Indiam colonos deduxerunt. Poſtremum genus coloniarum eſt in captivis abducendis: ut cum decem tribus Hebræorum primum, deinde octogefimo poſt anno reliquæ in Chaldæam abductæ ſunt. decem enim tribus hinc illuc diſperſæ in Aſia feruntur. tribus Iuda & Benjamin, reditum in patriam impetrarunt, quæ ſexcentefimo poſt anno à Romanis in ſervitutem ruruſus abductæ ſunt, ac toto terrarum orbe ab ultimis Europæ ac Scythæ oris, in Africam & Aſiam univerſam diſperſæ; qui exemplo nobis ſunt, omnes populos coloniarum multitudine conſuſos: quod hæc una gens his quoque temporibus in Chaldæa, Parthia, India, Gallia, Græcia, Italia, Hiſpania, Germania, Africa, diſperſa videatur. quid Romani? qui ab Oenopoli uſque ad Danubium: à Britannia uſ-

que in Persidem, suas colonias, arma, legiones, propagarunt? Italiae vero populi, ex Arcadibus, Trojanis, Sicanis, Gallis, Graecis, Gothis, Hunnis, Vandalis, Herulis, Longobardis, Pœnis, Normannis, misti sunt & confusi. hoc igitur non sine admirabili providentia factum videmus, ut populus Hebræorum, qui omnium principum crudelissimi vim ac tyrannidem per tulit, sui generis antiquitatem solus retineret. ac præpotens Æthiopæ rex ab illa gente repetit generis splendorem, seque ac suos gentiles Israelitas appellat. illud etiam magis mirum videri possit, quod ab illis religiones, quæ toto terrarum orbe usurpantur, velut à fonte fluxerunt. cum igitur hunc populum in omnes terras sparsum videamus, quid de reliquis gentibus existimandum? est enim tanta naturæ fecunditas, ut paulo momento ab unius hominis stirpe innumerabiles procreari videamus. nam Iustinus ex Trogo Pompejo scriptum reliquit, Herotimum regem Parthorum, filios sexcentos genuisse. & unius Iacobi proles annis ducentis in legiones innumerabiles excrevit. una legio Turcarum, quam Persæ adversus Arabes evocarunt, repente in tantam hominum multitudinem aucta est, ut Arabes eos ejicere frustra conati, fascēs & imperium summisserint. consimiliter migratio Tartarorum in Asiam minorem duce Tamerlane, Asiaticorum ac Turcarum tribus confuderunt. quid commemorem id quod incredibile posteritati videbitur. Circassiorum cum Ægyptiis, Hispanorum cum Americis, Lusitanorum cum Indis, Gothorum & Vandalorum cum Hispanis & Afris cognationem? ex his ergo intelligitur, omnes homines tum peragrationibus, tum etiam coloniarum multitudine ac frequentia, tum bellis & servitute jampridem ita confusos, ut nulli de originis antiquitate ac vetustate, præter Hebræos, gloriari possint. ac vehementer falli mihi videntur principes, qui suæ nobilitatis decus ab extrema memoria repetunt, aut sempiternum fore sperant. gens enim Aecidarum

cidarum & Heraclidarum, quæ apud Græcos
 clarissimæ fuerunt; tum apud Latinos Iulia, du-
 centesimum ac millesimū non superarunt. reliquæ
 gentes patriciorum, Potitii, Pinarii, Geganii, Ser-
 gii, Cornelii, Fabii, Manilii, Æmilii, Curiatii,
 Claudii, vix octingentesimum attigerunt, ut Cæ-
 sari necesse fuerit inter patricios allegare novos
 ac nobiles. Darii vero, annos ducentos floruerūt:
 Arsacidæ circiter 600: Othomani 300: Hispani
 principes summum nobilitatis fastigium à Go-
 this repetunt, qui omnium opinione barbarissimi
 putantur. Austria domus, Italogum, Hispanorum
 ac Germanorum imperium habet, à Comitibus
 Habsburgi generis splendorem repetens, ante
 Rudolphum Alberti patrem, id est ante annos
 cec, quæ qualisque fuerit penitus ignoratur. Sa-
 xonica vetustissima ante sexcentos annos, hoc
 est ante Ottonem Henrici Aucupis patrem, ma-
 jores ciere non possit. Meroveorum autem qui
 hujus imperii fundamenta jecerunt, stirps anno
 post quadringentesimo desit, & Caroli Magni
 genus in Carolo duce Lotharingo, ducentos post
 annos extinctum est. nunc imperant Capeti, ab
 Widekindo Saxone orti. is in Galliam abductus
 est, & Christiana religione à Carolo Magno in-
 formatus, atque Andium Comes creatus, vel ut
 alii putant, ab Ottone fratre sui generis poste-
 ritatem, omnium quæ sunt in Europa rerum ge-
 starum gloria clarissimam & antiquissimam re-
 liquit, jam enim ab Widekindo anni paulo mi-
 nus octingenti numerantur. Normannorum &
 Anglorum principes in Henrico I desierunt. An-
 dium in Richardo III: Henrici VII stirps in
 Eduardo VI: Lancastorum & Yorcorum nulli
 mares restant: Scotiæ primi reges in Alexandro
 III: Brusii in Davide II: Stuardi in Iacobo
 V: Castilii in Henrico III: Aragonii in Ferdi-
 nando V: Sueci, Dani, ac Norvegi in Margareta
 Waldemari filia: Pomerani regnum, & Bavarî
 prius extinctum quam natum fuisse videtur:
 secuti sunt Aldeburgenses, qui nunc imperium
 Daniæ tenent: Gostavi pater rex privato Sueciæ

imperium non ita pridem suscepit. nec multo diuturnior fuit in Pannoniæ imperio Stephani gens; cui Carolus Andegavus rex Neapolis iussit: deinde Otto Bavarus, tum Sigismundus Lucenburgensis, cujus stirpem excepit Xatthias Corvinus, primus ac ultimus suæ gentis Rex appellatus. Polonorum verò reges, antiquitatem non longius quam à Pyasto rustico repetebant, cujus tamen posteri vix imperarunt annos 600. hos exceperunt Jagellones à Lituaniæ ducibus, qui tamen Pyastis nec antiquitate, nec rerum gestarum gloria comparari possunt. Italiæ verò nobilitatem, Veneti sibi vendicare consueverunt. neque tamen eorum nobilissimus, ut ab extrema memoria stirpem eruant, ante annum septingentesimū majores appellare potest. proximi sunt Columnæ, Ursini, Savellæ, Petilii, Romanæ nobilitatis reliquiæ, quibus nec Estenses, nec Gonzagæ comparandos se putant. Medicei de virtute non de generis antiquitate gloriantur. satis enim constat patricios in omnibus Italiæ urbibus, quæ in statu populari floruerunt, aut crudelissime cæsos, aut bonis amissis ejectos. in Gallia quidem & Hispania gens omnium antiquissima Levarum esse creditur, clarissimo teste Francisco Vallesio, qui patriciorum antiquas origines conquississe dicitur. Levæ tamen suum genus ad Levitas referunt: quemadmodum reges Abyssinorum ad Israelitas: sic enim patricios appellant. qui tamen antiquissimas suorum origines non definiunt, nec Alvarezius quicquam tradit. Igitur soli Hebræi generis antiquitate certissima populis omnibus præstant, nemo tamen suam tribum nunc ciere potest: sed omnes inter se confusi stirpem agnoscunt, ramos ignorant. Gens verò sacerdotum, quæ nobilitatis summum decus ab Aarone repetens, duobus annorum millibus ac trecentis floruerat, Gothicis ac Vandalicis cladibus creditur interiisse; non sine magno divinæ ultionis argumento.

DE HISTORICORVM ordine & collectione .

C A P. X.

Auspiciandum erit à brevissimis Chronicis , puta Bullingeri, Lutheri, aut similium : deinde ad Chronologias, videlicet Funccii, Phrygionis, Eusebii: hinc ad historias magis aliquanto diffusas veniendum : quales sunt, Carionis, Melancthonis, Peuceri : postremo ad consummatam historiam cujusque temporis, omnia aut pulcherrima quaque complectentem.

Universalis historia Scriptores.

Mosis originum liber, ab orbe condito, usque ad migrationem Hebræorum ex Ægypto in Palæstinam historiam universi mundi complectitur annorum **II, mccccl.** *clarus ante Chr. ann. 1519.*

Berosi Chaldæi, quæ dicuntur , fragmenta universæ historiæ , ab orbe condito usque ad annum mundi **III, mcxxx.** In Sardanapolo desit, ut Metasthenes scribit. **330.**

Herodoti Halicarnassæi de rebus gestis Græcorum, Ægyptiorum, Medorum, Persarum, Lydorum, ab anno mundi ter millesimo **ccx,** usque ad **III, md.** libri **ix.** **425.**

Polybii Megalopolitani, de rebus Græcorum, Romanorum , Pœnorum, Celtarum , ab exilio Cleomenis, & Pyrrho Epirotarum rege, usque ad bellum Romanorum cum Achæis & Philip-po rege Macedonum: id est ab anno mundi **III, mdcxxx,** usque ad annum **III, mdccclxvi.** de libris **xl.** quinque priores extant, & epitome sequentium usque ad **xv.** **200.**

Trogi Pompeji epitome ab Iustino libris **xliv** comprehensa, omnium pene populorum gesta breviter complectens , à Nino usque ad Cæsarem Augustum. **150.**

Diodori Siculi bibliotheca universalis historiæ, maximè illustrium populorum , ab ultima **40.**

Ægyptiorum memoria usque ad Cæsarem. de libris XL extant xv.

cl. post
Chr. 38. Philonis Hebræi de temporibus libri duo. ab orbe condito usque ad Tiberium.

312. Eusebii chronicon, ab orbe condito usque ad annum Christi ccc.

340. Hieronymus annos adiecit L. Prosper Aquitanus LX. Palmerius Florentinus mxL. Palmerius Pisanus xxx. Iulii Africani de temporibus, ab orbe condito usque ad annum Christi cccxx.

560. Phreculphi epitome historiarum, ab orbe condito usque ad annum Christi DL.

730. Bedæ Angli chronica, ab orbe condito usque ad annum Christi Lxx.

1080. Adonis Viennensis de sex mundi ætatibus usque ad annum Christi Dcccc.

1066. Helmandi chronicon, ab orbe condito usque ad sua tempora.

1067. Hermanni Contracti Helvetii, de sex ætatibus usque ad suam ætatem.

1088. Mariani Fuldensis Scoti chronicon, ab orbe condito usque ad suam ætatem.

1120. Zonaræ fusa historia, ab orbe condito usque ad annum Christi Mxxvii, tribus partibus divisa: prima pars Hebræorum est, altera Græcorum, tertia Latinorum.

1120. Honorii Augustodunensis chronicon, ab orbe condito usque ad sua tempora.

1130. Sigeberti Galli chronicon, ab anno Christi cccLxxxi, id est à fine Tripartitæ historiæ usque ad annum Mxxiii, cum appendice incerti auctoris usque ad annum Mccxvi.

1229. Abbatis Urspergensis chronicon, ab orbe condito usque ad Fridericum I I, Imper.

1260. Vincentiî Belluacensis historia, ab orbe condito usque ad annum Christi MccL.

1480. Antonini Archiepiscopi Florentini fusa historia, ab orbe condito usque ad annum Christi MccccLxx.

Fasciculus temporum, ab orbe condito usque ad annum MccccLxxxiv, incerti auctoris.

M. Antonii Coccii Sabellici *Æneades* II, historia, ab orbe condito, & his cohærens synopsi Hedionis. 1490.

Donati Bossii Mediolanensis historia, ab orbe condito usque ad annum M cccc lxxxix. 1496.

Io. Naucleri Tubingensis chronica, ab orbe condito usque ad annum Christi M D. 1510.

Philippi Bergomensis historia, ab orbe condito usque ad annum Christi M D III. 1515.

Martini Lutheri Saxonis, series annorum mundi usque ad suam ætatem. 1519.

Achillis Gassari epitome chronicorum mundi, ab orbe condito usque ad annum Christi M D xxx. 1530.

Pauli Constantini Phrygionis chronicon, ab orbe condito usque ad annum M D xxiii. 1540.

Io. Carionis Lubeci chronicorum libri tres, ab orbe condito usque ad annum Christi M D xxx. cui accessit appendix ad annum M D LV. 1540.

Philippi Melanchthonis chronicon, libris tribus comprehensum, ex ipso Carione magna sui parte expressum, usque ad Carolum Magnum. 1540.

Casparis Peuceri chronicon, à Carolo Magno, ubi desierat Melanchthon, ad suam usque ætatem. 1550.

Pauli Iovii historia, omnium pene populorum sui temporis ab anno Christi Mccccxciv, usque ad annum M D xl. 1540.

Henrici Bullingeri chronicon, ab orbe condito usque ad suam ætatem. 1545.

Io. Funcii Pruteni chronologia, ab orbe condito usque ad annum Christi M D liii. 1550.

Mercatoris chronologia. 1570.

Geographistorici universales.

Strabonis Cappadocis lib. xvi, in quibus brevem omnium populorum historiam cum geographia conjungit. *cl. ante Christ. an. 20.*

Pomponii Melæ Hispani de situ orbis una cum historia populorum. *cl. Christ. atate.*

Pausaniæ Cæsariensis Grammatici Attica, Corinthiaca, Laconica, Messeniaca, Elea, Achaica, Arcadica, Bœotica, Phocensia. *cl. anno Ch. 140.*

1500. Raph. Volaterran. lib. xxxviii, quibus universam historiam cum geographia complexus est.
1540. Munsteri cosmographia, historias & origines, una cum regionum descriptione completens.

His adjungi possunt historici rerum variarum, quales sunt Athenæus, Ælianus, Tzetzes, Leonicus, Solinus, Valerius Maximus, Plinius, Suidas.

Post historiam universitatis, non incommode subiungi poterunt Ecclesiastici scriptores, & earum sectarum qua potentiam stabilierunt ac retinuerunt; ac primum de religione, antiquitate, ac rebus gestis Iudæorum.

Sacra biblia.

38. Philonis Iudæi qui Philosophihistoricus appellari potest, omnia scripta.
99. Fl. Iosippi Iudæi antiquitatum Iudaicarum lib. xx, & lib. septem de bello Iudaico.
99. Iosippi filii Gorionis historia belli Iudaici, Hebraice conscripta.
130. Egesippi historia Iudæorum, à Machabæis usque ad annum Christi LXXII.

Historici pagana superstitionis.

75. Irenæi Lugdunensis episcopi, adversus gentes liber i.
200. Clementis Alexandrini episcopi, Stromaton libri viii.
300. Arnobii adversus gentes libri vii.
320. Lactantii Firmiani de falsa religione, ac totum opus.

1515. Pauli Orosii libri vii, adversus Paganos.
1550. Lillii Giraldi de diis omnium gentium.
- Ioan. Caulis de religione veterum liber, Gal. Ital.

Historici Christiana religionis.

Novum testamentum.

120. Iustiniani Martyris apologeticus.
150. Q. Septimii Tertulliani Carthaginensis apologeticus adversus gentes.
175. Irenæi Lugdunensis episcopi contra hæreses libri v.

Origenis

- Origenis liber de martyribus. 260.
 Eusebii ecclesiasticæ historiæ libri x. 312.
 Socratis, Sozomeni, Theodoriti & Cassiodori ecclesiastica historia; à Christo nato usque ad annum ccccxlii. 400.
 Genuadii presbyteri Massiliensis, liber de viris illustribus ecclesiasticis. 496.
 Euagrii Scholastici de ecclesia & imperio Romano libri vi, ab anno Christi ccccxv, usque ad annum dxcv orditur, ubi desinit historia Tripartita. 610.
 Nicephori Calisthi ecclesiasticæ historiæ, à Christo usque ad Heraclium libri xviii. 1100.
 Marcellini Comititis historia ab Eusebii temporibus usque ad annum Christi d. 700.
 Io. Gulielmi Archiepiscopi Tyrii de bello sacro libri xxiii. 1150.
 Io. Foxii Angli ecclesiastica historia, ab Wiclevo usque ad annum Christi mdl. 1555.
 Status ecclesiæ incerti authoris, à Christo nato usque ad annum Christi mdlx.
 Ioan. Sleidani historia ecclesiastica, ab anno Christi mdxvii, usque ad annum mdlv. 1548.
 Historiæ Magdeburgicæ centuriæ duodecim à nato Christo usque ad annum mcc, quibus veterum omnium scripta ecclesiasticæ historiæ copiosè explicantur.
 De statu religionis & ecclesiæ sub regibus Henrico II, Francisco II, & Carolo IX, incerti auctoris, Gal.

Historia sectæ Arabica.

- Coranus seu Furcanus, ex omnibus Coranis, qui Muhamedis nomine circumferebantur, collectus anno post Muhamedem ex. 600.

Historici Chaldaorum, Assyriorum, Medorum, Ægyptiorum, Persarum, Phœnicum, Hebraeorum, Partiorum: quorum gesta sunt ab iisdem fere scriptoribus comprehensa.

Libri Regum, Paralipomenon, & Esdræ.

Herodoti Halicarnassæi libri novem historiarū. cl. ante

Ctesiæ Cnidii, Agatharchidis & Mennonis Ch. 445.

fragmenta, de regibus Persarum & Assyriorum. cl. anno
 Xeno- Ch. 300.

cl. ante
Ch. 370. Xenophontis Atheniensis, de expeditione Cy-
ri (cujus fuit legatus) in Persidem.

340. Berosi sacerdotis Chaldæi fragmenta quæ fe-
runtur, libris quinque comprehensa.

330. Metasthenis Persæ, de judicio temporum &
annalium Persarum liber.

330. Manethonis sacerdotis Ægyptii fragmenta,
quæ feruntur de Regibus omnium pene popu-
lorum.

cl. anno
Chr. 99. Iosippi libri duo adversus Appionem Gram-
maticum, ac xx, antiquitatum Iudaicarum.

130. Hegesippi liber i, de bello Parthico.

140. Appiani Parthicus.

550. Procopii de bello Persico libri i i.

*Historici Græcorum, quo nomine veniunt Iones, Eo-
les, Dores, qui Asiam minorem & Europam à
Danubio Acrocerauniis, & Hemo monte, usque
ad mare Ionicum, in Insulis & continente, sedes
fixerunt.*

cl. ante
Christ. Dictys Cretensis de bello Trojano libri vi,
è lingua Punica in Latinam à Q. Septimio con-
versi.

1129. Daretis Phrygii de bello Trojano libri vi, è
1129. Græca lingua Latino carmine conversi à Cor-
nelio Nepote.

425. Herodoti Halicarnassei libri novem, ubi spar-
sim de Græcis agit, usque ad fugam Xerxis,
complexus historiam annorum c c x i.

340. Thucydidis Atheniensis libri viii, quibus à fu-
ga Xerxis, usque ad annum xxii belli Pelopon-
nesiaci, annorum x c historiam scripsit.

310. Xenophontis Atheniensis libri vii, quibus
Thucydidis narrationem persequitur, earum re-
rum quæ annis xliii in Græcia gestæ sunt, us-
que ad prælium Lacedæmoniorum & Thebano-
rum ad Mantineam.

Megasthenes, Theopompus, Philostratus, Hel-
lanicus, Timæus, Acusilaus, Ephorus, Mochus,
Estiæus, Hieronymus, Isidorus, Nicolaus Dama-
scenus, consequentes historias scripserunt, ut
sæpe videre est apud Plutarchum: sed eorum
scripta penitus intereciderunt.

Georgii Gemisti libri duo, quibus Xenophon-
tis historia ex Plutarcho & Diodoro continua
serie perpetuatur à prælio Mantinco, usque ad
cladem Cherronæam. 1529.

Diodori Siculi liber decimus sextus conti-
nuam Gemisti narrationem persequitur de Phi-
lippi & Alexandri Magni rebus gestis. 40.

Polybii liber secundus, quartus, quintus, cum
epitome sequentium, & Livii quarta decas, cum
fragmentis quintæ decadis res Græcorum com-
plectuntur, quæ cum Alexandri successoribus
gestæ sunt. 200.

Plutarchi Aratus, Philopœmen, ac Demetrius, *cl. ante*
plurimum conferunt ad posteriores Græcorum
historias intelligendas. *Chr. 120.*

Procopii lib. vii Rerum sub Iustiniano gestarū. 540.

Io. Zonaræ tomus tertius, à Constantino Ma-
gno usque ad obitum Alexii Comneni, id est ab
anno Christi ccc, usque ad m c x i i i. 1120.

Annæ Alexiados libri xx rerum ab Alexio pa-
tre Imper. gestarum, quibus Zonaræ narratio-
nem persequitur. 1130.

Nicephori Gregoræ historia centū & quadra-
ginta quinque annorum, à Theodoro Lascari us-
que ad Andronicum Palæologum posteriorem. 1280.

Nicetæ Acominati Choniata historia annorum
Lxxxvi, ab anno quo desierat Zonaras usque ad
exitum Murzufuli Imper. id est, usque ad an-
num m c c i i i, libris x i x comprehensa. 1460.

*Historici Romanorum & Pænorum, atque omnino
rerum Italicarum.*

Fasti consulares à Carolo Sigonio & Onu-
phrio restituti. 1560.

Sexti Ruffi V. Cos. epitome, de gestis Roma-
norum, ab orbe condito usque ad Valentinia-
num Imp. 450.

Flori epitome in Livium. 200.

Velleji Paterculi Proconsulis libri duo, in uni-
versam historiam pop. Rom. 210.

Eutropii presbyteri de gestis Rom. lib. x. 270.

Q Fabii Pictoris libri duo de origine urbis
Romæ. *Cl. ante*
Chr. 280.

260. M. Catonis, quæ dicuntur de originibus fragmenta.
280. Polybii liber sextus, de militari domesticaque Rom. disciplina.
35. Dionysii Halicarnassæi libri II.
C. Sallustii libri duo, de bello Iugurthino & Catilinari.
54. Polybii liber primus & tertius, cum epitome sequentium.
1070. Xiphilini patriarchæ epitome in Dionem.
215. Dionis Cassii libri XXIII, qui de LXXX servati sunt, de gestis Romanorum.
34. C. Cæsaris de bellis civilibus libri III.
215. Appiani bellorum civilium libri V.
120. T. Livii Patavini libri XLV, qui restant de cxliv, ab V. C. usque ad Augustum.
- el. anno* Cornelii Taciti annales ab Augusto, in quo
Christ. desierat Livius, usque ad Nervam, libri XXVI, qui
360. restant de uno & viginti.
Ammiani Marcellini militis Constantinopolitani libri XVIII, qui de uno ac triginta servati sunt. cœperat à Nerva, in quo desierat Tacitus, desinit in Valente. cætera Eutropius sarcire potest: tum etiam singulares principum historiarum Tranquilli, Cassii, Spartiani, Capitolini, Vopisci, Herodiani, Lampridii, Egnatii.
480. Prosperi Aquitanici continuatio historiarum Romanarum, ab anno ccclxxxii, usque ad ccccxlvii, quo urbs à Genserico rege capta est.
1130. Procopii libri XII, rerum sub Iustiniano gestarum, qui superioribus conjungi debent.
1420. Æneæ Sylvii libri XII, rerum in Italia suo tempore gestarum.
1440. Flavii Blondi Foro-Julienfis, Eugenii Pontificis secretarii, libri XXX, ab inclinatione imperii ad sua usque tempora: & libri X, de Roma triumphante, deque Italia illustrata.
1500. Nicolai Machiavelli Florentinorum historia, ab anno Christi MCCXV, usque ad MCCCCXCIV.
1520. Fr. Guicciardini de rebus in Italia gestis, ab anno Christi ccccxiv, usque ad annum MDXXXVI.
1490. Ioan. Pontani de bello Neapolitano.

- Pandulphi Collenutii de regno Neapolis ab 1540.
Augusto usque ad Carolum V. Imp.
- Michaëlis Coccinii Tubingensis, de bellis Ita- 1540.
licis.
- Galleacii Capellæ, de bellis Italicis sub Ca- 1540.
rolo V.
- M. Antonii Cocci Sabellici, Venetæ historiæ 1490.
libri xxxiii.
- P. Bembi historiæ Venetæ libri xii. 1540.
- Historici Celtarum sive Gallorum, & Francorum, qua
appellatione veniunt omnes populi, qui Rheno,
Pyrenais. Alpibus, & utroque mari cinguntur.*
- C. Iulii Cæsaris de bello Gallico libri vii, & cl. ante
Hircii libri consequentes. Chr. 43. 500.
- Hunibaldi libri xviii, de Francis quos à bello
Trojano ad mortem Antenoris sex prioribus li-
bris deducit. consequentibus sex ad Varamun-
dum usque, deinceps in Clodovei temporibus
desinit.
- Appiani Celticus, sive de bello Gallico. 1550.
- Io. Titii Parisiensis epitome historiarum, ab
Varamundo usque ad Henricum II.
- Huberti Leonardi, de Origine Francorum 1490.
liber i.
- Pauli Æmilii Veronensis historia Francorum, 1530.
ab Varamundo usque ad Carolum viii.
- Io. Ferronii Galli, consequentium regum hi-
storiarum usque ad Franciscum.
- Io. Tritemii Germani de gestis Francorum, 1500.
ab anno ccccxxxii, ante Christum, usque ad an-
num Christi md.
- Guaguini historia usque ad Carolum VIII. 1500.
- Nicolai Gilii Annales Francorum.
- Bocheti Annales Aquitaniæ. 1530.
- Hermani Comitis, de rebus Francorum usque
ad annum mdxxv.
- Æmundi de ducibus Burgundiæ, Flandriæ, 1520.
Brabantia, Hollandia, à bello Trojano usque ad
Carolus V, Imperat.
- Beisselli de Flandrensiu gestis.
- Mejeri Belgica historia. 1480.
- Annales Burgundiæ incerti auctoris.

1555. Gulielmi Paradini de Antiquo statu Burgundia² liber I.
630. Gregorii Turonensis episcopi historia² Francorum libri x, ab eorum origine usque ad annum Christi D.C.
830. Antonii Monachi libri v, de regibus Francorum, ab anno Christi ccccxx, usque ad annum DCCCXXVI.
1120. Ruperti de Gallorum gestis adversus Saracenos libri x.
1420. Frossardi historia, de bellis Francorum & Anglorum, ab anno Christi mcccxxxv, usque ad annum mcccc.
1500. Enguerandi Monstreleti, consequentium annorum historia usque ad Ludovicum XII.
1488. Philippi Cominii historia ab anno Christi mccccLxii, usque ad initiationem Ludovici XII, Monstreletio cohærens.
1530. Geleatii Capellæ de bellis in Italia gestis inter Carolum V, & Franciscum regem Gallorum.
1555. Gulielmi Paradini, consequentium annorum historia, usque ad annum Christi MDLV.
1556. Rabutini de expeditione Henrici adversus Carolum V, anno Christi MDLii pro libertate principum Germanorum suscepta.
- Principio proponuntur ii qui de omnibus Germanis in universum scripserunt: tum de singulis populis.
- cl. anno* Historici Germanorum ac populorum omnium, qui ab Alpibus usque ad Mare Balticum, & a Rheno usque ad Vistulam sedes habent: quibus conjuncta est historia Gothorum, Vandalorum, Hunnorum, Herulorum, Helvetiorum, Longobardorum, Polonorum, Moscovitarum, Danorum, Suecorum.
- Ch. 120. Cornelii Taciti libellus de moribus Germanorum, Altameri commentariis illustratus.
1500. Beati Rhenani Selestadiensis rerum Germanicarum libri III.
1545. Iacobi Wimphelingi epitome rerum Germanicarum.
1519. Francisci Irenici Helingiacensis Germanicæ exegeseos libri xii.
1551. Huldrici Mutii Hugwaldi de Germanorum prima origine, moribus, institutis, legibus, & memorabilibus bello ac pace gestis libri xxxi.

Io. Aventini Germanicarum rerum illustratio 1510.
libris x comprehensa.

Munsteri Cosmographia, vel potius Germano- 1550.
graphia.

Abbatis Urspergensis, cujus nomen ignoratur,
chronicon; ab orbe condito usque ad Fridericum
II. qui cætera quidem brevissime, res verò Ger-
manicas fufe scripsit.

Lupoldi Episcopi Bambergensis, de veterum
principum Romanorum erga religionem zelo. 1340.

Austria.

Chronicon ducum Bavariz & Sueviz incerti
autoris.

Volfangi Lazii Viennensis Austriaca historia 1500.
libris i v comprehensa.

Ricardi Bastolini Ferusini Austriados libri xii.

Hungaria.

Io. Turotii Hungari chronicon Hungariæ; li-
bri tres.

Melchioris Soiteri de bello Pannonico. 1530.

Antonii Bonfinii Asculani rerum Hungarica- 1440.
rum libri xxx, usque ad Mathiam Corvinum.

Polonia.

Chronica Polonorum.

Martini Cromeri de rebus Polonorum lib. xxx. 1552.

Philippi Callimachi Polonica historia contra
Turcas.

Sclavonia.

Helmoldi presbyteri Sclavorum historia, à Ca-
rolo Magno usque ad Fridericum Ænobarbum.

Dania & Suecia sive Gothia.

Chronicon incerti autoris de origine Franco-
rum, Vandalorum, Gothorum, Burgundionum.

Alberti Crantzii historia Daniæ, Norvegiæ, 1520.
Sueciæ; quæ Gothia & Scandia dicta est, ab eo-
rum origine usque ad annum M D I V.

Olai Magni Gothi Principis ac pontificis 1530.
Christiani de rebus Gothorum libri xxii.

Saxonis Grammatici de Historia Danorum li-
bri xvi.

Procopii de bellis Gothorum libri i i i. 530.

Agathiæ Smyrnei de Bellis Gothorum libri v. 550.

Idacii

410. Idacii chronica à Theodosio Magno usque ad annum Christi cccc.
470. Sidonii Apollinaris Galli, qui in regia Gothorum sub rege Alarico ad Tholosates claruit, variaz narrationes rerum à Gothis gestarum.
540. Iornandi Episcopi Gothorum libri duo, de bellis Gothorum & Romanorum.
575. Aurelii Cassiodori de gestis Gothorum & Romanorum sparsim.
1420. Leonardi Aretini de bello Gothorum.
Longobardia.
780. Pauli Diaconi cancellarii Desiderii regis, de rebus Longobardorum libri vi.
Saxonia.
1520. Alberti Cranzii Saxonum historia.
950. Witikindi Saxonis de rebus Saxonum libri tres.
1560. De bello Saxonico libri iii, incerti autoris.
Sebastiani Boisselineri de obsidione Magdeburgiea.
Lubeci.
- Lubeci Chronicorum libri v.
Borussia.
- Erasmi Stellæ de antiquitatibus Borussiae.
Batavia.
1530. Gerardi Noviomagi Batavica historia.
Bohemia.
1416. Æneæ Sylvii Bohemica historia.
Io. Dubravii historia Bohemica.
Sutia seu Helvetia.
- Io. Stumphi Tigurini Helvetiorum historia tribus tomis comprehensa, Germanice.
Eiusdem epitome totius historię Iosifæ Simleri.
Historici Britannorum, qui post Anglosaxones, & Scoti sunt appellati.
- Gildas Britannus historicus Anglorum.
1560. Georgii Lillii Britanni chronicon ab Hengisto, id est, ab anno Christi dc, usque ad annum MDLX.
1520. Pontici Vitruvii Tarsisani historię Britannicę libri vi.

Polydori Virgilii Vrbinatis historiæ Anglicæ libri xxvi.

Bedæ Angli libri v, historiarum Anglosaxo- 732.
num, usque ad suam ætatem.

Galfredi Arturi Angli de rebus Britannicis li-
bri viii.

Hectoris Boëtii Scotorum historia. 689.

Nicolai Triveti Angli annales Anglici, à Co- 1420.
mitibus Andegavenfium, id est, ab anno Christi
mcxxxv, usque ad mcccvii.

Historici Hispanorum.

Francisci Taraphæ Hispani, brevis epitome 130.
omnium historiarum regumque Hispaniæ, ab or-
be condito usque ad Carolum V, Imp.

Chronica Hispaniæ Petri Antonii, Hispanice
& Italice.

Appiani Hiberica.

Roderici Valentini de rebus Hispanorum, Hi- 200.
spanice.

Petrus Medimna de rebus memorabilibus
Hispaniæ, linguâ Hispanica.

Mariæ Siculi Aragonensis historia.

Antonii Nebrissenfis, de rebus à Ferdinando 1494.
gestis.

Io. Bracelli de bello Hispano libri v. 1496.

Caroli Verardi de expugnatione regni Gra- 1468.
natæ, & ejusdem Bætica historia.

Damiani Gæsii de rebus Lusitanorum in In- 1510.
dia gestis.

*Historici Arabum, qui olim Africa, Syria, Persia,
Hispania imperia tenuerunt: vulgo Saraceni ap-
pellati.*

Leonis Afri Geographistorici, omnium Africæ 1510.
regionum ac populorum accurata descriptio.

Hermani Dalmatæ chronica Saracenorum.

Ruperti Monachi, de bello adversus Saracenos 1187.
libri viii.

Gulielmi Tyri Archiepiscopi, de bello sacro 1150.
libri xxiii.

Historici Turcarum.

Andræ Cambini de origine Turcarū, Italice.

Gulielmi Postelli Barentoini de moribus, re- 1150.
gione,

gione, & Republica Turcarum libri III. Gallice.

Ordinatio politiæ Turcarum, incerti autoris.

1490. Leonici Chalcondylæ historia, de rebus Turcarum.

1530. Christophori Richerii Torignæi de rebus Turcarum libri v.

1488. Martini Barlatii de rebus gestis adversus Turcas, & Scanderbei regis Epirotarum vita libri IIII comprehensa.

1540. Pauli Iovii libri XII, XIII, XIV, XV, XVI, XVII, XXXII, XXXIII, XXXIV, XXXV, XXXVI, XXXVII.

Henrici Peniæ de bellis inter Ismaëlem & Selimum gestis.

Historici Tartarorum & Moschovitarum.

1290. Haytonis Armeni historiæ Tartarorum liber unus.

1280. Pauli Veneti de regionibus orientalibus & imperio Tartarorum libri II.

Matthiæ Michæi de Sarmatia Asiana atque Europæa libri II, in quibus Tartarorum ac Moschovitarum historia brevissime continetur.

1540. Pauli Iovii Novocomensis de legatione Moschovitarum liber I.

Historici Æthiopum, Indorum, Americorum, & omnium penè Africa populorum.

1500. Leonis Afri descriptionis Africæ libri novem, Italice, Gallice.

1469. Francisci Alvaresii descriptio Æthiopix, Hispanice, Italice, Gallice.

1504. Aloysii Cadamusti navigatio ad terras novas.

1512. Christophori Columbi Genuensis navigatio ad insulas antea ignotas.

Petri Aloysii navigatio.

1501. Alberti Vespucii navigationum epitome.

1497. Americi Vespucii navigationes IV.

1500. Iosephi Indi navigationes.

1515. Ludovici Rom. Patricii navigationum Æthiopix, Ægypti, utriusque Arabiæ, intra & extra Gangem libri VII.

1540. Pauli Iovii liber XV III.

Post historias omnium populorum communes, & eas qua civitatis cujusque propria sunt, sequitur historia singularis illustrium virorum.

Raphaelis Volaterrani de claris viris omnium gentium. Primum de viris illustribus omnium populorum, postea de singulis.

Plinii junioris, vel, ut alii putant, Cornelii Nepotis de viris illustribus LXXVII. 1500.

Pauli Iovii de viris illustribus. 1540.

Francisci Petrarchæ de viris illustribus. 1374.

Polydori de origine insignium Regum. 1530.

Io. Boccatii de casibus illustrium virorum. 1370.

Casparis Vrsini de vitis Regum, Imperatorum, & Pontificum Romanorum, usque ad Carolum V. 1540.

Ioan. Feronis stemmata, cum gestis illustrium familiarum, partim edita, partim edenda, Gallice. 1540.

Plutarchi, & Ph. Bergomensis, de claris mulieribus. 120.

Diogenis Laërtii de vitis philosophor. libri x. 200.

Baptistæ Egnatii de Romanis principibus, à Cæsare usque ad Carolum V. Imp. 1530.

Ioan. Cuspiniani de Cæsaribus usque ad Carolum V. 1540.

Plutarchi vitæ principum Græcorum & Roman. L. 120.

C. Suetonii Tranquilli vitæ xxii Cæsarum, à Cæsare usque ad Nervam. 120.

Dionis Nicæi vitæ Imperatorum à Nerva usque ad M. Aurelium. 140.

Ælii Spartiani de vita Adriani, Antonini Pii, & M. Aurelii. 240.

M. Aurelii à se conscripta vita, libris xii. 170.

Iulii Capitolini libri iii, de vita Antonini, utriusque Veri, ac Pertinacis. 307.

Dionis Cassi historia principum Romanorum, ab Augusto usque ad Alexandrum Severum, cujus epitomen complexus est Xiphilinus. 240.

Ælii Lampridii de vita Didii, Iuliani, Commodi, Heliogabali ac Severi. 300.

Herodiani libri viii, à morte M. Aurelii usque ad Gordiarum juniorem. 200.

420. Sexti Aureli Victoris de vitis Imperatorum
ab gusto ad Theodosium magnum.
1490. Pomponii Læti de vita consequentium Impe-
ratorum, à Gordiano usque ad Heraclium.
310. Trebelli Pollionis de Imperio Valeriani, Ga-
leni, Claudii, ac xxx tyrannorum.
320. Fla. Vopisci de vita Aureliani, Taciti, Floria-
ni, Probi, Firmi, Saturnini, Proculi, Cari, Catini,
Numeriani.
312. Eusebii de gestis Diocletiani, Maxentii, Con-
stantini.
340. Eutropii epitome principum Rom. usque ad
Iovinianum.
360. Ammiani Marcellini de gestis Constantii, Iu-
liani, Ioviniani, Valentiniani, & Valentis.
1505. Michaëlis Ritii de regibus Francorum, Hispa-
norum, Neapolis, Siciliae, Hungariae, Hieroso-
lymæ.
1480. Q. Curtii de rebus gestis Alexandri magni
libri v i i i. qui restant de x.
Turpini, Eguinardi, & Acciæoli de vita Ca-
roli magni; priores ætate Caroli magni, tertius
M C C C C X C.
1480. Platinæ de vitis pontificum Rom. à Petro us-
que ad Sixtum, & annum Christi M C C C C LXXII.
1540. Pauli Vergerii de gestis principum Mantua-
norum.
1550. Principum Montisferrati series, autore incerto.
Caroli Stephani epitome ducum Mediolanen-
sium.
Io. Bracelli de claris Genuensibus.
Xenophontis de factis & dictis Socratis.
Philonis de vita Mosis.
Othonis Frisingensis de gestis Friderici Æno-
barbi.
Philostr. lib. viii. de vita Apollonii Thyanei.
Laur. Vallæ de gestis Ferdinandi regis Ara-
gonum.
Staphyli de gestis Caroli V.

I N D E X

I N

M E T H O D V M IOANNIS BODINI.

A.

rempub. eandem effici-
ant. 168

A Cademicorum consen- su mundus animal. 338	Annulorum vis mira. 74
Achaorum status. 216	Apiciana artes. 24
Achillis virtus. 6	Aqua haret, proverb. 327
<u>Actiois & effectiois dis- crimen.</u> 22	<u>Aqua vis ac potestas.</u> 142
Actiones omnes sola vir- tute metiendas, virtu- tes omnes sola pruden- tia. 33	Arabum victoria. 17
Acrocerauni. 139	Arcadiu. 38
Egyptii ad prodicionem apti. 97	Archimedes. 335
Ethiopes quales. 144	Arrianus alter Xenophon appellatus. 56. ab A- driano Augusto ad con- sulatum euectus. ibid.
Alemannorū etymon 364	Aristoteles celo quintam tribuit naturam. 339.
Alexander Medices occi- sus. 223	340. à Polybio repre- hensus. 47. Aristotelis dictum de legenda hi- storia. 36
Alexandri Magni ad le- gatos Gracorum respon- sum. 36	Asia divisio. 19
Ambrosius Paraus regius chirurgus. 246	Asiatici muliercula ap- pellati. 36
Americorū crudelitas. 98	Austres mathematum inventores. 109. trister.
Analasis quid sit. 23	104. ad vitia procli- ves. ibid. tenuis sangui- ne. 87. atra bile abun- dant. 98
Andreas Dorius. 255	Australium execranda voluptates. 102
Angli viribus Gallis su- periores, consilio longe inferiores. 126	Auster unde dictus. 136
Anglosaxones. 88	B.
Annales quid. 12	B Abylon unde dicta. 317
An fœderata civitates	S 2

Bamberga.	384	Celtarum appellatio.	372
Bardus quid.	ibid.	Celtiberi Hispania robur.	
Barbari qui.	94		374
Basilienfes.	254	Chaldea omnium lingua-	
Beatus Rhenanus.	362	rum prima.	364
Bellajus.	375	Chaldaei omnium populo-	
Belli tormenta & fusoria		rum antiquissimi.	362
artes à quibus inventa		Chaldaei & Arabes bona-	
	109	rum disciplinarum in-	
Bembus.	71	ventores. 108. à Chal-	
Bernates.	254	dais omnium populo-	
Berosus Chaldaeus.	345	rum origo petenda. 363	
Bodini populi.	383	Chaldaeos & c. & septua-	
Breta.	388	ginta annorum millia	
Britanni à Cantabris ori-		in astrorum viribus ex-	
undi.	ibid.	periendis posuisse, fal-	
		sum est.	148
C.		Xapovv quid significet.	85
C Admus literarum		Christoph. Augerius.	372
receptor.	366	Chronographia.	15. 324
Canomani.	385	Cicuta.	98
Calvini de libro Apocaly-		Cinnatus. 30. ejus con-	
pseos judicium.	310	silium.	ibid.
Cardanus Deum mundi		Circassii crudeles & per-	
causam efficientem esse		fidi.	143
negavit. 340. à Scali-		Civis quid. 156. Civis qua-	
gero immerito repreh-		si quisvis. 196. Civis &	
sus.	132	peregrini distinctio. 166	
Carolus Magnus. 314. na-		Civilis disciplina quid. 25	
tionem Gallus.	ibid.	ejus tria capita. ibid.	
Carolus V. iisdem Kalendis		Civilium munerum in se-	
quibus natus Imp. crea-		ptem genera partitio. 27	
tus.	150	Comparatio resp. Atheni-	
Carolus Mota.	231	ensium, Venetorum &	
Castratio quid.	100	Ramanorum.	197
Cato Censorius.	59	Conradus Peutingerus. 362	
Cauda Scorpionis, Prover-		Conradus III. Imp. 5. Guel-	
bium.	96	phum Bavariae ducem	
KLAVS.	371	obsidione pressi. ibid.	
Celia. 16. Garumna & Se-		Constantia inter levita-	
quana a Casare defini-		tem & pertinaciam	
untur.	ibid.	medium tueretur. 126	

Contrariorum contraria disciplina.	123	confutata. 156. & deinceps.	
Conversiones imperii Graecorum. 275. imperii occidendi. 251. imperii Lacedaemoniorum. 250		Deus pura voluntate omnia gubernat. 327. solus infinitus. 338. in Deo quies extrema & felicitas summa.	24
imperii Chaldaeorum, Assyriorum, Persarum, Parthor. ibid. imperii Arabici. 276. imperii Romani. 248. regni Hispanici. 281. rerum publicarum. 219. rerum ad numeros collata. 231		Diaria.	12
imperii Britannici. 280		Disceptatio de Christi morte.	353
imperii Atheniensium.	248	Disciplina duplex. ejus vis.	146 ibid.
Copernicus.	347	Discrimen inter familiam & rempub.	159
Cordis situs.	117	Duni.	383
Corinthi excidium.	34	Duplex imperii conversio.	225
Creta olim εκάτομπολις dicta, nunc tripolis.	341		
Cujacius.	59	E.	
Cur homines aestate languidiores, hieme vegetiores sint.	87	Elephantes omnium animantium vitam superant.	106
Cur ignis & sol inficiant homines atro colore.	82	Emathis.	365
Cur ventosa loca homines feroces, quieta humanos reddant.	143	Ephemerides unde dictae.	12
		Erasistratus.	31
D.		F.	
D. An à Danais oriundus.	364	F. Ames circa qua versatur.	90
Dardania.	ibid.	Fasti quid.	12
D. Antonii cultus.	104	Feminas imperare contra jus divinum & humanum.	267
Definitio resp. ex Ciccone.	160	Ferdinandus Hispania & Sicilia rex à Curtio valetudini restitutus.	4
Definitiones Aristotelis de erve, civitate & repub.		Fessa urbs.	111
		Ficinus.	337
		Finis mentis actio finita.	334
		Finis.	

- Finito corpori infinitum Germanorum ingenium
 motorem copulare ab in manu positum. 109
 surdum. ibid. Germani vitam auro,
 Forma a matersa avulsa bellum pecunia commu-
 intereunt. 328 tant. *W. Y. 106.* 96
 Francus Gallis quid. 379 Germanorum veterum
 Franci fidem ridendo *sal-* mos. 127
 lunt. 96. à Germani Gianotus Donatus civis
 orti. 362 Venetus. 193
 Fridericus Imp. Vienna ob Glaucus color in oculis ca-
 sessus. 152 loris indicium. 86. *niger*
 Frossardus. 48 caloris inopiam notat.
 Frumenta rava. 86 ibid.
 Furorem in sapientem ca- Gostavus ex privato Sue-
 dere, insaniam non item. cia rex electus. 212
 99 Gorraus Parisiensis Ama-
 Fulgura & tonitrua in di si fabulas finxit. 54
 media regione fiunt. 119 Gothi jejuni cum Austr-
 libus contrahunt. 96
 G. Italiam invadunt. 314
 Romam ferro ac flam-
 ma vastant. ibid.
 G Allia quot annis Ro-
 mani paruerit. 241 Gronlandia unde nomen
 Galli unde dicti. 372. cur habeat. 134
 leves esse *dicantur.* 123 G. Bellajus prorex Insu-
 initio pugnae plus quam brum. 67. in quibus *re-*
 viri, postea feminis bus vitam consumserit.
 molliores. 90. cur Celta 68. *natione* Andegavus.
 appellati. 371 ibid.
 Gallici vultus. 105 Guicciardinus. 68. ejus
 Garcaus. 352 laus. 71
 Genuensium disciplina lau-
 data. 254. status &
 conversiones. 255
 Genus hominum seipso sem-
 per deterius evadere, Helvetiorum status &
 falsum. 323 conversiones. 252
 Germanorum continentia. Hepar sanguinis conce-
 101. etymon. 364 ptaculum. 117
 Germani ad metiendos a- Hercules piratarum ma-
 gros à Leone pont. max. ximus. 318
 in Italiam accersiti. 146 Herodotus. 82. *Aethio-*
 num

I N D E X.

pum semen nigrum putavit.	ibid.	Imperii conversio.	225
Hesperia.	368	Infinitas tollit Deum.	336
Hispania prima Europa pars.	19	Infinitum ab infinito non fluere.	335
Hispani zelotypia insaniunt.	102	Injustitia armata nihil crudelius.	94
Historia vita magistra	1	Infantia quid.	99
ejus fructus. ibid. effecta, facilitas.	3.	Iochan Bekkul.	312
omnium artium inventrix & conservatrix. ibid. veritatis imago & rerum gestarum tabula.	45	Italia.	368
ateternum viget.	4	in Italia ante Pompejum Magnum nulli leprosi.	103
Historia tria genera.	8	Italus quid Gracis significet.	368
Historicorum prajudicium plurimum rebus gestis detrahit.	45	Islandii fiunt Christiani.	125
Homo ore & corpore bicolor.	145.	Iudas ab Ida monte dicti.	66
Homines ἀπιδιδις & ἀδιδιμοι.	157	Iudaeorum etymon.	364
Homines robustos & animosos minus ingenio valere.	93	Iudicare recte nihil difficiilius.	45
Hierosolyima quasi ἱερουσαλα, παρὰ τὴν ἱερὰ σὺλᾶν.	66	Indices δικαστῆλοι, βασιλεῖς, ἀνακτῆς, κοίτηνοι, ποιμεντες	222
Hispani ac Britanni vetustate nobiles.	16	populorum.	222
in Humanis actionibus tria spectanda.	21	Iulius Flugijs episcopus Germanus.	214
Hydra caput amputare.	64	I. Scaligeri Veronensis doctus Gallis iudicium.	122
		Iupiter Belus.	317.
		patrem senio fractum de imperio deiecit.	ibid.

L.

I.

Anus unde dictus.	345	Abdani populi.	142
Iapeti etymon.	364	Languetus Gallus.	84
Nohe filius.	ibid.	peragratione totius Europae nobilis.	ibid.
Imperatoris officium.	119	Latini à Gracis oriundi.	380
Imperium regionum longitudine non esse definiendum.	311	Laurentius Medices.	4.
		literarum decus.	ibid.

S.

Lazius.	373	meretricibus dictum	
Leones in Ethiopia nigri.	82	ibid.	
Lepra veteribus morbus	etor.		128
Punicus dictus.	103	Marsi Appennini accola	
Leucoethiopes.	84		139
Leuitas quid.	121	Massiliensium status.	263
Lex de adulteriis.	59. In-	Medium pugnat cum u-	
lia.	353	troque extremo.	91
in Litibus qui versantur		Melancholia multa gene-	
illi omnia mala sciunt.		ra.	104
	38	Mercator.	349
Livius quare ab Augusto		Metrodorus à Strabone	
Pompejanus appellatus.		reprehensus.	43
53. in Livio quid ad-		Metu quod fit, nihil diu-	
mirandum.	ibid.	turnum.	254
Ludovicus Sfortia de im-		Milites optimos ex agri-	
perio dejectus.	229	colis conscribi.	119
M.		Monachi. 112. collotenus	
		in aqua dormiunt. ibid.	
M acilenti homines		Monarchia quid.	207, 310
metuendi.	95	Morbis S. Viti.	99
Marcus Varro. 325. om-		Motum orbis esse aeternum,	
nium Latinorum & Gre-		falsum.	330
corum doctissimus. ibid.		Motus caelestes ineffabiles	
Magistratus quid.	171	& ἀέθροι.	352
Magistratibus reip. cau-		Mundi exitus ne Angelis	
sa mentiri permissum.		quidem constat.	358
	127	triplex opinio in disputa-	
Magistratum & medi-		tatione qua de mundo	
corum multitudo male		habetur.	334
reipub. constituta argu-			
mentum.	294, 295	N.	
Magnete in rerum natu-		N atura quietis appe-	
ra nihil admirabilius.		tens.	23
322. ejus usus veteribus		Nauta cur inhumani.	143
ignotus.	ibid.	Neronis optatio.	2
Magus.	384	Nimrodus Camefis ex fi-	
Manichaei duo pari pote-		lio nepos aures seculi	
state principia statu-		conditor.	317
unt.	338	Nectuarum oculi γλαυαδ.	
Marcellus IC. 65. ejus de			86

<i>Ratio deducendarum col-</i>		<i>sed sola successione.</i>	336
<i>loniarum quadruplex.</i>		<i>Scander Albania dux à</i>	
	391	<i>Turcis deficit.</i>	152
<i>Ravus color qui appelle-</i>		<i>Scythia Martis alumni.</i>	
<i>tur.</i>	86	<i>121. facundissimi.</i>	100
<i>Refutatio argumentorum</i>		<i>quare literas è stirpe</i>	
<i>Proculi de mundi ater-</i>		<i>convellere sint conati.</i>	
<i>nitate.</i>	331	<i>35. quid ab Australi-</i>	
<i>Refutatio axiomatis ex</i>		<i>bis differant.</i>	86. suavi-
<i>nihilo nihil fieri.</i>	327	<i>tatem dicendi & ve-</i>	
<i>Regia potestas melior quā</i>		<i>neres respiciunt.</i>	128. si-
<i>optimatum.</i>	287	<i>des negligunt. ibid. cur</i>	
<i>Regia potestas universa</i>		<i>Nomades & Horda di-</i>	
<i>natura congruens.</i>	288	<i>cti. ibid. in Scythia &</i>	
<i>Regis definitio.</i>	217	<i>Ethiopia nulla fulgu-</i>	
<i>Reges quibus legibus obli-</i>		<i>ra.</i>	119
<i>gantur, aut omnino sol-</i>		<i>Selimus Turcarum prin-</i>	
<i>vuntur.</i>	211	<i>ceps. 6. gesta Caesaris in</i>	
<i>Regio media quæ.</i>	91	<i>linguam vernaculam</i>	
<i>Reipub. partes.</i>	158. guber-	<i>transferri curavit. ibid.</i>	
<i>nanda ratio à quibus</i>		<i>Senes qui.</i>	124
<i>descripta.</i>	15	<i>Septentrionales quales.</i>	95
<i>Rerum gerendarum quis</i>		<i>Sextus Rufus 20. Roma-</i>	
<i>peritus.</i>	38	<i>nam historiam 4 pag.</i>	
<i>Rerumpublic. conversio-</i>		<i>est complexus. ibid.</i>	
<i>num causa.</i>	157	<i>Sexti Tarq. consilium tur-</i>	
<i>Respub. quid. 160. tribus</i>		<i>pe.</i>	31
<i>continetur partibus.</i>	114	<i>Simplicius Christianorum</i>	
<i>Religionis vis.</i>	147	<i>hostis.</i>	343
<i>Rhodanus unde dictus.</i>		<i>Sitis quid.</i>	89
	382	<i>Sleidanus Francisci regis</i>	
<i>Rhodus quando expugna-</i>		<i>interpres.</i>	51
<i>ta.</i>	153	<i>Solimanni in filios crude-</i>	
<i>Romani ultra Danubium</i>		<i>litæ.</i>	289
<i>non progressi.</i>	88	<i>Status Germanorum. 213</i>	
<i>S.</i>		<i>Lucensium. 257. opti-</i>	
S <i>anguis Scytharum fi-</i>		<i>matus. 255. Romano-</i>	
<i>bris plenus.</i>	87	<i>rum. 183. Lacedæmo-</i>	
<i>Saxonum colonia in Bel-</i>		<i>niarum. 190. Status &</i>	
<i>gas deducta.</i>	145	<i>conversio imperis Flo-</i>	
<i>Scaliger tempus actu in-</i>		<i>rentinorum. 258. impe-</i>	
<i>stitutum existere negat.</i>		<i>rii Gal.</i>	263

<i>Status Rhagufiorum.</i>	257	<i>nies.</i>	114.125
<i>Status & conversiones</i>		<i>Typographia à quibus in-</i>	
<i>Hebraorum.</i>	298	<i>venta.</i>	109
<i>Sub sole nihil novum.</i>	316	<i>Tyrannis nulla diuturna.</i>	
<i>Summū imperium quid.</i>			228.229
	175		

V.

T.

T Acitus à Budæo ut
appellatus. 65. à
Tertul. ab Oroſio. ibid.
ejus oratio qualis. 64
Tarditas Hispan. in actio-
nibus. 122
Tartarorum fines. 17
Temporis series. 342. &
ſeq.

Terra motus in Germania.
152

Themistoclis conſilium uti-
le & honeſtum. 30

Theodorus Gaza. 352

Theodorus Beza. 354

Theſſala tempe. 141.

Theſeus & Pirithous à re-
ge Molos. in carcerem
conjecti. 318

Thracæ unde orti. 366

Thucydides veriſſimus hi-
ſtoria parens. 318

Thule ſive Iſlandia ſulphu-
ris feraciſſima. 133

Topographia. 20

Turca Scytharum proge-

V Alledocenſes ſtrum-
ſi. 142

Valli etymon. 220

Venus unde orta. 103

Veterum belli tormenta
cum noſtris collata vi-
deri puerilia. 322

Vives Caroli V præceptor.

47

Vngari crudeles. 95

Voluntas actionum huma-
narum magiſtra. 22

Vrbis etymon. 220

Vtilia fere cum honeſtis
congruere. 31

X.

X Enophon. 54

Xylander. 373

Z.

Z Adamachus Tartar.
princeps regno de.


jectus 152


Zelotypia. 102

Zipangrini. 74

Zypoiis quid ſis. 60

AO1 1468673








an Sythae infunditi p 107.
Ninus Amicatus 224

Chra. Phelony. 4000 at the 343
354. 228. 355. 356.

Chronology p 342. 354-355

Cydis anona 296. super
238. 239.



L

